



CHEMIA  
NATVR



11424





VERSANTUR HIS TRIBUS



Pharmacopœi Parisienses

Ex Dono Magistri  
Ph: Nicolai PLA

1765









Collection no. 6. 99. Calcutta 1877  
Tm.

Pia

## H Y M I Æ


NATURALIS SPECIMEN,

quo planè patet nullum

I N

## C H Y M I C I S

OFFICINIS PROCESSUM FIERI,

Cui similis aut analogus in animalis  
corpore non fiat.à *Daniel Duncan*.

H A G Æ,

Apud A U T H O R E M.

M. DCC. VII.

*Ans*

100 100 100 100 100

100 100 100 100 100

100 100 100 100 100

100 100 100 100 100

100 100 100 100 100

100 100 100 100 100

100 100 100 100 100

NOBILISSIMIS  
AMPLISSIMISQUE

VIRIS

GENERE, DIGNITATE,  
VIRTUTE,

Clarissimis, iisque de Republicâ  
optimè Meritis.

D<sup>no.</sup> JARICHO AB  
DOCKINGA, *Se-  
natorum Supremæ Frisorum  
Curiae, amplissimi venerabi-  
lisque Dicasterii, Primo,  
eidemque Gravissimo.*

D<sup>no.</sup> WILHELMO  
AB HAREN, *Diæcesis Bil-  
tanæ Ex-Prætori, ad Con-  
sessum Celsorum ac Præpo-*

† 2

*ten-*

*tentium Belgii Fæderati Ordinum Delegato: variis pro Republicâ legationibus, novissimâque ad Serenissimam Magnæ Britanniae Reginam sapientissimè functo, nec non aliis dignitatibus præclarè gestis Illustrissimo. Hoc anno inter Nobiles & Potentes Civitatis Frisiae Novemviros Delegato.*

D<sup>no</sup>. MARTINO  
BLOCC A SCHEL-  
TINGA, Territorii Scoter-  
landici Prætori, nec non Il-  
lustrum ac Potentium Frisiae  
Delegatorum dignissimo No-  
vem-

*ven viralis Collegii Membro,  
aliisque muneribus ac eximiis  
officiis in Republicâ perfuncto.*

D<sup>no</sup>. S I C C O N I A  
G O S L I N G A, *Diæcesis  
Franekeranæ Prætori, ad  
Confessum Celsorum & Præ-  
potentium Ordinum Fædera-  
ti Belgii Delegato. Legatione  
præteriti anni ad Exercitus  
Reipublicæ, aliisque muneri-  
bus amplissimis, pro summâ  
suâ dignitate prudentissime  
gloriosissimeque administra-  
tis, Inclyto.*

MAGNIFICIS *Iisdem-*  
que PRUDENTISSI-  
† 3 MIS



MIS *Academiæ Frisiorum*  
*Franekeranæ*  
CURATORIBUS  
S. P. D.

*Hocque, qualecunque sit,*  
*opusculum, tenuitatis suæ*  
*munusculum, ὀλίγοντε φίλοντε, sed*  
*idem maximæ reverentiæ,*  
*gratitudinis, omnimodique*  
*obsequii monumentum, quod*  
*utinam ære perennius sit,*

D. D. U.

DANIEL DUNCANUS  
*Med. Doctor. Univ. Monsp. atque*  
*Ejusd. Facult. in Acad. Gallo-Be-*  
*rolinensi Professor.*

A R-

# ARGUMENTORUM TABULA, VEL INDEX.

<b>P</b> <i>Ræmium.</i>	Pag. 1
<i>Delectus.</i>	3
<i>Preparatio.</i>	5
<i>Lotio.</i>	14
<i>Purgatio.</i>	23
<i>Trituratio.</i>	33
<i>Cribratio.</i>	37
<i>Infusio.</i>	44
<i>Humectatio, immersio.</i>	51
<i>Nutritio.</i>	56
<i>Dissolutio.</i>	59
<i>Calefactio.</i>	64
<i>Insolatio finisque calor.</i>	70
<i>Fermentatio.</i>	87
<i>Digestio, maceratio.</i>	96
<i>Tinctura, circulatio.</i>	106
<i>Cohebatio.</i>	130
<i>Elixatio.</i>	137
<i>Ebullitio, despumatio, Colatura.</i>	144
<i>Expressio, clarificatio.</i>	160
<i>Aromatizatio, coloratio.</i>	168
<i>Frixio, assatio, torrefactio.</i>	177
<i>Ustio, incineratio, extinctio.</i>	181
	<i>Calo</i>

# I N D E X.

<i>Calcinatio,</i>	189
<i>Amalgamatio, fumigatio, camentatio,</i> <i>stratificatio.</i>	192
<i>Fusio, granulatio, projectio, detonatio,</i> <i>fulminatio.</i>	202
<i>Reverberatio, lapidis &amp; vitri formatio.</i>	221
<i>Præcipitatio.</i>	229
<i>Sublimatio.</i>	238
<i>Distillatio.</i>	249
<i>Rectificatio.</i>	256
<i>Extractio, evaporatio, exhalatio.</i>	263
<i>Liquefactio, coagulatio.</i>	272
<i>Fixatio, congelatio, crystallisatio.</i>	294
<i>Spiritualisatio, corporificatio.</i>	311
<i>Reductio, extinctio.</i>	320
<i>Mixtio.</i>	330
<i>De igne huiusque gradibus.</i>	340
<i>Chymie Naturalis furni vel fornaces.</i>	356
<i>Chymicorum vasorum similitudo cum corpo-</i> <i>ris membris.</i>	363

Finiſ Tabulæ vel Indicis.

## CHYMIÆ

NATURALIS SPECIMEN

S I V E

## CHYMICA

CUNCTARUM ANIMALIS

OPERATIONUM ÆTIOLOGIA,

V E L

## CHYMIÆ

Naturalis &amp; artificialis parallelum.

## P R O E M I U M.



Hymia clavis est, ut ita dicam, quâ mixti sinus, ne dicam altissimum Naturæ scrinium aut mysterium fusione referatur, ut elementa penitissimis in recessibus latentia, nec non admodum

A

dum

dum intricata , quæ depromere vel extricare nobis consilium est , expediantur & ab aliis discedant , totam vim , quæ crassioribus principiis obtundebatur , explicatura vel exertura ; si quidem hæc proxima corporis alendi vel sanandi materies sunt. Ut igitur utilia secernantur ab inutilibus aut noxiis , fusione vel solutione , quam Chymia molitur , opus est. Unde nomen ars illa sortitur , quippe *λύσις* , colliquare , vel fundere Græcè sonat : Eadem cognominatur Pyrotechnia , quasi diceret artem igneam , quòd igne , ceu potentissimo fusionis instrumento semper utatur : Olim , si vacet , perque Deum O. M. liceat , Macrocosmum , id est , totum orbem Chymix Naturalis officinam esse , non levibus argumentis conficiemus : Nunc microcosmum privatam Chymix tabernam esse cunctas ejus regiones lustrantibus compertum erit , cujus theorematum veritas ut clariùs innotescat , universas Chymix præparationes & operationes peragrabimus , iisque similes animalis operationes , quasi digito , monstrabimus.

## D E L E C T U S.

**P**Rimum artis officium est deligere materiem operi, quod meditatur, idoneam. Non enim ex quovis ligno Mercurius fit, nec indiscriminatim animal quavis escà vescitur. Ex Aristotelicis elementis extrema, nimirum ignis & terra, nutritioni prorsus inepta sunt, prior quidem acrior est quàm ut sincerus vivens corpus impunè subire possit, posterior verò crassior quàm ut tenuissima vasa nutritio succo ducendo destinata pervadere queat; nec terrestribus lumbricis, nec serpentibus idcirco pabulum est, quicquid vani Naturæ Mystæ suadere fatagant, etsi tellus omnium animalium, non modò plantarum, parens sit. Unde Ceres, Poëticum ejus nomen, Græcis dicitur, Δημήτηρ quasi, γῆ μήτηρ, id est, terra mater, aut quasi Δήμη μήτηρ, id est, populorum alatrix. Elementa media, scilicet aer & aqua, terrestres animantes & pisces alunt. Aer hos, illas unda perimit. E mixtis, fossilia non sunt vesca. Metalla quidem os,

æsophagum & stomachum duritiæ fau-  
 ciarent, nec ventriculi fermento solvi  
 possent. Reliqua verò mineralia ferè  
 caustica, non solùm dyspepta forent.  
 Ex plantis, quædam nulli animali edu-  
 les sunt, aliæ aliis conducunt, aut  
 nocent. Ex animalibus, quævis ho-  
 rum caro cuiusvis esca non est. Præmit-  
 farum materierum aliæ palatum, aliæ  
 stomachum offendunt, vel ingrati vel  
 nullius saporis, aut apecta prorsus,  
 aut dyspepta certè, vel primis vel se-  
 cundis qualitatibus noxia, vel occul-  
 to modo, qui ferè Sciolorum effu-  
 gium est. Altera solidas, altera liqui-  
 das partes perperam afficiunt. Nimio  
 quippe frigore vel acore viscera, sed  
 in his præsertim stomachus, debili-  
 tantur, humores coagulantur, spiri-  
 tus extinguuntur. At modum exceden-  
 ti calore vel acrimoniâ sanguis & spi-  
 ritus incandescunt, interna membra  
 flammantur. Quæ cum ita sint, de-  
 lectu, quem ratio, non irrationale  
 studium, aut effrænis cupido modere-  
 tur, opus est. Quapropter suum cui-  
 que speciei nec non ætati, tempera-  
 mento, statui, pabulum Natura di-  
 cavit, delegitque sapientissima, nam  
 aliis

aliis cibis aliud animal alitur; mox natum animalculum lacte, dein adultum solido cibo vitam sustentat. Omnis cium porrò Numen gustûs organum ita struxit, ut iis afficiatur jucundè, quibus subigendis ventriculi fermentum par est, quæque corpori nutriendo vel sanando sunt idonea. Quædam sano, quæpiam ægro profunt, os autem & stomachus appetunt, quæ toti corpori ferè salubria sunt. Hæc est Divina potiùs quàm humana ratio, quæ vel hominis vel bruti appetentiam regit, hæc est creantis non edentis electio, quam primam cum Naturæ tum Artis operationem diximus, secunda preparatio est.

## CIBI PRÆPARATIO.

**D**iligens præparatio in omnibus negotiis, priusquam aggrediare, adhibenda est, auctore \* Cicérone, cuius consilium Natura non tantùm Ars, exequitur, in animali nutriendo.

Factitiam cibarii præparationem, qua coquina fungitur, missam facimus, de naturali tantùm verba factu-

A 3

ri,

\* Cicér. I. de officiis.



ri , quanquam ars Naturam oppidò  
 juvat , ubi culinaris ignis mixti finum  
 referat , ut ejus elementa , quæ mix-  
 tionis nexu cohærent , ab invicem dif-  
 cedant , ruptisque compedibus in li-  
 bertatem vindicentur , alendo corpori ,  
 demum , adhæſura , vel acceſſura ,  
 præſertim ex quo ſtomachum huma-  
 num gulæ intemperies infirmavit , ejus  
 ſpiritus diſſipando , fermentum vitian-  
 do , fibraſve deſtruendo. Præterea ,  
 coctio , quâ coquus fungitur , ſuper-  
 fluum ciborum humorem abſumendo ,  
 ſaporis principia ſpiritum & ſal exci-  
 tat & acuit. Sed circa naturalem præ-  
 parationem , quæ vel extra corpus ,  
 vel in corpore noſtro celebratur , orâ-  
 tio noſtra verſatur. Ad vegetale pa-  
 bulum quod attinet , olerum , grano-  
 rum , aut fructuum maturitas ſaluber-  
 rima præparatio eſt , qua ſpiritus &  
 ſal , tam ſaporis quàm nutritionis prin-  
 cipia paulatim expediuntur. Sua quo-  
 que carnibus , non ſolùm frugibus ,  
 maturitas eſt , ubi nempe nativo bru-  
 ti calore nimium phlegma , quod ſa-  
 poris aciem obtundit , depaſtum eſt ,  
 ſapidaque principia , videlicet ſpiritus  
 & ſal , extricantur , ut ſenſum acriùs  
 affi.

afficiant. Haftenùs externa ciborum præparatio; quoad internam, ea multiplex occurrit; prima scilicet in ore triturationi similis; in stomacho secunda, quam infusionem, macerationem, elixationem, fermentationem, vel, generico nomine, dissolutionem appositè dixeris; in gracilibus intestinis tertia, quam mixtam vocites, quippe quæ fermentationis, præcipitationis, & colaturæ, quam filtrationem barbari Chymistæ nuncupant, particeps sit; in lactibus quarta, quæ fermentatione, colaturaque perficitur; in sanguiferis vasis quinta, quæ penes fermentationem & circulationem est; in carneis visceribus sexta, quæ vel sanguinis accensione, vel depositione, nimirum in pulmone, cordeque, vel defæcatione, qua viscera naturalia funguntur, continetur; in partibus alendis denique septima celebratur, diciturque ros, gluten aut cambium, quod nutritius succus, roris instar, membrum alendum riget, dein evaporatione, tanquam viscus, spissescat, faciliùs adhæsurus, postremò nutriendam in partem, cujus formam induit, commutatur. Idem nempe finis arti-

ficiali naturalique chymixæ proponitur, idonea materiei defæcatio, nec non ad usum, cui destinatur, concinnatio, superflui remotione, nec non utilis emendatione, quâ fiat utilior. Liquidum alimentum solida mollit, diluit, & dissolvit, quò per lactea sanguiferaque vasa diffluere possint, ad nutrienda membra. In ore, velut in mortario, mactra, vel molendino cibus teritur, depfitur, aut molitur, ut saliva, quæ primi fermenti rationem habet, officioque fungitur, faciliùs cibum penetret, quove spiritus, sal & sulphur, quæ quidem actiuosa principia cluunt, libertatem, diruto carcere, recipiant. In stomacho, velut in alterâ mactrâ, reponitur hæc massa, jam dentibus subacta, quo secundi fermenti, quod in ventriculo nidulatur, non salivæ tantùm ope, fermentescat, & in chylum lique scat, in intestinis, in lactibus, in receptaculo Pequetiano, thoracicoque ductu; bile, succo pancreatico, lacteorumque vasorum lymphâ magis ac magis fermentanda, dividenda, circulanda atque colanda, in intestinorum, atque mezenterii membranis & glandibus; donec  
fer-

fermentatione , circulatione , colatu-  
 râque mustum in vinum , chymus in  
 sanguinem , cui subclaviaribus in ve-  
 nis miscetur , tandem aliquando facef-  
 cat , aereo spiritu ditatus in pulmone ;  
 subactus & accensus in corde ; per  
 universum arteriarum atque venarum  
 systema circumductus ; ad hepar , ubi  
 biliosum ; ad splenem , ubi melancho-  
 licum ; ad renes , ubi serosum ; ad in-  
 testina , ubi fæcale ; ad uterum , ubi  
 menstruum ; ad nares ubi mucosum ;  
 ad aures , ubi cereum , ad corporis ha-  
 bitum , ubi diaphoreticum excremen-  
 tum deponit. Jam maturus & defæca-  
 tus cruor alendam partem irrigat ex-  
 tra vasa fusus , ibidem ulteriùs præpa-  
 randus evaporatione , quâ condensatur  
 in gluten , & ultimâ præparatione vel  
 metamorphosi , quam omoiosim dicti-  
 tant. Ex sanguinis fonte scaturit lym-  
 pha , quæ pleraque omnia fermenta  
 sufficit , in glandibus præparanda , cer-  
 nendaque , succus nerveus ad idem fe-  
 rè genus pertinens , cum in cerebri  
 glandibus præparetur , atque coletur ,  
 nec non spiritus , qui naturalis in ab-  
 domine , vitalis præsertim in pectore ,  
 tandem animalis potissimum in capite  
 præ-

præparatur ac effingitur. Heu , quantum mutatus ab illo cibo , qui per os in stomachum ingestus est , post tot tantasque vicissitudines , quas in visceribus passus est , nunc conspicitur ! Sic habes præparationem materierum , ex quibus humanæ mentis ædes struntur , aut reparantur , ex sapientissimo Numinis Architecti consilio ; haud aliter architectus homo domum conditurus aptissimas materies præparat , ac adamussim concinnat. Ex liquidis verò Deus , non homo , struit , quoniam ædificii materiem per angustissimos calles , qui solidis non paterent , ad struis locum deducit. Quamobrem solidum cibarium in faucibus , dente , conterit , salivâque madefacit atque mollit , in stomacho fermenti vi dissolvit , in intestinis , lactibus , Pequeti receptaculo , thoracicoque ductu bile lymphâque diluit , & dividit ulterius. Multiplicis præparationis , & nunquam fati admirandi ordinis Autorem , non cæcum istum casum , quem Epicurus obtrudit , ne dicam obrudit , sed omniscium illum Deum , qui totum orbem condidit , suspicias & adores velim. Microcosmus , non modò macrocosmus

pressissimum , omniscii structoris sui  
 signaculum est , \* vel Ethnico Philoso-  
 pho fatenti. Quonam , amabo , casu  
 contigit , ut oris cavitas cibis capien-  
 dis , incidendis , comminuendis , iis-  
 que molliendis idonea sit , dentibus  
 acutis ad findendum , secantibus ad  
 incidendum , molaribus ad permolen-  
 dum , instructâ maxillâ , ductibusque  
 salivaribus eodem scatentibus , ad hu-  
 mectandum , molliendum & ferment-  
 tandum cibum ? Quonam , cedo , ca-  
 su membranaceus ductus , quem gu-  
 lam vocitant , os cum ventriculo con-  
 nectit , ut massa , quam os depuit ,  
 in stomachum coquenda descendat ,  
 proprio pondere , per præceps clivum ,  
 detrusa ? Ad hanc fermentandam aut  
 in chylum dissolvendam aptum ferment-  
 tum quanam , quæso , fortuna scatu-  
 rit in illius ollæ fundum ? Scilicet his  
 officiis accomodam materiem , nempe  
 mollem membranam , quæ dilatatio-  
 ni , contractionique par esset , cæca  
 fors elegit , eamque glandulis , quæ la-  
 ticem cibis fermentatione dividendis  
 idoneam cernerent , instruxit ! Sci-  
 licet intestinorum tubum , qui jam so-  
 lutum

\* Galen. de usu partium.

lutum & coctum alimentum distribuendum, exciperet cæca fors ventriculo sup-  
 posuit, eodemquè bilem ex hepate per  
 choledochum porum, lympham ex cal-  
 licreate per ductum Wirfungianum  
 deduxit, ut utroque succo chymus  
 iterum fermentesceret, fæculasque suas  
 deorsum præcipites in crassius intesti-  
 num, quod commodè subjacet, ve-  
 lut in sentinam, vel latrinam demisit!  
 Scilicet nescia fortuna lactes tenuibus,  
 non crassis intestinis, apposuit, quæ  
 chylum per illorum glandulas & mem-  
 branas colatum, velut hirudines, ex-  
 fugerent, aut exciperent certè, ducen-  
 dum ad Pequeti receptaculum, thora-  
 cicumque ductum! Scilicet hunc ca-  
 nalem illumque pelvem lymphâ, ceu  
 generoso fermento, quo chymus in  
 cruorem mutaretur, fortuitus casus  
 replevit! Scilicet, ejusdem sapientiâ,  
 cum sanguine commiscetur, ut ipse  
 sanguineat, potiùs in venis, quæ  
 ducunt ad cor, quàm in arteriis, quæ  
 cruorem indidem abducunt, potiùs  
 in subclaviaribus, unde faciliùs ad  
 cor delabatur, quam in inferioribus,  
 quæ cruor ascendit! Scilicet, casu for-  
 tuito, priùs in dextrum, quàm in si-  
 nistrum.

nistrum cordis ventriculum infunditur,  
 ut ocyùs aereo spiritu diteſcat in pul-  
 mone, quò ducit arteria, quæ prodi-  
 t è dextra cordis ſcrobiculâ ! Scilicet,  
 forte fortuna, ſi Deo viſum ſit, acci-  
 dit, ut ære jam auctus in pulmone  
 ſanguis, per ejus venam ad ſiniſtram cor-  
 dis foſſam tendat, pulmonis ipſius ela-  
 tere pulſus, ut inde per totum cor-  
 pus alendum diffundatur, arteriarum  
 pulſu plurimum adjuvante ! Scilicet in  
 univerſis membris, non tantum arte-  
 rias, quæ ſuccum neceſſarium addu-  
 cerent, verum & venas, quæ ſuper-  
 fluum ad cor reducerent, fors exca-  
 vavit, ut ſanguineus rivus univerſas  
 & ſingulas partes alendas pelluceret,  
 ipſeque circulatione, ceu clyſſum aut  
 elixir vitale, ſenſim elaboraretur ! Sci-  
 licet in jecore bilis, in liene melan-  
 cholia, ſerum in renibus, fortuito,  
 qualum offendunt, ut cruor ritè de-  
 fæcetur ! Si cæca fors tot ſucci nu-  
 tritii præparationibus, iisque maxi-  
 mam ſapientiam decentibus fungatur,  
 ea proſectò perſpicaciſſima ſummæ ſa-  
 pientiæ laudem meretur ; quando fi-  
 nem ſe dignum præſtituit, eique con-  
 ſequendo maximè idonea media, quæ  
 fa.



sapientissimura moderatorem indicant , elegit. Scilicet , Hypseâ cæcior , oculatior est Lynce ! Mitto divinam organorum generationi famulantium structuram , & nunquam satîs admirandam mammarum mechanicam , ad feminis , lactisque præparationem , quæ sapientissimum , optimum , maximum nostri generis Authorem , non cæcum architectum , indigitat. O vanas Epicuræi gregis mentes ! O miram Naturam , quæ tot & tantas præparationes in viventi corpore machinatur , quamque divinam artem haud immeritò dixeris , ut Numinis , potius quàm hominis , officinam , sacerrimumque fanum in humano corpore suspicias !

## DE LOTIONE.

**P**Ræparationem lotio sequitur in chymicarum operationum ordine. Si fortè præparatæ materies sordeant , eædem abluuntur undâ , vel quovis alio latice , qui sordes separet atque secum auferat. Natura quippe , non solum Ars , munditiei studet ; recrementa vitalibus officiis inepta scernens  
à

à vefcis. Jam , in culinâ , nutritionis materies à fæculis lotionè repurgata fuit ; ne fordefcat , in alendo corpore , naturali lege cautum eft. Salivâ fanè primum vas , quod eam excipit , nempe faucium cavitas lavatur , ne depfititiæ maffæ reliquiis spurcefcat , quam Naturæ munditiem ars imitatur , quum à paftu fauces confestim lavamus , ut artifex mortarium , quo ufurus eft , & molitor excipulam ante mundare folent , quàm materies tundenda , vel granum molendum injiciatur. Ex oris cryptâ fcatus rivus *Æfophagum* , quem manforum ciborum maffa conſpurcat , abluit , non modò potus , ac ex ejus propriis glandibus manans ftacma , quod , fecundùm gulam , ftomacho tenùs , defluit , viam loturum & lubricaturum. Huc confluit lympa ftomachicis è glandulis manans , ac utrique mifcetur potionis diluvies , qua naturalis olla , five ventriculus , unà cum inteftinis , proluitur. Unda quippe , cerevifia , cydrus , vinum , ptifana vel alius quivis potus naturalia vifcera pelluere nequit , quin eorum fæces fecum deverrat. Ad privatam inteftinorum lotionem pertinere

tinere videntur chylus è stomacho de-  
 ciduus , bilis illuc ex hepate fluens ,  
 pancreatis succus eodè confluens ,  
 non sine lymphâ minorum glandium ,  
 quibus interna lucanicarum illarum  
 superficies confita passim est. Verum-  
 enimverò , chylus crassior & pin-  
 guior , bilis oleosior est quàm ut lo-  
 tioni pares videantur , tametsi cholera  
 purgationi prorsus inepta non est , cum  
 naturalis clysmatis vicem obeat , tam  
 oleta diluendo , quàm ea continentium  
 intestinorum tunicas ad contractionem  
 irritando. Crassiora quidem intestina ,  
 ceu cloaca , delabentis è stomacho rivi ,  
 cujus materiem potus , in primis , præ-  
 bet , beneficio lavantur. Ubi præser-  
 tim minerales aquæ bibuntur , aut  
 clysteres injiciuntur , ea lavari possunt ,  
 verùm ex omnium humorum ponto  
 colluvies eò depluit , cum ad replen-  
 dam , tum ad deplendam intestino-  
 rum sentinam , cujus fæx illo colli-  
 quio magis quàm lymphâ propriis in-  
 testinorum glandibus scaturienti dilui-  
 tur foràs ejicienda. Renes , quibus  
 colum intestinum incumbit , amne se-  
 roso , quod ideo lotium dicitur , pro-  
 luuntur , ne salinum sedimentum ,  
 quod

quod sanguis eò deponit , cum terreſtri coaleſcens in calculum concreſcat. Nephriticus ergo pelvis vas eſt lotio, ceu lixivio , ſubinde repurgandum aut lavandum , unà cum ureteribus & veſicâ , muriâ , vel aquâ falſâ proluendis , ne craſſo limo , qui calculum gigneret , obducantur. Imò totum corpus urina lavat , cum , ex Calepino , lotium à diluendis humoribus & vafis , quæ pelluit , appelletur.

Haëtenùs ventris inferioris lotio , medius quoque bifariàm lavatur , nimirum aere , quia , tenuiſſimi , laticis ad inſtar , in univerſas pulmonis particulas ac præſertim in ſexcentas , ex quibus id viſceris conſtat , veſiculas , per totidem bronchia diffluit , ad internum balneum , quod ſiccum dicunt. Si purgatio mediante liquido lotionis nomen meretur , id , næ , reſpirationi , quæ bronchia nec non tracheam arteriam , ceu caminum , à fuliginibus repurgat , ſatis aptè congruit. Sed enim altera lotio pectori non deeſt , ſi lympham , qua paſſim rigatur , ſpectes. Atenim , ejuſmodi lotio thoracis propria non eſt , ſimilem enim in abdomine , præſertim in meſente-

rio lymphaticis vasis confito jamjam comperimus , & in aliis ventribus , non solum in thoracico ductu , qui lymphâ , semper , non tantum chylo , subinde , scatet , offendemus. Jam memoratis pectoris lotionibus duas alias quidam adjungunt , quarum alia pulmonis , alia cordis propria videtur. Dum bibitur , si modo fidem iis adhibeas , potius pars tracheam , quæ membranosa tantum est , quàm gulam spectat , penetrans per ejus tubum in pulmonem descendit. Hæc syrupi pulmonis tussientis irritationem sedaturi morbi sedem assequuntur. Atenim ut aliquantulam potionis particulam illac transire non infacias eam , tantillus humor lotioni par non videtur. Sic aspera arteria comparata est , ut vel uni potius guttæ sustinendæ sit impar , cum stomachus largam frigidæ vim salubriter , non tantum impunè , recipiat , quæ diversa partium illarum diathesis est. Postremò propriam cordis lotionem quidam recensent , non è sanguineo quidem rivo , qui cavitates ejus pelluit , nec ex lymphâ , quæ propriam ejus substantiam rigat , sed ex aquâ , quam pericardium continet , ceu bal-

balnei perpetui materiem, ne jugi motu nimis incalescat. Sed illius uvoris quantitas ferè minor est, quàm ut balnei vel lotionis officio par sit; nam interior illius capsæ superficies exiguo tantùm rore madere solet. Evangelista quidem undam, non modò cruorem, è faucio Messiae latere defluxisse testatur, id verò præter solitum Naturæ institutum accidit, pericardio Romani militis lanceâ pertuso. Cordis hydropis thecam aquâ nonnunquam plenam esse non diffiteor, tuncque viscerum rex in aquâ falsâ balneatur, non modò lavatur, unde syncope grassatur, cessante cordis elatere, quippe cui dilatari per plethoram illam non liceat. Hic verò naturales lotiones, non eas, quæ contrà Naturam accidunt, lustrare nobis consilium est.

A medii ventris, seu pectoris lotionibus, ad eas quæ supremi propriæ sunt aut habentur, nunc transeamus. Aereus uvor, qui per nares & cribri-formis ossis foramina cerebri penetralia subire credebatur, primam lotionis materiem ei ministrare videtur; ut tamen aer huic usui non ineptus esset, quod in pulmonis lotionem non

ita pridem notavimus , is intimos capitis recessus , per os ætmoïdes , penetrare nequit , cum ejus foramina tum tunicâ , quâ succingitur , cum vasis , queis transmittendis inserviunt , occlusa sint. Plurimis fanè vasis lymphaticis meninges irriguæ sunt , ne lotionis materies capiti defit , ideoque sexcentis glandibus , quæ lympham cernunt , illæ cerebri matres præditæ sunt. At lymphidam illam undam lotioni destinatam non esse vel hinc liquidò patet , quòd in lavandas partes non effundatur , sed è suis vasis in sanguifera transfundatur , ut tardo sanguini circumituro , qui præcipuum liquiditatis instrumentum , id est , animale spiritum , in cerebro liquit , calcar admoveatur. Phlegma verò , quod in cerebri ventriculos è testudine depluit , ac per infundibulum in pituitariam glandem delabitur , quadruplex cerebri conclave lavare videtur. Quorsum tamen ista lotio cavitatibus usque mundis ? Nihil enim fordium in iis denudatis unquam occurrit. Ergo lymp̃ha , quâ cerebri substantia vel cavitas irrigatur magis refrigerat , quàm lavat , ne viscus sanguinis

guinis spiritûsque plenum identidem incandescat. Hinc factum est ut illa refrigerii materies inter fibras , quæ spiritum ducunt , labatur , donec ad ventriculorum cisternam ventum sit. Indidem est quòd odorantium nervorum cavitas semper phlegmate sca-  
teat , quâ nares id humoris petit & in mucum abit. Ità nempe nasus , qui mucò sordet , lavatur stillicidio , quod ex viventis alembici rostro jugiter manat. An nerveus succus , quem Angli tantoperè decantant , cum illâ lymphâ coincidat , adhuc sub judice lis est. Alii quippe rentur nerveâ fibrâ inero spiritui relictâ nerveum succum fibrarum interstitia tantùm subire nec non interfluere ; verùm alii nerveum illum laticem animali spiritui vehiculum aut remoram esse censent ; quidam præter nerveum stacma cum spiritu conjunctum ac secundùm cavas fibras delabentem , phlegma fibrarum interstitia decurrens agnoscunt. Sed humorem interstitia pelluentem à sero diversum non esse , suspicor , quòd nasi stillicidium , ad instar urinæ , sudorisque , quibus serum materiam suppeditat , falsum sit. Mi-



erocofmus enim, non folùm macrocof-  
mus geminam undæ speciem, alte-  
ram nempe falſam, putà, ſerum, ex  
quo ſudor & urina fiunt, alteram ſa-  
poris expertem, quam lympham di-  
ſtillant, obtinet. Utrâque lavatur tam  
interna quàm externa corporis regio.  
Vel ipſe corporis habitus rore, quo  
Bilſiani ductus cutim aſpergunt, ubi  
ſudor aut mador ingruunt, abluitur,  
ut terſum epiderma niteſcat. Hic au-  
tem ros & imber ex ſeri fonte, maſ-  
ſa nempe ſanguineâ, ſcatent. Indidem  
ſaturit & lachrymarum rivulus, quo  
ſubindè madent ac lavantur oculi ge-  
naeque, quod ex earum falſedine ſu-  
bo eas velim. Id tamen inter lachry-  
mam & aliud ſerum intereſt, quòd  
hoc per glandes non cernatur, ut illa,  
quæ per glandulam ad majorem can-  
thum fitam, quamadeo lachrymalem  
nominant, colatur.

Sic univerſas corporis plagas eme-  
tienti permultæ lotiones obviæ ſunt,  
quarum aliæ toti communes, ut uni-  
verſalis humorum circulatio, Poëta-  
rum Amphitrite, quæ totum corpus  
peluit, cœu microcoſmi pontus, ex  
quo plurimi fontes, rivi, fluviique  
pro-

proficiscuntur , nec non sudor , qui per totum corpus diffluit ; aliaque singularum orarum propriae. Sanguis , fateor , idonea lotionis materies non est , at serum & lymphæ , quibus diluitur , satis aptam materiam lotioni præbent. Pauciores igitur non sunt humani corporis sano lotiones quam olim Hierosolimitano templo , quod sexcentis quotidie lotionibus mundabatur.

*De purgatione nutritii succi  
corporisque ejus nutri-  
tioni dicatur.*

**P**urgatio superflui vel noxii separatio nec non excretio est. Purgari rationes dicuntur , quando superflua deciduntur aut obstantia. Purgo , quasi purum ago , vel à sordibus libero. Quo sensu purgamen , aut purgamentum sunt sordes , aut immunditiæ , quas rem aliquam purgantes , ejicimus. Hoc officio Natura multifariam defungitur , scilicet , fermentatione , præcipitatione , nec non ex-

cretione. Sicut artifex materias , quas operibus suis adhibiturus est , ab inutilibus , consiliove suo parùm aptis sedulò purgat , non secùs Naturæ moderator materies ab iis , quæ sunt à proposito aliena , diligenter mundat. Non omnes alimenti partes alendo corpori sunt accommodæ , sed hoc nomine removendæ , ne vim utilium obtundant , aut omnino tollant. Cujus rei probè gnarus animati corporis architectus & altor , ea removet à sanguine quæ nutritioni magis obessent quàm prodesse. Quod consilium executurus cibi colliquamentum , seu chylum & cruorem. 1. fermentatione. 2. præcipitatione. 3. demum excretionem purgat. Eterogeneas particulas fermentatio primùm expedit , præcipitatio deorsum trudit , excretio foras ejicit. Cum utiles inutilibus , ex mixti lege , cohæreant , fermentatione , quæ partium intestinis idemque solito vehementior motus est , nexus disrumpitur , ubi mixti sinus illa clave referatur , ut illac ejiciantur supervacanea , & utilia magis ac magis extricentur , ut vim suam exerere possint. Actuosâ principia jam excita motum cient

excentricum , quo crassiora quæque protelantur à centro versùs circumferentiam. Quamobrem , in faucibus , mediante salivâ , quæ validum fermentum est , cibus fermentescere cæpit ; in stomacho , gracilibus intestinis , lactibus , Pequeti receptaculo , thoracicoque ductu , nec non in vasis sanguiferis fermentari perget , donec gremio fermentatione soluto , chylus & cruor fæces aut tartarum emittant. Hoc beneficii præsertim ad Lympham , aut ad spiritum , saleque volatilem , quibus abundat , acceptum referendum est. Ideoque lymphatica vasa , seu salivares ductus , qui lympham è parotidibus glandulis hauriunt , in os Deus iniecit , multisque glandulis stomachum , intestina mezenteriumque ditavit , quæ prætereunti chylo fermentum suppeditaret. Lactes enim , Pequeti receptaculum , atque thoracicus chymi ductus lymphâ inde oriundâ nunquam non scatent. Huic fermento sanguineum accedit , ubi chylus , in subclaviaribus venis , cum sanguine , qui fermenti vicem & officium præstat , commutandus miscetur. Tum mixta massa fermentescens , ceu vinum,

num , cydrus , aut cerevisia , spumat , ac fæces ad circumferentiam è centro pellit , qui solitus fermentationis effectus est , spiritibus intestini motûs authoribus totam massam perflantibus , eterogeneasque partes , quæ poros , ceu calles impediunt , velut festucas , deverrentibus , postquam intestino motu fuerunt expeditæ.

Hanc extricationem præcipitatio promovet , ubi spiritus aut sal affusus innatantes fæculas præcipites dat. Quod acido , putà , solutum est , id alkalino spiritu , vel sale præceps ruit , & vice versa , sive novus sal alterum trudit , è liquidi poris , ceu clavus clavum , sive sale , qui solutum corpus , quasi sub ditione , suspensum tenebat , victo , præda dimittatur , subtusque fidat , velut in libertatem vindicata. Cibus in stomacho dissolutus in intestina descendit , carnearum stomachi fibrarum elatere viscus illud contrahente , per totum corpus distribuendus , ubi præcipitatione , quàm ibi patitur , defæcatus fuerit. Si quidem acido sale divisus fuerit , ut tritissima sententia fert , alkalinum bilis salem

lem in intestino , quod jejunum vocant , offendit , quo contrarii salis effectus destruitur , ut fæces co detentæ dimittantur , præcipitesque ruant , in imi ventris sterquilinum , superatâ valvulâ , vel margine , quæ intestina superiora ab inferioribus separat. Si sal alkalinus cibarium in stomacho dissolverit , ut alii suspicantur , acidula pancreatis lymphæ salis alkalini vim frangens fæculas , quas suspendebat , dimittere paulò post eum coget , ac iisdem onustus crassusque chylus defæcabitur , purgamine statim in intestina crassa , velut in cloacam , ultrò delabente , propriâ gravitate , non solùm peristaltico lucanicarum illarum motu. Hac operâ , chymus primò purgatur , & attenuatur , ut per exiles intestinorum glandulas , aut per angustos tunicarum poros cerni possit , arētissima vasa lactea subiturus , ubi callicreatis succus , ac è jecore scatens bilis eodè confluentes , ac in chyli gremio , velut in palestrâ , congregientes crassamentum ejus , cu grave pondus , deorsum decutiunt , defæcationis ergo. Quædam tamen recrementa nondum satis extricata chylum ex intestinis exeuntem

entem sequuntur , alibi separanda , postquam ulteriori fermentatione , circulatione , novâque præcipitatione magis expedita fuerint. Propterea tota sanguinis massa lienem , ubi salem aut succum acidum , quo sulphurea fæx in hepate deponenda præcipitatur , haud aliter ac sulphureæ stibii scorïæ frigidâ solutæ , si stillatitium acetum affuderis. Verùm ammoniaco renum sale serum ibi cernendum præceps secedit. Non secùs crassiora sanguinis recrementa , quæ per intestinorum glandulas transcolantur , ut in stercus abeant, acidulâ lymphâ , quam ibidem reperiunt , à cæteris massæ partibus ante solvuntur , quàm præcipientes in totius corporis latrinam ruant. Quatuor igitur nutritii succi præcipitationes , quæis defæcatur , jam compertas habemus , primam quidem in intestinis celebratam , qua chyli fæces ab alibili latice secernuntur ; secundam in splene , qua melancholicum sedimentum subtùs fudit , atque bilis ad secessum accingitur ; tertiam in renibus , quâ serum solutum Bellinos ductus faciliùs subit , per pelvem & ureteres in vesicam defluxurum , ac postmodùm foràs emingendum ,

gendum , five glandularum atrabilarium , quæ renibus adjacent , acido succo , five ammoniaco sali , quo renes conferti sunt , operationem tribuas , minimè refert ; quartam & ultimam in intestinis , ubi fæcalis materies à cruore seponitur , in latrinam dejicienda.

Præcipationibus , quas Natura , singulis horæ momentis , obit , eas addere pronum esset , quas morbus aut ars efficiunt. Adversa quippe valetudine , vitalis succus acido sæpenumero grumescit , grumique , quibus sustentandis aut vehendis lymphæ non est , subsidunt , vasaque , quibus ducuntur obstruunt , aut in corporis habitu , sub cute , subsistunt , unde rubræ , liventes , nigræ , flavæ , vel alius coloris exanthemata sobolescent. Interdum sal acris , non tantùm acidus , sanguinæ massæ fibras dissecat , earumque contextum dissolvit , ut ejus ruinæ , ceu rudera , præcipites , collabantur. Hinc est quòd virus aliud ab acido , aliud ab acri sale oboriatur. Malignus quippe morbi mos in nimia sanguinis dissolutione , quæ fibrarum rupturam sequitur , ferè situs est. Eâ de



de causâ contingentes in microcosmo præcipitationes ægritudinis causâ vel effectus sunt , ac contrâ naturam accidere dicuntur. At præter naturam eæ contingunt , quas ars medica laborantium humoribus conciliat , nunc alkalinis salibus acida præcipitans , nunc vicissim acidis alkalina deturbans , ut noxia fermenta , vel morbificæ causæ , quæ turbas cient , à sanguine discedant , ac per emunctoria foràs eliminentur. Febricitantibus alkalina pharmaca ferè dantur , quia febrile fermentum , ut plurimum , acidum est. Unde febris ineuntis rigor oboritur. Hinc est quod pleraque omnia febrifuga , non solum Peruvianus cortex , admodum amaricent. Pulvis Pannonicus , pulvisque Comitissæ , quem Anglia tantoperè laudat , absorbentes quidem vocantur , quòd patentibus poris , ceu totidem thecis , acidos sales , qui febrim procreant , absorbeant ; quibus onusti subtus fidunt , febrileque fermentum secum rapiunt. An cathartica corpus irritatione , vel relaxatione , fermentatione , vel præcipitatione purgent , acriter controvertitur. At quædam proritando continentes partes ad  
con.

contractionem adigunt , ut contenta depellant , ad quam tribum maxima purgantium pars pertinet. Quæpiam , ut cassiæ medulla , lac , butyrum , oleum , axungia , stomachum & intestina laxando , alvum exonerant , quæ primis in viis ferè tantùm operantur. Quæ verò secundas vias devertunt , humoresque continentia vasa penetrant , ea præcipitatione , quæ fere fermentationem sequitur , humores defæcant. Sic ænopolæ pulveres in vinum injiciunt , quibus ejus fæces aut tartarum præcipitent. Barbaræ voci , qua Chymistæ vix ac ne vix quidem carere possunt , venia sit

Demum excretionem corpus purgatur ; unde purgamina vel fordes excrementa dicuntur. Palumbes , gracculi , merulæ , perdices annum fastidium lauri folio purgant , id est , fastidii causam excernunt , inquit Plinius lib 8. cap. 27. Inutilia sane vel noxia removere , nec non extra regnum suum exterminare sapientissimam Naturam , vel , ut magis Christianè quàm medicè loquar , sapientissimum Deum , qui naturalem legem tulit , decebat apprimè. Quamobrem , vomitu

mitu tenuior bilis , per fedes oletâ  
 crassissima, quæ totius humorum mas-  
 sæ , non modò chyli, fæces comple-  
 ctuntur , deijci solent. Vomitione ca-  
 nis purgare alvos, clystere Ibes Ægyp-  
 tiæ dicuntur , ait Cicero de Natura  
 Deorum. Superflui feri tenuior pars  
 per diaphoresim , aut per sudorem ,  
 crassior verò per urinas , excernitur ,  
 postquàm melancholicum sanguinis cras-  
 samentum , in splene , biliosum in he-  
 pate secretum est , pituitosum in sto-  
 macho luxurians , omnia communem  
 sentinam, videlicet alvum petunt, ut  
 inde per anum exeant. Caput per au-  
 res biliosum cerumen, per nares phleg-  
 ma purgat. Hæ purgationes omnes  
 ignem, sive calorem nativum , velut  
 instrumentum efficacissimum adhibent.  
 Quò Naso videtur accinisse , quum  
 dixit, Omnia purgat edax ignis. Succ  
 calore fermentescunt , ac, eâdem operâ,  
 defæcantur. Sine calore , qui fæces à  
 compedibus extricat , eæ rarò subtùs  
 fidunt. Sine calore melancholiæ per  
 lienem , bilis per jecur , feri per re-  
 nes excretio ritè non procedit. Fri-  
 gidæ quippe partes fecernendæ vix  
 ab invicem discedunt , cum calor ,  
 qui

qui particularum intestinus motus est, discessum illum adjuvet.

## TRITURATIO.

**I**N artificiali chymiâ purgatio triturationem antecedit, in naturali verò sequitur. Trituratio quippe, quam dentes in ore celebrant, prima cibi præparatio est. Utraque chymia præparandas materies triturat, ut elementorum mixtione cohærentium nexus disrumpatur, aut carceruli, quibus distinentur, prefringantur. Hoc consilio, mortarium in ore Deus finxit, vicinasque maxillas dentibus, ceu tudiculis, pistillis, malleolis, aut moleculis instruxit. Horum alios acutos, eosque validissimos effinxit, ut durissima quæque cibaria scindere valerent; \* alios in aciem, qua coriacea, velut cultro, secarent, efformavit; alteros demum obtusos, molecularum instar; qui cibos omnes permolerent, adaptavit. Sic habes primam chymiae naturalis triturationem in faucibus ventriculi munus jam inchoantem. Se-

C

cunda

\* Caninos, Incisores, Molares.

cunda celebratur in ventriculo, quem vibratile diaphragma, ceu pistillum, compellit, aut conterit, quò jam mansi deglutitique boli magis ac magis triturentur. Ex septo medio jecur pendet, ceu tudiculus, quem in stomachum descendens adigit. Verùm hoc opis alimenti jam dissoluti, sive chyli distributioni magis quàm ulteriori triturationi conducit, si duos casus exceperis, quorum alter est ubi stomacho dentes inferuntur, alter quum lapillis, in gallinarum ventriculo cibi reverà conteruntur, dum illa triturationis instrumenta diaphragmatis vibratione tritrandam in materiem adiunguntur.

In pectore, non in abdomine solum, altera trituræ species occurrit. Si quidem in corde pulmoneque nunquam cessantibus, sanguis subigitur, ut in torculari vindemia calcatur, aut in cerevisiariis officinis zythum quassatur & conteritur. Non solum respirationis, aut circulationis, verùm & triturationis ergo, cor & pulmo crebras systoles & diastoles vices obeunt. Geminæ cordis scrobes binis mortariolis, aut totidem cadis, ubi nutritio-

nis

nis materies teritur aut depfitur , haud abfimiles funt. Triturata fanguinis maffa tenuior , ac ad circulationem , nec non ad nutritionem aptior evadit. Secùs , in exiguis vafculis ad alendas partes ducentibus craffior fubfifteret , atque fuis officiis deefflet

Nec capiti triturans elater , ac quafi piftillum , quo fublimis cruor fubigitur , deeft. Meninges quippe nunquam non pulfantes , ceu jube moletrinum , eum permolunt , ut animalis fpiritus ex calcato fanguine torqueatur. Hinc eft quòd finus per cerebri cerebellique vallem ventriculos fubiens Torcular appellatus fuerit à prifcis anatomis fanguinem in illa cavitate velut in dolio calcari , nec non ad fpiritum enitendum torqueri cenfentibus. Haftenùs fplendidè quidem errarunt . quatenùs cruorem , ceu fpiritus materiem calcandam in ventriculos effundi rati funt , quippe quorum error autopfi confestim confutari queat. At eatenùs verè fenferunt , quatenùs humores in cerebro triturari , vel quafi torqueri , torcularis nomine , quod alteri finuum indiderunt , innuere fategerunt. Verùm

nec in propriâ cerebri substantiâ , nec in ejus cavitatibus , sed in ejusdem tunicis , aut finibus calcatur cruor animale spiritum emissurus ; nec non admoto meningum calcari per tritas circulationis vias ad cor rediturus , postquàm efflato spiritu segnior ibidem restagnari periclitaretur.

Denique totum corpus , non solùm abdomen , pectus , & caput , veluti molendinum est , ubi nutritionis materies , molitur , ac quasi trituratur , peristaltico musculorum motu , nec non continuis salientium arteriarum vicibus , quas Glissonii capsula , in hepate , cavaque vena , juxta cor , obit , tam ad promovendum sanguinis ascensum , quàm ad excitandum spiritum , in cordis ventriculis explicandum. Hactenùs de trituratione , quam in animalis corpore naturalis chymia celebrat , ac quàm artificialis ferè suis in officinis , imitatur.



## DE CRIBRATIONE.

**T**Rituratam materiem artifex chymicus cribro cernit , ut inutiles partes , trituratione jam extricatas , ab utilibus separet. Hactenùs ars Naturam æmulatur , sexcentis cribrationibus , nutritios succos purgantem. Ac primò quidem chylus in gracilibus intestinis cernitur , sive per tunicarum , sive , per glandularum , quibus confita sunt , poros , ut ejus fæces in intestina crassiora , velut in latrinam , præcipites ruant , tenuiorque pars , hocque nomine melior , illac , in lactes transmeet. Secundam chymi cribrationem in Asellii pancreate , quod medium mezenterium obtinet , quidam fingunt. Atenim per glandem illam lymphaticum modò laticem , qui lactes repleat , cerni puto. Cribrationes omnes ad nutritii succi defæcationem collimant. Ut sanguis à recrementis exoneretur , crassissima fæx in crassioribus intestinis , salina nec non terrestrior , quam melancholiam dicunt , in splene , sulphurea vel oleosa sanguinis



guinis amurca, quam bilem vocitant, in jecore, phlegmatica, vel aquosa, cui nomen est serum, in renibus cribratur. Quo consilio glandes innumeras, ceu totidem qualos, in illis visceribus sapiens Natura creavit. Tantum enim abest ut jecur parenchyma, sive sanguinis grumus aut coagulum sit, qui jam error obsolescit, ut clotum, emissio sanguine, penitus albescat, ac mirus glandularum acervus in conspectum veniat. Ejus æmulus lien, quem alterum hepar nonnulli dicunt, permultis quoque glandulis melancholiam cernentibus scatet. Demum renes, quorum caro musculosæ similis olim habebatur, sexcentis glandulis, quæ serum à cruore segregant confertos esse \* Malpigijs exploravit, ac singulorum anatomorum autopsi confirmat. Quarum glandium poros sic Natura comparavit, ut nephriticæ serum, splenicæ melancholiam, hepaticæ bilem admittant, ac per proprios canales emittant. Præter solemnes illas cribrationes, quæ pristinis physiologis jam pridem innotuerant, & alias Neoterici compererunt. Majoris pancreatis  
 usus

\* Malpigijs lib. de structura viscerum.

usus ulteriùs rimantes animadvertent conglomeratam illam glandem multiplicem qualum esse , quâ lymphidum stacma , quod Sylvius Batavus acidulum censet , cernitur , ut in jejunum intestinum emanet , in chyli gremio cum bile colluctaturum , ad novam chymi fermentationem , crassiorumque fæcum præcipitationem. Abdominis proprias cribrationes lustrans , eam tantum non oblitus sum , quam in atrabilaribus glandibus celebrari quidam anatomi suspicantur , ut nigri laticis acore feri secessus à sanguine priùs inchoetur , quàm ad renes , ubi prorsus secedit , deventum sit. Postremò semen per testium spongiam cribratur. Permultis aliis imi ventris cribrationibus relictis , quas omnes recensere tæderet , ad eas , quibus medius venter , aut pectus , defungitur , progrediamur.

Harum alias extùs , alias intùs offendas. Extrinsecum thoracis cribrum est mamma , quæ sexcentarum glandularum congeries est , ubi lymphachylusque cernuntur , ad lactis generis. Lactææ quippe venæ , seu chyliferi ductus è thoracico prodeuntes ad

mammam lactis materiem deportaturæ decurrunt , ac definunt. Hujusce cribrationis usus lippis & tonforibus ipsis adeo notorius est , ut veteres physiologos alioquin sagaces cum fugisse mirer. At cribrationis , qua thymus fungitur , usus sic occultus est , ut vel perspicacissimos indagatores fallat. Ut ut sit , lympham quandam per glandem illam cribrari certum est. Imò chylum eodè thoracico ductu pleniori regurgitare constat , cum lactentibus in animalibus lacte turgeat. Si Warthono fides sit , nutritius succus nervosis partibus destinatus ibi præparatur ac fecernitur. Putat enim per nervos illuc exspui nutritium liquorem jam inquinatum eundemque jam defæcatum per nervos resumì. Tantum verò discrimen inter nervos advertere non licet , ut alii vehant , alii revehant , quæ Bartholini sententia fuit. Charletonus è thoracico ductu , qui thymo vicinus est , cernendum hic succum excipi retur. Fuliginosa cordis excrementa Lindanus hac educit , antequam ovale fætûs foramen obliteretur , pulmoque suas respirationis vires auspiceretur. Quid verò fuliginibus  
cum

cum lacte , quo lactentium thymus  
 scatere compertus est. Alii glandis  
 hujus usus incerti sunt fanè , eandem  
 verò materieì cujusdam cribrationi an-  
 cillari constat. Aliam in pectore cri-  
 brationem ante veteres excogitarunt ,  
 quàm sanguinis circuitus exploratus  
 esset ab Herveo. Cruorem enim è  
 dextro cordis ventriculo per medium  
 septum ad sinistrum transire cribra-  
 tum imaginabantur. Si quando tamen  
 id cribrationis requisitum esset , tum  
 maximè requireretur , cum sanguis per  
 pulmonem è dextra cordis scrobicula  
 transmeat ad sinistram. At ovale fora-  
 men , cujus nuper meminimus , Botal-  
 lique canalis , ad sinistrum ventriculum  
 è dextro ducens opinionem istam falsita-  
 tis arguunt. De seri vel lymphæ , quâ  
 pericardium madet , per cordis mas-  
 sam cribratione circiter idem sentio.  
 Falsum enim est uliginem illam aliun-  
 dè scaturire quàm è lymphaticis vasis ,  
 queis illa cordis theca confita est. Si  
 fortè vaporum à corde prodeuntium  
 ad frigidam ejus tunicam condensa-  
 tione , vel potius aggeratione nascere-  
 tur , is uvor tam falsus esset , quàm su-  
 dor aut urina. Tantam verò falsedi-  
 nem

nem obtinet cordis unda , quantam fontana , quæ prorsus est insipida. Aliam igitur in corde vel in pulmone cribrationem non agnosco , quàm eam quæ per viscerum illorum glandes celebratur. Etenim per sexcentas glandulas , quibus arteria trachea conferta est intus , ea cernitur lymphæ , qua madescit interior ejus superficies , ad vocis suavitatem , quæ fistulæ lævitatē postulat. Arescens quippe vocalis fistula ; non secus ac factitia , raucescit. Aeris & sanguinis cribrationem per pulmonis spongiam mittimus , utpote dubiam. Delibatis pectoris cribrationibus tam veris quàm fictitiis , ad eas , quibus collum aut caput funguntur , transmigremus.

Juguli glandes , quæ plurimæ sunt , totidem cribra dicas , quibus lymphæ guttur , pharyngem & æsophagum , unà cum larynge trachæque rigans cernitur. Sic utraque fistula lubricatur aut lævigatur. Secus , membranosa gula concideret , arescensque rigesceret , gravissimo deglutitionis damno. Namque textilem illum tubum mobilem atque flexilem esse convenit , ut dilatatus crassioribus bolis capiendis sit,

fit , eisdemque contractus deorsum trahat , per lubricum iter , ut asperam arteriam irriguam esse oportet , ne rauceſcat.

Jam capitis , quod incumbit cervici , cribrationes perstringamus , tam externas quàm internas. Lympha , quâ ſemper oris crypta madet , non ſecus ac Verſaliæ ſpelunca , quæ ſalientibus aquis undique ſcatet , per amygdalarum , linguæ , palatique glandulas partim cribratur , partim per parotides glandulas , unde ſalivæ ductus prodeunt. Cur autem in os tot rivuli confluant , nemine clam eſt. Depſittia nempe ciborum maſſa mollienda fuit , linguaque lubricanda , ne palato vel faucibus adhæreſcat , neve rigefcat , magno loquelæ detrimento , quod ne contingat ſexcentis glandularum ſcatebris cautum eſt.

Internas capitis cribrationes viſuri penetralia nunc ſubeamus. Lympha , qua meninges rigantur , quò flexiliores ſint , per multas glandulas , quæ tunicis illis inſident , cernitur , animalis verò ſpiritus per innumeras glandes , ex quibus ſupremus cerebri tractus conſtat , jugiter cribratur. Cum  
por.

porrò verifimile non fit tenuiffimam illam auram intra cerebri ventriculos contineri, quin igneam ejus vim unda, ferum, aut pituita, queis mardent, extinguerent, celeberrimum conarium, quod Cartefius humanæ mentis hofpitio dignatus eft, eidem fpiritui colando miniftrare non poteft, fed lympham quandam illac cerni verifimilius eft.

Quæ cum ita fint, univerfum corpus haud immeritò cribrum dixeris. Diaphorefceos fudorisque materiem cutis ipfa feu per poros, feu per fexcentas miliiformes glandulas, quibus eft prædita, cernit. Næ, totum Naturæ negotium in utilium ab inutilibus fecretione verfatur.

## I N F U S I O.

**C**Ribro purgata materies, in chymicis officinis, infufione rursus præparatur, ac liquidum, quo folidum mixtum maceratur, ad referandum ejus finum, ceu clavis, adhibetur, ut actiuofa, quibus opus eft, elementa, faciliùs exeant. Haftenùs  
ars

ars Naturam imitatur. Nutritionis enim materies variis infusionibus præparatur , aut diversos ad usus adornatur. Ac primò quidem in ore salivâ , quæ primum infusionis menstruum aut instrumentum est , mollescit , non modò madefit , dentibus , ceu totidem moleculis , subigenda , depressoque ; 2. Manus verò cibus in ventriculum per gulam delapsus in illo vase diu maceratur. Idoneus porrò potus , fermento , quod in stomacho Natura reposuit , non modò salivâ , ditatus & auctus infusionis vehiculum est. Spiritus autem & sal , quibus oris & ventriculi lymphæ scatet , præcipuæ claves sunt , quibus mixti gremium laxatur & aperitur. Sic ejus actuosa principia , quæ segnis impedita torpent , in motum adiguntur , & in libertatem vindicantur , ut vim suam efficacius exerere queant. Excitantur autem calore , quem Chymix Naturalis author suis in officinis accendit. Hoc animo ductus stomachum jecore lienque , ceu totidem prunis , ad latera , diaphragmate fursum , intestinis deorsum calefacit , ut hic ignem , quem Rotæ fœmiquæ focum



cum chymistæ vocant , mireris velim. Cui Mariæ balneum , ut iidem loqui solent , à sanguine , quo carnosâ ventriculi tunica rubet , accedit. Haud aliter chymicus artifex modò favillas , modò prunas , nunc fimum infundendæ materiæ supponit , ut eximenda principia calore , velut intestino rapidoque particularum motu , cieantur , non modò menstrui liquiditate , quæ minori motûs gradu tantùm a calore discrepat. Destillandas fanè materies , easque primò contusas , infusione , nunc frigidâ nunc calidâ , prout separanda principia magis aut minùs intricata sunt antè ferè præparant quàm eas destillationi subjiciant , ne cassam operam navent. Aliàs plantarum aut fossilium salem vel spiritum , qui plurimus in est , vix ac ne vix quidem elicerent. Plantas certè vel animalium carnes , quibus homo vescitur , in stomacho priùs macerari par erat , quam in stillatitiâ viventis corporis metâ destillarentur , ad nutritiorum elementorum expeditionem & adorationem. Huic operationi vel coqui famulantur extrinsecùs , saltem elixatione , vel humidâ quavis coctione , quæ quidem infusionis species est. Sic

Sic habes primam ciborum infusionem, quam alma Natura molitur, secundam nunc contemplemur in intestinis gracilibus celebrandam. Chymus, seu colliquatus in stomacho cibus, per pylorum, descendens, ulterius in tenuibus intestinis maceratur, ac nova fermentatione tenuatur, non tantum loci calore, qui præcipuum infusionis aut macerationis instrumentum est, verum etiam novis fermentis, quæ jecoris, pancreatis & intestinorum è glandibus fraturunt. Quo consilio factum est ut chylus ibidem aliquantulas moras trahat, tam propter continentium tuborum obliquitatem, per quam ei non licet ocius descendere, quàm ob miram cribri glandularis, quod succus ille subit, angustiam, quæ cribrationem tardat, cribrandoque latici remoram injicit. Hinc est intestini gracilis longitudo, quæ toti chylo colaturam opperienti capiendo non impar sit, non solum anfractus, qui descensum ejus sufflaminet. Ut enim duodenum & jejunum intestinum rectà tendat & breve sit, ileum longissimum est, ut universo chylo aliquandiu continendo sit, ac pluri-

mis

mis ambagibus intortum , ne rapidior  
descensus intestinalium glandularum  
colaturæ tardæ chylum citiùs subripe-  
ret

Tertia chymi maceratio vel infusio  
lacteis in venis , quæ mezenterium  
fulcant , in Pequeti receptaculo , quod  
renibus subest , ac in chyliifero thora-  
cis ductu , perficitur , adjuvante lym-  
phâ , quæ cum chylo , ceu validum  
fermentum ibi miscetur , non solùm  
utriusque ventris calore , qui quò cle-  
mentior est , eò magis idoneus huic  
operationi , quam justò vehementior  
turbaret. Ita mustum in tepidâ fellâ  
meliùs fermentescit , ac in vinum vi-  
gescit aut facefcit , cum luculentiori  
foco sapefcit aut vappescat , diffilato  
spiritu.

Quarta demum nutritii cremoris in-  
fusio sanguiferis in vasis fit , cruore ,  
cujus fluentum subit , novi fermenti ,  
vicem gerente , caloremque cunctas  
chymix naturalis operationes promo-  
ventem accendente. Si quidem ignis  
opem infusio plerumque poscit , in-  
testino quippe motu , quem ciet , dis-  
solvendi mixti partes ab invicem dis-  
cedunt , ac elementa , quorum solu-  
tio

tio chymiae finis est , expediuntur. Chylus autem infusione , quam in lactibus patitur , sic mutatur , ut ibidem sanguinis formam nonnunquam apiscatur ; ubi solito longiores moras illic trahit , injectâ lacteae venae ligaturâ , quæ chyli distributionem remouetur.

Ipse sanguis , dum totum corpus circumluit , passim infunditur , aut maceratur , nativo calore spiritûs salisque volatilis extricationem promouente. Totum igitur sanguiferorum ductuum systema , dolium , in quo mustum , aut recens calcatae vinetinae succus infunditur , vel novum vinum , aut cerevisia nova fermentatur , similitudine refert. Sic vegetalis & animalis generis spiritum , in humani corporis officinâ , chymia naturalis elicitura , multas destillandarum materierum infusiones præmittit , ut chymista plantas aliasve materies destillationi subjiciendas infusione vel maceratione calidâ præparat , ac earum sinum laxat , ut elementa , quorum separatio chymiae scopus est , facilius emittant. Haftenus infusio , quæ dissolutionis auxilium est , nunc ea sequitur

quitur quæ liquoris injectionem sonat. Prioris meminit Plinius, ubi dixit, lib. 20., cap 21. *Res duras infusione molli in oleo*; Ciceroque sic locutus Philip. 2. *Atque hic nuper sororis filio venenum infudit, non dedit*; posteriorem innuit Columella sic effatus, *Ac postera die spicas ulpici vel allii cum vino conteras & in nares infundas*; ac denique Maro sic musinatus, *Certatim largos humeris infundito rores*, Georg. 1. Et hac infusione Natura pariter utitur, ubi chylum, è stomacho, in intestinum subjacens; sanguinem per venam Cavam & Portam, in hepar, ut bilem ibi deponat; in splenem, ut melancholiam; in renes, ut serum ibi linquat; in cor, ut fermentescat, & subigatur; in cerebrum, ut spiritus animalis ex eo cernatur; vel ubi bilem, è jecore, per porum choledochum, in intestina; serum è renibus, per ureteres, in vesicam infundit; lympham è glandibus in lymphatica vasa; spiritum è cerebro, secundum nervos, in singulas partes, cerebrique phlegma, per infundibulum, in pituitariam glandem. Artificialem hujusce generis infusionem mitto, qua chyrurgus pharmacum

cum liquidum in cavum ulcus immittit, ac medicus Anglicus in venas diversæ naturæ medicamen injicere cæperat, sed defivit, successu votis non respondente.

### *Humectatio, vel immersio.*

**H**I processus ei, quem proximo capite perstrinximus, congeneres sunt, aut certè parùm dissimiles. Destillandas, aut aliis artis operationibus obnoxias materies artifex interdum humectat aridiores, aut immergit, purgationis aut mollitionis causâ. Quibus in operationibus, ut & in aliis, ars naturam mentitur. Cibus enim, in ore, salivâ madescit, in mollem massam dependus, gutturis, pharyngis & œsophagi glandibus lympham effundentibus, quâ cibi mador crescit. In stomacho, novas scaturigines humectationis novæ materiem effundentes comperit, ibidemque largo potûs diluvio dissolvenda materies immergitur, non tantùm humectatur. Simul fufum cibarium pylori claustrum vel angustias superavit, simul ex intestinalibus glandulis scatentem lympham,

pham, oriundum è pancreate succum; nec non ex hepate manantem bilem acidum amarumque succum, quibus magis ac magis humectetur; invenit. Deinde lactes lymphâ refertos ulteriùs humectandus aut diluendus chylus subit, ut ejus circulationi, non modò fermentationi, novum calcar, aut fermentum adhibeatur. Postremò sanguini chymus, in venâ subclaviâ, miscetur, non tantùm ut vegetiùs fermentescat, velut mustum admixto vino, verùm etiam ut dilutior evadens, per universum vasorum suorum systema, faciliiori negotio, diffuat.

Haftenùs humectatio, vel immersio, quâ nutritionis materies præparatur, circà quam speciem sermo noster præcipuè versatur. Sequuntur humectationes ad hunc usum minùs pertinentes. Ut enim Macrocosmus maribus, fluviis, amnibus, rivis, fontibus, stagnis & lacubus humescit; quo sensu Virgilius ita cecinit, *Quà niger humectat flaventia culta Galeus*; sic & Microcosmus, cujus tota humorum massa maris speciem præ se fert, insignes arteriæ venæque similitudine fluminibus accedunt, exigua sive sanguinis sive laticis

cis aliis vasa rivis, viscera fontibus haud  
 ab similia sunt. Aquarum restagnantium  
 in corpore congeries, aut hydropes sta-  
 gnis & lacubus dissimiles non sunt. Car-  
 nes sero madidæ, vel intercus aqua,  
 quam & leucophlegmatiam dicunt,   
 paludi perfimiles existunt. Sic uni-  
 versum corpus sanguine, qui pitui-  
 tam, bilem & melancholiam com-  
 plectitur; chylo, qui proxima sangui-  
 nis materies est; lymphâ, quæ per  
 glandes cernitur, ac per propria va-  
 sa diffluit; nerveoque succo, qui  
 per nervos è cerebro totum in corpus  
 dilabitur, humectatur. Hinc oritur  
 humidum vitale, quod & radicale  
 nuncupatur, quoniam princeps vitæ  
 radix est, quodve penitissimis in reces-  
 sibus irradicatum sit. Quo carens hec-  
 ticus morti proximus est, ubi totum ejus  
 corpus, ceu sceletum exsuccum, aret.  
 Quæ lethalis ariditas ne contingat, al-  
 ma Natura cavit, dum singulis parti-  
 culis, non modò membris, in sevit va-  
 sa, quæ, velut totidem aquæ du-  
 ctus, humectationis materiem addu-  
 cant. In singulas sanè particulas nutritius  
 succus, paulatim, roris ad instar, in-  
 fluit, ideoque nomen illius meteori,



\* priscos apud physiologos, fortitur, simul ac ex arteriis in alendam partem decidit. Cæterum, humectationis materies, vel cujusdam regionis aut membri propria, vel toti corpori communis est. Oculorum humores, ac is præsertim, qui nomen omnibus commune sibi proprium arrogare posset, nimirum aqueus, sic illius membri proprii sunt, ut alibi similes non occurrant. Chylus toti quidem corpori nutriendo destinatus est, cum proxima sanguinis, non modò lactis, ac remota reliquorum humorum materies sit; quamdiu verò propriam formam retinet, imi ventris & thoracis proprius esse videtur. Lymphâ quidem totum corpus madere, recepta jam opinio est, cum nulli particulæ lymphaticum vas desit. At exigui lymphæ ductus visum tantum non fugientes pro nihilo tantum non habentur, in humani corporis humectatione, cui nerveus quoque succus suam symbolam confert, verum ob similem causam, nempe quòd in conspectum ferè non veniat, hu.

\* Ros gluten, cambium sunt tria nomina, quibus prisca schola mutationes, quæ succo nutritio, postquam extra vasa fusus est, accidunt.

humectationis usum sanguineæ massæ ,  
 quæ totum corpus pelluit , linquere vi-  
 detur. Porro bilis & melancholia, salinus  
 & sulphureus humor, madefaciendo cor-  
 pori parùm idoneæ videntur. Pituita  
 verò satis humida quidem est , sed ea-  
 dem crassior & lentior , quàm ut per  
 universum corpus humectandum dif-  
 fluere possit. Serùm equidem satis  
 superque liquidum est , at idem fixis  
 salibus onustum , velut muria , vel  
 aqua salsa , quæ propterea magis ex-  
 siccat, quàm humectat. Salis enim est  
 desiccare , quod in carnibus sale con-  
 ditis conspicuum est. Lotium igitur,  
 quod est unda microcosmi salsa , re-  
 nes , ureteres & vesicam , non hume-  
 ctat , sed lavat. De sudore , qui to-  
 tum corporis habitum irrorat , simile  
 iudicium esto , cum eadem urinæ sudo-  
 rique materies sit. Uretram quidem  
 lubricat lymphidus quidam latex , ex  
 illius partis glandulis scaturiens , ut &  
 lymphæ laryngis & pharyngis è glan-  
 dibus scatens continuas aut subjunctas  
 fistulas irrigat. Secùs lentum semen  
 in uretrâ subsisteret , nisi lymphæ  
 madore priùs lubrica foret , quàm  
 sperma scaturiret in vulvam projicien-

dum. Ut sperma matricem, ceu feracem agrum, sic lac primò mammas, 2. lactentis pusionis os, æsophagum & stomachum, ac denique totum corpus irrigat. Agni jam editi diductum os pressis ovis papillis humectari, ut condiscat maternum trahere alimentum, Columella jubet. Recens alimentorum succus cerebrum rigans ad somnum invitat, favente præsertim nocte, quò Virgilius alludit sequenti disticho,

\* *Et jam nox humida cælo  
Præcipitat suadentque cadentia sydera somnos*

Quæ tamen humectationes minùs, fateor, ad præsens argumentum pertinent, quàm ea quæ rigandæ nutritionis materiæ destinata fuit, quæve per totum corpus, non solùm in stomacho, fit.

## N U T R I T I O.

**I**N pharmaceuticis officinis humectationem nutritio sequitur, ei parùm dissimilis. Ità lythargyrum oleo nec non aceto, quasi nutritur, quippe cuius,

\* Æneid. 2.

jus , non secùs ac nutriti corporis , mo-  
 les crescat. Quo sensu nutriri signi-  
 ficat augeri, sic Collumella lib. 12. cap.  
 30. *Quanto major astus erit , eò sapius  
 convenit vinum nutriri.* Idem ibidem ,  
*& nutritum vinum operimus atque obli-  
 nimus.* Ita sanguis chylo , lymphâ ,  
 variisque succis aliis nutritur. Pri-  
 mus hujusce generis processus in ore  
 fit , ubi cibus salivâ nutritur , ac qua-  
 si fermento , ceu depressa massa , tumes-  
 cit. Secunda cibarii nutritio fit in  
 ventriculo , qui lymphatico , nec non  
 nerveo succo , quem è stomachicis glan-  
 dibus & nervis excipit , jam ab ore  
 madidam escam ulteriùs imbuit , alit-  
 que , quatenùs ejus molem auget , non  
 tantùm novarum materierum adjunc-  
 tione , verùm etiam , & intumescen-  
 tiâ , quam fermentatio ciet. Quò chy-  
 mus ulteriùs progreditur , eò magis  
 novorum laticum accessu , mirum in  
 modum , auctus ditescit ; pancreati-  
 cum & hepaticum succum in tenuibus  
 intestinis , utilissimam lympham in  
 lactibus , Pequeti receptaculo , thora-  
 cicoque ductu nec non in ubere ge-  
 mello , demum sanguinem in subclaviis  
 venis , magnum velut incrementum ,  
 ex-

excipit ; ita fons in rivum , rivus in amnem , amnis in fluvium , flumen in pontum . plurimis spoliis onustum , abit . Primus nutritii succi fons est os , inde scatens succus est salivâ , quâ cibarium madescit , & quadamtenus nutritur aut imbuitur . Idem stomachicam lympham , ceu fermentum , imbibit , ibique colliquescit in chylum , qui descendens in intestina rursum auctus triplici succo , quem intestinales glandulæ , pancreas & hepar affundunt , lacteas subit venas , ubi lymphâ rursum augendus est ac quasi nutriendus , lactes autem Pequeti receptaculum atque chyli ferum thoracis canalem complectuntur . At chyli pars , è pectoris ductu , per stipitis illius stolones aliquot ad mammas divertens , lymphâ mammariis ex glandibus oriundâ ditescit , & aliquatenus alescit . Tandem amnis ille , perennis enim non est , ut genuinus fluvius , sanguineum mare subit , in venis subclaviaribus , ubi demum cruore nutritur , ut ultimum maturitatis gradum adeptus universum corpus ipse nutriat . Reverâ , cruor animali spiritu , nerveo succo , lymphâque ditatur iterum & alesc-

alescit, at tum id recuperat, quod ipse commodaverat ; omnium enim humorum , qui sexcentis e fonticulis sca- tent, scaturigo prima sanguis est. Sic ipse nutritius succus diversorum laticum accessu vel confluvio nutritur.

Hic enim de viventium partium nutritione non agitur , sed de nutritii succi præparatione , novorum laticum accessu , quem nutritionem dictitant catachresticòs. Sanguis quippe chylo , lymphâ , nerveoque succo , sicut fluvius accedentibus rivis augetur , ac quasi nutritur. An sanguine , lymphâ , vel nerveo succo totum corpus alatur, hic loci non quærimus, quanquam id quæstionis acerrimè novos inter physio- logos agitur.

## DISSOLUTIO.

**E**O tantum consilio cibus variis laticibus imbuitur ac quasi nutritur, ut dissolvatur ; solidus enim distributioni, quæ coctionem sequitur, & nutritionem antecedit , parum idoneus esset. Liquefactus verò quaquaversum facile diffluit , liquiditatis vehiculo

culo favente. Næ, per cæcos & capillares ductus, quos sexcentos alendum corpus habet, dilabi alioquin non posset. Ut colliquescat igitur primum menstruum in ore, nempe salivam, spiritu volatilique sale fætam nanciscitur. Solo calore cibarium in stomacho dissolvi prius & idem nunc obsoletus error fuit. Ut enim intestinus ille particularum motus dissolutionem oppidò juvet, fermenta tamen liquida spiritibus salibusque dissolventibus plena, maximam huic opem ferre sexcentis experimentis, quæ consultò reticemus, liquidò constat. Saliva quippe cibum fermentatione, non solùm humectatione, dissolvit; hac enim imbutus subactusque bolus fermentescens tumescit, non secus ac massa cum fermento depsa. Stomachicum fermentum inchoatam in ore dissolutionem promovet. In ventriculo colliquatus cibus in intestina tenuia descendit, pancreatis lymphâ bileque parumper augendus, ut majori fermentatione, quam illorum succorum lucta movet, ulteriùs dividatur & attenuetur, quò fit subeundis lactibus, ubi novum fermentum, sive lympham è mezenterii glandis

glandibus scatentem, ceu novæ dissolutionis instrumentum offendit. In Pecteti receptaculo lymphâ pleno rursus dissolvitur & attenuatur, ut in homine per acclivem thoracis canalem ascendere possit, ad venas usque subclavias. Quas antequam subeat chylosus amnis, hujus pars ad mammas, excurrit, novum fermentum, novæque dissolutionis instrumentum, nempe lympham illinc scaturientem quæsitura. Ipse sanguis, cum quo subclaviis in venis miscetur, novi fermenti, seu dissolventis vicem & officium ei præstat, non secus ac vinum musto, quod ejus vi fermentescit atque dissolvitur, aut attenuatur. Cruor ipse animali spiritu, nerveoque latice, quem in sanguifera vasa nervus infundit, nec non lymphâ diluitur, quò liquidior evadens facilius circumire possit, alendarumque particularum vasa capillaria subire. Sic nutritii succi præparatio multiplex dissolutio est. Porro quemadmodum aurum aquâ regiâ, vel salis spiritu tantum dissolvitur; cuprum, hydrargyrum, &c. aquâ stygiâ, quam fortem nostrates dicunt, sive nitri spiritu; margaritæ, corallia, cancrorum oculi,



li, aliaque plurima id genus, aceto stillatitio, nitri spiritu vel alio succo acido; Marsaquâ, cui tartarus accessit; refinosa scammonii, jalappæ, turbith, ac agarici pars, succinum, gummi lacca vini spiritu; sandaraca stillatitio spicæ oleo. Sic menstrua nutritio succo dissolvendo idonea Natura sapiens elegit.

Hactenus salubris, insalubris verò sanguinis dissolutio nunc subjungatur, per transfennam. Interdum chylus acriori fermento nimis dissolvitur, non secus ac cruor, qui justo liquidior, vel frigesceus, consistere nequit, in phlebotomorum vasculis. Stomachi latex justo nonnunquam acidior cibarium plus justo citiusque dividit, unde canina fames oboritur. Siquando bilis pancreatis lympham in tenuibus intestinis proportionali quantitate vel qualitate vincat, chylus, illorum antagonistarum palæstra, nimium dissolvitur, oleum enim, ceu fluidum sulphur, liquiditatem auget. Indidem est alvi fluxus, aut chylosus, quem vocant passionem cæliacam, aut biliosus, qui colico dolore sævit. Qualis porro chymus, talis & cruor est. Sed præter illas nimiae dissolutionis causas, quas in chyli regno  
fu.

sumit, ut ita dicam, & alias, proprio Marte, concipit, quum ejus fibræ, vel acrioribus, vel acidioribus salibus, ita dissècantur, ut omnis partium cohæsiò, vel connexio destruatur. Unde maligna febris, aliæque mali moris necessitudines. Hæc autem salia nimium dissolventia, vel cum cibo potuque nimis acri, vel cum pharmaco vehementiori, nimiumque dissolventi; quale ferè hydragogum est, vel cum acre, quem respirantes haurimus ducimusque, spiritibus aut salibus acrioribus onustum, animalis corpus subeunt. Unde febres epidemicæ grassantur, pessimi moris, in quibus sanguis ita dissolutus est, ut post phlebotomiam, injecta ligaturâ, vel arctissimâ, chirurgus cruorem profilientem cohibere non possit. Quo fato, purpuream animam amisit Monspeliî nobilis eademque formosissima virgo, malignâ febre laborans, cui clarissimus alioquin medicus, Barbeiracus, quo præceptore gloriator, venam secari jussèrat. Diuturnior eademque vehementior fermentatio nimiam dissolutionem sanguini non inferre nequit, salia quippe, quibus cietur, acri, qua pollent, acie, cun-

cunctas humorum fibras dissecant, ejusque partes vehementius diuque collisæ mutuam in perniciem ruunt, atque comminuuntur. Tandem dissolutio sumitur pro morte, qua mens à corpore dissolvitur, ipsæque corporis partes ab invicem discedunt, unde Cicero dixit, *Animal mortale, dissolubile & dividuum est.* 2. De naturâ Deorum; idem libr. i. mentis & corporis coagulationem dissolubilem vocavit. Verùm de morbifica nutritii succi vel de lethali totius corporis dissolutione verba facere cum animus mihi non esset, de eâ dicendi finem extemplò faciam.

## DE CALEFACTIONE.

**E**Atenus calefactio dissolutionis instrumentum est, quatenus ejus causa calor intestinus particularum motus existit. Huic autem, in visceribus, ubi nutritionis materies præparatur, fovendo provida Natura sedulò prospexit. Huic coquorum ars ancillatur, dum dapes ritè coquit, non modò calefacit, ut earum elementa, quæ dicunt actuosa, suis è latebris coctione

ctione dirutis faciliùs exeant. Cum tamen ori frigida cibaria quædam ingerantur , ibi calefcere cæperunt , ne fuo frigore ventriculum offendentia colicum dolorem inferrent. Faucium porrò ftufa calefit , non modò calore , quem pectus & abdomen , velut hypogæi vulcani , per gulam , aut asperam arteriam eò mittunt , verùm & proprio fotu calet os fanguineo Mariæ balneo , quod Natura plurimis vafis fanguiferis , quæ vel in linguam , vel in palatum , vel in fauces , vel in regionem linguæ subjacentem infevit , fapienter inftituit. Idem in ftomacho gracilibus intestinis , mezentério , pectore , capiteque confpicitur , ne cui corporis plagæ calor , quo fuccus nutritius præparatur , defit. Ventriculus quidem hepate fpleneque vicino , ceu prunis , calefit. Intestinis incumbit , eodem confilio , quò ftercoris fimò , quem continent , incalefcant. Diaphragma quoque supernè contiguum , idemque fanguine madidum , utpote carnofum aut mufculofum , eidem refovendo fuam fymbolam confert , non tantùm jugi motu , quo calefcit ipfum , dum fuppositum ven-

E                      triculum

triculum quassando, vel agitando calefacit. Depsititia ciborum massâ proprio marte, sive spiritibus, & salibus expeditis, ut mustum fermentescens, calefcit. Ne chylus in intestinis algefcât timere noli, nam præterquam quòd fini calore, nec non intestinali Mariæ balneo refovetur, prætereà bilem, sulphureum, eoque nomine calidum laticem ibidem excipit. Ac tantum abest ut acidulus pancreatis succus cum nimis refrigeret, ut ejusdem calorem magis intendat, luctâ vel fermentatione, quam ei conciliat, occurrente bile, cujus amarum aut alkalinum sal cum acido pancreaticæ lymphæ sale, si Sylvio Deleboé fides sit, acerrimè colluctatur, ut inde chymus calefcât, non secùs ac mustum, aliufve succus fermentatione vehementi fervefcit, rapidissimo particularum motu, penes quem fervor & calor est. Ne chylus in mezenterio propriâ naturâ frigido, utpote membranoso frigeſcât à sapientissimâ Naturâ cautum est, non tantùm admixtâ lymphâ, quam lactes præbent, ceu lymphatica vasa, chylum enim hic latex fermentatione, quam ciet, calefacit, quam.

quamvis condensatus animalis spiritus non sit , ut quidam suspicantur , at præsertim appositis sanguiferis vasibus , quæ chyliferis adjacent , nervisque plurimis , quorum septem plexus sunt mezenterio , ne spiritus animalis generosum fermentum , validissimaque caloris causa partem aliàs frigidam deficeret. An in pectore novum calorem apiscatur , eis dubium non est qui regionem illam maximum microcosmi focus appellant. Cor sanè viscerum omnium calidissimum , ibi sedet , eique vicinus pulmo sanguinem accendit aereo spiritu nitro. Nisi Willisio fidem neges , in sententiam illam pedibus manibusque descendes , utpote familiaribus exemplis fretam. Cur enim folles , quorum officio pulmones funguntur , aeris insufflatione flammam excitant , nisi quia nitrum acreum in focus insufflant ? Thorax igitur omnium ventrum calidissimus , ceu vulcania fornax , prætereuntem succum nutritium non calefacere nequit. Mitto pulmonis cordisque systoles & diastoles , quibus sanguis agitur , subigitur , eodemque nomine calefit. Ac quamvis caput à pristinis

physiologis frigidum haberetur , utpote pituitæ metro olis , cum tamen viventis alembici fastigium sit , volatilia sanguinis elementa . spiritus , volatilibusque sal . eò , propriâ levitate , convolant adeoque cerebrum calefaciunt , ut inter Neotericos dubium sit an pectus capite sit calidius . Ibidem igitur nutritius succus calebit , non solum in abdomine pectoreque , per totum enim corpus circumfluit . Calidus porro cruor singulas ejus oras pelluens balnei , quod Mariæ nomine gaudet , passim materies est , ut universum animalis corpus hypocaustum sit , cujus abdomen , pectus & caput fornaces sunt , unde calor per totam stufam diffunditur , calentibus rivis , qui quaquaversum inde diffluunt , ne calor artubus defiat , vitalis aut naturalis . Cujus causa princeps penes humorum fermentationem est . Vinum enim , cerevisia , cydrus vehementer fermentescendo fervere . Eadem enim est fermentationis & caloris forma , nimirum ocyor & idem intestinus particularum motus . Quamdiu porro calor , tamdiu vita durat . Ideoque mors gelida Nasoni dicitur , sequenti carmine ,

mine , *Stulte quid est somnus gelida nisi mortis imago ?* At quamvis calore vivamus , non continuo quivis caloris modus , aut gradus vitalis est , cum febrilis potius lethalis sit , quòd vitalem spiritum difflet , sanguineæque massæ contextum dissiuat , & ita sinum aperiat , ut quidquid inest vitale quà data porta ruat. Idcirco febris vel robustissimi viri vires è vestigio frangit. Sed de vitali non de lethiferâ calefactione , cujus causas in calidiori cibo potu vestituque , vel insolatione , in vehementioribus animi corporisque motibus , in modum excedentibus vigiliis , in calidorum excrementorum retentione , reperiās , sermo noster erat. Deum ars , non solùm natura , materies , quibus utitur , in chymicis officinis , ferè calefacit , ut citrà calorem nullus fermè Chymix processus fiat. Postremò nutritionis materies , atque spiritus , quo vivimus , infusionibus , decoctionibus , tincturis , fermentationibus , colaturis , sublimationibus , destillationibus , cohobationibus , quæ , sine calore , fieri non possunt , præparantur. Ergo de calefactione dicendi necessitas nobis incumbēbat.



*Insolatio finique calor.*

**I**Nsolatio calefactionis species aut modus est , a radiis solaribus , qui tenuissima flamma sunt ; caustici quippe speculi foco congregati flammescunt. Hac , ut pote clementissimâ , chymicus artifex utitur , ubi mitissimo caloris gradu , qui nec spiritum , saleve volatilem dissipet , nec sal fixum ad acorem evehat , opus est. Idcirco recentes succos , conservas , tincturas , balsama , vel axungias pharmacopæus insolat , ut ea clementi fotu maturet , ac efficacæ principium acuat & excitet. Ad succorum maturationem quod attinet , Plinius hæc habet . lib. 20. cap. 21. *Succus exprimitur in fictili , calefcit inaturefcitque sole.* Hinc Nasōnis heliolatria , *Est Deus in nobis agitante calefcimus ipso* , lib. Fast. Caro autem conservæ rationem habet aliquamdiu conservanda In animalis corpore Natura parat sanguinem , qui tincturæ , balsamique nomen meretur , quippe cujus lymp̃ha soluto ciborum sulphure tingatur , indeque rubescat ,  
ut

ut sulphuris tinctura, quam artificialis chymia præparat. Balsami sibi nomen arrogat pharmacum, quod anodyno sulphure corrodentium salium a-  
ciem retundit. Mitissimus porro sanguis illo munere fungitur, quum vul-  
nerum aut ulcerum curationem pro-  
movet, mitigatis salibus fixis, qui vi-  
vas carnes lancinant & depascunt. De-  
mum axungia ne vitientur, insola-  
tione cavetur, absumtâ scilicet uligine,  
quæ putredini favet. In animato cor-  
pore paratur & conservatur axungia,  
quæ nimio luxurians humore, cachexim  
potiùs quàm euexim creat, ut sic af-  
fecti homines tumidi potiùs quàm pin-  
gues videantur, præsertim juxta palu-  
des, lacus, aut stagna residentes, quòd  
eis vegetæ fatis insolationes defint, ad  
exhauriendam superflui humoris lux-  
uriem. Solis autem, non solùm vi-  
ventis fornacis, igne chymia natura-  
lis utitur, ad præparandum & matu-  
randum sanguinis clystum aut elixi-  
rium. Ideoque rectiùs calidâ quàm  
frigidâ tempestate, vel regione para-  
tur, unde secunda valetudo, quæ cle-  
menti calore gaudet, excedenti vel  
deficienti læditur. Hyeme sanè Na-

tura minùs viget, quàm cæteris annī temporibus, quoniam insolationes hybernæ vel nullæ vel debilissimæ sunt. Æstivæ justo vehementiores sanitati vel robori minùs favent, quàm vernæ, vel autumnales, quæ spiritui salique volatili parcunt. Temperatas ideo zonas habitantium valetudo ferè magis est prospera, quàm eorum qui torridas aut glaciales tenent, quique, vel igneum aerem, vel nimis algidum, aut brumis asperum ducunt. Nostrum enim corpus vas, quod à chymistis insolatur, similitudine refert, dum in sole versamur, aut stantes ejus insolationem patimur, ut omnes chymix naturalis operationes ejus vi promoveantur. Eâdem operâ, juvantur, in maximâ chymix naturalis officinâ, scilicet, in macrocosmo, cujus maximus focus est sol, quem igneo ponto quidam æquiparant. Huic quidem succenturiatur hypogæus ignis in majori mundo, sed in minori calor viscerum ac præsertim cordis, quod microcosmi solem ideo dictitant. At quemadmodum acrior insolatio conservas vinumque vitiat, acore conciliato, merum enim in acetum citò convertit, dissipato nempe spiritu, volatilique

utilique sale, fixoque nimis excitato; sic & vitalis spiritus dilapidatur, ac sanguis affatur & acescit, aut certè vehementius fermentescit, unde febris exoritur. Æthiopes, affato cruore sanè nigrescunt, atra bile luxuriante, cujus excessu sensus obtunditur, atque mens obstupescit. Spiritus, quo viget ingenium, æstu nimio dissipatur, algore restringitur. Ergo nec in torridis nec in glacialibus zonis felix ingenium, aut secundam valetudinem quæsieris, nì tantos excessus natura vel ars emendent.

Insolationi, quoad calefactionis gradum, similis est fimi calor, ideoque junguntur eodem capite, quum chymicarum operationum instrumenta recensentur. Utroque chymia tam naturalis quàm artificialis utitur. Ea sanè quæ nostris in corporibus operatur, nutritium succum, stercoreo calore, non solùm insolatione refovet. Animalis corpus, ut ager, nisi stercoretur alget, ex Plinii sententia, cui Columella consonat hisce vocibus, *Nec ignorare colonum oportet, agrum refrigerescere, nisi stercoretur* C. lib. 2. cap. 6. Quo consilio sapientissimus ejus author mer-  
dam,

dam , ceu sulphureum naturalis ignis fomitem , in corpore distinet , intestinorum anfractibus , qui fimi descensum sufflaminant , ut abdominis fornax incalasciat , ad Naturæ munia promovenda , nimirum ut accretio , nutritio , generatioque ritè precedant. Hoc autem fotu stercoreo chyli sanguinisque formatio , distributio , defæcatio , per colaturas , promoventur. Quem fomitem subducente diarheâ , minùs prosperè celebrantur operationes illæ. Verùm ex omnibus artis operationibus nulli fimi calor magis favet , quàm infusioni vel macerationi lentæ , cui chylosis & æmatosis persimiles existunt. Idem fatus , utpote mitissimus , pullorum exclusioni , mirum in modum opitulatur , quippe quorum germen tenellum violentus ignis , rapido motu , destrueret. In similem usum Natura muliebris alvi finum adhibet , ideoque fætûs proplasma , scilicet uterum , inter vesicam & intestinum rectum locavit. Sic , jubente Deo , Palemon & Baucis suum utrem , unde natus est Orion , divino spermate , posuerunt & immerferunt in stercore , quæ fabula dici potest allegorica generationis

nerationis descriptio , quâ patet humanum genus divinam esse sobolem , ut Aratus cecinit , referente Divo Paulo , cui summus ejus magister concinit , ubi dixit , *Neminem in terris Patrem compelletis velim* , unus enim Deus vester genitor est , quare discipulos docuit hisce verbis precari , *Pater noster qui es in Calis* , &c. Ad rhombum redux , Momum ipsum derideas , qui sordes illas in corpore , quod summa mundities decebat , aliquantulas moras trahere minùs æquo fert animo. Reaple stercus idonea nutritionis materies non erat , ideoque tandem aliquando per sedes dejectur. At idem , leni calore , cunctas operationes naturales promovet , ideoque non statim excernitur , sed in intestinis aliquamdiu restagnatur , ut lotium in vesicâ. Sic vitales & animales , non modò naturales functiones adjuvat , quatenùs sanguinis circulationem in pectore , destillandique laticis ad caput sublimationem propellit. Vivens enim corpus est stillatitia meta , quâ vitalis succus & spiritus destillantur. At argumentum istud alibi fusiùs persecuti sumus.

COC-

## Coctio , maturatio.

**A**Bdomen est coquina , stomachus est olla , chylus jusculum , innatus calor est coquinarius ignis , imo totum corpus coquinarum vas. Coctiva Latinis , eupepta Græcis dicuntur quæ digestu facilia sunt. *Laudatior* , inquit Plinius , *castanea Corelliana & ex eâ facta Meterana* , quæ coctivæ vocantur. lib. 15. cap. 23. Eadem coctibilia cluunt , authore Plinio , *Glans* , ait , *fagea suam hilarem facit , carnem coctibilem ac levem & utilem stomacho* , lib. 16. cap. 6.

Præcipuum porrò coctionis instrumentum est calor , aut ignis , de quo , præcedenti capite , sermonem habuimus. Coctione tam Chymista quàm coquus utuntur , ut præparatæ materiei sinus caloris clave referetur , ad faciliorem exitum elementorum , quæ depromere consilium ipsis est : Imò coquina naturali chymix , cujus officina corpus nostrum est , ancillatur , dum cibum coctione mollit , ejusque saporem acuit , aut elementa diffundit separanda

randa. Jam inchoatam ab arte coctio-  
 nem Natura diversis in officinis perfici-  
 cit , donec ab omni parte coctum ali-  
 mentum in alendi corporis substan-  
 tiam facefcac. Prima coctio , vel fol-  
 vendi , vel soluti cibi est , eaque præ-  
 fertim in ore , vel in abdomine cele-  
 bratur. Secunda fit in pectore fan-  
 guinemque nondum maturum perfici-  
 cit , ac omnino maturat , infusione ,  
 fermentatione , pulmonis , cordis &  
 arteriarum systole diastoleque , ceu  
 jugi quassatione , vehementique vita-  
 lis ignis foco , qui præsertim in cor-  
 de situs est. Ibi microcosmi sol arde-  
 re , indeque vitalem spiritum undiqua-  
 que diffundere fertur , ad vitam om-  
 nibus membris conciliandam , clemen-  
 ti calore , quem sanguinis & spiritûs  
 influxus accendit. Tertiæ coctionis  
 officina caput est , ubi cruor in abdo-  
 mine pectoreque decoctus ulteriori  
 coctione , quam larga spirituum fa-  
 liumque volatilium vis , velut ignea ,  
 molitur , ut in stillatitiæ metæ cul-  
 mine destillatur , in animale spiritum ,  
 quem nervi per universum cor-  
 pus sensu motuque donandum distri-  
 buunt. Ergo microcosmi coquina tri-  
 stega



stega est , abdomen ima contignatio , pectus media , caput summa ; totum , imò , corpus universalis est cuculina , quæ tres illas privatas complectitur , ibique nutritius succus indefinenter decoquitur , Mariæ balneo , quod in omnibus singulisque corporis membris cruore calenti refovetur , velut lebetis bullientis undâ. Vel , sîs , allegoriâ mutatâ , vivens corpus chymici naturalis officina est , cujus fornax tergeminus est , abdomen , thorax & caput ; vel stillatitia meta , cujus alvus est quasi cinerarium , aut fimosus focus , pectus est amplum vas destillandum liquorem capiens , quod chymici cucurbitam , vel ollam nuncupant , caput fastigium , ubi vapores , aut tenuior sublimisque cruor in animalem spiritum nerveumque succum abeunt. Destillatio verò coctionis species est , qua destillanda materies decoquitur , ut mixti finis laxetur , elementaque separanda , quæ data porta prodeant & erumpant. In animalis æconomiâ , coctionis idea passim igitur occurrit. Alii viventis corporis coquinas aliter dividunt , primæ coctioni primas vias , ut loqui solent , secundæ

dæ fecundas , tertiæque tertias tribuendo. Totum quippe corpus in tres tractus dispertiuntur , quorum primus os , æsophagum , stomachum , intestina , mezenterium , adeoque lacteas venas , Pequeti receptaculum , thoracicumque chyli ductum habet , chylique regnum ab aliis appellatur. Secundus universum vasorum succos quoslibet ferentium systema complectitur , sanguinique regnum ab iis , qui cæteros animalis humores nesciebant , dicebatur. Tertius denique constat è solidis partibus , sive similibus , quas particulas vocitant , sive dissimilibus , quæ membrorum nomine gaudent. Sua porro cuique regioni coctio est , primæ nimirum chylosis , sive chyli decoctio , secundæ verò æmatosis , sive sanguinis formatio , quæ nova vel ulterior chymi coctio , & maturatio est , tertiæ demum omoiosis , quam assimilatiōnem Latini dicunt ; fit autem ultimâ perfectâque nutritii laticis in alendis partibus coctione , vel condensatione. Quæ coquuntur enim , eadem operâ condensantur , ut syruporum præsertim & jusculorum exemplo liquidò patet. Hinc est quòd nutritius succus ,  
qui

qui ros nominatur, simul ac è vasis depuens alendas partes rigat, gluten paulò post cognominetur, ubi postremò coctionis gradu spissatur & nutriendis partibus, glutinis adinstar, adhærescit, cambii nomenclaturam denique consecuturus, quum in alendam partem tandem aliquando commutatur, aut cambiatur, quod verbum jam obsoletum est, quamvis olim in honore fuerit. Sed omnes illæ mutationes ignis operâ fiunt, sive coctione, quæ fermentationem, infusionem, evaporationem, non solùm elixationem, complectitur. Ignis autem operam omnis coctio deposcit. Quì viventis in corporis fornace accendatur ab aliis aliter explicatur. Ex Cartesio, hujusque discipulis, Hogelandio Regioque, genuinus ignis in cordis foco primitus accensus fuit à Deo, quò Promethei solis ignem rapientis, ad hominem animandum, fabula satis eleganter alludit. Pristina schola tenello corpori nimiam ignis acrimoniam metuens elementa mixto formaliter inesse negavit, nativo contenta calore, qui nutritium laticem decoqueret. Chymistæ recentem plantarum aut fructuum

suc-

succum fermentatione calefcere notantes sanguinem eo calidiorem , utpote pluribus spiritibus falibusque volatilibus hordum , eadem operâ , scilicet intestino particularum motu , quem fermentationem appellant , ac præsertim salium collisione , nec non sulphuris accensione fervere verisimiliùs statuerunt. Hoc autem calore , dicamne an igne , nutritionis materies decoquitur , ac ad usum , ad quem comparatus est , accingitur. Vitalis igitur ignis materies est spiritûs , salis volatilis , sulphurisque syndrome , qua chymia naturalis author animati corporis fornaces calefacit , ideoque sanguinem pulmonum follibus accendit , aereo nitro , quod insufflant , vitali flammulae pabulum afflando. Huic causæ succenturiantur & aliæ permultæ , videlicet insolatio , corporis animique motus , alimenti fermentatio , propriorum elementorum vi , domesticorum focorum vicinia , stercoreus intestinorum ignis. Quæ causæ , si modum excedant , coctionem remorantur , naturalis enim calor eidem favens mediocris sit oportet , quippe cujus excessus omnibus Naturæ muniis summoperè

F

no.

noceat, ut febris exemplò liquet. Febricitantis enim urina maximam cruditatem indicat, ac omnes Naturæ vigentis operationes tantùm non feriantur. Imò præternaturalium humorum, putà, puris, sputi, muci coctionem febris sufflammat, vitalem spiritum illius authorem infirmando vel discutiendo. Imò pravi cujuslibet humoris coctionem & cruditatem Hipocrates agnoscit, ubi cruda \* purgare vetat. Coctus autem habetur humor, quum excretioni facilis est. Excrementum verò tenuius ægerrimè purgatur, quippe quod membra, spongiarum instar, imbibant. Quapropter, ineunte rheumate, vel coryzâ, nec mucus, nec sputum ritè excernuntur. Minus densum sputum aeris exeuntis impetum eludit, eoque pulmonis spongia faciliùs penetratur. Serosa muci materies, vel cerebri, vel nasalium glandularum spongiâ quoque retinetur, donec cocta foras eliminetur. Nativo nempe calore condensata exeuntis aeris impulsu faciliùs excipit. Ad puris coctionem quod attinet, ea densitate, quam albedo

\* Πέπωνα φαρμακείναι καὶ κινέειν, μὴ ὀρεῖν. Sect. I. Aph. 22.

bedo comitatur, innotescit. Tenuioris partis evaporatione, quam mitis Naturæ calor promovet, densatur; albescit à sulphuris jam præcipitis magisterio salium aciem retendenti. Quæcumque sit coctionis natura, eam, in cuncte morbo, contingere Cous senex meritò negat. Sua quippe temporis mensura cuique operationi datur. Cæterùm, ad excretionis facilitatem, in qua coctio versatur, tria potissimùm conducunt, videlicet humoris excernendi mobilitas, & discessus à sanguineâ massâ, post ejus expeditionem, quam Natura, vitalis spiritûs operâ, cæco Marte, promovet. Sedenim initio cuncta confusa sunt, eterogeneis namque particulis à congruis. aut congenerebus expediri, vel separari nec per tempus, nec per spirituum imbecillitatem licuit. Spiritus autem recrementum expediunt à tricis, & ab humore laudabili separant. Morbi principio, purgandus humor satis mobilis non est, ut è corpore vix ac ne vix quidem exeat, nisi priùs diluentibus injectis liquidior evaserit. Ut densitas mediocrima purgationi favet, ita nimia multum officit, ideoque purgandus hu-

mor interdum antè diluendus est ;  
quàm per sedes excernatur. Huc per-  
tinet Hypocratis aphorismus , 9 S. 2.

Τα σώματα χρὴ , ὅκῃ αὖ , τίς βεληται καθάιρειν  
ευροκ ποιέειν , id est, Corpora quum quis  
purgare volet , ea fluxilia faciat oportet.  
Maturitas igitur, aut coctio nunc  
in excrementi condensatione, nunc in  
dilutione sitæ sunt. Nam utraque ad  
purgationem; aut ad exitum aptitudo est.  
Quì justo subtilius recrementum pur-  
gationi sit ineptum non ita pridem ex-  
positum est. Quomodò crassius purga-  
tu difficile sit omnibus palàm est. Pur-  
gatio siquidem motu perficitur, qua-  
re purgandorum humorum mobilita-  
tem maturitatis aut coctionis partem  
esse jam statuimus. Postremò fructus  
tum maturus aut coctus dicitur, quum  
ex arbore spontè decidit; sic & mor-  
bi causa satis est excocta, quum ul-  
tro purgatur, aut excernitur, vel cer-  
tè purgationi, vel excretioni non re-  
luctatur. Diversus tandem est matu-  
ritatis aut coctionis sensus, pro sub-  
jecti diversitate. Chylus, exempli cau-  
sâ, crudus habetur, ubi cibus fermenta-  
tione satis divisus, aut solutus non est.  
Cruor tum cruditate laborat, quum  
fer-

fermentorum debilitate factum est, ut chymus in sanguinem omnibus numeris perfectum mutari nequierit. Urinæ coctio desideratur, ubi sedimentum nullum ab eâ secedit, nec subtus fidens, nec, ut nubecula, suspensum, sed, velut aqua fontana, limpida manet. Pus tandem crudum appellatur, ubi tenuius, aut justò dilutius est, nec satis albet. Chylus imperfectè coquitur, tam propter calidam, quàm ob frigidam viscerum naturalium intemperiem. Calore quidem coctio perficitur, at eodem miti. Præterea fermenti debilitas, aut defectus germana cruditatis causa est. Hoc porro menstruum ex lymphâ, quæ stomachicis è glandibus manat, cum ex animali spiritu, quem nervus in stomachum infundit, conflatum est. Ergo vel nervi vel glandularum obstructione negatur, vel aquosa diluvie restinguitur, aut aliàs perit. Tunc temporis lenteria grassatur, aut cæliaca certè passio. Primæ porro coctionis vitium aliis non reparatur. Ex crudo chylo crudus sanguis exoritur. Ipse cruor, qui chylo fermenti præstat officium, interdum sic imbecillis est, ut chyli metamor-



phosi fit impar , vel quia spiritibus vel , quia salibus tantum non caret. Tale pituitosi , vel melancholici cruoris vitium est. Unde lassitudo , segnities , tarditas. Ægri fermenta spiritusque languent. Ejus igitur coctiones minus feliciter procedere quis miretur? Maturationem à coctione parum distinguimus. Unde Maro , *Mus in apricis coquitur vindemia saxis*. Ideo coctura dicitur etiam apta cæli temperies , ad perfectam fructuum coctionem. Huc sequentia Plinii verba pertinent. *Quum C. Gracchus Tribunus plebis seditionibus interemptus fuit , ea cæli temperies fulsit , quam cocturam vocant*. Ægrefcunt , inquit alibi , tum maxime fici , quum fici coquuntur autumnis. Obscurum discrimen , quod inter maturationem & coctionem interest , in diverso tantum caloris gradu situm est. Ut fructuum , sic & humorum maturitas insolatione , vel ignis appositione , vel suppositione promovetur , ut edules , aut alibiles , id est , ad esum , aut ad nutritionem apti fiant. Actuosæ scilicet elementa leni calore moventur , excitantur , & ad summum efficaciam vigorem evehuntur. Ut vini , sic & sanguinis

guinis maturitas in spiritûs & salis volatilis expeditione, nec non exaltatione posita est. In chylo, sicut in musto, vel in fructibus acerbis spiritus intricatus jacet; in sanguine laudabili, non secûs ac in vino, maturoque fructu micat, vigetque, qui status maturitas appellari solet, contrarius igitur est acerbitas.

## FERMENTATIO.

**S**UCCORUM fermentatio coctionis, de qua nuper, instrumentum est, utpote caloris causa, fermentum quippe quasi fervimentum, à fervore, quem ciet, cluit, maturitatisque via, cum aëtuosa principia sensim extricet, ac summum in vigorem extollat. Huius usui parem & idoneam esse liquet ex ejus naturâ, quæ particularum motus est intestinus, eo major penes quem liquiditas est. Hoc autem instrumento, Natura nutritium succum præparans, jugiter utitur. Massâ, quam in ore, velut in exiguâ matrâ, deponit, ibi fermentescere cæpta, mediante salivâ, quâ cibus ibidem madescit, in

stomacho fermentari pergīt, novo fermento, quod ibi reperit, tam ex acidulâ lymphâ, quàm ex animali spiritu, nec non ex chyli reliquiis constans, ut in mastrâ superstes massa futuræ fermentum esse solet. Os & stomachus ad vas, aut torcular, in quo vindemia calcatur, similitudine accedunt; ibi quippe descendenti diaphragmate, jecoris tudiculo, nec non ipsius ventriculi contractione cibarium torquetur, quod in faucibus calcatum est. Intestina gracilia, lactes, Pequeti receptaculum, atque chyli fer thoracis ductus dolium referunt, in quo mustum reponitur fermentandum, ut vini formam apiscatur. Tandem sanguiferorum vasorum systema vas est, quo vinum jam fermentatum reconditur. Quò nutritius succus magis ac magis fermentescat, in viâ multiplex fermentum offendit, nempe salivam in ore, lympham è stomachi glandibus oriundam, animalique spiritu ditatam in ventriculo, pancreatis laticem & bilem in tenuibus intestinis, lympham in mezenterii lactibus, Pequeti receptaculo, thoracicoque chyli ductu, postremò sanguinem in vasis

sis eum ducentibus , in quæ spiritus  
 animalis , per nervos eodẽm infitos ,  
 ceu novum & idem efficacissimum fer-  
 mentum , infunditur. Ergò primæ  
 fermentationis locus est os ; secundæ  
 stomachus ; tertiæ intestina gracilia ;  
 quartæ lactes ; quo nomine Pequeti  
 receptaculum renibus subjacens , tho-  
 racicum chyli canalem , mammarum-  
 que vasa lymphatica , non modò la-  
 cteas mezenterii venas , complector ;  
 quintæ fermentationis officina est san-  
 guinea massa , vel hanc continentia va-  
 sa. Sed in sanguineo districtu viscera  
 validiorem calorem , atque vegetius  
 fermentum naçta , motum illum inte-  
 stinum impensè augent. In his cor  
 facilè princeps , utpote cunctorum ca-  
 lidissimum , jugique saliens motu , qui  
 fermentationem oppidò juvat , insignif-  
 simus vitalis ignis focus , locupletissi-  
 mumque sanguinei fermenti gazophy-  
 lacium. A corde pulmo secundus est ,  
 in promovendâ fermentatione , cujus  
 fermentum efficacissimum est aereus  
 spiritus. Tertias in hoc officio jeco-  
 ri tribuo , licèt bilis colatura præci-  
 puus ejus usus sit. Cum enim sanguis ,  
 quo scatet hepar , potentissimum sit  
 fer-

fermentum ; quo præsertim chylus sanguinescit , superest ut ibi fermentatio vegetior oboriatur. Ergò , servata proportione , quò largiorem sanguinis vim singulum viscus obtinet , eò majorem æmatosi , quæ fermentatione fit , symbolam confert. Maturus quippe sanguis acerbo , crudove , cui miscetur , vim fermentativam afflat , ut ita dicam ; hujus enim spiritus etiamnum intricati parùm lucent , donec actuosius illius elementis , quæ jam extricata sunt , expediuntur. Vice verâ , novus sanguis , ubi fermenti vim jam sensit , novam veteri fermentationem retalians accersit. Ita musto mixtum temetum jam probè fermentatum majorem fermentationem conciliat ; vicissim inveterascens vinum , quod jamdudum fermentescere desiit , affuso musto , vel novo vino , novam fermentationem recipit , jam senescente viescentique spiritu , auxiliaribus recentis succi copiis , id est , spiritibus , rursum vigescente. Porro cum nulla corporis pars sanguine vacet , superat ut nulli fermentationis & æmatoseos causa desit. Totum igitur corpus lacus est fermentativus , ut ita lo-

loquar , haud abſimile cado , dolio ,  
 vel cupæ , queis fermentefcens mu-  
 ſtum , aut recens vinum continetur.  
 Ac quemadmodum merum , ſic &  
 cruor fermentatione defæcatur , ſpi-  
 ritu partes eterogeneas , ceu vento  
 feſtucas abigente , donec aut ſubtùs  
 ſidant , aut vaſis continentis lateribus  
 adhæreſcant. Excrementa , quæ per de-  
 jectiones , aut per urinas excernuntur ,  
 ſubſidentibus fæculis ſimilia ſunt , quæ  
 verò per ſudorem , diaphoreſim , per-  
 que corporis habitum exeunt , ea tar-  
 tarum dolii parietibus adhærentem  
 mentiuntur. Næ , quum liquores  
 fermentefcunt , ſpumam , ceu ſcorias ,  
 ejiciunt , ac quadantenùs evomunt ,  
 donec remotâ ſpumâ , fermentatio-  
 ne latex inclareſcit. Vini fanè , cere-  
 viſiæ , cydrique fermentefcentis cupa ,  
 vel eorum ſuperficies albicat ſpumâ.  
 Spumeſcit & bullientis ollæ juſculum ,  
 ut fermentationis aut ebullitionis mo-  
 tus excentricus eſſe videatur , quippe  
 qui fæces ad circumferentiam è cen-  
 tro diſpellat & protelet. Tota noſtro-  
 rum humorum maſſa ſimiliter æſtuans ,  
 fæcem ſuam quaquaverſum amandat.  
 In mari ſimilem conſpicias æſtum ,  
 quo

quo eterogenea quævis ad littora propelluntur, ea certè, quæ propria gravitate fundum mimimè petunt. Cruenta verò massa microcosmi quasi pontus est, aut certè mare rubrum; omnium humorum acervus, velut pelagus univèrsum; eorum pars corporis penetralia pelluens, veluti Mediterraneum mare; quæ verò corporis oras externas peragrat, Oceano dissimilis non est.

Jam memoratâ fermentatione vitalis calor excitatur, ut mustum aliufve succus fermentescens ultrò calefit. Quare Plautus iracundum aut justo calidiorem animum in fermento jacere dixit, *Nam mea uxor propter illum tota in fermento jacet*, inquit, in Merc. Idem in Cas. dixit, *nunc in fermento tota est, ita turget mihi*. Namque fermentescens massa, non modò calefit, verùm etiam tumescit. Unde fit ut nostrates fermentum dicant, *levain*. Varrò, Cassius & Columella fermentum ad terram transtulerunt, dicentes, *columbinum stercus optimum esse soli fermentum*, ut pote calidissimum.

Hactenùs de vitali salubrique fermentatione,

mentatione , quâ nativus vitalisque calor accenditur , ac refovetur ; nunc eam quæ morbum & mortem infert , paucis perstringamus. Mediocri sanguinearum particularum motu vivimus , violento morimur. Hic porrò febris cluit , ab obsoleto verbo februa-  
re , quod est purgare ; nam omnis fermentationis finis est subjecti sui purgatio. Febris ipsa tendit ad humorum defæcationem , ideo quippe plus solito commoventur , quia spiritus æstuentes eterogenea corpuscula penitus amoliri conantur. Quamdiu verò liberum & expeditum curriculi stadium est , quamdiu sanguinis pori fordibus impediti non sunt , tamdiu vitalis spiritus , velut aura , per patentia loca tranquillè spirat , nec strepitus edit , nec turbines agit , ut commotus aer , aut rapidior unda , quum ædium , montium , aut sylvarum obex , aut invictus agger progressui resistunt. Tunc enim uterque liquor & spiritus mirificè commoventur & æstuant , ac in vortices aguntur , unde vehemens totius massæ commotio , quæ febri parùm absimilis est. Ergò quotiescumque sanguis eterogeneis particulis , quæ  
vi-



vitalis spiritûs discursitationibus obluantur , onustus erit , toties febrire necessum habebit. Nullam autem intermissionem patietur , aut nullas inducias ægro concedet , si febrile fermentum , vel spiritibus ipsum abarcentibus , vel febrifugis pharmacis idem impugnantibus , per triduum , aut quatrimum , aut diutiùs obsistat. Si quotidie vincatur , & quotidie reparetur , quotidiana febris erit , si diebus alternis tertiana , si quarto quoque die quartana Quintanam verò , sextanam & septimanam febrem rarerè observavi , id enim nominis non creteret quæ quinque , sex , aut septem dies perdurat , sed quæ 5<sup>o</sup>. 6<sup>o</sup>. 7<sup>ovc</sup>. die recurrit , ut tertiana , vel quartana vocatur , non ea quæ triduana , vel quatrinduana est , sed quæ tertio , quartove die recurrit Intermitte autem ubi fermentatio sedatur , victo , vel expulso fermento febrili , quod in sudorem ferè abit. Exeunte quippe paroxysmo febricitantes plerunque sudant. Tunc Natura , sive vitalis spiritus , morbum aut hujus causam vicit , infirmavit , aut removit certè. Febris igitur intermissio Naturæ victoria est , sed incompleta ,  
cum

cum debellatus hostis paulò post, rebellet, ac quasi resurgat, tantùm non defunctus. Febrile nempe fermentum, quod ab intermissione superstes erat, humorum massæ commovendæ par non erat, sed paulatim alimenti vitiati recrementis crescens atque vigescens fermentationem restau- rat. Hæc autem sanguinis fibras rum- pens, vitalemque spiritum dissipans vitæ fundamenta quatit. Febris Ro- manis tanto terriculo fuit, ut eam, ceu Deam, adorarint, deprecaturi, preci- busve pacaturi. Sic Indorum popu- lus Diabolum, subditique tyrannos co- lunt

Inter salubrem & insalubrem, na- turalem & eam, quæ contra naturam est, intercedit ea, quæ præter natu- ram dicitur, quæque mixta vocari posset, utriusque generis particeps, putâ, fermentatio, quæ pus maturat. Cum enim morbi symptoma sit, non est omninò naturalis, id tamen epi- theti quadantenùs meretur, quando Naturæ sanantis effectus est, eatenus- que salubris, quatenùs ad ægri salu- tem tendit. Humor enim extra vasa fusus & aliquandiu restagnatus extrâ  
se.

sedem suam fermentescit , ac in pus intestino particularum motu commutatur , diffilato nempe spiritu , qui contrariorum salium , quibus constat , bellum quasi meditantium proxeneta , quo sublato , mutuas velut in plagas ruunt , donec alteruter pugnâ fractus cedat. Tunc alterius athletæ nece certamen definit , bellum pax sequitur , dolor lancinans , quem districtorum gladiolorum , id est , acutorum salium acies particulas lacerans , inferebat , sedatur. Hinc dolorificæ supurationis finis innotescit. Jam maturo pure , symptomata mitescunt , si ve salium acumen obtusum sit , mutuâ collisione , si ve ramosis sulphuris partibus extricatis obductum , rudis adinstar , cum nudus sal ensi districto dissimilis non sit.

### *Digestio , Maceratio.*

**D**igestionem & macerationem Natura , non tantum ars adhibet , ad materierum , quibus utitur , præparationem. Digestio vel Naturæ , vel Artis igitur operatio est , qua mixti principia

pia digeruntur, id est, ab invicem  
 dissolvantur mox discessura, vel inte-  
 stino liquidi, quo madescunt, motu  
 dimota, vel contusione quassata, vel  
 calore demum agitata. Digestionis  
 etymon vel hinc compertum habes.  
 Maceratio dein ulterior est digestio.  
 Postquam enim mixtorum elementa  
 prima digestionem parumper mota fue-  
 runt, ulteriori digestionis gradu, cui  
 nomen est maceratio, maceratum cor-  
 pus ferè linquentia, vel in aerem avo-  
 lant, vel in liquorem, quo maceran-  
 tur, abeunt, vel saltem à crassioribus  
 principiis, velut à compedibus, expe-  
 diuntur. Macerari verò macrescere  
 que verba sunt synonyma. Tum vi-  
 vens corpus macrescit, quum propriæ  
 substantiæ jacturam facit; sic & ma-  
 cerata materies eas partes amittit, quas  
 in laticem, quo maceratur, emittit.  
 Ubi scorpiones in amygdalarum ama-  
 rarum oleo macerantur, tum eorum vis  
 oleo traditur. Ita rosæ diuturnâ ma-  
 ceratione suum odorem oleo, vel axun-  
 giæ suillæ tradunt, ut hinc oleum &  
 unguentum rosaceum fiant. Incisi da-  
 ctyli digestionem mollescent in hydro-  
 melite, quo faciliùs extrahatur **pulpa**,  
G
quæ

quæ Diaphænici basis est. Papaveris capita priùs in aquâ digeruntur , ut mollescant , quàm decoquantur ad syrupum conficiendum. Plumbum leviter calcinatum , minium , cerusa , lythargyrumque stillatitio macerantur aceto , quo paulatim dissolvuntur , ut ex eorum dissolutione magisteria , vel Saturni sal confiant. Eodem menstruo , nitri spiritu , vel alio quovis acido margaritæ coralliaque solvuntur , ut eorum magisteria , syrupi , tincturæ , saliaque parentur. Vitrioli spiritu chalybis limatura solvitur , aut digeritur , ut Martis vitriolum fiat. Martis verò sal paraturi vini vitriolique spiritum ana p. æ. commiscent in ferreâ sartagine , donec concrecant , ac in candicantem substantiam , quam sal Martis dicunt , faciunt. Jalappa , scammonium & agaricus vini spiritu , qui solus eorum parti resinosa solvendæ par est , digeruntur , ut à terrestri secedat. Postremò digeritur opium , primùm in undâ , quâ salina pars , dehinc in vini spiritu , quo resinosa dissolvatur.

Hactenùs Ars Naturam æmulatur , quæ cibum in ore primùm , hinc in stomacho , 3°. gracilibus in intestinis ,

4°. lacteis in venis , 5°. sanguiferis in vasis digerit maceratque. Sextum digestionis locum , nempe singulam partem alendam quidam addunt. At operatio , quæ singulis in partibus perficitur , evaporatio , potiùs quàm digestio dici meretur , quamvis hujus pars quadantenùs illa vocari possit. Siquidem digestio principiorum , ex quibus mixtum , quod digeritur , constat , separatio est. \* Macrobius quatuor tantum coctiones , aut digestiones recenset , quarum primam in stomacho , secundam in hepate , tertiam in venis , quartam in singulis membris fieri dicit , dum quod corpori utile est , ei fit nutrimentum , inutile verò per poros & meatus excernitur. Quem errorem auctori naturalis æconomiae parùm perito condonatum velim , potiùs quàm medicis , quos rerum illarum gnaros esse decet , quique tamen jecori nimium tribuerunt , quippe cui soli chymi in sanguinem coquendi pensum mandarint , etsi toti corpori commune sit. Cum enim sanguis sibi met fermentum existat , ubicunque cruor est , ibidem & sanguinis natale

\* Lib. 7. cap. 3.

solum. Princeps ejus materies, videlicet cibus, cum solidus sit, in singulas partes nutriendas distribui non posset, nisi liquido dissolveretur atque digereretur. Digestionis menstruum in ore saliva, potus & stomachi proprius latex in ventriculo, bilis & pancreatis succus in intestinis, unâ cum stacmate, quod ex intestinalibus glandulis scaturit, in lactibus & mammis lymphâ, tandem in venis & arteriis sanguis est. Ut digestionis loca sic & menstrua diversa sunt. Arte digestarum materierum aliæ aquâ, aliæ vini spiritu, quædam oleo, macerantur, prout elicienda tinctura salina, vel sulphurea est; haud aliter digestionum, quibus Naturâ fungitur, alteræ lymphâ, vel è glandulis scaturiente latice, alteræ sanguinis spiritu, quæpiam, ipso cruoris oleo fiunt. Cibarium aut elixatur, aut assatur, aut craticulâ torretur, aut sartagine frixum est. Elixatum jam undâ madet. Cæteri coctionis modi quidem arent, verum assa, tosta, frixa, vel alio quovis sicco modo cocta potu, non tantum salivâ, stomachicarum, intestinalium & mezentericarum glandium lymphâ madefiunt.

defiunt & macerantur. Lymphæ spiritus , tam salinus , quàm sulphureus admiscetur , ut cum salina , tum sulphurea cibi pars eliciatur , fiatque mixta tinctura , spiritu , sale sulphureque præsertim facta , quam chylum dictitant. Propterea nervus insignis largam spiritus animalis vim in stomachum , intestina mezentriumque fundit , quò spirituosum menstruum salinum & sulphureum acuat moveatque. Sulphureum porrò menstruum cruor est , cujus flumen subit chylifer amnis , quà chyliifer thoracis ductus subclaviis venis inseritur. Nervus succus spirituosum , lymphaticus salinum , sanguineus sulphureum fermentum ministrant. Primus è cerebro per nervos , secundus è glandibus per lymphatica vasa , tertii materies , videlicet chymus , è ventriculo , velut è fonte manat. Animalis porrò spiritus in sanguifera vasa , non solum in stomachum , intestina lactesque , per nervos , qui venas arteriasque subeunt , affunditur. Sanguis sulphure plenus , spirituque dives sulphuream chyli tincturam elicit , lympham salinam. Putrescens cruor tetrâ mephiti quam ,



emittit , fætidum fulphur exhalat. Rubri globuli , quos lymphæ sanguinis innatantes optimo microscopio cernas , sulphureæ sunt nutritii succi particulae , quæ rotundam figuram ambiunt , haud secùs ac olei partes cum aquâ mixtæ. Nisi sulphur inter contrarios sales intercederet , veluti proxeneta , bellum intestinum usque moverent , seque mutuâ perniciæ destruerent , palæstramque suam , nempe cruorem , perderent , dissecctis omnibus ejus fibris , quæ nihil aliud sunt quàm ramosæ sulphuris particulae.

Cibus autem , quo vescimur , con-  
similes , aut illis principiis congeneres  
partes obtinet , ut vitalis humoris spi-  
ritus , sal & sulphur ejus elementa  
cognominia , naturæ similitudine ,  
quod aiunt , eliciant. Horum verò  
tinctura mixta sanguis est , quem , hoc  
nomine , menstruum universale , non  
modò fontem univerforum laticum ,  
qui corpus animale rigant , meritò  
dicas Sanguinea porrò tinctura vitali  
calore sensim elicitur , digestionequè  
maturatur , in toto quidem corpore ,  
sed præsertim in sanguiferis ductibus.  
At viscera cruore plena , quorum ca-  
lor

lor ideo magis viget , præcipua sunt illius macerationis vasa ; quorum spiritu vegeto nutritius succus sic digeritur , aut fermentescit , ut ejus elementa magis ac magis expedita quaquaversum digerantur , ac quasi dispergantur , ad singulares usus singula. Lympha , succus nerveus , & alii latices , quibus Chymia Naturalis , ad suas operationis , utitur , ex illo fonte diffluunt , ac quasi digeruntur , aut in diversas officinas distribuuntur. Eorum elementa , nisi digestionem dissociata fuissent , ab invicem discedere nequirent , nec excrementa per proprios qualos secederent. Sed ubi maceratione fuerunt extricata , tunc facili negotio separantur , ut suum quodque locum petat. Ita bilis in hepate , melancholiæ forsan in splene , feri in renibus , crassioris facis in intestinis secretio promovetur. Sic lac in mammis , lympa in glandibus , semen in testiculis , animalis spiritus in cerebro cribrantur , velut diversæ granorum species in acervo confusæ diversis cribris separantur , quum ab acere mutua ve cohæsiōne fuerunt expedita. Hac operatione , spiritus naturalis in chylo ,

vitalis in sanguine , quo totum corpus , ac præsertim viscera madent simul & calent , digeruntur , id est , extricantur , animalis in cerebro cernitur , & humores omnes maturantur , quippe quorum maturitas , potissimum in spiritûs expeditione sita sit. Hactenus chymica digestio , cujus nomen apud physiologos aliud sonat , scilicet humorum maturationem & distributionem. Chylus in stomacho digeritur quidem , ubi cibus coquitur , at tum præcipuè digeri dicitur , quum per intestina lactesque distribuitur. Cruor pariter & quivis alius humor bifariam digeritur , videlicet ubi leni calore fermentationeque coquitur & maturescit , sed , imprimis , quatenus per univrsum corpus diffunditur. De cæteris humoribus , putà , nerveo succo , lymphâque simile judicium esto. Nerveus latex in cerebro , velut jusculum , in ollâ coquitur , at tunc præsertim digeritur , quum per nervos in subjectas partes dilabatur. In glandibus lymphæ , semen in testibus decoquantur at tum præcipuè digeruntur , quum ex illis fontibus per rivos , id est , per canales emissarios prodeunt. Sic in  
ven.

ventriculo coctionem à digestionem physiologi distinguunt. Coctio ciborum in ventriculo dissolutio est, digestio vero colliquati cibarii distributio. Quam rem chymistæ sæcùs definiunt, materies enim tum digeri dicunt, quum in loco tepido, vel calido macerantur. Humidæ, vel siccæ macerationis, vel digestionis exemplum præbent rosæ, quas contusas in fellâ viniariâ reponunt, atque per plures menses macerandas ibidem linquunt, ut demum ex iis aquam, spiritum & oleum suavis odoris eliciant. Illorum elementorum extricatio, sive fermentatione, sive putredine, sive solo calore contingat, hujus operationis finis & usus est. Utrâque digestionem Natura nostris in corporibus operans utitur. Quibus tertiam adjungit, cum alimenti partes in singula membra nutrienda distribuit & concinnum in ordinem disponit. Ita dicimus aliquid digestum, id est, loco suo compositum. Sic Virgilius cecinit,

*Quæcumque in foliis descripsit carmina  
Virgo  
Digerit in numerum.*

At

At digerere concoquereque synonyma ferè verba sunt. *Digere paulisper vinum*, quo *mades*, in ebrium sarcasma est. Ita Cicero, ad Atticum, lib. 4. dixit, *Stomachus concaluit, ut digerat multa cruda facilius.*

## *Tinctura, circulatio.*

**T**inctura digestionem, velut effectus causam, sequitur. Menstruum enim materiei, quam digerit, colore ferè tingitur. Tum igitur tincturæ nomen apiscitur, quoniam liquor, quo maceratur, aut rei maceratae colorem, aut alium à suo diversum, qualiscumque sit, induit. Ut tingi sit colorem mutare, quo sensu Martialis dixit,

*Mentiris juvenem tinctis Lentine capillis.*

Idem alibi,

*Tingit cutem Catinus & tamen pallet.*

Eodem sensu Virgilius cecinit, 3. Georg.

*Ac vix suppositi tinguntur sanguine cultri.*  
Vini

Vini spiritus , putà , benzoino purpurefcit , colocyntide flavefcit , aloë , myrrhâ , crocoque fufcum ruborem confequitur , aliæque materies aliis coloribus eum inficiunt. Potus & lymphæ fpiritu faleque prægnans liquores funt ferè lymphidi , vel pellucidi diverfis ciborum tincturis intoxicandi , nam in ftomacho , tenuibus in inteftinis , & in lactibus albefcunt , in mammis albedo multùm augefcit , in fanguiferis vafis , ac præfertim in vifceribus , quæ pellunt , rubefcunt , in hepate flavefcunt , in liene nigrefcunt , in renibus iterum clarefcunt , in teftibus rursùs albedinem recipiunt. Quæ coloris mutationes totidem tincturæ funt à diverforum elementorum diffolutionibus oriundæ. Saliva , primum cibi mentrum , aut fermentum , nihil aliud eft quàm lymphæ parotidibus è glandulis præfertim fcaturiens. Spiritu faleque volatili , queis fcetet , cibi fermentationem , diffolutionem , digestionem atque tincturam inchoat , ejus elementa movens & ab invicem dimovens , ut ea , proprio finu fufcipiat , aut in potu diffolvat , alienis coloribus tingendo. Primus autem color , quem  
in

in abdomine fortitur , est albedo ;  
 quam dimidiata sulphuris in undâ dis-  
 solutio parit. Ita sulphuris magiste-  
 rium albescit in aquâ , quæ sulphureas  
 stibii scorias solvit , statim ac stillati-  
 tium acetum , aut aliud quodlibet aci-  
 dum affunditur. Saliva porrò volatili  
 quodam acido sale , vel spiritu horda est.  
 Cibus enim ore subactus , aut mansus ,  
 sicubi foris reponatur , fermentescens  
 actutum acescit. Stomachi quoque fer-  
 mentum acidum est , sive mera sali-  
 va sit , sive sit aucta latice , quem sto-  
 machicæ glandes fundunt. Debile  
 quippe stomachi fermentum acidis re-  
 stauratur , ut & appetentia dejecta ;  
 lientericæ , vel celiacæ passionis finem  
 acidus ructus ideo pollicetur , ex  
 divini senis sententiâ , quòd acidi fer-  
 menti refocillationem indicet. Cani-  
 na fame laborantes de gutturi acore  
 conqueruntur. Eturies minùs æstiva  
 quàm hyemalis est , quoniam bruma-  
 lis aer acido sale , quem respirando du-  
 cimur , abundat. Glacialium zonarum  
 fames , quàm temperatarum , aut torri-  
 darum , intensior est , eandem ob cau-  
 sam. His & similibus exemplis , iisque  
 sexcentis , patet acido famem excitari  
 ci.

cibariumque dissolvi, sed aqua sulphurea, quod acidum dissolvit, prægnans albescere solet. Quis ergo chyli, qui sulphurea cibi tinctura est, albedinem miretur? Dapes sanè, sive carneæ, sive pisceæ sint, plurimum sulphur habere, vel ex odore constat, non tantum analysi chymicâ. Chylus igitur cibarii sulphuris in undâ solutio est, aut tinctura. Cum autem aqua, propriâ facultate, sulphuri solvendo sit impar, ideo multiplici sale sapienter acuitur, ac primò quidem marino, quo missus condiuntur, 2º. salivæ, seu lymphæ sale, 3º. propriis ciborum salibus. Natura quippe suo quodque cibarium sale condiit, eoque condimento ferè sapiens salutis studens contentus est. Ut enim medioxima salis quantitas, propter usus jam memoratos, salubris est, attamen modum excedens sœnitica. Neve fixi salis acies stomacho, vel aliis visceribus noxam inferat, animali spiritu, quem nervus præsignis affatim infundit, mitigatur, eliciendæque sulphureæ ciborum parti spirituosum illud menstruum conducit. Unda quippe sincera, vel sale fæta salinam tantum elicit. Quapropter



ter opium rore maiali primùm , dein vini spiritu dissolvitur , ut junctis duabus tincturis , ejus extractum , quod laudanum , quasi laudandum pharmacum vocitant , utramque opii partem , nempe salinam & sulphuream complectatur. Haud aliter chymus utramque cibi tincturam elicit nimirum salinam & sulphuream , quibus accedit & spirituosa , quam utriusque generis participem esse quidam , non insulsè , putant. Ut ut sit , dissolvendi mixti sinus utroque menstruo solvitur. Ea porrò cibi tinctura , quam albam esse diximus , chylique nomine donant , tres gradus , qui colorem tantisper immutant , aut albedinem intendunt , decurrit. Primum in stomacho suspeximus , secundum in gracilibus intestinis nunc contemplaturi sumus.

Intestinalis chylus stomachico ferè candidior est , novæque tincturæ spectaculum præbet. Augescit autem in intestinis stomachici cremoris albedo , quoniam ejus sulphur auctum bilis accessu magis ac magis inciditur , acidis pancreaticæ lymphæ salibus cum alkalino vel acri bilis sale colluctantibus. Sulphuris sanè magisterium eò magis  
al-

albescit, quò magis ejus ramosæ par-  
tes inciduntur, aut attenuantur. Ac-  
cedit quòd crassiores chyli fæculæ,  
quibus albor obscurabatur, in inte-  
stina crassiora præcipites ruunt, acidi  
falis aut spiritûs vi, vel afflatu, sicut  
sulphurææ stibii scorix lymphâ solutæ  
subtùs fidunt, affuso vitrioli, vel sul-  
phuris spiritu, vel aceto stillatitio. Ni-  
hiloscùs alii præcipitationem istam al-  
kalino bilis sali, non sine quadam ve-  
ri specie tribuunt, freti nimirum a-  
xiomate chymico, quo quicquid aci-  
do fale, vel spiritu dissolutum est, id  
acri vel alkalino præceps deturbatur.  
Atqui cibus in stomacho dissolutus est  
acido fermento; reliquum est igitur  
ut ejus fæces acri bilis fale præcipites  
dentur. Alii stomachici fermenti aco-  
rem negantes alkalinum falem eum-  
que ammoniaco similem ei substituunt,  
ut acidum pancreatici stacmatis falem,  
aut spiritum huic præcipitationi po-  
tiùs adhibeant, juxta tritum chymi-  
starum apophtecma, quo soluti cor-  
poris deturbatio, vel præcipitatio sali,  
vel spiritui tribuitur ei contrario, cu-  
jus solutio fuit. Nos verò pensum  
istud inter utriusque generis sales aut  
spi.

spiritus partimur. Ut enim acidum fermentum stomachis inesse jam præmissis experimentis constat, sic animale spiritum, quem stomacho nervus insignis plurimum affundit, alkalinam vim, aut indolem obtinere, verissimum est, quando sal auctus sulphure pertinet ad alkalinam tribum. Volatilitatem porrò, quæ sanguinis spiritum ad caput sublimem rapit, sulphuris effectum esse verissimiliter statuunt. Imò quidam arbitrantur eum merum esse sulphur, omnium principiorum maximè volatile, suæque sententiæ verissimilitudinem conciliant, spirituum nostro similibus exemplis. Næ, vini terebintinæque spiritus facile flammefcentes igneam sulphureamve suam naturam produnt. Animalem porrò spiritum terebintinæ spiritui Willifius eatenus assimilât, quatenus ignescit in stillatitiâ corporis nostri metâ, si quando sanguis, ut terebintina, quam destillant, nimium accendatur. Animalis igitur spiritus sulphureæ ciborum tincturæ eliciendæ multum idoneus est. Quapropter in ventriculum, intestina & mezenterium, quæ chylus pelluit, per plurimos eosque

que non exiguos nervos , infunditur. At quò tenuiùs inciditur sulphur , eò magis albescit. Ideoque minùs in stomacho quàm in intestinis albicat , quòd intestinales succi , qualescumque sint , chymum , cui accedunt , ulteriùs dividant. Eandem ob causam chyli albedo mezentericis in lactibus , quæ novum ei fermentum , nempe lympham , admiscunt , intenditur. Imò mirum in modum in mammis chyli , quem in lac mutant , candor crescit , quia novum lymphæ menstruum , quo sulphur ulteriùs inciditur & attenuatur , ei suppeditant. Sic benzoini vel cujusvis aliùs sulphuris tinctura , quam lac virgineum dicunt , lympham , cui miscetur , dealbat.

At nova laticis ejusdem tinctura novo colore spectaculum renovat , quæ chymus sanguinem subit & auget. Ibi quippe rubescit , qui modò in ventriculo , in intestinis , in venis lacteis & mammis albebat. Mutatâ nempe corporis superficie color necessariò mutatur. Chyli verò fermentatio superficiem non mutare nequit , cum particularum situm mutet. Hinc coloris mutatio præsertim oritur , ejusque prin-

H cipium

cipium in corporis novum colorem induentis gremio ferè latet. Namque chymus fermentescens proprio marte sanguinescit , ut mustum vinefcit , si fas fit ita loqui. Primus fcilicet dissolutionis in undâ gradus albedinem sulphuri conciliat ; ast ei rubedinem ultimus accerfit , in primis accedente circulari coque rapido particularum motu , quem optimo Lewenhoeki microscopio sanguineis in globulis cernas. Sic enim cruorem contemplans innumeras easque lymphæ innatantes ocyffimeque proprium circâ centrum gyratas animadvertit, aut visu deprehendit. Hinc maxima veri species accedit opinioni Cartesianæ , secundum quam ex æthereis lucis globulis citiffimè rotatis rubor oritur. At sulphuræ chyli partes, postquam fati solutæ vel expeditæ fuerunt , rotundam quoque figuram in lymphâ , cui insident , ambiunt , quemadmodum olei vel axungię partes in frigidâ , quâ vehuntur, rotundæ lentis formam affectant. Jam rotunditatis, quam sulphuræ cruoris partes nactæ sunt , causam habes. Cur in gyrum agantur nunc inquirendum incumbit. Profectò

fectò sanguinis spiritus in illas pilulas incurrendo circularem motum eis incutiunt , quippe quibus vehementer pulsus aliorum tendere per circumstantes partes nequaquam liceat. Non secùs vehemens flamen , cui per invictos obices ultra tendere licitum non est , turbas & turbines agit , atque festucas , quas secum rapit , in vorticem gyrat. Similiter vitalis spiritus sanguinis gremium perflans obstaculis circumgyratus circa sanguineos globulos , quos secum vortex rapit , circumire necessum habet. Simili modo circa proprium centrum planetæ verti creduntur. Quæ cum ita sint , sulphuræ cruoris partes , rotundam formam & ocyssimum motum fortitæ , non rubescere non possunt. Hinc igitur rubræ tincturæ causa satis & super innotescit. Vini certè spiritus sulphure tinctus infusione calidâ rubescit.

Cur jecoris flava , lienisque nigra tinctura sit , nunc paucis indagemus. In hepate bilis , quæ liquidum sulphur aut oleum est , secernitur. Utrumque verò naturâ flavere vel lippis & tonsoribus notorium. Ita nempe lumen il-

hinc reflectitur & in oculos refilit, ut eum motûs gradum aut modum spiritibus incutiat, qui flavedinis sensui nobis inferendo par est. Sic autem affectum lumen è sulphure sive liquido sive solido reflectitur. Cibis, qui plerique omnes pingues sunt, plurimum sulphur inest, quod sexcentis fermentationibus, quas in animalis corpore patiuntur, expeditur, ac per hepatis glandes, quarum mirus acervus est, cribratur bilis, sive liquidi sulphuris aut olei formam induens. Sic flava jecoris tinctura creatur. Splenica vero nigricat multifariam; ac primò quidem bilis adustione. Nam adustum sulphur nigrescere nemine clam est. Imò corpora quævis, ac præsertim carbones atrantur adustione, quæ poros eorum ita dilatat, ut incidentes luminis radii, vix ac ne vix quidem, ex illis foraminibus emergant, in spectantium oculos reflectendi. Verùm id ferè nigret, unde parùm aut nihil luminis refilit. Propterea foramen lucem absorbens, & idem eminùs prospectum nigricat. Similem ob causam, res ei foraminulentæ videntur, cujus opticus nervus multas fibras

ob.

obstructas habet. Radii quippe ; quos obstructis fibris obversantes ob-  
 jecti partes remittunt , quasi nulli  
 sunt , quando cerebrum non afficiunt.  
 Atenim adustio multis foraminibus ,  
 quæ nigredinis causa sunt , adustam  
 rem pertundit. Melancholia verò bi-  
 lis adusta cluit , nomineque suo ni-  
 gredinem suam prodit. Accedit aci-  
 dum nigræ bilis sal , quod illi colori  
 symbolam suam confert , non secùs ac  
 acidum vitrioli sal atramenti colori con-  
 ducere palam est , quum alkalino gal-  
 læ nucis sali conjungitur. Demum  
 oleorum amurca ferè atra est. Jam  
 verò bilem cujus melancholia fæx est ,  
 oleum aut liquidum sulphur esse dixi-  
 mus. Cur splenis tinctura nigrescat ,  
 eam causam habeto. Qui fiat ut in-  
 terdum flava virescat , unde porra-  
 cea bilis , nunc aperiāmus , diversa  
 nempe salis acidi quantitas , aut diver-  
 sus acoris & adustionis gradus bili va-  
 rios illos colores infert. Major nigre-  
 dinem , minor viredinem efficit. Si-  
 quidem bovis aut alijs animalis bili  
 stillatitium acetum aut paucum vi-  
 trioli , vel sulphuris spiritum affundas ,  
 è vestigio viridem tincturam , simul-



tum , nigram habes. Unde patet atram bilem , quæ bullit aut fermentescit , humum projecta , plus acidifalis , quàm viridem habere.

Quemadmodum albedo nigredoque sunt extremi colores , sic & in humoribus melancholia pituitaque maximè diversæ sunt. Ater humor nimis adusta , pituita nimium cruda sanguinis pars est , sive chylus , cui sanguis nescere per cruditatem & crassitiem non licet. Quippe satis tenuis & liquida non est , ut capillares lactearum venarum ductus subire possit. Ideoque vel in stomacho vel in intestinis restitat. Eâdem porrò causâ chylum & pituitam dealbari , vel hinc liquet , quod hæc illius crassamentum aut sedimentum est , sive pars non satis cocta.

Tandem aquosa cruoris pars decolor evadit , aut colorem exuit , ubi per glandes colata jam memoratorum colorum , aut tincturarum causas deponit. Sicut enim maris aqua , per telluris spongiam transfluens , falsedinem amittit , salem retinente qualo ; sicut rubrum vinum per arenam transmissum rubedinem linquit ; ita serum ,  
quod

quod antè rubebat , quàm per renes cerneretur , post colaturam illam pellucescit , non secùs ac lymphæ , sudorque , ruboris causâ suis in cribris relictâ , crassiori videlicet sulphure. Namque tenuiorem hujus partem urinæ sudorique non decisse , vel ex utriusque odore compertum est. Imò sudoris lotiique tinctura sulphur flavedine ferè arguit , nisi chymicum illud elementum in sanguine retineatur , ut in febricitantibus , quorum urina limpida nimis est , contingit , aut in crudis humoribus intricatum , ac quasi sepultum maneat , imperfectâ coctione principium illud intricatissimum non satis extricante. Quam ob causam , urinæ , crudo stomacho , justo tenuiores atque pellucidæ sunt. Sincera nimirum unda pellucet , quoniam ejus pori patentes ac prorsus expediti lucis radiis , qui semper rectâ tendunt , transmittendis sunt. Crudum verò lotium excrementis , quæ nimis irretita crudus sanguis emittere nequit , onustum non est ; cum urina cocta secum verrat recrementa , quæ omni ex parte perfecta coctio satis expedit , ut à laudabili sanguine separari queant. Eadem

minùs tenuis est , quia coctione densatur humor , tenui parte scilicet in vapores abeunte crassiorique superstitè , cujus rei luculentum exemplum syrupi sufficiunt. Ergo laudabile lotium mediocri consistentiæ modo , coloreque subrufo sit oportet , quæ sulphuris aut animalis olei , quod urinam sequitur , tinctura solemnis est. Hoc autem elementi sub flavo tantùm colore , vel odore patet in urinâ calenti , sed quum frigore condensatur , tunc eneorema , quod vel nubeculam , vel nebulas mentitur , spectantis oculis objicit , levitate , quæ sulphuris est , suspensum , vel propriâ gravitate deturbatum subtus fidit , terrestrequè salinumque sedimentum dat. Ubi disruptæ sanguinis fibræ , quæ sulphuris ramenta vel rami sunt , urinam , ceu ruina , sequuntur , tunc ipsam oppidò turbant ; sicut sulphuris , quod in aquâ solutum erat , magisterium , quod præceps ruiturum est , eam dealbat , turbidamque facit. Postremò lotii rubor oritur à duplici causa , vel enim sanguinis , quem renes , ureteres , vesica , vel uretra fundunt , tincturâ , vel humorum incendio rubet ; Idcirco

cò calidam viscerum intemperiem ex rubro lotii colore Medici meritò conjiunt. Sulphuream quippe tincturam diuturnâ vel calidiori maceratione rubescere jam notatum est. Cum verò prorsùs adustum sulphur nigrescere jampridem experimento notum sit, urinæ nigræ, viscerum & humorum incendium indicantes, ferè lethales sunt, juxtà Coi Senis sententiam, cui experientia, non tantùm ratio suffragatur.

Lympham porrò lotio sinceriores esse, tam sapore quàm colore, non solùm odore, liquet. Talis enim est ferè, qualem Aristoteles optimam frigidam esse dicit, nempe saporis, odoris & coloris expertem, utpote cujus qualus arctus nec sal, quo res sapiunt, nec sulphur, à quo colorem habent & odora sunt, trajiciat. Sic aqua fontana, quæ per rupem colata fuit, inodora est, quòd sulphure careat, omninòque tralucet, quippe cujus rectos poros nihil impediat, ne radii liberè transeant. Eadem sapore caret, quippe quæ salem omnem in qualo liquerit. Non secùs lympa, seu mera sanguinis unda, per glandes,  
sola

sola trajicitur , negato sulphuri salibusque transitu. Ergo microcosmo , non tantum macrocosmo , duo sunt aquæ genera , salæ nimirum & insipidæ , quarum priores minerales dicuntur , quod mineram aliquam tranfluentes , mineralis cujusdam , five salini , five sulphurei , tincturam assument. Ac quemadmodum in majori mundo frigida , ceu chamelæon , corporis , cui accedit colorem assumit , nunc nigra , nunc alba , modò flava , modò rubra , viridis , aut cærulea ; pro vario sulphuris modo , quo prægnans est , sic & in minori mundo lympa diversos colores nanciscitur , in stomacho , in intestinis , in lactibus & mammis alba , in venis arteriisque rubra , in jecore flava vel viridis , in liene nigra , in vasis lymphaticis limpida , in renibus , ureteribus & vesicâ tantum non translucens. Denique sanguis in sperma facescens albescit , glandulosi testis lymphâ fortitan acidulâ , sulphur in magisterium præcipitante. Verum humoralis Protei variationes in animali justo fusiùs forsan persecuti sumus.

Jam fatès multa verba fecimus de tincturâ ,

cturâ, cui chymistæ circulationem jun-  
 gunt, quod hæc illius instrumentum  
 sit. Dum enim per vasa, quæ Peli-  
 canos chymica barbaries vocitat, tin-  
 cturæ circulantur, earum color & vis  
 eò magis intenduntur, quo subtilis  
 præparandæ materie pars ulteriùs ex-  
 peditur, ac evehitur. Utraque dige-  
 stione perficitur. In animato corpore  
 fusum alimentum variifariam circum-  
 ducitur. Ac primò quidem chylus,  
 qui ciborum colliquamentum est, è sto-  
 macho, velut è fonte, scatens, per in-  
 testina tenuia, per lactes, per Pe-  
 queti receptaculum, per chyliferum  
 thoracis alveum, atque per mammas,  
 ubi sæminæ lactant, circumfertur;  
 donec, in venis subclaviis, cum san-  
 guine confundatur, per universum  
 corpus circumgyrandus, ut lentâ diu-  
 turnaque digestionem, quam circulatio  
 juvat, in sanguinem commutetur, æ-  
 matoscos principiis, spiritu, sale, sul-  
 phureque magis ac magis expeditis,  
 hac operâ. Si tamen germana circu-  
 latio mobilis eò reditum inferat, un-  
 de profectum est, reverà chymus ad  
 stomachum, unde manavit, eadem  
 formâ, non redit, sed mutato colore,  
 per

per stomachicas arterias , eodem re-  
vertitur , sicut idem histrio mutata ve-  
ste revertens à seipso diversus non est.

Cruor ex chymo confectus , è corde  
per arterias , in singulas partes diffun-  
ditur , eodemque , per venas , refer-  
tur , ut Ovidianum carmen in eum  
appositè quadret ;

*Scinditur in varias partes circumflus am-  
nis ;*

quemadmodum omnes aquæ per hypo-  
gæos terræ ductus , ceu per spongiam  
transcolatæ , postquam in fontes , ri-  
vos , amnes & fluvios diffusæ fuerunt ,  
ad mare , unde profectæ fuerant , re-  
fluunt. *Tellus* , inquit Plinius , *me-  
dio ambitu præcincta est circumfluo mari* ,  
quæ voces accommodari possunt ani-  
malis corpori , ceu microcosmi terræ ,  
quippe quæ circumfluo humorum pon-  
to circumluatur. Animalis spiritus ,  
nervusque succus , è massâ sanguineâ  
deprompti , postquam per cerebri  
glandes secreti sunt , perque cæcos  
eiusdem ductus , perque nervos qua-  
quaversum distributi , bifariam fontem  
repetunt. Jam enim plurimi nervi  
fan-

fanguiferos in ductus inferuntur , ut laticem , quem vehunt , eodem , unde manaverat , refundant. II. Prætereà nerveus fuccus animalifque fpiritus , ad motum efficiendum , in mufculi gremio cum arteriali latice mifcetur , ac eodem relabitur , unde fuerat elapfus. Denique lymphæ , quæ per glandes à cruore fecernitur , eidem tandem aliquando reftituitur. Saliva , quam parotides orisve glandes à fanguine feperant , in faucibus cum cibo potuque mixta confunditur cum chylo , proxima fanguinis materie. Cum eodem mifcetur lymphæ , quæ per æfophagi ftomachique glandulas exftillat , nec non ea , quam gracilium inteftinorum glandes effundunt , quippe quam chylus illac tranfiens fecum abducit. Pancreatis quoque latex , qui lymphaticum ad genus etiam pertinet , qui fanguineum fontem re-  
 vivifcat , neminem fugit , quando tenuibus in inteftinis cum chylo , qui fanguinis fpecies eft , confluit. Lymphæ , quæ lactes , Pequeti receptaculum atque chyliferum thoracis canalem pel-  
 luit , eâdem viâ , cruentum ad fontem redit. Poftremò nullum è glandibus



dibus scatens stagma reperiās, quod ad sanguineum flumen, unde rivus ille defluerat, non relabatur, multis officiis, aut usibus defunctorum, inter faciendum iter. Ipsa bilis, quæ per hepatis glandes à cruore, ceu flava lymphæ, secernitur, eidem partim redditur, quum in intestinis chylum ejus materiem auget, non solum ad usum, cujus antea meminimus, verum etiam ad chyli sanguinisque liquiditatem intendendam, nec non ad utriusque calorem refovendum, ceu sulphureus fomes. Alibi passim innumera lymphæ vasa sanguini restituentia laticem, quem ab eo mutuata fuerant, comperias. Ipsa lienis amurca, quæ velut in dolioli vel cadi fundum, è sanguine subsidit, cum eodem remiscetur, ut fixum ejus sal, volatili sanguinis sali sulphurique, nempe bili frænum injiciat, mediocremque consistentiæ modum humoribus alioquin liquidioribus aut tenuioribus conciliet. Succum istum melancholicum, crassum licet, tenui lymphæ generi, ceu speciem, subjiciunt, quoniam per glandes, quibus multis splen præditus est, cernitur. At chylus, serum, bilis,

bilis , & succus nerveus , per intesti-  
norum , renum , hepatis , & cerebri  
glandes cribrantur , nec lymphæ ge-  
neri tamen accensentur.

Sic habes universas humorum circu-  
lationes , quæ animato in corpore ce-  
lebrantur. Ars Naturam , factitiæ  
circumgyrationes naturales imitantur.  
Illarum enim aliæ continuo vase sur-  
sum obturato fiunt , aliæ duobus  
aut pluribus vasis unâ conjunctis , ut  
ex alio præparanda materies in aliud  
circulanda , transfundatur. In viventi  
corpore generis utriusque circulatio fit.  
Totum sanè corpus vas est continuum  
probè clausum sursum atque deorsum ,  
ut circulandus humor descendat , aut  
ascendat , ubi supernum aut infernum  
extremum attingit. Quæ circulatio  
prioris generis est. Posterioris quo-  
que species aut exemplum animato cor-  
pori non deest. Dum enim ex abdo-  
mine chylus in thoracem transmitti-  
tur circulando , vel è pectore sanguis  
ad caput sublimis ascendit , denuoque  
vicissim descendit , tunc in aliud vas  
ex alio circulatio fit. Tres enim illi  
ventres totidem ampla chymiae natu-  
ralis vasa sunt. Ubi verò chymus è  
sto-

stomacho in intestina, ex his in lactes, hinc in Pequeti receptaculum, post in chyliferum pectoris tubum, tandem in subclavias venas transfunditur, tum secundæ speciei circulatio quoque contingit, ut & in sanguinis ex arteriis in venas aut vicissim transfusione, nec non ubi cruor è corde in pulmonem, & vice versâ, vel ex alio membro in aliud circulandus transmigrat, aut ubi lymphæ proprium in vas ex glande transeat, aut in venas & arterias ex lymphatico vase, vel quum nervus succus cum animali spiritu venosum aut arteriosum in genus refunditur.

Naturalis & artificialis circulatio calore perficitur; calorisque gradu, non modò vasorum combinatione conveniunt. Factitia sicut naturalis mediocrem poscit ignem, putà, lampadis, balnei cinerum aut arenæ, vel fimi, vel insolationis, ne vehementiori, spiritus, qui pars est optima, dispercat. Nativus calor jam memoratis mediocritate perfimilis est. Cor certè lampadi, quæ sacrarum ædium è testudine pendet, jam assimilatum est. Ergo vitalis ignis, quo pectus calet, lucernæ flammæ dissimilis non est. Nec arenæ nec cinerum bal-

neum.

neum in animalis corpore comperias ; quamvis , arenæ renibus rarò defint , & in testinorum crassorum regio cinerario fornacis foco collata fuerit. At fimi calentis igni rectiùs assimilatur fatus , quo calent intestina crassa , calido stercore conferta. Demum insolationis ignis , qui circulationem naturalem promoveat , chymiam naturalem nequaquam deficit. Vivens quippe corpus solis radiis observatur ferè.

Utriusque circulationis beneficio subtilissima materiæ circulatæ pars evchitur ad summam efficaciam , non tantum ad vasis culmen , cui cum exitus negetur , ad inferiora recidit , materiæ vasis fundo contentæ rursus jungenda. Ità cruor ad caput destillandus ascendit , indeque nerveus succus & animalis spiritus in sanguinem , unde profecti sunt , recidunt , donec iteratis ascensibus & descensibus , sive jugi circulatione summam tenuitatem & efficaciam consequantur.

Postremò , semen , in serpentino testium ductu , qui geminum in glomum , ceu cavum filum , intorquetur , ita circulatur , ut ejus spiritus mirum in modum elaboretur , summam tenuitatem & vim consequuturus. I C O.

## C O H O B A T I O.

**C**irculationi substituitur cohobatio , quippe cujus vicem supplere possit ; est enim destillati rursusque destillandi stigmatis circuitus , aut iteratus ascensus & descensus à metæ stillati-  
tiæ fundo ad culmen , & vicissim , ad faciliorem & accuratiorem mixti dissolutionem , ac præsertim ad perfectam actuosorum elementorum separationem , & , in primis , ad exquisitam spiritûs defæcationem. Hoc autem operationis ad aquarum spirituosarum , aromatum , & oleorum destillationem potissimum adhibetur , ut pote quorum principia , tenuia licet , admodum intricata sint , ne summa levitate vel volatilitate diffugiant in auras. Sanguis in animalis corpore , quod stillatitiam metam similitudine refert , destillatur. Chymica cruoris elementa tenuissima sunt , sed eadem multum irretita ; spiritus , præcipue sulphuris , quo plurimo rubet , ramis impeditus iteratis destillationibus expeditur. Quum in cerebro secretus fuit ,

fuit , velut stillatitius latex , in omnia viscera , velut in vasa destillandum humorem recipientia , non tantum in venas & arterias , iterum affunditur , ac quasi cohobatur : Quâ de causâ , plurimi nervi pulmoni , cordi , stomacho , jecori , spleni , mezentério , pancreati , nec non testibus inferuntur , ut humores ibi præparandi spiritu ditentur , nova versùs caput sublimatione rursum destillando , postquam suis officiis ibi defunctus est. Ac primo quidem spiritus , quo saliva salit , nec non is qui per densam nervorum catervam in vasa chylum præparantia plurimus affunditur , cohobatus dici potest , quippe qui chylum ad sanguifera vasa sequens , illac ad caput denuò sublimandus sit. Quanto potiori jure cohobatus dicitur spiritus , qui per nervos in viscera sanguinem præparantia , vel eum ducensia vasa refunditur , ad cerebrum , breviori viâ , rediturus , ut iteratis destillationibus magis ac magis attenuetur , eoque majorem vim & efficaciam recipiat.

De propriis singularum cohobationum usibus aut officiis nunc pauca

loquamur. Animalis spiritus , quem stomachus recipit , chyli fermentationem promovet , ceu validum fermentum , liquiditatem auget , quâ liquidissimum menstruum , & coagulationem chymo defendit , ut potentissimum alkali , quod acidum ventriculi fermentum frænat. Quem intestina , mezentereum , lactes , & pancreas excipiunt , is imminentem ab acido coagulationem tam chyli quàm pancreaticæ lymphæ prohibet. Qui venis aut arteriis affunditur , is tardi sanguinis circulationi calcar adhibet , acidoque coagulanti frænum injicit. Animalis spiritûs demensum , quod cor perflat , non tam æmatoseos fermentum est , quàm pulsûs elater , aut coaguli prophylacticum. Etenim in apoplexiâ forti , vel in lethiferâ syncope , quæ spiritûs in cor influxum supprimunt , sanguis coagulatus in corde reperitur. Quantò magis spleni , quem animalis aceti lecythum meritò dixeris , hæc prophylaxis necessaria fuit ? Quæ fuit mens Hippocratis Sect. 8. aph. 8. dicentis , φοβερώτερον δὲ σπληνὶ , hoc est , spleni gravius coagulationis periculum impendet. Ideoque potissimum hic fore  
lemnis

lemnis spiritûs cohobatio celebratur. Quis enim numerosam nervorum cohortem, quam lieni, tantum non sensûs & motûs experti, Natura tribuit, non miretur? At cam mirari desinat, qui sapientissimos ejus usus sagiat. Nisi larga spiritûs vis eò jugiter affunderetur, acidum fixum lienem arroderet. At alkalina spiritûs animalis vi mitescit. Cruoris amurca, crassissimumque sedimentum, splenem inferciens, ibi restagnaretur, vasa prorsus obstrueret, circulationem cohiberet, præsertim si sal acidus, cujus fodina viscus illud esse videtur, sanguinem coagularet. At animalis spiritus, qui plurimus eodè accedit, circulationem restaurat circulandos humores attenuans movensque. Ne jecori quidem inutilis erat illa spiritus cohobatio, quanquam proprius ejus humor liquidissimus est, utpote oleosus. Nam præterquam quod ipsa bilis interdum acido concrevit adscititio, prætereà sanguis oleo relictò minùs liquidus & tardior spiritûs illius calcari opus habuit ad intricatissimum hepaticorum vasorum labyrinthum perlustrandum. Hinc verò cohobatum stacma rursum ad caput, ve-



lut ad alembici fastigium , cum sanguine iterum destillando redit. Hoc auxilio carere minùs poterat crassus mezenterii succus , sive chylus , sive sanguis sit. Ejus enim cruor lutulentus alvinæ cloacæ fordibus conspurcatus , & splenis scoriis onustus redit , testudineo passu , jecur eum per venam portam excipiens infarcturus , nisi mesenterici spiritûs vis eum afflaret , attenuaret , atque propelleret. Idcirco septem insignes nervorum plexus in mezenterio, quod motu sensuque tantum non vacat , suspicias. Illinc porrò spiritus cohobatus ad cerebrum revertitur per venam portam , quæ ducit ad jecur , per cavam , quæ reducit ad cor , per pulmonis arteriam venamque , tandem per ascendentem aortæ truncum , ac præsertim per 4. hujus propagines , nempe duas per carotides & totidem vertebrales. Nunc cohobationis , quæ pancreatis propria est , usum paucis investigemus. Acidulus ejus latex aut ipse coagularetur , aut chylum , cui miscetur , in gracilibus intestinis , coagularet , nisi spiritus animalis alkalina vi falem ejus acidum refrenaret. In-

de

de cum chylo superatis lactibus, cumque sanguine peragratis venis & arteriis ad cerebrum redux iterum exstillatur, iterumque cohobatur, donec suis officiis defunctus tandem aliquando dissipatur. Idem spiritus in vasa sanguifera cohobatus, hinc enim proximè profectus erat, ad caput sublimis vadens, postquam ejus fermentationi, circulationique calcar acerrimum admovit, caput cum cruoris flumine repetit, denuò distillandus, rursusque cohobandus. Parumper diversam viam sequitur spiritus, qui per glandium nervos, in lympham cohobatur, quam hæc proxima spiritus materies esse non videtur. Ego verò spirituosam sanguinis partem per glandes in varia corporis membra dispersas, non tantum per innumeras cerebri glandulas cerni reor, ut omnibus corporis animati succis præparandis, ceu fermentum inserviat. Ita per testium glandes genitalis spiritus cribratur, unà cum spermate, cui spiritus animalis affatim miscetur aut cohobatur, per multos eosque præsignes nervos. An inde spiritus ad caput reduci possit iterum destillandus & cohobandus ambigitur.

gitur. Nervi fanè reductus via non sunt, ut quidam hariolantur, nam redeunti spiritui spiritus alter è capite, velut ex æolipilâ, spirans jugiter obefcet. Si tamen à venis reforbeatur, quod à verisimilitudine non abhorret, cur per tritam circulationis viam ad cor cerebrumque non reportaretur? Nisi genitalis spiritus sanguineam massam, unde decerptus est, & universa singulaque membra perspiraret, cur generationis ætas cæteris vegetior, integer eunucho, cælebs jugato robustior est? Nempe vis genitalis totam humorum massam perflat, totumque corpus vigorat. Hæc porro connubio junctis eam prodigentibus minor est, ac exsectis, pueris senibusque deest, prioribus scilicet nimis intricata, posterioribus exhausta.

Haftenus cohobatio, cui subjungitur elixatio, quam antecedere potius conveniret, utpote quæ spiritum destillandum à crassioribus elementis expediat, sed præposterum chymistarum ordinem, tritamque viam sequimur.

## E L I X A T I O.

**E**Lixatio perperam definitur humida coctio. Quædam epim humida coquuntur, nec tamen elixantur, putà, pomum, pyrum, vel quivis alius fructus humidus, qui sub favillis coquitur. Idcirco Charraſius omnem in alieno liquido coctionem elixationem vocat. Sed fructus in multo ſui generis ſucco coctus elixari non immerito dicitur. Ergò formalis elixationis ratio potiùs in humidi, cui res incoquitur, copiâ, quàm in alieno liquido, quod coquendam rem molliat, poſita eſt. *Elixum*, inquit Nonnius, *eſt quicquid aquâ mollitur vel decoquitur*. Nam aquam Veteres lixam dixerunt, unde lixæ dicti ſunt, qui militibus aquam ad caſtra ferre ſolent. Varro, per translationem, calceos elixos ſcribit, quaſi madefactos, ut eſt elixa caro. *In pavimento non audeſ*, inquit, *facere lacunam, at in humum calceos facis elixos*. Lucius Valla Nonnio Varronique conſonat, ſic eſſatus, *quòd in prandio carnes parùm elixaſſet, hoc eſt aquâ, non ſatis*

*satis humectasset.* At omnes tantisper errant , cum pisces in vino cocti ritè dicantur elixi ; sic & olera propriis succis incocta , teste Nasone 4<sup>o</sup>. Fast. sic canente ,

*Candidus elixa miscetur casens herba.*

Hæc porrò coctionis species animalis cibo colliquando , distributionis ergò , magis idonea fuit. Ideo cibum elixatum assato , frixo , vel aliâ quavis ratione cocto faciliùs in stomacho coqui digerique jam pridem notatum est. Elixis missibus assi dubiis in mensis miscentur , tum ut gulæ fustidium , varietate , vincatur , cum ad largitatis ostentationem , unde Flaccus ,

*At simul assis  
Miscueris elixa simul conchyliis turdis.*

Ciborum autem elixatio , præter eam quàm in externâ coquinâ ferè patiuntur , in ore quidem inchoatur , in ventriculo pergit , in toto corpore demum perficitur : diversos ejus gradus perlustraturi triplicem ejusdem regionem è metiemur. Quot à Physiologis viæ  
vul.

vulgò recensentur , totidem elixationis officinæ vel tractus , enumerari possunt. Primæ viæ , præter oram , quam chylus pelluit , & intestina crassiora , complectuntur. Secundæ vasorum , qualiacunque sint , systemate , vel humorum ponto continentur. Tertiæ solidis in partibus sitæ sunt. In omnibus & singulis illis plagis elixatio celebratur. Cibus in faucibus salivâ madescit & mollitur elixandus , aut humido calore coquendus. Totum quippe corpus velut hypocaustum est , cujus omnes partes caloris , quem ejus focus , aut fornax quaquaversum diffundit , participes sunt , coque nomine coctioni idoneæ. Stomachus ollæ , vel cacabo , ubi carnes , aut aliæ dapes à coquis elixantur , jamdudum assimilatus est. Jecore , liene , ad latera , præcordiis , sursum , intestinis deorsum , ceu totidem prunis , quarum calore coctio promovetur , circumdatus est. Ac quo mitior ciborum elixatio sit , Mariæ balneum à sanguine , quo naturalia membra delibuta sunt , institutum est. Crassiorum intestinorum fimetum , velut ignis , quo fimus calet , gracilibus intestinis , stomacho

machoque propterea suppositum est ; ut cibarium elixatio promoveatur. Quæ cum humiditatem , non modò calorem poscat , ideo lymphæ , quæ per stomachi , tenuiorum intestinorum , & mezenterii glandes cernitur , cum escâ colliquandâ , vel jam colliquatâ miscetur , ut undiquaque , faciliiori negotio , diffuat. Chymi tamen elixatio non intra stomachi , vel graciliorum intestinorum cancellos circumscribitur , sed in toto lactium tractu , qui vel abdomine vel pectore continetur , perfici solet. Ibi quippe lacti similis ille cremor magis ac magis elixatur , adjuvante lymphâ , nec non spiritu , vel calore sanguiferorum vasorum , quæ mesenterio plurima sunt.

Jam primam elixationis coquinam invenimus , secundam in universâ succorum massâ , vel hunc continentibus in tubis contemplari licet. Utenim chylosis , sic & æmatosis , aut omnium succorum formatio , quædam elixationis species est. Si quando stomacho vel intestinis humor desit tunc ciborum assatio , ceu prava coctio , non elixatio laudabilis contingit. Hinc humor acris , retorridus sanguis , atrabilis ,  
aut

aut melancholia succrescit. Unde temperiei nec non uliginis necessitas innoscit. Justo frigidior, aut humidior stomachus pituitam, crudumque sanguinem, justoque calidior aut ficcior bilem flavam, viridem, aut nigram, ritè temperatus sibi consimilem cruorem progignit. Hic autem elixatur in venis & arteriis, & in visceribus, quæ pelluit, ut lymphæ propriis in vasis, & glandibus, unde scatet, nervusque succus in cerebro nec non in nervis cum ducentibus. Hujus elixationis humor est lymphæ vel aquosa pars, quæ sanguinis elementa diluuntur: elixata materies est solida cibi portio: coctionis instrumentum est vitalis ignis, quo sanguis accenditur, partim in pulmone, partim in corde, velut oleum, in gemella lampade. Hisce finibus elixationis secundæ pomeria circumscripta sunt.

Tertia solidis in partibus celebratur, ubi sanguis, aut nutritius succus ex propriis vasis effusus in alendam partem destillat, innato partis calore densandus evaporatione, dein assimilandus, ut quo corpus alatur & crescat. Ultimæ coctionis officina nutrienda pars est,  
cui



cui simul instillatus cruor, aut nutritius latex, qualiscumque sit, ros vocatur, inspissatus gluten; jam mutatus, aut mutationi, quæ Naturæ finis est, proximus, cambium dictitatur. Verùm varios elixationis gradus percurrens nomen mutat. Glutinescit enim evaporatione, quam coctio promovet, ut syrupus amissis aquæ partibus densatur atque lentescit. Ergò postremæ coctionis aut elixationis locus corporis habitus à quibusdam malè definitur; nam & internæ, non solùm externæ, partes aluntur. At iidem sunt nutritionis atque coctionis fines.

Eosdem aut certè similes artificialis & naturalis elixationis usus animadvertas. I. Materies in coquinâ, vel in chymicis officinis elixantur, ut earum vis in vehicula, quibus incoquuntur, transeat. Et alimentorum elixatorum affectiones in lympham, quam elixationis menstruum dicas velim, demigrant. Qualis igitur fuit cibus, talis est chylus, aut cruor inde sobolescent. Idcirco materies elixata mollitur ejusque gremium calore, ceu clave, referatur, ut actiuosa ejus elementa faciliùs emergere vel exire queant. Ignis enim

enim est dilatare vel arctius cohærentes partes laxare , qua vi vel durissima corpora , lignum , putà , lapides , & metalla dissolvit , eoque facilius plantarum , aut carnum , quibus vescimur , finum laxabit , mixtionisque nodum solvet. II. Materierum elixatione partes inutiles aut excrementosæ separantur , ubi sales , saccharum aut mel despumatione defæcantur. Non omnes masticati cibi partes alendo corpori sunt idoneæ ; superfluæ verò facilius ab utilibus secedunt , quum mixti gremium elixatione laxatum est , dissolutusve cibus , tunc trium coctionum excrementa minùs ægrè dividuntur. Primæ quidem recrementis minori elixationis gradu opus est , ad secretionem , utpote minùs intricatis , secundæ verò majori , quòd magis irretita sint , tertiæ denique maximo , quoniam intricatissima. III. Demum elixatio sufficiens superfluum humorem absumens elixatis , putà , fyrupis , mellibus , sapis , succis , conditisque fructibus aut floribus putredinem defendit ; sic eupepti cibi minùs in corpore , quod alunt , putrescunt , indeque scaturientes succi vel humores

pu.

putredini minùs obnoxii sunt. Hoc etiam consilio Natura cibarium diligenter elixat, ne nutritius succus inde manans, in vitium aut putrilaginem proclivis sit.

Elixatio solidorum præsertim est, liquidorum verò quæ sequitur operatio, solidum enim nec ebullit, nec despumatur, nec colatur.

*Ebullitio, despumatio,  
colatura.*

**U**T vegetales succi, sic & animalium humores bullitione, despumatione colaturâque defæcantur bullitione recrementum expeditur, despumatione colaturâque tollitur, utpote supervacaneum, ac sæpe noxium. Intestinalis ille particularum motus, quem ignis liquidis præsertim incutit, huic officio præstando par est, quippe qui scorias intricatas extricet, dimoveat, separet, ac ad superficiem è centro dispellat, at is potissimum bullitionis gradus, quem & ebullitionem dicunt, ad eundem effectum edendum aptior est, cæteris vehementior, unde

de bullæ , quas excitat ; quæque vocis etymon ministrant. Indidem est , quod bullare bullireque verba fuerint synonyma , cujus rei monumentum habet, Cato de re rustica , *Vinum Graecum* , ait, *sic facito, Musti quadrantalia viginti in ahenum aut plumbum infundito , ignem subdito , ubi bullabit vinum , ignem subducito*. Verùm ebullire tantum bullitionis gradum sonat , ut ebulliens extra vasis capientis marginem erumpat, aut effundi saltem periclitetur. Cujus verbi sensum Cicero Persiusque metaphorâ transtulerunt , pro jactare , vel ostentare. Cicero 3. de finibus hæc habet , *Dixerit hoc quidem Epicurus semper beatum esse sapientem , quod quidem solet ebullire nonnunquam*. Idem 3. Tutcul. quæst. sic effatus est ; *Qui si virtutes ebullire volent & sapientias , nihil aliud dicent*. In utroque loco , ebullire , pro jactare vel ostentare , quoniam animus superbiâ elatus , ceu jusculum ebullitione turgens , jactatione foras effusus ineptias effutit. Simili sensu Persius ebullare pro , erumpere vel crepare dixit ,

*Si ebullet patruī praeclarum funus;*

ubi ebullet pro erumpat, fumitur. Ita chylus fermentatione tumens è stomacho prodire creditur à quibusdam, dum vinum, cerevisia, vel jusculum in cupâ, vel ollâ vehementiùs bulliunt, tunc sanè foràs ebulliunt. At ciborum in ventriculo fermentatio, vel bullitio tanta non est, ut spontè per pylorum ebulliret, nisi fibrarum systole contractum viscus chymum extorqueret ac expelleret. Certissimum tamen est ciborum colliquamen ibi bullire vel fermentescere, velut jus in ollâ, vel in dolio merum aut cerevisiam. Cibos innato calore, ne dicam igne, decoqui vel colliquari majorum sententia fuit; cum tamen os, quod intra duas horas in canino stomacho colliquefcit, in lebate bullienti, per 24. horas, elixum non mollescat, nedum colliquetur, Neoterici calori, qui solutioni videtur impar, addidere fermentum salinum, aut spirituosum, cujus vi durissima quæque cibaria dissolvuntur & bulliunt. Hoc autem colliquamenti semel fusi, proprio quidem

dem marte , nimirum innatâ salium  
atque spirituum, queis scatet, faculta-  
te bulliet , verum accedente salino vel  
spirituoso stomachi fermento facilius  
fermentescet , illius visceris glandulis  
& nervis lympham & spiritum cum  
salivâ miscentibus , ut completum fer-  
mentum inde concreascit.

Ergo prima bullitionis in microcos-  
mo taberna stomachus est ; secunda verò  
graciliorum intestinorum cavitas , ubi  
chylus præter lympham ex eorum glan-  
dibus scaturientem bilem & pancreatis  
laticem , ceu novum fermentum , ex-  
cipit , cujus vi nova fermentatio , vel  
bullitio cietur. Alkalina quippe bilis  
& acida pancreaticæ lymphæ salia col-  
luctantia chymum, cujus in gremio, ve-  
lut in palæstrâ, luctantur fermentare  
solent. Oris aut faucium cavitas lacus  
est , ubi vindemia calcatur , ventricu-  
lus cupa calcatam excipiens , intesti-  
norum intercapedo dolium , ubi mu-  
stum fermentandum reponitur. Quo  
consilio , tum propriâ, cum alienâ vi  
calescit. Insitis quidem salibus & spi-  
ritibus ferveret, etsi circumsisitis visce-  
ribus , ceu vivis prunis non refove-  
retur.

E secundâ bullitionis aut fermentationis officinâ tertia chylum ulteriùs fermentandum haurit, lactes nimirum è tenuibus intestinis, velut hirudines cum exsucturæ pendent, atque lympham, quâ facti sunt, ei miscent, ut ejus fermentatio magis ac magis au-  
gescat. In lacteis igitur venis, chylus tertiâ vice bullit, ideoque mesenterium, quod lactes vehit, sanguineo Mariæ balneo fovetur. Singulis quippe lactibus arteriæ venæque totidem adjacent. Accedit ignea spiritûs animalis vis, quam largam affundi septuplex nervorum mezentericorumplexus testatur.

Quarta verò maximaque bullitionis aut fermentationis cupa, vel dolium est ingens venarum & arteriarum lacus, ubi chylus cum cruore, qui novi fermenti vice fungitur, ceu mustum cum vino fermentandum confunditur, donec ejus formam apiscatur. Ac quemadmodum recens uvæ calcatæ tortæque succus, ultrò fermentescens, in temetum facciscit; sic & chylus in sanguinem sponte mutaretur, tametsi cum eo non misceretur in subclaviis venis, nam & in  
la-

Et eis, injectâ ligaturâ, restagnans aliquan-  
 do sanguineam formam consecutus est.  
 Verum enim verò connatæ causæ vim  
 & efficaciam adventitiæ juvant, vivi-  
 dora quippe sanguinis elementa, spiri-  
 tus & sal volatilis, congeneribus chyli  
 principiis succenturiantur, ad æmato-  
 sim promovendam, cui spiritus anima-  
 lis, quem nervi vasis sanguisferis in-  
 fundunt, admodum opitulatur, ut vini  
 spiritus in mustum infusus fermentati-  
 onem & defæcationem accelerat, sali-  
 bus fermentationis parentibus vim &  
 motum incutiendo. Sanguineum Ma-  
 riæ balneum, quo totum corpus ma-  
 det, simul & calet, chyli metamorpho-  
 sim deproperat, ut in calenti sellâ re-  
 cens vindemiæ succus, faciliori ne-  
 gotio, fermentescit & defæcatur, quàm  
 in frigido loco. Cujus theorematis ex-  
 empla sexcenta chymicis in officinis of-  
 fendas. Igne quippe, ceu validissimo  
 cunctorum instrumento, pyrotechnia,  
 cum in omnibus operationibus, tum  
 præsertim in fermentatatione liquorum,  
 que defæcatione ferè utitur, unde  
 nomen est sortita. Ignea sanè vis in  
 motu sita succorum elementa, quæ non-  
 nunquam pigra sunt, excitat ac agitat,



unde fermentatio , quam intestinum particularum motum , cumque solito majorem rectè definiunt. Ergò quo calidiora membra sunt , eò majorem symbolam sanguinis formationi conferunt. Viscera verò cæteris magè calent , ac in his cor maximus Microcosmi focus habetur , ideoque in efficiendo sanguine facilè primas obtinet , quamvis sanguinis officina tam latè pateat , quàm circulationis sphæra , cum cruor ipse princeps æmatoseos author sit. Hinc planè liquet junioris aut ætate minoris animalis corpus cado , vetustioris utri , cupæ vel dolio fermentescentem aut bullientem succum capienti dissimile non esse. Ars igitur bullitione vel fermentatione succos defæcans Naturam æmulatur , quæ quandoque febrem ipsam accendit , ut eterogeneas humorum partes fermentatione proteolet ; Nam intestinus ille particularum motus excentricus dicitur , quoniam fæces à centro versùs circumferentiam repellit , ut pontus extranea quæque corpora , non solum algam , in littora projicit jugiter æstuans spumansque.

Nam despumatio defæcationis alter  
modus

modus est , quo Natura simul & Ars utuntur. Bullientis liquoris spuma nihil aliud est quàm innumerarum bullarum, quas aer aut spiritus erumpens aut erupturus excitant, congeries & supernatans leviorum sæcularum acervus;

*\* Idcirco spumat plenis vindemia labris.*  
Eodem redit sequens† Columellæ carmen;

*Sordidus e musto spumantes exprimit uvæ.*  
Sic apud Maronem ;

*§ Adductis spumant freta versa lacertis.*  
Eodemque teste remiges,  
*Spumas salis ære ruebant.*

In musto sanè, muriâque spiritus fermentatione tandem expeditus emicat & bullas facit, continentis succi superficiem extollens. In mari salis spiritus & aer æstu marino moti nec non emergere conantes supernam undæ regionem bullant, præsertim ubi fluctus commoti sunt , unde spumiferi Statio dicuntur ,

*\* Illi spumiferos glomerant à pectore fluctus.*  
Verùm animalis humor vegetali marino-

K 4

que

\* Virgil. 2. Georg. † Lib. 10. § 5. Æneid.

\* Columella Stat. lib. 1. Achil. à Lib. 4. Æneid.

que spirituosior excitandæ spumæ magis idoneus est. Hinc aper & equus ore spumoso sunt. Apud Maronem ;

*Stat sonipes & fræna ferox spumantia mandit.*

Idem *Æneid. lib. i. venatricem induxerat*

*Spumantis apri cursum clamore prementem.*

Feræ vel caballi sanguis, quo fervidior est, eò quidem spumosior, rabidus quippe canis, cujus humores præter modum fervent, horrendum in modum spumat ;

Sed enim spuma, quâ fauces albent, rarefactæ salivæ spiritu, vel admixto potius aere creatur, dum humor ille subigitur in ore. Rarefcentem autem humorem spumescere vel è spumoso strangulatorum ore planè patet, tunc enim sanguis, negato respirationis refrigerio, sic effervesceat, atque rarefcit ut pulmonis bronchia tracheamque arteriam repleat, atque fauces ; quamobrem

\* Hippocrates suffocatorum salutem desperat, quorum os spumosum est. Tunc enim aeri, cujus inspiratione vita constat, præclusus est aditus. Cruorem porro raritate spumescere sic invaluit opinio, saltem in scholis, ut arterialem sanguinem, qui summè rarus est, à venoso densiori veteres spumâ distinguerent. Spuma

\* Hip. aph.

verò

verò, cujus separationem molitur, ab hac quæ laudabilis humor est, at justo rarior, toto cælo diversa est, utpote sanguinis recrementum, cujus secessus salubris despumatio vel defæcatio sit.

Despumans enim excrementa, quæ spuma vel ebullitio separavit aut extricavit, deverrit.

*Sic foliis undam tepidi despumat aheni*

Rustica Maronis. Persius ebriosos inducit sic deblaterantes,

*Stertimus, indomitum quod despumare Faler-  
lernum*

*Sufficiat,*

Ac, ex Hieronymo, venter mero æstuans citò despumat in libidines. Animalis corpus calidis humoribus plenum Virgilii lebeti parùm est absimile. Spumofum sanguinem Natura despumat, ubi fæces in emunctoria, puta bilem in hepar, melancholiam in splenem, serum in renes, crassiores fæculas in intestina, tenuiores tandem in corporis habitum ejicit. Tepidum non ebulliens ahenum ars, tepentem modò cruorem Natura despumat. Bullientis quippe liquoris excrementa vix ac ne vix quidem separantur, rapidiori motu cuncta permiscente. Tartarus fanè cum turbido vino confunditur, aut confusus tamdiu manet, quamdiu ebullitio durat. Hinc  
est

est quòd sub paroxyfmi febrilis finem tantummodò fudor ingruat, tum scilicet ejus materies, aut sanguinis recrementum secedit, quum sanguineæ massæ fluctus, aut æstus tantum non pacatus est. Tum ahenum suum Natura despumat. Temulenti venter dolium, in quo merum justò vehementius fermentescit, similitudine refert. Tunc decumana fermentatio, vel ebullitio cunctis ejus humoribus ingruit. Ferventem illam massam in somno, qui nimium motum sedat, Natura despumat, unde Persianum carmen, cujus jam meminimus. Eodam ebrius Terentii Davus alludit sic effatus,

*Ut edormiscam hoc villi.*

Tum viventem cupam Natura despumat, quum ejus humor minùs æstuat. Commotum mare turbidum est, tranquillum verò pellucidum, arenâ, quam procella miscuerat, subtus sidente, quum fluctus compositi sunt. Quandonam, amabo, Virgilianus Pastor in undâ marinâ, velut in speculo, sese contemplantatur?

*Quum placidum ventis staret mare.*

Tum ahenum suum Neptunus despumat, ut ita dicam, quum spuma stratis fla-

flaminibus , in littus projicitur , quæ genuina sanguineæ defæcationis aut despumationis imago est.

Ac quamvis omnis excrementi sanguinei rejectio , vel secretio despumatio dici possit , id tamen nominis purgationi , quæ per sputum , aut mucum fit , potissimum debetur , cum hæc excrementa spumæ parum dissimilia sint. Næ , spuma bullientis liquidi superficiem aut supernam regionem obtinere solet , sic & mucus , exereatus , sputumque leviora nempe recrementa sursum , graviora deorsum tendunt. Accedit quod spuma sit humoris & aeris mixtura , quæ tum in naribus , cum in ore pulmoneque fieri solet. In corpore , præsertim in pectore , bulliens humorum massa , spumam illam sursum emittit , ac inprimis , ubi thorax suffocatione nimium incalescit. Tunc enim os spumofum albet. Hic verò de naturali despumatione , non de violentâ , quæ Naturæ laborem significat , sermo nobis est. Vapores è dextro cordis ventriculo , velut è bullienti cacabo , profecti aereoque frigore condensati , nam inspiratus aer pectus refrigerat , in sputum condensantur. Qui superius ascendunt , ore tenus faucium

pa-

parietibus adhærescentes , excreatûs materiem partim præbent, partim enim masticati cibi reliquiæ , partim glandularum, quibus fauces & vicinia confitæ sunt, humor excrementum istud constituunt. Qui demum caput, ceu stillatitiæ metæ fastigium levitate petunt , ii mucum condensati suppeditant , etsi recrementosus uvor , qui secundùm olfactorii nervi fibras delabatur , tota mucimateries non sit, quippe cui nasalium glandularum, quæ plurimæ sunt, uligo simul accedat. Et in spermatis officinam massa sanguinea spumam ejicere videtur , seminis albedinem consideranti. Quamobrem Venus à Græcis audiebat Aphrodite, ἀπὸ τῆς ἀφροῦ , à spuma ; ejus festa , vel voluptates Aphrodisia Venerisque pruritus aphrodisiasmus , vocantur. Salfus sanè cruor qualis est salacium, maris instar, facilius spumescit. Quò jam laudatus Hieronymus alludit , ubi dixit, *Venter vero nimis astuans , citò despu-  
mat in libidines.* Lubricitatis spurcitiam meditati phrasis hæc excrementum sonans conveniebat, etsi vero minùs consentanea. Namque semen humorum flos , aut exquisitissima pars ,  
ad

ad excrementorum familiam minimè pertinet. Hieronymi tamen effatum à verisimilitudine non alienum est. Quidnam cedo, cupa, vel olla spumant? quum vehementer fervent. Haud aliter sanguis spuriam feminis spumam emittit, ubi libidinis igne plus solito calefcit. Idcirco Glycerium, quam Pamphilus deperibat, ignis vocatur à Davo suum herum hisce vocibus compellanti, *Accede ad hanc ignem & incalesces plus satis.*

Verumenimverò, missâ despumatione adulterinâ, germanam eamque geminam in stomacho contemblemur. Quum enim alimenta, ceu juscum in ollâ, bulliunt in ventriculo, tum ebulliens chylus œsophago superato, spumæ instar, in fauces exundat, velut è bubulo rumine. Hæc est superna naturalis ollæ despumatio, cui subjungitur inferna, quum ejus cruditates pituitosæ, vel calore, vel acre mixto, rarescunt, ac spumæ formam in dejectionibus mentiuntur. Et lotium interdum quoque spumofum est, at malis avibus, nam ex Hippocrate delirium portendit. Tum enim hoc symptomatis accidit, quum spiritus & hu.



humores præter modum æstuant. *Æstus* autem spumâ significatur , ut causa effectû. *Procellosum* certè mare mirificè spumat.

*Despumatum* liquorem colant, ideoque colaturam despumationi proximè subjiciemus. Superfluas partes ebullitio, quam despumatio sequitur, extricavit, colatura verò separat, excrementum retinente qualo. Colatura porò filtratioque, barbaræ dictioni venia sit, voces synonymæ ferè sunt, etsi nonnihil discriminis inter earum significatus intercedat. Quum per setacea, telam aut pannum defæcandus liquor cernitur, tum colari dicitur; ubi verò per pannum, cujus altera pars defæcando liquido innatat, altera continentis vasis extra marginem destillat, defæcatio fit, tum proprium filtrationis nomen à Chymistis, quorum stylus barbarie non vacat, nomen obtinet. Sed missis grammaticis minutiis, ad rhombum, id est, ad rem redeamus. Ut ars chymica, sic & Natura suos latices creberrimis colaturis defæcat. Nam utrique propositum est superfluum ab utili segregare. Materies consilio suo consonas eligere concinnareque,

fa.

sapientissimum artificem , cujus anima-  
 lis corpus officina est , apprimè decebat.  
 Quapropter chylum per intestinorum  
 glandulas aut tunicas , bilem per he-  
 paticas , melancholiam per splenicās ,  
 serum crassius per nephriticas , tenuius  
 verò per cutis cribrum , crassiorem san-  
 guinis fæcem per intestinales glandes  
 cernit , ut universum corpus humo-  
 rum cerniculum sit. Lympham per  
 innumeras glandes , quæ passim in  
 membris occurrunt , colat, salivam, pu-  
 tà , per parotides perque faucium pro-  
 prias glandes ; præcipuum stomachi  
 fermentum per stomachicas ; intesti-  
 nale stacma, quod in gracilibus intes-  
 tinis cum chylo miscetur ulteriùs fer-  
 mentando , per intestinales ; lactium  
 lympham per mezentericas ; pancreatis  
 undam per glandem illam conglomerat-  
 tam ; succum nerveum animaleque  
 spiritum per cerebri glandulas ; sper-  
 ma per glandulosum testem Natura cer-  
 nit O sapientissimum casum, si forte con-  
 siliis, quorum ipse nescius est , tot me-  
 dia, eaque aptissima, quæ omnem sapien-  
 tiam humanam excedunt , adeò solerter  
 accommodavit ! Vel potius, ô stultissi-  
 mum pseudosophum , qui tantam inep-  
 tiam

tiam primus excogitavit , ac effutire non erubuit , cæcior ipso catu , quem licet hyblæâ cæciorem , oculatissimum tamen finxit !

### *Expressio , Clarificatio.*

**P**ost ebullitionem, despumationem & colaturam macra, vel decoctæ materies exprimi ferè solent, ut residuum succum eructent. Hujusce processûs exemplum arti Natura dedit. Peristalticus enim partium motus torcularis vicem gerit. *Ætrophagus* carneis fibris contractus in ore subactam massam deglutit. *Stomachus* alimentorum colliquamen contractione simili deorsum deturbat, sursumque vomitûs materiem repellit. *Intestinum gracile* chylum, crassum verò stercora dejecturum torquet. *Haud aliter vesica* lotium exprimit. *Laëtes chymum*, arteriæ, venæque sanguinem, lymphatica vasa lympham, nervi proprium succum, peristallico motu, protrudunt. Similiter, muscoli sanguinis, cujus vasa tumentes premunt, circulationem adjuvant. Ipsa viscera systoles diastolesque vices minimè deficiunt,

ficiunt, in corde præsertim conspicuæ. Ne spiritûs quidem animalis distributioni pressioni auxilium deest. Meninges quippe cerebrum, ceu spongiam, animali spiritu plenam pulsantes comprimunt. Postremò nulla corporis animati pars, si solum os exceperis, assignari potest, cui motus peristalticus à Naturâ negatus sit.

Expressum laticem artifices ferè clarificant, nisi sponte clarescat, fæculis ultrò subsidentibus, ut oculis magis arrideat. Eterogenæ partes, quæ modò poros impediabant, luminis transitum intercipientes quominùs liquidum pelluceret, vetabant, earumque secretio pelluciditatem restituit. Vinum, cerevisia, cydrus, vegetalesque, succi, digestionem, fermentationem præcipitique fæcularum lapsu, proprio Marte, sæpiùs clarescunt, tenaciores nonnunquam ars deturbat, additis nempe materiis, quas præcipitantes vocitant. Utriusque clarificationis exempla nostris in corporibus occurrunt. Lympha per glandes colata pellucescit, ibi depositâ nimirum opacitatis causâ. Lotium per renum glandulas cribratum lymphâ minùs quidem pellucidum

lucidum est , at idem opacum certè non est; nisi fæculæ, ceu sulphuris magisterium , innatent. Humores reliqui naturâ sunt opaci, propter sulphureas particulas, quibus scatent. Chylusalbet, à sulphuris magisterio, quod stomachicum & pancreaticum acidum incidit, ac tantùm non deturbat. Sanguis rubet ab eodem sulphure, summo perè raro, sed eo vehementiùs circumgyrato. Bilis flavet, à sulphure tantùm non mero, quod in aliis humoribus, cum cæteris elementis magè mixtum est. Melancholia nigricat, ab adusto sulphure, nec non ab acido fixo, quod cum eo coit. Sic gallarum decoctum à vitriolo nigrescit. Ut igitur humor clarescat, sicut urina lymphæque, maximam sulphuris, à quo color est, & terræ partem secessisse priùs oportet. Urina sanè turbatur, ubi sulphureæ fæces insunt plurimæ, præsertim quum earum magisterium secedere cæpit, nec dum deorsùm omninò ruit. Cur enim usque pellucens è vesicâ prodit, ut ut sordida, nisi quia fæcularum præcipitatio nondum est inchoata. Quum verò frigus, idest, acidum aereum eam torquet, tum sulphuræ

phureæ fordes, quæ nuper in ejus gremio latebant, in conspectum veniunt lotiumque turbant. Affusus verò latex acidus, puta, sulphuris, aut vitrioli spiritus, vel acetum stillatitium fæculas præcipites dat, urinamque rursus clarificat.

Ut ænopolæ vinum aliosve potus, pharmacopæi succos; sic & humores medici diversifariam defæcant, clarantque. Præter ebullitionem, despumationem, colaturam, aut filtrationem, quæ ferè præmitti solent, ovorum albuminibus & albo vino, quæ cum liquidis defæcandis mixta conquassantur, uti ferè solent artifices, præsertim in melle, saccharo, gelatinâque defæcandis. Interdum aceti, succi limonum, berberis, omphacii, spiritus sulphuris aut vitrioli, vel cremoris tartari, vel crySTALLI mineralis, vel nistri defæcati tantillum admiscetur, ut fæculæ precipites ruant, aut aliàs secedant. Non secùs confimiles materies, quibus vescimur, aut sanamur, humoribus nostris defæcandis accedunt. Viscidorum alimentorum partes albuminis vice fungi possunt, quatenùs deverrendas fæculas, quibus te-

naciùs adhærent, secum captivas ducunt, deorsumque rapiunt. Acida quæque per gulam ingesta præcipitantium officium præstant. Pleraque omnia cathartica, vel febrifuga pharmaca sic operantur, ac in primis, species, quas præcipitantes dictitant, puta, pulvis pannonicus, pulvis comitissæ, cortex Peruvianus, absorbentesque pulveres, videlicet, corallia, margaritæ, cancerum oculi, chelæ, testæque, vel alia sexcentæ species alkalinae, quibus acidum sal absorbetur. At præter adventitium acidum, quod humorum defæcationem, aut clarificationem promovet, & innatum, quod salivæ, stomachico, vel pancreatico succo verifimiliter inest, ei succenturiatur. Sic in ventriculo sulphureum Chyli magisterium inchoatur, in intestinis, lactibus & mammis perficitur, magis ac magis albescent, donec in cruorem rubescat, ac tandem aliquando, lymphaticis in vasis humor pellucescat, in glandibus deposito sulphure capiteque mortuo, quæ sola sunt in elementis opaca. Porrò fædædinis expers unda proprium lymphæ nomen sibi vendicat, fæda verò lotium, urina, vel su-

fudor dicitur. Ambæ diaphanæ sunt, quoniam opacitatis colorisque causam in qualis exuerunt.

### *Aromatizatio, Coloratio.*

**T**Am grati saporis, quàm odoris ergo cum solidæ tum liquidæ species aromate condiuntur, in naturali, non tantùm in artificiali chymiâ, non solùm defæcantur. Gustui simul & odoratui blandiuntur, qui caryophyllis, maci, nuce molchatâ, cinamomo, zinzibere, vel pipere cibum aut potum condiunt, siue species ipsas, siue stillatitium earum oleum aut spiritum assumant, ad totam humorum massam, imò totius corporis molem condiendam, ei que defendendam putredinem. Aromatum enim vi delibuta cadavera non putrescunt, at diutissimè perdurant. Cujus rei testes locupletissimi sunt Ægyptiæ Mumia, quas condita cadavera satis aptè definias. Sal fixum, idemque corrodens, quod denatorum perniciem cæcâ vi molitur, aromatum spiritus, sal volatilis, & oleum refrænant. Què putrilaginem oleum, quod fixi talis aciem obducit, arceat, clam chymistis



non est. Sed quo pacto spiritus aut volatilis sal, qui cunctorum elementorum mobilissima sunt, intestinum particularum motum, quo res dissolvuntur, cohibeant, minùs compertum est. Si tamen sal volatile sulphuratum sit, nec ab eo spiritus multùm diversus sit, cum sulphuris in mitigandis salibus fixis efficaciam jam agnoverimus, præmissa quæstio solutu faciliior erit. Quoties igitur aromatibus utimur, toties corpus nostrum universum, non modò chylum & sanguinem condimus, ad eorum putredinem abarcendam, nostramque caducitatem, quam sufflaminare nitimur, profiteamur, ut Magdlena proximam Redemptoris nostri necem prænuntiabat, unguento, quo sacrum ejus corpus delibutum voluit. Aromate conditus cruor, vel dum in corpore manet, aromatites dici posset, non secus ac vinum aromatibus conditum. *Lantissima*, inquit Plinius, *erant, apud priscos, vina myrrhæ odore condita.* Lantissimus est quoque sanguis aromatibus auctus. Tum corpus ipsum aromatiti gemmæ, quam Arabia fert, quodantenus assimilari potest Sic pharmacopæi tam Galenici, quàm Chymici species

cies tum liquidas cum solidas , quas  
 asservare cupiunt , aromatibus condiunt.  
 Id porrò cautelæ Latina barbaries aro-  
 matizationem dicit. Hâc autem fra-  
 grantiæ vel odori suavi consultum vo-  
 lunt , non solùm putredinis prophylaxi.  
 Gratum quidem saporem dapibus aro-  
 mata conciliant , salibus , queis eas au-  
 gent , at de suorum humorum suiveæruo-  
 ris sapore parùm solliciti , gulæ fer-  
 vientes homines saporis deliciis solum-  
 modò student , medici verò , vel sanita-  
 ti litantes ad corruptionis prophylaxim  
 rectâ collimant aromatibus utentes aut  
 aliis ea præscribentes. Suavis odor ,  
 aut corporis proprii vel alieni fragran-  
 tia , quam aromata conciliare valent ,  
 minùs eis proponitur , quamvis con-  
 ciliatu possibilis esset Nam quorundam  
 virorum , non tantùm Alexandri , fudor  
 suavissimè fragravat. Sic & Pharma-  
 copæorum asservandas materies aroma-  
 te condientium intentum triplex est ,  
 putredinis prophylaxim , unà cum  
 saporis & odoris gratiâ , complectens.  
 Chylus præsertim aut lac particeps est  
 odoris , quem alimentum spirabat. Cla-  
 rissimus Boilius meminit casei mirum  
 in modum allia redolentis , quòd ex

vaccarum , quæ pratum allio refertum tondebant , lacte confectus effiet. Ut teter sic & suavis odor humoribus conciliari potis est. Verùmenimverò fragrantiam non mephitim artifices quærunt.

Elegantis quoque coloris homines studiosi sunt. Hic autem naturalis aut adscititius est. Oculis uterque placeat oportet , ut & sapor palato , ne fastidiosis ab ægris contemnatur ac rejiciatur. Quoad formalem coloris rationem , eam in luminis reflectendi modo dumtaxat positam esse sexcentis experimentis , exploratum est. Qualis autem est reflectentium corporum superficies , omninò talis est reflexio. Mutatò particularum , ex quibus mixtum constat , situ superficies etiam mutatur. Ecquis igitur totius colorem variari miretur , quoties partium positus variatur ? Alius autem est earum situs , antequam res fermentationem passà sit , & alius postquam eam est passà ; sic succi diversos colores induunt. II. Digestione quoque partium situs , totiusque superficies & color immutantur , quod in tartari vel coralliorum tincturis animadvertas velim. III. Agitatio diver-  
sum

sum quoque particularum situm & colorem infert Sic unguentum pomaceum, aut Galeni ceratum agitatum albescit. IV. Variarum substantiarum admixtio situm & colorem non mutare nequit, quam metamorphosim accedentium spirituum, salium, aut sulphurum diversitas efficit. V. Quædam proprium colorem, cujus tenacissima sunt, rebus, quæ accedunt, impertiuntur, ut santalum rubrum, sanguis draconis, indigo, grana Kermes, ærugo, terra Melitæa, crocus, &c. VI. Quædam, insolatione vel dio novum colorem adipiscuntur, ut cera lota, nec non ovorum oleum, quæ quidem insolata penitus albescunt VII. Quæpiam coccione, vel calcinatione colorem mutant, ut hydrargyrum, plumbum stibium, &c. Postremò sexcentis aliis modis, quorum enumeratio tædium inferret, eadem mutatio contingere potest. Sed illarum omnium metamorphoseum causa penes immutatum particularum situm est. Quoties igitur sanguinis aut aliorum humorum superficies mutatur, toties accidit & coloris mutatio, quæ primò fermentatione contingit.

Cibi primùm in ore, dehinc in stomacho fermentescunt, & hinc albescunt, aut album in chylum colliquescent. Dum enim acido stomachi fermento dissolvuntur, eorum sulphur inciditur, ex ejus ramis dissecctis, coagulum fit, aut magisterium, cujus color albus esse solet, ut videre est in sulphurearum stibii scoriarum solutione, quæ statim albescit, affuso latice acido, qualis est vitrioli, vel sulphuris spiritus, aut acetum stillatitium. Haud aliter benzoini storacisque tinctura, simul ac in aquam aceto prægnantem instillatur, album colorem contrahit, ut cernere est in lacte, quod tonsores virgineum vocant. Chymicandor in intestinis & lactibus intenditur, ab ulteriori sulphuris divisione, quam novum partium illarum fermentum efficit. Albus succus in venis & arteriis rubescit, sanguinei fermenti vi diviso sulphure, cujus partes in lymphâ rotundam figuram fortitæ, spirituumque circumeuntium turbine rotatæ, ruboris speciem oculis inferunt, non secùs ac sulphuris tinctura, quam vini spiritus elicit. Idem succus in hepate flavescit, qui meri  
ful.

sulphuris color est , vel lippis & ton-  
 soribus probè notus. Bilis sanè liqui-  
 dum sulphur, aut animalis oleum me-  
 ritò dicatur. Lienis humor ex eodem  
 fonte scaturiens nigrescit, à sulphuris  
 adustione. Tostum enim illud fossi-  
 le nigricat, quoniam ejus pori sic igne  
 dilatati, vel evacuati sunt, ut lu-  
 minis radios non emerfuros absor-  
 beant. Adde quòd acidus splenis sal  
 alkalino bilis sali junctus, nigredinem  
 propignit. Atramentum ex acido vi-  
 triolo nec non alkalinarum gallarum  
 decocto fit, utroque mixto. Sanguis  
 lymphæ pellucescit in glandibus &  
 renibus, in illis qualis deposito pig-  
 mento, nimirum opaco corpore, quod  
 poros impediens, aut obstruens, lu-  
 minis radios intercipiebat. Cum ta-  
 men renum lymphæ minùs sincera cer-  
 natur, ideo minùs est pellucida quàm  
 lymphaticorum vasorum unda, quæ  
 coloris, & saporis prorsùs expers est,  
 qualem Aristoteles optimam aquam  
 esse scriptum reliquit. Qualis sit ner-  
 vei succi color, nec definitum est nec  
 definitu facile, quamvis è faucio tendi-  
 ne limpidissimum stacma destillet.  
 Incertum enim est, an nerveus succus  
 ci

ei concolor fit , etſi quidam è vuln-  
 rato nervo conſimilem laticem defluen-  
 tem vidiffè dicant. Mitto quòd illius  
 ſucci color vulnere forſan mutatus eſt.  
 Hic enim tantùm de naturalibus hu-  
 morum coloribus verba fiunt.

Colorum mutationes , quæ præter  
 aut contra naturam accidunt , conſul-  
 tò miſſas fecimus. Si ſanguis miſſus  
 albeat , flaveſcat , aut nigriceſcat , id ad pi-  
 tuitæ , bilis , aut melancholiæ prædo-  
 minium acceptum referendum eſt. Si  
 fortè cholera viſceſcat , is color admix-  
 to cuidam acido tribuendus venit. Bi-  
 lis enim affuſo vitrioli , vel ſulphuris  
 ſpiritu viridis evadit. Eadem , ſi mo-  
 dò decoquatur , atra fit. Jam humo-  
 rum noſtrorum & aliorum ſuccorum  
 colores ſimilibus cauſis immutari fatiſ  
 ex præmiſſis conſtat. Fermentationi ,  
 digeſtioni , quaſtationi , variarum ſub-  
 ſtantiarum admixtioni , inſolationi , coc-  
 tioni , calcinationi coloris mutatio tri-  
 buta fuit , in exemplis , quæ phar-  
 macia miniſtravit. Animalis humores  
 fermenteſcunt , digeruntur , quaſtan-  
 tur , diverſis ſubſtantiis accedentibus  
 per nutritionem augeſcunt , inſolantur ,  
 coquuntur , ac tantùm non calcinan-  
 tur,

tur. Quid mirum si similes colorum vices subeant? At sexcentæ rationes illæ tandem ad unam omnino redeunt, nimirum ad sitûs & superficiiei mutationem, unde diversa luminis reflexio fit. Humores in animalis corpore fermentantur, ut cerevisia, cydrus, aut vinum, in cupâ; chylus scilicet in ventriculo, tenuibus intestinis & lactibus, ope fermentorum, quorum jam sæpius mentionem injecimus; sanguis in suis officinis, videlicet in visceribus, nec non in suis ductibus venis & arteriis, propria nec non aliena vi, bullit; bilis in hepate, sibique cognominibus tubis humoresque reliqui, suis in fontibus; aut rivis fermentationem, à notis & ignotis, salubribus & insalubribus fermentis patiuntur. Idem in corporis vasis aut visceribus digeruntur, leni Mariæ balneo, nativoque calore, qui clementissimus est. Hinc amænissimum diversicolorum tincturarum spectaculum emergit. Universi succi, quæ animalis corpus delibutum est, ac præsertim sanguis, universalis eorum fons, aut cervus, non secus ac cerevisia, subiguntur, in toto quidem corpore musculorum ope, sed præsertim in

cor-



corde, pulmoneque, nec non in arteriis, creberrimâ systoles diastolesque vice. Præterea cruorem fubeuntes succi colorem suum, cujus tenacissimi sunt eidem largiuntur. Monspelienfis arcis militi, me presente, sanguis missus fuit albus, adinstar lactis, aut potius chyli, cui mutando par sanguis non fuerat. Lactentis pusionis cruor, statim à lactatione tantum non albet, pastum parum mutato. Verum alimenti color ante plerumque mutatur, quam in corporis nutritionem faciat, nempe particularum situ superficieque mutatis. Cui mutationi, cum insolatio, tum alia coctio suam symbolam conferunt. Solis quippe radii tenuissima flamma sunt, per aerem dispersa, cujus vim animalis humores experiuntur, quum ipsum insolatur, quemadmodum insolati plantarum succi fermentescunt atque novum colorem apiscuntur. Animatum corpus lagenæ succos illos continenti solisque radiis objectæ, quoad insolationem, dissimile non est. Innato calore, ne dicam igne, non tantum insolatione, viventis corporis humores decoquuntur, ut novum colorem assequantur, expedito sulfure. Haftenus  
ani.

animalis corpus aheni vel lebetis , in quo succus bullit , rationem habet. Ut aliarum materierum , sic & humorum color coctione mutatur , nec non aliquali calcinatione , quæ quidem in animato corpore genuina non est , quippe cui ferendæ par vita non effæt. Sed præter modum adusta melancholia , vel retorrida bilis tantùm non calcinata nigrescit. Denique colatura vegetalium succorum & humorum colorem variat. Rubrum vinum per arenam colatum ruborem exuit , sic & lymphæ , quæ rubri cruoris pars est per glandes colata , rubedinem amittit atque diaphana fit , in qualo relictâ coloris illius causâ. Lotium per renum glandulas transmissum quoque pelluscescit. Sanguis in testibus colatus albescit , nisi nerveus succus proxima feminis materies sit , ut ex summa debilitate , quam effrænis Venus nervis infert , conjicere licet. Quia tamen , nimio coitu , vitæ gazam prodigunt , ii sanguinem , pro spermate , per uretram profundunt. Quo symptomate fervidior ardearum amor laborare fertur à Naturæ mystis , quorum fides usque sincera non est. Ut ut sit ex  
hac

hac hypothefi , ruber fanguis per teftes colatus albefcit , nifi malis hanc fpermatis albedinem tribuere fanguinei fulphuris præcipationi , quam genitalis fpiritus efficiat. Sulphuris fanè magifteria lympham , unde fubtùs fidunt , dealbant. Hæc duas dealbationis caufas , nempe colaturam & dimidiatam fulphuris præcipationem , in mammas transferunt , qui lac ex cruore fieri rentur. Ideo fanguis , inquiunt , ante dealbatur , quàm à pufione fugatur , ne teneris ab unguiculis homo crudelitati , fanguinem bibens , affuefceret. Verùm hæc ethica caufa cadit , relectâ phyficâ. Namque lac albet , quia chylus eft per mammas tranfcolatus , & idem auctus lymphâ , quam earum glandes innumeræ præbent , quæque chymi magifterium acore quodam magis ac magis dealbat. Unda , quæ cunctorum humorum & fuccorum basis eft , diverfos colores nancifcitur , pro variis pigmentis , quibus inficitur in vifceribus noftris , quemadmodum aqua per os à prestigiatore quodam projecta , modò rubebat , modò flavebat , nunc albebat , nunc nigrefcebat , interdum virebat , nonnunquam cærulescebat ,

bat, pro diversis pigmentis, quæ circulator immiscebat, in ore condita. Sic vel peritissimi tinctoris artem Natura vincit, ejusque tincturæ factitii<sup>s</sup> longè præstantiores colorumque tenaciores sunt. Quantum enim Deus homini, tantum arti Natura præstat.

Explicato liquidorum excrementorum colore, crassiorum oletorum coloris causa non desideratur. Stercus, ut & aurium cerumen, à bile flavet, à melancholiâ nigricat, albet à pituitâ, vel à chylo, rubet à sanguine. Mucus albicat à pituita, vel lymphidus est asero, quod ejus materiem præbet: Indidem & sputum colores mutuatur, nisi quòd ejus albedo nonnunquam augefcit à spuma, quam humori mixtus aer procreat. Hactenùs variegatum eoque nomine speciosum naturalis tinctoris spectaculum suspeximus.

### *Erixio, assatio, torrefactio.*

**A** Nimalis corpus, ac in primis, ventriculum, coquinam esse diximus. Jam elixatos cibos ibidem contemplati sumus, qui coquendi modus

M

sa

saluberrimus esse solet. Nunc eorundem frixionem, assationem & torrefactionem, non eas quidem quæ in externa, sed quæ in internâ coquinâ fiunt, quæve minùs salubres, aut prorsùs insalubres sunt errantemque Naturam produnt, hoc capite, visuri sumus. Cibus in stomacho, velut in sartagine, frigitur, quum in ventriculum justo fervidiorem eumque butyro, vel oleo, vel axungia pinguiorem incidit. Quæ coctionis species febris fomitem, ceu sulphuratum cruori subdit, pingues enim succi febrilis incendii totidem escæ sunt, unde trita phrasis, oleum in ignem injicere, pro decumanum incendium fovere, vel jam commotam iram irritare. Frixioni macrum menstruum, quale postulat elixatio, reverà decet, at certe pingue suppetit. Utrumque desideratur in assatione, quæ carnis coctio penitùs sicca cum sit, intensiorem fervoris & siccitatis gradum arguit, quàm in frixione, quæ saltem pinguem humorem supponit. Utraque biliosis accidit. Bilis quippe, quâ stomachus exundante madet, olei rationem habet. Ubi verò de-

desideratur omnis uligo , tunc assatio contingit. In microcosmo *tum Syrius ardet , tum Procyon furit.* Justo ficciora viscera sic arent , ut elixationi necessarius uxor omninò desit. Qui ficcus ardor , si sit extremus , cibariator refacit , id enim discriminis inter assationem & torrefactionem interest , ut hujus quàm illius ficcitas major , & ardor acrior sit. Tosta quippe caro dicitur , quum assationis modus exceditur. Biliosi cibum assant , atrabilarii verò torrent. Hisce coctionibus ficcis opponitur humida , quam elixationem dicunt , quæ quanto salubrior est , tanto minùs salubres alias æstimes velim , si quidem in stomacho fiant. Humoris desiderium valde noxium esse \* Plautus innuit sic effatus, *Tam frictum ego illum reddam , quàm frictus est cicer* , ubi frixus macilentum sonat. Humiditatem ad cibi salubritatem pertinere næ Celsus sequentibus verbis significavit. *Res eadem jurulenta magis alit , quàm assa , magis assa , quàm frixa.* Jurulenta , vel elixa cum sit fluidior , aut certè solutu faciliior , in partes alendas ocyùs distribuitur. Cum

M 2

Celfo

\* Plaut. in Bacch Celsus in Comment. Plin.

Celfo tamen non sentiunt qui majorem nutriendi copiam affis , quàm elixis , tribuunt Quos tamen auctores , facili negotio , conciliare possis ; lautiorem succum affatis , citiorem alimonæ distributionem , sive nutritionem , elixatis tribuens. Affationem Antiquis pluris fuisse , quàm alias coctiones , vel hinc liquet , quòd affæ dapes Diis apponi solerent , quò Cato sequentibus vocibus alludit , *Daps Jovi affaria , urna vini Junoni casta.* \* Flavius Vopiscus scribit *Aurelianum Imperatorem convivium de affaturis maxime dedisse* , quæ consuetudo doctum ac deliciosum palatum arguebat. Gravior enim est assorum , quàm aliàs coctorum missum sapor. Tostum autem & assum voces synonymas esse Virgilius innuit sequenti carmine , *Subjiciunt verubus prunas & viscera torrent* , cui Naso concinît , ubi dixit ,

*Et corpora tostâ*

*Carne replent.*

† Verùm tostio majorem ficcitatis gra-

\* Cato de ve rustic. cap. 132. † Æncid 5. Ovid. 121. Metamorph.

gradum , quàm afflatio nobis sonat ;  
 eoque minùs salubris habetur. Utra  
 verò coctionum externarum salubrior  
 fit , in præsentiarum minimè quæritur.  
 Nam circà internam omnino quæstio  
 nostra versatur. Imò præcipuè nobis  
 propositum est monstrare cibos in cor-  
 pore , non solùm in externâ culinâ ,  
 frigi , affari , torrerique , non tan-  
 tùm elixari. In temperato stomacho ,  
 qui proprio humore , non modò po-  
 tu madet , elixantur , in aridiori fer-  
 vidiorique , quem potio non rigat ,  
 friguntur , affantur , torescunt , pro  
 diverso siccitatis & ardoris gradu.  
 Nam in bilioso temperamento frigun-  
 tur , atrabilariâ verò intemperie tor-  
 rentur , non tantùm affantur.

### *Ustio , incineratio , extinctio.*

**A**Nimal , ac præsertim homo Mi-  
 crocosmus vocatur , quod univer-  
 sas ferè naturas , ex quibus macrocos-  
 mus constat , complectatur , quodque  
 similes casus circiter utrinque contin-  
 gant. Ingesta , non tantùm elixantur ,  
 affantur , friguntur & torrentur verùm



etiam nonnunquam uruntur , ac tantum non incinerantur , ut extinctio-  
 ne quandoque fit opus. Ubi calor  
 benignus est , utpote mediocris mitif-  
 que , tunc fit elixatio , quæ coctio-  
 num saluberrima , tam intus quam ex-  
 tus est , humiditate caloris acrimo-  
 niam mitigante. Quum verò viscera  
 nimis fervent , tum ingesta simul &  
 humores , & hos continentia visce-  
 ra , tantum non uruntur ac in cineres  
 convertuntur. Vitalis sanè focus in  
 capite pectoreque , lethalis in abdo-  
 mine ferè latet. Animalis corpus for-  
 naci vel stillatitiæ metæ meritò fuit  
 assimilatum. Pectus est princeps fo-  
 cus , ubi vitales lares sedent , aut ale-  
 embici vas , quod destillandam mate-  
 riam continet , caput est stillatitiæ me-  
 tæ fastigium , abdomen , ac præser-  
 tim alvus ima , vel hypogastrium ,  
 cinerarius quæsi focus. Febris vitalis  
 fornacis incendium est decumanum.  
 Ac , citrà febrem , intemperies cali-  
 da cibos & humores urit , ac tan-  
 tum non cinifacit , antequam cadaver  
 uratur acin cineres abeat. Ex Flacco ,  
 stomachantium bilis urit jecur , imò  
 reliqua viscera concendit. Sanguis est  
 pru.

pruna , bilis est torris , atra bilis aliquid  
 cineris rationem habet ; quum  
 etiamnum calet melancholia favillæ ,  
 quum deferbuit frigetque titioni vel  
 extincto cineri parum dissimilis est.  
 Vel in secundâ valetudine , qui per  
 renes & ureteres in vesicam destillat  
 humor , is ustionem aut ustulationem  
 nomine suo prodit , siquidem urina  
 cluit , duplici de causâ , tam activè  
 quàm passivè , sic nominanda. Plan-  
 tas enim , quas rigat , igne sulphu-  
 reo salinoque semper urit , nec non  
 animalis ischuriam patientis viscera  
 tantum non cremat. Præterea , lo-  
 tium urinæ nomen passivè meretur ,  
 utpotè quo , sanguinis ardentis colli-  
 quamentum fit. Ut lignum ardens  
 aquam , quum ignis urget , emittit ,  
 sic & ardentia , vel justò fervidiora  
 viscera diabete magis obnoxia sunt ,  
 quàm temperata , calidiori cruore in  
 urinam colliquiscente , quemadmo-  
 dum lac , quod ignis urit , in serum  
 abit. Ideo serum urinæ materies vo-  
 catur , quod nomen est illius lym-  
 phæ , quæ secedit è coagulato lacte.  
 Græcum quoque feri nomen ustionis  
 monumentum est. Quippe phlegma

dicitur, ἀπὸ τῆς φλέγειν, quod est urere.  
 Cæterùm incendii geminus est effe-  
 ctus. Primùm ignis aquam, si qua  
 sit, ex ligno pellit, dehinc ustam ma-  
 teriem in cineres mutat. In animalis  
 corpore, quod vitalis aut lethalis si-  
 vè febrilis ignis urit, quod ingestum  
 est, in phlegma vel in urinam primò  
 colliquatur, secundùm aquosam par-  
 tem, crassius verò sedimentum in ole-  
 ta, velut in cineres, facescit, in hy-  
 pogastrium, velut in cinerarium fo-  
 cum descendens. Ren furnus est in  
 fornace, si pelvis cavitatem, ubi cal-  
 culus, veluti later in fornace, coquitur,  
 indurescit ac tantùm non uritur. Jam  
 nullum extat in corpore membrum,  
 in quo lapis non excoctus atque re-  
 pertus fuerit. Postremò lien carbo-  
 nem nigredine mentitur, ac humoris,  
 quem capit, ustionem atro colore  
 prodit. Hepar in microcosmo sul-  
 phuream min ram exhibet, vel in  
 prospera valetudine, cum in adversâ  
 sit vulcanus Æthnæ Vesuvioque simi-  
 lis, quod viscus in cane cui, lien ex-  
 sectus fuerat, sic arebat, ut friabile  
 foret, ac velut in cineres abiret, ne  
 vox incineratio nimis hyperbolica vi-  
 deatur,

deatur , quum ad significandum decumanum viscerum incendium interdum adhibetur. Amor , ira , gulæque intemperantia totidem faces sunt , quibus sanguis incenditur.

*Uritur infelix Dido, quæ caco carpitur igne,*  
 Quum Trojani ducis amore inarset. Irasci & incandescere verba sunt synonyma , sic ignea iræ natura significatur. Denique Ceres & Bacchus , non modò Venus & Rhamnusia pyræ nostræ flammam subjiciunt. Meracius, vinum & hujus spiritus nec non aromata , quibus irritamenta gulæ con-diuntur, totidem sulphurata sunt Fer-vidiorem insolationem , quâ denigrantur Æthiopes , consultò missam facio.

Ut vehementiorem viscerum & humorum ardorem extingueret Natura potu , cujus saluberrima species ferè nnda est , utitur Cum enim incendio restinguendo nihil frigidâ magis idoneum sit , aquam omnium potionum, ut plurimùm , saluberrimam esse vel hinc liquido patet. Cæteri potus incendio magis augendo quàm minuendo sunt apti. Quamobrem oleum in ignem conjicias , ubi vinum , aut hu-  
 jus

jus spiritum , alioſve fervidos potus in accenſa viſcera profundis. Præclarus Willifius , ex Naturæ lege , ſanguinem accendi ſentiens , ſine tropo , viſcerum incendium dixiſſet. Siquidem vitalis calor ſanguinis accenſio ſit , accuratè loquendo , quid erit , amabo , febrilis ardor , niſi totius corporis incendium , quod vel ſuffocatione , quum febricitans ſtragulis operitur , vel aquæ diluvio , quum largo frigidæ , vel ptifanæ , vel aliorum ſpecierum refrigerantium potu , viſcera proluuntur , ut febrilis aut alius ignis reſtinguatur , cinereſve , nimirum humores aduſti foràs illo fluento vel amne rapiantur. Incendium externum ſale quoque nonnunquam extinctum eſt , ſic & internum ſalibus fixis iſſque præſertim acidis plerumque reſtinguitur , utpote quibus ſulphuris ſublimatio , quæ flammam parit , ſufflaminetur. Mala Punica , limones , berberis , groſſulæ , nec non humi naſcentia fraga , acido ſale potiùs quàm aquæ luxurie febrilem ignem extinguunt.

Quanquam aer reſpiratus pectus , cujus fuligines foràs vehit , refrigerat , ſanguinis tamen accenſionem , potius ,

tiùs , quàm refrigerium promovet ,  
 ne reſtinctionis , de qua nunc , in-  
 ſtrumentum habeatur. Aquâ præſer-  
 tim ignis , quo viſcera fervent , ex-  
 tinguitur. Odium , aut coitus amo-  
 ris incendium perimit , ſitis ardorem ,  
 qui decumanum extorum incendium  
 eſt , largus frigidaë potus. Dipladum ,  
 qui Præſteres etiam dicebantur , à  
 Græco verbo , quod uſtionem ſonat ,  
 viru laborantes aquam vehementiùs ap-  
 petebant , quàm cervus , quem jam-  
 dudum odora canum viſ urget. Quie-  
 te ſedatur incendium , quod motus ex-  
 citat , ſomnoque reſtinguitur ignis ,  
 quem accendit vigilia ; quam ſenten-  
 tiam Hippocrates , interprete Celſo ,  
 deſcripſit verbis ſequentibus , aph. 27.  
 ſect. 5. *Quibus noctu bibendi eſt avi-  
 ditas , iis admodum ſitientibus obdor-  
 miſcere , bono eſt.* Somno reſtingui-  
 tur ignis , quem accendit Vigilia ,  
 quiete ſedatur incendium , quod mo-  
 tus excitat. Quivis ardor , undecum-  
 que gliſcat in ſanguinem , externis  
 & internis refrigerantibus , puta , bal-  
 neis , ptifanis , emulſionibus , julapiis ,  
 clyſteribus , aliſque modis ſexcentis  
 pacatur. Verùm quantacumque curâ  
 vi-

vitalis olei, five sanguinis consumptionem remoremur, tandem aliquando tamen absumetur, ut oleum lucernæ, cui cor similitudine respondet, extinctâque penitus vitali flammâ, corpus in cinerem, aut in pulverem certè revertetur, juxtâ divinam sententiam, *Memento quod pulvis es, & in pulverem redibis. Omnium, enim Versatur, urna*, quæ fictile vas erat, quo cadeveris ulti cineres olim recondebantur: Denatorum quippe corpora non inhumabantur, sed cremabantur, eorumque cineres pientissimè colligebantur & asservabantur. Itaque cinis sumitur & pro Manibus & pro reliquiis funerum defunctorumque memoriâ. In Verrem Cicero sic invehitur, *Homo importunissime, cur tantam injuriam P. Annio mortuo fecisti. Cur hunc dolorem cineri ejus atque ossibus inussisti? Nec patris Anchisa cineres manes ve revelli*, pius ait Æneas. *Quum jam fulva cinis fueris*, inquit Calvus, apud Nonnium. Minxisse in patrios cineres, olim dicebatur, qui intemperitiis ageretur, cuique cuncta cederent infeliciter, ac si monumentum patris violasset. Huc  
&

& Lucilius concinit lib. 3. *At nos horrido cinctum te prope busto Insa- tiabiliter deflebimus.* Sed antequam rogo cremaretur hominis corpus , à Libero , Cerere , Veneroque priùs fe- rè crematum erat , gulæ scilicet intem- perie , nec non veneris excessibus. Tres illos ignes Terentius jungit hac sententiâ , *Sine Cerere Liberoque friget Venus.* Vitalem ignem , intemperies frigida debilitat , calida dissipat , mors extinguit. Sic uersionem , incinera- tionem & extinctionem in naturali Chymæ officinâ , non solum in arti- ficiali , suspeximus.

## CALCINATIO.

**V**italis sanè calor mitior est quàm ut cibis aut humoribus urendis aut incinerandis sit , nedum calcinationi , quæ vehementiorem ignis gradum fla- gitat , par erit. Interdum tamen sic exardescit , atque viscera sic incandes- cunt , ut humores uri , viscera cre- mari , vel tantum non incinerari , pe- ne dicam , calcinari videantur. Verum istud orationis tolerabilis hyperboles  
mo.



modum excedit. Attamen fiticulis-  
 rum hydropum ardor quandoque tan-  
 tus est , ut eorum aqualiculus promi-  
 nens calce plenus , atque distentus vi-  
 deatur. Et enim quò largiùs bibunt,  
 eò vehementiùs sitiunt. Unde Nasonis  
 carmen , *Quo plus sunt bibita , plus sitiun-  
 tur aqua* : cui consentit Horatius , ubi  
 sic modulatus est , *Crescit indulgens sibi  
 dirus hydrops Nec sitim pellit , nisi causa  
 morbi Fugerit venis & aquosus albo Cor-  
 pore languor*. Ut rigata calx ignescit,  
 nisi priùs extincta fuerit , sic hydro-  
 pis viscera tantùm non calcinata , potu  
 proluta magis ac magis incandescunt.  
 Non deest & alter morbus , cui nomen  
 est diabetes , ubi potus vel maximè re-  
 frigerans & humectans sitim irritat,  
 quasi viscerum calx aquâ magis exar-  
 desceret. Nec ad antiperistasis , aut  
 ad ignis & aquæ , ceu contrariorum  
 certamen , velut facram ad anchoram ,  
 confugiendum est , ad phænomenum  
 istud enucleandum. Aquæ vi calx bul-  
 lit , quoniam igneæ particulæ , quæ ,  
 quasi sopitæ , jacebant in calce , suis  
 è latibulis emergentes ac excitæ , cum  
 undâ , quam turbant & commovent ,  
 mis-

miscentur , huc & illuc excurrentes.  
 Aut Alkalinus usti lapidis sal in aci-  
 dum frigidaë salem colluctatur , in a-  
 quæ gremio , velut in palæstrâ , quæ  
 propterea bullit , & æstuat. Mifsâ igitur  
 antiperistasi , quam inscitiaë suæ pri-  
 sca schola prætendebat , ad explican-  
 dum immane fitis incrementum , quod  
 hydrope vel diabete laborantium po-  
 tum , vel largissimum , sequi solet ,  
 alkalino sali , qui fitim accendit , ei-  
 que cum acidis frigidaë salibus pugnan-  
 ti grave fitis augmentum tribuimus.  
 Alkalinus quippe sal est , qui diutur-  
 nam ignis vim passus est. At hydro-  
 picorum & diabeticorum viscera tan-  
 tum non adusta sunt. Siquidem illi  
 morbi decumana sanguinis incendia fe-  
 rè sequuntur. Ergò salia , quibus hu-  
 mori iste refertus est , alkalinam natu-  
 ram , longo , quem patiuntur , igne  
 consequerentur , quamvis aliam antea  
 naëta forent. Prætereà , quum in hy-  
 dropis utrem aqua largiùs infunditur ,  
 salium illorum , ut ita dicam , palæ-  
 stra patescit , ut amplius athletarum  
 illorum luctæ spatium sit. Nam inter-  
 dum , per loci continentis angustiam ,  
 fermentescere salibus non licet. Ubi  
 ve-

verò liquidi quantitas augetur , tum amplior locus salium pugnae datur. Ergo si potu sitis exardescat , non continuo genuina calx visceribus inest , caloris enim gradus calcinationi par , cum vita composibilis non est. At alkalina salium vis , quam viscerum incendium , aut nimius certè fervor , intulit , aliquam calcis , quæ materies est alkalina , rationem habet. Nec artritica saburra , quibus articulus obfidetur , germana calx est , aut gypsum , sed quidpiam illis materiis simile. Nec calcariam , nec gyptariam germanam igitur in viventis animalis visceribus aut externis membris invenias , sed uberrimam alkalini salis in hepate mincrum , quæ calcariæ parùm dissimilis est. Ergo naturalis calcinatio , tam in microcosmo , quàm in macrocosmo contingit aliquatenus , quod demonstrare nostrum propositum erat.

*Amalgamatio , fumigatio , cementatio , stratificatio.*

**A** Malgamatio , barbaræ voces con-  
adonentur velim , definitur poten-  
tialis

tialis auri argentique, mediante mercurio calcinatio, quæ bifariam accidit in homine. Quum enim hydrargyro corpus ejus inficitur, propter veneream luem, quæ Soli Mercurio cedit, tum illud minerale cor & cerebrum, microcosmi solem & lunam, quorum nomen aurum & argentum, apud Chymistas usurpant, penetrat, ac tantum non calcinat, ardore decumano, quem in illis incendit. Nisi cor aggredere-  
tur, ptyalismum ab hydrargyro patientes lipothymiâ nunquam tentarentur. Verum illo viru cerebrum & nervos acriter affici, vel tantum non infici, summa nervosi generis debilitas, quæ salivationem illam ferè sequitur, evidentissimè testatur. En primam amalgamationis speciem, quam in humano corpore celebrari diximus, eamque metaphoricam, saltem ex altera parte, quando cor & cerebrum aurum & argentum, sine tropo, non sunt, at genuinum hydrargyrum, quod amalgamationis altera pars est, ibidem sine tropo reperitur. Secundum amalgamationis genus utrinque tropicum est. Mercurius enim Spiritum, qui penetrabili mobilitate hydrargyrum

refert, argentum fal, aurumque sulphur sonant, ex mystico chymistarum vocabulario. Sed illa chymicorum elementa sponte coeunt, ac, ut ita loquar, amalgamantur. Nam amalgamatio quasi diversarum specierum conjugium est ex nominis definitione, quam e. 3. vocibus ἅμα, simul, ἅλσ, fal, & γάμος, connubium, eliciunt, quasi plurium salium unà conjunctorum matrimonium sit. Multorum quidem elementorum, quæ quinque sunt omninò, societas est mixtio, sed spiritus, salis & sulphuris ratio potissimum habetur, utpote quorum sit vis & efficacia mixtorum. Accedit quòd illa mixti principia coeunt cæteris intimiùs, ut eorum mixtio amalgamationis nomen accuratiùs mereatur. Naturalis porrò spiritus hydragyrum, vitalis argentum, animalis aurum refert. Ut enim ex mercurio argentum & aurum fieri creduntur, sic ex naturali spiritu vitalis & animalis confiunt. Aurum argento, mercurioque pluris est, animalis spiritus cæteris præstat, utpote magis dedolatus. At tres illi spiritus in unum coalescunt, aut unus & idem spiritus sunt, siquidem è

naturali vitalis fit, sicut animalis ex vitali, quemadmodum musti vinique spiritus ab eo, qui jam destillatus est, externis tantum adjunctis diversus est, quatenus alter altero magis aut minus expeditus est. Cum autem hydrargyrum aut intus assumptum, aut exus admotum cruorem nerveumque succum penetrat, tunc cum argento simul & auro metaphoricè jugatur utrumque calcinaturus, aut usturus certè, nam hydrargyrum sævum incendium in visceribus ferè concitat. At germanam amalgamationem, id est, in humano corpore celebratum auri cum hydrargyro conjugium, tantum non oblitus eram. Cum enim, post hydrargyrosim mercurius inuncto corpori pertinaciùs inhæret, nervosumque præsertim genus obsidet, auro vorato, statim obsidio solvitur, hydrargyri præcipitatione. Tanta sanè fossilium illorum sympathia est, ut mutuos in amplexus, vel eminùs, ruant. Imò solum hallucem in hydrargyro tingentis in ore pallefcit aurum. Hactenùs amalgamatio, nunc animalis fumigatio venit exponenda.

Altera potentialis calcinationis species

cies est fumigatio, cujus similitudinem multiplicem, in animali corpore, reperias. Hydrargyri nimirum, aceti, sulphurisque fumis objectæ metalli laminæ corroduntur, ac velut in calcem mutantur. Quotuplex est chymix naturalis officina totuplex est fumus totuplexque fumigatio. Nam ex abdomine, præsertim ex intestinis & stomacho. densa fumorum nubes ascendit. Ex bullienti ventriculi ollâ magna vaporum vis emergit, qua palatum & fauces, per æsophagum, infumantur. Ex crassiorum intestinorum latrinâ tetra mephitis jugiter exhalat, qui sulphurens halitus per abdominis cavitatem exspatians

*Circum claustra fremit magno cum murmure  
ventris,*

unde ructus aut crepitus, prout flatus, quem alvi æolipila concipit, sursum aut deorsum erumpit. Indidem tympanites & flatulenta colica, quum fumis, vel ventis, exitus negatur. Pectori, sicut & abdomini, suus est fumus suæque fumigatio. Cordis quippe ventriculi duobus crucibulis, unde plu-

plurimi fumi , fervidæque fuligines, par tracheam arteriam , ceu per multiplicem caminum , foràs erupturæ prodeunt. Denique tenuiorum humorum anathymiasis , per aortam ascendentem, cerebrum petit, in animale spiritum evatura. Adhæc, inferiorum ventrum fumi , præsertim abdominis vapores caput , ceu microcosmi cælum , invadere putantur, ejus serenitatem turbaturi. Quà verò supremam illam regionem assequantur, via nulla patet, nisi per nervos , aut per sanguifera vasa , fursùm ducantur. Secùs tamen illius opinionis patroni sentiunt. Spiritus animalis aura , quæ per nervos è cerebro jugiter spirat , aut descendit, infernos illos fumos ascendere per eundem saltem callem , non pateretur. Superest ut ascendentem sanguinem per venas & arterias sequantur. Sed hujus sententiæ fautoribus ista viâ non placet. De regiâ , patentique viâ parum solliciti cæcos calles fumis quærunt, ex Hippocratis sententiâ , quæ τὸ σῶμα πάντως καὶ πανπνεύον , id est , perfluuum & perspirabile fertur. Verùm Coi Medici mens est nullam esse corpori particulam , quam vitalis humor,



aut spiritus per patentēs visibilesque ductus, scilicet per arterias aut nervos non pelluat aut perflet. Arcani meatus ergo quærendi non sunt, ubi patuli suppetunt. Si forè regionum inferiorum fumus supremam impetant, ascendentem sanguinis rivum per arterias sequuntur. Alia quippe via, vel alius caminus non est, quàm microcosmi cælum invadere queant, ni mercuriales fumos, qui per invisibiles semitas, caput & cerebrum adoriuntur, ubi suffusus ex hydrargyro ptyalissimum movet, exceperis. Quanquam & tunc Mercurii vis non modò per nares, verùm & per capitis arterias, illuc pervenit, cum sanguine, quem inficit, non tantùm per invisibiles pororum aditus, quos interdum subit, ex sententiâ senis dicentis, \* *Si mulier non concipiat, & scire placet, an sit conceptura, vestibus undique obvolutam subter suffio, ac si odor corpus pervadere videatur, ad nares & os usque, non suâ culpâ sterilem esse scito.* Hic

\* Γυνή ἣν μὴ λαμβάνῃ ἐν γαστρὶ βελήδῃ εἰδέναι εἰ λήψεται περικαλύψας ἱματιστοῖσι θυμῖα καὶ πικρὴν μὲν πορεύσαι σοι δὲ κῆν ἢ οὐκ ἔστι διὰ τῆς σώματος εἰς τὰς ρίνας καὶ εἰς τὸ σῶμα γινώσκει ὅτι αὐτὴ οὐκ ἐξ ἑαυτῆς ἔγγονος ἔσται.

Hic verò de naturali suffitu , non de factitio , verba fiunt. Adhæc , fumigatio , quam in animalis corpore mox deprehendimus , ad amussim intelligenda non est , chymico saltem sensu , qui longè diversus est ab eo , quem hic exposuimus.

Aliqualem etiam cæmentationis speciem ibidem exploramus , quum in stomacho paratur quasi cæmentum , ex quo mentis aut animæ domus constructitur. Massa quippe in ore subacta nec non per gulam in stomachum deglutita cæmentum quadamtenus mentitur. Sed alia chymistarum & alia physiologorum cæmentatio est. Hæc enim est ciborum , ex quibus potu mollitis animæ domus ædificatur , ad usum illum compositio vel comparatio , illa verò calcinationis species , cujus ope , metallum vile cum auro vel argento mixtum , postquam in laminas deductum est , calcinatur & destruitur. Sed enim id operationis poscit vehementissimum ignem , quem ignem rotæ ciniflones dicunt , ac cui tolerando delicatum animalis corpus penitus impar est.

Cæmentationi stratificatio ancillatur,

nam cæmenti strato, quod in crucibuli fundo ponitur, auri, vel argenti, defæcandi stratum imponitur, & alternatim diversarum illarum materierum strata rursùs intercalantur, donec crucibulum alternis stratis plenum sit. Qui putant primùm ingesta cibaria ventriculi fundum obtinere, cum ultima superius ejus orificium tangant, diversa comesorum strata fieri reputant. Ideoque bolum quendam astringentem, quale conditum cidonium est, sub pastûs finem assumunt, aut sumi præcipiunt, ut aliis incumbens, ac velut innatans ventriculi supernum os propiùs afficiant, claudantque. Verùm enimverò primum & ultimum alimentum in stomacho miscentur & confunduntur, ne primò sumptum cibarium imam ventriculi regionem, & ultimò deglutitum superiorem teneat. Itaque stratorum discrimen ibi non observatur. Eorundem distinctionem in nutritione quidam imaginantur, quasi nutritius succus non intùs susciperetur, sed extùs apponeretur. Hallucinantur autem hodiernum alimentum hesterno super imponi, sicque nostrum corpus augefcere, non tantùm ali, velut ni-

vctum

veum globum , aut glomum , qui tantum extrinsecus appositâ nova nive crescit. At alibilis animalis succus intus suscipitur, non juxta ponitur, ut incrementi materia, quæ lapidibus accedit, quod discrimen inter fossile vel meteorum & vivens corpus philosophi ponunt, ut hoc per intusceptionem & illud per juxtâ positionem crescere statuunt. Siquid igitur stratificationis fiat in animali, dum vita durat, id in vesicâ, vel in renibus accidit, ubi calculi materies paulatim aggeritur, ut quasi stratorum pluribus vicibus appositorum diversitas conspicua sit. Imò nonnunquam inter diversa strata vacuum quoddam spatiolum intercedit, ut inclusus quasi nucleus agitatus instrepit, velut in ætite. Tunc primum calculi rudimentum è renibus, per ureteres, in vesicam lapsum est, ibique juxtâposito lotii limo, qui residet in viventi matulâ, sensim crescit, manente diversorum stratorum discrimine, cum calculus è rene deciduus intra putamen, quod in vesicâ contraxit, inclusus crepitet, ubi lapis ad aurem motitatur. Alia stratificatio, quam certè norim, in animali non con-

contingit , nequidem in ossibus , quibus carie quasi lamella decedit , ac deinde naturâ reparatur , non alimenti juxtâ positione , sed intûs susceptione , velut in molli parte , quam ulcus exedit , ac cujus detrimentum nova caro pululans supplet.

*Fusio , granulatio , projectio ,  
detonatio , fulminatio.*

**S**Equentes ut & proximè antecedentes operationes ad metallicam chymiam , ac metallorum ad defæcationem , aut ad salium in vitrum conversionem potissimum pertinent ; at fusio solorum metallorum est , nec de cæteris corporibus licet colliquis ab artis magistris effertur. Attamen eas ad animalium actiones aut passiones explanandas catachresticos propter intercedentem similitudinem , transferemus , & accommodabimus.

Fusionis nomen variifariam usurpatur , quippe modò liquoris effusionem sonat , ita Claudianus , *& pessima fudit vina cadis* ; modò colliquationem , ac quia metalla igne liquefacta funduntur  
&

& in statuas efformantur, artifices aliquem fundere dicuntur, cum arte fusoria cujuspiam effigiem exprimunt. *Theodorus, qui Sami labyrinthum fecit, se ipsum ex ore fudit*, referente Plinio l. 34 c. 8. Interdum, *fundo*, ponitur pro *extendo*, sic, authore Cicerone, *Iustitia se fundit in ceteras virtutes*: Aliquando pro *vincere* sumitur, quo sensu Virgilius dixit;

*Nec prius absistit quàm septem ingen-  
tia victor  
Corpora fundat humi.*

Hæc omnia fusionis genera viventi corpori contingunt. Ac primum quidem accidit, ubi chylus ex stomacho funditur in intestina, sanguis è corde in arteriam, ex hac in venam, quæ rursus eam in cor tandem aliquando refundit, ubi lympham in sanguifera vasa lymphatici ductus transfundunt; vel cum cerebrum animale spiritum ejusque socium humorem in nervos; renes serum in ureteres; hepar bilem in jejunum intestinum; postremò cum pancreas lympham eodè effundit. Secundum fusionis genus est, quando cibus  
in

in stomacho colliquatur, ut ejus materies animalis formam induat. Tertium ad animalis accretionem pertinet; cruor enim in universas partes alendas se diffundit, ut animalis corpus magis ac magis extendatur. Quartum fusionis genus ibidem fit, ubi cibarium coquitur aut colliquatur, tum enim stomachi fermento vincitur, alioquin non divideretur, nec mutaretur; si propriam formam retineret, dissolventis menstrui quasi victor.

Ciborum autem in stomacho colliquo fusio- nis species est. Cum tamen igneâ vi, eaque acerrimâ, cui fides est conjuncta, processu hic perficiatur, alimentorum in ventriculo solutio, quæ præsertim ad fermentum illius visceris proprium accepta referenda est, clementique non vehementi calore juvatur, ad genuinæ fusionis genus accuratè non pertinet. Hoc nihiloscùs utrique convenit, quòd ambæ solidum corpus liquefaciant, intestino motu particulis incussio. Sed ulteriores spurix fusionis gradus persequamur. In ventriculo cæpta solidarum escarum colliquo pergit in intestinis, quæ novum solutionis instru-  
mentum

mentum ei præbent, quum bilem pancreaticumque succum chylo miscent. Alterum divisionis gradum ei lactes addunt, mediante lymphâ, quâ scatent, quæque validi fermenti vim & efficaciam obtinet. Denique sanguis, cujus flumen chyli rivus in venis subclaviis subit, ultimam chyli divisionem ad umbilicum perducit. Cruor enim generosissimum chyli fermentum est, ut suam in naturam eum commutet.

Haftenus naturalis salubrisque cibi fusio, vel colliquatio, cui solitam & insolitam sanguinis in serum colliquescentiam adjungere licet, sequitur insalubris aut violenta sanguinis in sudorem aut in urinam dissolutio, quæ bifariam contingit. I. Humoribus ebullitione, vel effervescentiâ decumanâ nimium cruoris colliquamen accidit, namque modum excedenti fermentatione partium olim coherentium nexus dirumpitur, fractis fibris eas connectentibus, tumque serum ramorum texturâ non amplius retentum diffluit. II. Accedit quòd effervescentis humoris partes, quasi mutuam in perniciem ruentes comminuuntur, coque liquidiore evadunt. Unde fit ut inter-

cus



cus aqua, vel alter hydrops, ferè diurnam febrem excipiat, ac in primis quartanam, cujus paroxysmi vehementissimi sunt. III. Postremò sal fixus & idem acidus, qui sanguinem, non modò lac, in serum colliquat, postquam utrumque coagulavit, in febribus, ac præsertim in ea, quæ quarto quoque die redit, prædominatur. Unde serosa diluvies quaquaversum dilabitur, nisi per sudores, diaphoresim, aut diuresim abeat. In tanta cruoris commotione spiritus & sal volatilis præter modum agitati superas in auras avolant, salque fixum, idque ferè acidum, in sanguine tantùm non exanimi relinquunt. Horum enim salium, ut duarum libræ lancium, consuetudo est, ut alter deprimatur, dum alter extollitur. Ubi sal volatilis jacet, tum fixus, ac præsertim acidus viget. In melancholico temperamento volatile sal aut nullum aut paucum est, fixum verò multum. Quapropter melancholicorum sanguis in serum totus ferè colliquescit, ideoque sputum, aut lotiorum, uberrimum esse solet.

Præterea Chymistæ salium fluorem aut fusionem, quæ ferè melancholicorum

rum est, memorant. Hæc autem in naturali non solum in artificiali chymia, contingit, accensione justo vehementiori diuturniorique; tunc enim salia sic comminuuntur, eorumque partes adeo rapidè moventur, ut fluidæ fiant. Humore reverà sal colliquescit, sic marinus aut quivis alius in undam diffluit, in humido loco, qualis est hypogæa fella. Verùm fusio, de quâ nunc, ab illa toto cælo diversa est. Hæc enim est sicca, illa verò humida, prior igne, posterior aquâ fit. At salium fusio, quæ sanguini contingit, naturam mixtam sortitur, partim enim igne, seu febrili calore, vel temperamenti fervore, partim undâ fit, cum in humore, quo vivimus, contingat, ac præsertim in aqueâ sanguinis parte, quæ falsa serum, urina, vel sudor; falsedinis expers lympa, κατ' ἐξόχην, nuncupatur. Salis enim proprium est in aquâ dilui. Quapropter lotium falsum esse solet, non secus ac sudor, lympa verò dulcis, quia sal in glandibus eam cernentibus reliquit, sive glandulosum cribrum elementum illud retineat, sive, quod verisimilius mihi quidem videtur, aditum ei negent; falsæ quippe forent ipsæ,  
 si

si modò sal retinerent. Chymicam verò salium fusionem incendii vehementiâ fieri vel hinc constat, quòd viscera vel humores quò vehementiùs calent, eò acriorem falsedinem sudor & lotium obtinent, absuntâ scilicet aqueâ parte, quæ salis acrimoniam mitigabat.

Ex præmissis liquet salium fusionem, quæ viventibus corporibus accidit, ab eâ diversam esse, quæ chymicis in officinis fit, hæc enim ferè sicca vehementissimam ignis vim postulat, illa verò, cum in humore contingat, minùs acrem illius dissolventis gradum exposcit. De granulatione, quam vocem barbaram condonata velim, simile iudicium esto. Postquam metalla fusa sunt, si frigidè guttatim, aut certè paulatim, immergantur, in vasis fundo, granorum formam adepta reperiuntur. Calculi, vel arenæ saltem, genesis, quæ renum in pelve fit, ad granulationem, similitudine quadam, accedit, si concretionis illius salinæ figuram spectes, sed formationis ratio longè diversa est. Quanquam enim in aqueâ microcosmi regione, velut in Aquitaniâ, nimirum, in renibus aut

ve-

vesicâ cruoris undam excipientibus , minores calculi formantur , aquæ tamen frigore , salinæ partes in grana non concresecunt , ut liquata metalla , quorum guttæ frigore correptæ durefcunt , atque granorum formam , quasi congelatæ sortiuntur , cum nephritici lapilli nimio calore potius indurentur , velut lateritium lutum in fornace. Temperati sanè renes nunquam calculosi sunt , sed nimis ardentes illis concretionibus lethiferis obnoxii ferè sunt , intemperantiæ , quæ renum fornacem plùs iusto calefacit , pœnam miserè luentes. Quemadmodum tamen actualis aliorum cum vitâ compossibilis non est , ita nec decumanum incendium , quod lateritio fornaci convenit , ut omne simile quâdamtenùs dissimile sit. Næ , calore vivitur , sed eo clementi , vel mediocri.

Alteram granulationem , in pulmonibus , non solùm in renibus , aut vesicâ , suspicias velim. Interdum enim viscidum aut lentum recrementum , in pulmonis bronchiis , aut vesiculis , ceu cellulis , ita concresecit & indurefcit , ut grandinis nomen & formam

O

apif.

apiscatur. Tum arteria trachea pilulas illas , ceu volatile plumbum , instar catapultæ , displodit Excretum autem illud pessimum omen est. Significat enim viscidum sanguinis sedimentum in vitæ facello , undè longè protelandum erat , tanquam mortis semen , aut causam restagnari. Tunc metus est ne simile crassamentum in pectore , unde aliud profectum aut evibratum est , etiamnum supersit , circulationis remora , nec non inflammationis fonticæ , quam peripneumoniam dicunt , fomes aptissimus. Ut enim illa tubercula , quæ phtisicorum in pulmone plurima ferè reperiuntur , sanguinis circulationi , cujus vasa comprimunt , admodum adversantur , ac pectoris inundationi fenestram aperiant , sic & illa sanguinis amurca spontè calefcit , & acrefcit , longâ morâ , quam in calido loco trahit , proprioque marte , quasi prunam , aut ulcus pulmonibus inurit. At sæpiùs asthma , quàm peripneumoniam infert , injecto sanguinis circuitui sufflamine , cujus jam meminimus. An heli quippe fumus , statim ac pulmo nimîâ cruoris copiâ distentus est , si-

ve

ve propter incumbens humoris re-  
 itagnantis pondus , five propter nega-  
 tam contractionis copiam. Ita fortaiſè  
 concreverunt calculi , quos in Proto-  
 præſidis Pariſini Lamougnon pulmo-  
 nibus offenderunt. Denique nullum  
 eſt animalis membrum , quod ſimili  
 granulationi , quæ calculi formatio-  
 nem refert , obnoxium non ſit ; in  
 nullo quippe lapides reperti non ſunt.  
 Nullibi corporis ſalina terrenaque ſan-  
 guinis fæx , aut tartarus , calculi ma-  
 teries , ſubſiſtere nequit , cum nulli  
 parti ductus humorem deferentes de-  
 ſint. Itaque nullum membrum gra-  
 norum ferax non eſt , duris tuberculis  
 grano parùm diſſimilibus obnoxium.  
 Proprium palpebræ tuberculum hor-  
 dei granum vocitatur. Animalis igi-  
 tur corpus granatum dici poſſet præ-  
 fertim in variolis , ut pomum cognomi-  
 ne , quod acinos multos . ccu grana to-  
 tidem habet , aut Hiſpaniæ regio Bæ-  
 tica , quæ Granata cognominatur ,  
 quoniam granifera eſt.

Metallicæ rei peritis projectionis ,  
 detonationis , & fulminationis , non  
 modò granulationis voces familiares ,  
 non ſolum notæ ſunt. An hiſce vo-

cabulis , significatæ operationes in animalis corpore celebrentur investigare , nunc animus nobis est. Chymicus processus , qui genuinam projectionem sequitur , vehementiorem ignis gradum expostulat , quàm ut in vivens corpus , quod clementi calore gaudet , cadere possit. Cum tamen cibus ex ore , per gulam , in stomachum projiciatur , velut in crucibulo dissolvendus , aliqua projectionis species ibidem animadverti potest. Cum verò binæ cordis cavitates , ob innatum ardorem , todidem crucibulis tantùm non candentibus assimilari soleant , ex iis qui vitales operationes , ex chymiciæ legibus , exponunt , rapida sanguinis in cordis ventriculos profusio germanam ad projectionem propiùs accedit. Statim ac pulvis in candens fictile projectus est , statim ignescens materies bullit , ebullit vehementerque fumat. Haud secus simul ac cruor in cordis sinus injectus est , simul fermentescit , intumescit , quasi bulliret , & ebulliret , donec foràs profiliat , per arterias , atque fuligines , per pulmonis bronchia , ceu fumos , per multifidum caminum , emittit. Verùm in ventriculo nil simile contingit. Mem-

branosi

branosi quippe visceris calor mitior est quàm ut tantæ turgescentiæ ciendæ par sit. Subacta quidem alimientorum massa, quam gula stomacho tradidit, ibi fermentescit, at mediocriter, fermenti potiùs quàm ignis vi, bullit utique, non ebullit, nisi fermentatio modum excedat, quod fa-teor, quandoque contingit, tuncque ruminatur, aut vomitur. Verùm id institutum Naturæ non est. Metallii vilioris in antiquius metamorphosis chymicam projectionem sequitur, si vanis ciniflonibus, quos auri sacra fames adurit, fides sit. Cibus, qui vivens in corpus fundendus projicitur, in nobiliorem speciem mutatur, varias, formas, ceu Proteus, aut Vertumnus, ante subit, quàm viventis corporis formam, quæ longè præstantior est, assequatur, ut quædam chrysopeæ species in animalis corpore suspiciatur, si quidem vitæ sanitatisque thesaurus auro longè pretiosior est, quæ quidem authoris, qui Chrysogoniam animale[m] edidit, mens profectò fuit. Aurum in macrocosmo, non in microcosmo formatur, quicquid crepent physiologi thaumaturgi, qui antiquum illud metallum, in ani-



malis corpore , quandoque fictum esse deblaterant. Repertum sæpiùs fuit in hominis aut bruti corpore , quod ipsum deglutierat , fateor , at ibidem formatum non erat. Qui ex Hispania in Galliam transeunt , aurum , ne rapiatur à latronibus , quos vocant Miquelets , in alvo , non in crumenâ condunt. Laqueo vitam mox finiturus aurum , ne carnificis in potestatem , cum exuviis , veniret Montalbani deglutiit , perque putridam alvum metalli pondere perforatam reddidit. Mures aurum arrodere dicuntur. In animalis igitur corpore quidem invenitur , non fingitur , ne sit opus germanâ projectione , quæ chrysopeæ præire fertur , quanquam alchymicis in officinis tantoperè decantata metamorphosis tam facilis est , meâ quidem sententiâ , quàm in animalis corpore. Qui jecur auri , splenem plumbi mineram dictitant , ii coloris similitudinem inter illinc scatentes humores & illa metalla intercedentem indigitant.

At non omnis Chymica projectio Chrysopeæ ministrat , sed aliis etiam operationibus ancillatur , variarum  
nem,

nempe materierum fusioni, vel sublimationi, quos etiam usus, in animali æconomiâ, fortitur. Cibus enim in corpus ideo projicitur, ut colliquetur, ejusque pars tenuior ad caput sublimis feratur, in animale spiritum, aut nerveum succum præsertim abitura.

Jam satis multa de projectione verba fecimus, nunc detonationem, quæ sulphuris & nitri projectionem sequitur, paucis perstringamus, quatenus eam interdum animalis æconomia mentitur. Hypochondriacorum viscera certè detonant, statim ac cibus aut potus injectus est. *Quibus hypochondria sublata murmurant, lumborum dolore superveniente, iis alvi humectantur, nisi infernè status erumpant, aut urina multitudo prodeat*, inquit Hippocrates sect. 4. art. 3. Decumene fermentationes, ne vehementes explosiones cum Willisio dicam, oboriuntur, statim ac aliquid ingestum est. Acerrima nempe fermenta, vel tantum non candentia maniacorum viscera, non secus ac ardentia crucibula, quicquid excipiunt, è vestigio incendunt, rarefaciunt, in flatus conver-

tunt ; unde tornitrua , quum venti naturalibus in visceribus obmurmurant , velut in æolio carcere , vel in Ulyssis utre. Jam explosionis materies scilicet nitrum & sulphur animali non deest. Hepar sulphuris , lien nitri fodina est. Quid , amabo , bilis est præter oleum aut liquidum sulphur ? Quid , cedo , melancholia nisi nitrum , vel sal fixum in fusionis statu ? Utrumque verò minerale commiscetur in amplo abdominis vase detonandum , ut chymistis loqui placet. Cibaria sanè ferè pingua sunt , coque nomine sulphure conferta , vel oleosa , quæ duæ species diversæ sulphuris formæ sunt. Aer , qui jugiter respirando ducitur , plurimo nitro fæctus est , præsertim hybernus. Sic habes tam microcosmici quàm macrocosmici tonitrus materiem. Aer enim & venter tonant , quia sulphur & nitrum , quæ conceperunt , incenduntur , instarque pyrii pulveris , exploduntur. Microcosmici nitri nec non sulphuris origo jam indicata fuit ; Undenam illa copula nitrosulphurea macrocosmo suppetat ii tenent qui terram utriusque mineram esse sciunt. Sal marinus , quo cibi fe-

rè condiuntur , assumpto sulphure , quod in visceribus offendit, in nitrum commutatur. Hoc enim nil nisi sal sulphuratum est. Sic è solo prodeuntia salia sulfuris alis , ut ita loquar , sursum vecta , ferè nitrescunt. Hinc aeriae detonationes , quum nitrosulphuræ nubes solis radiis incenduntur ; ventris vero tonitrua cientur , ubi viscera sic incalescunt , ut nitrum & sulphur , quod alvus continet , accendantur & displodantur. *Intonuere cava sonitumque dedere cavernæ.* Sunt & ori , non solum ventri , sua tonitrua , quæ Martialis inuit hisce vocibus , *Murmure jam sævo , verberibusque tones.* Eodem sensu Plinius , in præfatione dixit , *Quanto tu ore patris laudes tones ?* Et Boanerges , id est , voce tonantes , audiunt à summo Nomenclatore Stentores Evangelici. Romanus Orator in M. Anthonium , Atheniensis in Philippum Macedonum Regem intonabant.

Post tonitru fulmen , cujus similitudinem indagamus in microcosmo , qui fulminat eodem modo , quo tonat , nimirum tropicè. Jam omne violentum idemque repentinum fulmineum

neum vocatur , quo sensu Naso graviter & ocyiùs vulnerantem apri dentem fulmineum dixit , sequenti disticho ,

*Sicut aper longè sylvis latratibus actus  
Fulmineo celeres dissipat ore canes.*

Violentis igitur iisque repentinis morbis oppressi , ceu fulmine afflati , pereunt inopini. Hypochondriorum borborygmos , abdominis strepitus , oris ructus , & podicis crepitus detonationibus assimilavimus ; distentorum intestinorum ruptura , repentina mors , præsertim ab apoplexi , vel syncope , fulminis rationem habent. Eadem quidem est detonationis & fulminationis materies , nempe nitrum & sulphur , eadem efficiens causa , videlicet eorum explosio , vel hanc excitans ignis , diversa tamen forma. Formalis quippe tonitrus ratio vehemens est strepitus ab immani aeris commotione obortus , fulminis verò forma decumanus est impetus obvia quæquæ frangens aut evertens. Jam detonationis materiem in minori mundo deprehendimus , eundem igitur fulminationis

ma-

materia non deficiet. Nitrosulphureæ copulæ, quæ spiritibus accrescit, explosio detonat, sæpiusque fulminat, ubi viscera perrumpit, aut æconomiam vitalem subvertit, ceu martius cuniculus, qui circumstantia quæque diffringit. Ubi Judas Iscariotes medius crepuit, ejusque viscera sunt effusa, tum fulmine velut afflatus, atque disruptus periit. Apoplectici vel epileptici, quasi fulmine perculsi concidunt, nam antequam atra mors ingruat, pancreaticè valent, vel horæ momento proximo, sive apoplexi, sive fulmine pereant. Hoc terribile meteorum lapidem, quem ex nitro, sulphure, terrâque concreescere putant, vibrare fertur. Calculus, quem renes aut aliæ partes concipiunt, quoad periculum, quod infert, ante fulmini non cedebat quàm ejus educendi ars, seu lithotomia, feliciter excogitata fuisset. At nephriticum istud fulmen ad genuinum longiùs accedit. Inopinos enim ægros non opprimit, ut nitro sulphureum illud meteorum. Eatenùs tamen id similitudine refert, quatenus trifidum est, non secùs ac Jovis telum. Ad triplicem ejus materiam, nitrum  
nem-

nempe, fal & terram, ex quibus calculus, ut & fulmineus lapis, constat, hinc illuditur. Preterea Microcosmi, non secus ac Macrocosmi fulmen, trifulcum dici potest, quia tres corporis regiones percutit, caput apoplexi, pectus syncope, abdomen calculo, triplicemque spiritum, videlicet, animale, vitale, & naturalem profligat. Cephalicum fulmen epilepsis & apoplexis inopinantes obruit, supremam corporis regionem ferit, ut & macrocosmicum, quod icit edita loca, puta, campanilia, turres, celsas arbores & montes, qui dicuntur Acroceraunii, quoniam eorum acron, id est, culmen, κεράυνον, five fulmine ferè vapulat. Epilepsiam & fulmen è simili materiâ, videlicet nitrosulphureâ, cieri Clmus Willissius autumavit : Meteorologorum nullus saltem illam fulminis materiem negavit, siquidem exceperis sciolos aliquot, qui veras rerum causas, de quibus tamen temerè disserunt, ignorant. Minoris mundi meteorologiam alibi fortassè fusius persequemur, chymicamque macrocosmicorum meteororum expositionem fortean trademus, si vacet, sicque Deo visum sit. Parvum istud de microcosmicis

colmicis meteoris specimem , per transennam , edidisse sufficiat.

*Reverberatio , lapidis , & vitri formatio.*

**I**Gnis gradus , quem reverberium dicunt , nuper expositis aut nunc exponendis operationibus , infervit , at idem vehementior & acrior est quam ut clementis Naturæ , quæ vehementiam non patitur , munis ministrare possit. Attamen varias & multas reverberationis species in animalis corpore deprehendas velim. Ubi flamma materies decoquendas , amburendas aut colliquendas ambit , ac in eas reflectitur , tunc chymicum reverberium est. Reapsè genuina flamma , nisi rarenter , in animali non conspicitur. Vitalis tamen caloris principium est cæcus ignis , quo chymix naturalis fornaces calefiunt. Animantes , quarum temperamentum ardet , putà , felis , leo , pardus &c scintillas emittunt , si fortè pilis adversis fricentur. Afcaniî comas inarxisse Virgilius fingit & idem phænomenum veraces historici sæpius narrarunt.



rarunt. Quamvis ignis non luceat, suam tamen naturam non amittit; ideoque dividitur in lucentem & ardentem. Sanguis ardet, non lucet. *Ardet amans Dido, quæ cæco carpiuntur igne.* Vel unda calens igne, cujus corpusculis scatet, minimè vacat. Ignis Græcus in aquis ardere dicebatur, non solum quod eas vehementer calefaceret, verum etiam flammaret, aut certè flammæ in eis emittebat, nedum extinguatur. Animalis cruor sulphure quidem confertus est, at eo minus accenso, quam ut lucere queat, tantus enim accensionis gradus, cum vitâ compossibilis non est, quippe cujus principia maximè volatilia citius dissiparet, ac organa fragilissima, delicatissimaque dirueret. Viscera tamen principes vitalis ignis lares totidem foci sunt, chymicarum operationum officinas, quas ambiunt, calefacientes. Quæ stomachum circumcingunt, ea prunis, quæ naturali ollæ adjacent, subjacent, aut incumbunt, olim assimilavimus. Sanguis est oleum animale, quo vitalis ignis accenditur & fovetur. Nitro sulphureque, quæ sunt fomes igneus, scatet. Ergo viscera cruore plena, quæ sese mutuo circumplectuntur,  
ignem

ignem rotæ, vel reverberii sibi mutuò commodant. Porro reverberationis ignem Chymistæ dicunt, quum præparanda materies undequaque calefit, ut cibus in stomacho colliquandus, aut jam colliquatus, quem chylum dictitant. Nam olla, quæ jusculum illud animale decoquit, superiù præcordiis, infernè stercoreis in alvo residentis fimo, ad dextram jecore, ad sinistram liene, ceu totidem torribus, sanguineoque Mariæ Balneo refovetur. Ecce primus reverberationis ignis, quem in chymia naturalis officinis microcosmicis reperias, nimirum in abdomine.

In pectore secundum reverberium occurrit. Sanguis enim, quem hypogæus ignis, ut ita dicam, id est, naturalium viscerum calor sursum pellit, quum ad cor & pulmonem pervenit, deorsum reflectitur, ac quasi reverberatur, per descendentem aortam delapsurus. Adhæc, cordis ignis reverberii nomen meretur, cum id appellationis ei tribuatur qui circumfritis focis accenditur. Cor autem sursum & laterorsum ab ambiente pulmone, deorsum adiaphragmate nec non à sanguineo Mariæ Balneo, quo quaquaversum madet, internoque pectoris aere, qui  
ve-

velut hypocaustum calet, refovetur aut calefit. En thoracis reverberium.

Suum etiam capiti reverberium à Naturâ tributum est, idque germaniori sensu. Nam præterquam quod cerebrum undiquaque sanguineo Mariæ Balneo fervet, velut igne rotæ, vel reverberii, prætereà fumosi sanguinis anadrome, vel spirituum & vaporum anathymiasis deorsum reflectitur; ubi ventum est ad cranium, velut ad stilletitiæ metæ culmen; ibique duplex recursus, alter cruoris, alter spiritûs accidit; quippe quibus ulteriùs ascendere per testam aut calvariâ non liceat: sicut sanguis, qui pedes petit, sursum redire cogitur, quippe cui defensus ulterior negetur. Reverberii vox alio sensu, fateor, à chymistis usurpatur, vehementissimum enim ignis gradum sonat. Cum tamen omnis reflexio reverberationis species sit, quam in lusoriæ palmæ recurso præsertim animadvertas, illius dictionis significationem extrâ chymiciæ cancellos dilatare liceat.

Renum incendio, velut igne reverberii, calculus in pelve, sicut later in fornace decoqui, vel indurari, vulgò  
cre-

creditur. At viventis corporis calor mitior est quàm ut cum fornacis ardore comparari possit. Ergo quum physiologi renum pelvim fornaci, qui lateres coquit & indurat, assimilant, hyperbolica phrasis est, quàm nimius renum calor significatur. Nam justo calidior ren calculo concipiendo magis idoneus est, quippe cujus tumor ductus, quàm lotii fæx transcolanda foret, comprimens connivere facit, ne sedimentum illud transmittant, sed retineant, donec in calculum indurescat, non tam loci calore quàm terræ saliumque concretionem, quemadmodum salina liquidi pars in crystallos evadit, etiam in calido loco, ne quis harioletur actuale renum frigus, quod cum vitâ impossibile non est, omninò crystallificationi necessarium esse. Renes verò sola microcosmi lapidicina non sunt, cum nullum sit corpori membrum, in quo lapides non inventi fuerint. Spiritus lapidificus \* à quibûsdam excogitatus est, quo microcosmum aut macrocosmum perspirante, lapides fiunt. Simili spiritu è terræ visceribus erumpente, greges & armenta lapidescebant.

P

bant.

\* Sennett Paracelse Helmont.

bant. Quidni lapidescet humoris crassamentum similibus spiritibus afflatum? Spiritus iis, quos è sulphure vel è vitriolo eliciunt, similes, humorumque coagulationi nec non indurationi vel lapidificationi prorsus idonei, tam microcosmo, quàm macrocosmo suppetunt. Hinc lithopædius, id est, lapideus fætus forsan obortus est. At terræ saliumque concretio, cui sulphur & pituita cæmenti loco sunt, cum illarum materierum exsiccatione conjuncta satis superque lapidis formationi par est. In fulmineum lapidem vapores & halitus ipsi nitrosulphurei concreseunt. Quid mirum igitur si qui liquores commixti lapidescant, ut in chymicis officinis videre licet. Quid denuò mirum si lotii vel aliorum humorum crassamentum, quod terrenosalina sæx est, in animalis corpore lapidescat, diuturnis evaporationibus exsiccata nec non indurata? Sic nodosa podagra gypsum & lapides in articulis format ex terrenosalino fluxionis sedimento, quod ibi subsistit diuque residet.

Intensiori caloris gradu vitrum quàm lapis fingitur, ex salibus ad unguem  
fu.

fufis , fic filicis & herbæ Kali cineres , diuturnâ calcinatione fusioneque , vitrefcunt , ut vitrificis in officinis cernere est. Animalis igitur corpus , cuius calor benignus est , huic formationi nequaquam idoneum esse potest. Imò vitrum in oculo fit , obgannis , ubi vitreus humor ibi concrefcit ; at germanum vitrum non est , sed vitro simile tantum corpus. Cum tamen salium crystallizatio , quæ vel in animali viventi contingit , aut saltem in hominis matulâ , frigescente lotio quadamtenus ad vitri formationem accedat , vitrum ibidem aliquatenus formatur. Genuinum quidem vitrum in humano cadavere repertum est , at ibidem formatum non fuerat , sed in intemperie bacchica deglutitum , in devorantis perniciem , qui pergræcantium furor est. Tritum enim vitrum devoranti toxicum est. Imò viventis mulieris in vulnere vitri fragmentum , idque triangulare compertum est , at ibidem fictum non fuerat , sed intrusum , cum vitreus calix , quem matrona manu tenebat , ubi cecidit , confractum fuisset. Verum , quod impensius in hoc casu mireris , non exempto vitri fragmine ,

vulnus omninò clausum est & obducta cicatrix, maximâ chirurgi curantis admiratione. Ante quippe vulnera claudi vel solidescere non solent, quàm exotica corpora penitùs exempta fuerint. Verùm hæc historia, verissima licet, quippe cujus testis oculatus ipse sim, vitri formationem animalis corpori non asserit. Ossium genesis propiùs ad lapidis quàm ad vitri formationem accedit, quicquid ii crepent qui germanum vitrum in animali formatum obnixè volunt, ut matris uterum tam vitri quàm lapidis officinam esse somnient. Ad amissim, alia lapidis & alia ossis natura est, etsi temporum os petrosum dicatur, quod petram duritie referat. Simili catachresi, crystallinum dixerunt unum è tribus oculorum humoribus, qui crystalloides aptiùs diceretur, quippe qui crystalli speciem tantummodò præ se ferat. Ei tamen crystalli naturam non nego, quòd frigus ejus genesis necessarium, ut Plinio videtur, in viventi mixto possibile non sit. Ex hoc historiae naturalis auctore, crystallus est aqua gelu vehementiori concreta, quæ Græci nominis explicatio est, παρὰ το σιλλίσσαι ὑπὸ τῆ κρύου.

Ast hujus opinionis falsitas vel hinc innotescit, quod crySTALLUS calore non dissolvatur, ut glacies; sed coeuntium salium naturâ crySTALLUS confit. Ut ut sit, ea genuina non est, quam in oculo suspicis.

CrySTALLIFICATIONI præCIPITATIONEM præposterè subjungunt chymicarum operationum enumeratores, hanc enim illi præmissam oporteret, quippe cui præire soleat, ex ordine Naturæ, sed eorum ὕστερον πρότερον sequemur.

## PRÆCIPITATIO.

**C**Hymistæ præCIPITATIONEM vocant materiæ solutæ subsidentiam, siue spontanea sit, siue sale dissolventi contrario fiat. In animato corpore similis operatio celebratur. Postquam enim in stomacho cibaria dissoluta fuerunt, chylus eorum colliquamen in intestina tenuiora descendit, ubi fæces ejus sale quodam præCIPITES in crassiora decidunt. Jecoris ne an pancreatis humore præCIPITATIO fiat admodum ambigitur. Eam bili tribuentes nituntur axiomate chymico, quo quidquid acido disso-



lutum est, idem alkalino sale præcipitatur. Verùm acido fermento cibos in stomacho dissolvi solemnis est opinio, cui multa quidem experimenta suffragantur. Reliquum est igitur ut ciborum acido dissolutorum fæces alkalino sale, quem bilis habet, præcipites deturbentur, non acido, quem pancreatis lymphæ præbet, si Sylvio de le Boc fidem adhibeas. Qui contra sentiunt, ii sulphuris stibii magisterium, quod acido nitri spiritu divisum fuerat, aceto vel acido vitrioli sulphuriive spiritu præcipitari notant. Unde verisimiliter arguunt acido dissolutum alio acido, non solum alkalino sale, præceps deturbari posse. Hinc conjicere fas sit utrumque principium, scilicet alkalinum bilis & acidum pancreaticæ lymphæ sal præcipiti fæcularum chyli dejectioni suam symbolam conferre, five propter naturæ diversitatem, quam in illis recrementis offendunt, ut aliæ alio sale in præceps dejici aptæ natæ sint, five propter novam fermentationem, quam chylo salium illorum contrarietas infert, intestinus enim ille motus intricatas illas fæces expedit, ut ultrò subsidere possint, etsi nec jecoris

ris nec pancreatis succus ullatenus illi præcipitationi conducere. Ut ut sit, primam præcipitationem, quam chymia naturalis in animalis corpore molitur, sic habes, benevole lector.

Secunda sanguinis, ut prima chymi defæcationi ministrat, eaque quadruplex recenseri potest, alia quippe bilis, alia succi melancholici, altera feri, demum altera terrenosalinæ fæcis, quam intestinales glandulæ cernunt, separationi succenturiatur. Cribrum enim, quod in illis visceribus alma Natura struxit, illorum excrementorum separationi par non esset, nisi præcipitantis fermenti vis & operatio præiret. Quis, quæto, bilem è sanguine secessuram in hepar præcipitem dejicit? Si forte Clmum Diamerbroeck audias, venæ portæ sanguis acidus, utpote cujus pars è liene salis acidi minerâ redux sit, illius præcipitationis principium suppetat. Acidus splenis sal melancholiam ibidem cernendam præcipitem deturbat, ubi tota cruoris massa viscus illud pelluit. Serum quoque præceps ruit, statim ac sanguis emulgentium vasorum atrii succi, quem eis adjacentes atrabiliaræ glaudes affundunt, acore

affectus est, sic enim lactis serum ab  
 eo secedit, simul ac albus ille succus  
 acido quodam infectus est. Alii tamen  
 alkalino, vel ammoniaco renum sali,  
 quem acris eorum odor & sapor pro-  
 dunt, id pensi tribuunt. Ego verò  
 pro præcipitandarum materierum di-  
 versitate libens utrumque præcipitans  
 admitterem, eique fæcum ex vasis hu-  
 mores defæcandos ducentibus in inte-  
 stina decidentium præcipitem dejectio-  
 nem tribuerem. Qui tamen aliud na-  
 turalis illius deturbationis principium  
 non agnoscunt quàm acidum sal, ii  
 notatum volunt universam cruoris mas-  
 sam per lienem transeundo, ejus viru-  
 saltem infici, quò recrementum quod-  
 vis ab eâ præceps secedat, quum ad  
 idoneum qualum, qui necessitati non  
 deest, ventum erit. Verùm simili,  
 ne dicam potiori jure, contrasentientes  
 animadvertunt totam cruoris massam,  
 per hepar & renes, ubi sal alkaninum  
 invenit, colari. Ego verò dissidentes  
 concilians neutrum præcipitans recuso,  
 diversa quippe præcipitandarum fæcum  
 natura præcipitantis quoque diversita-  
 tem flagitare videtur.

Haftenùs enarrata præcipitatio recre-  
 mentorum

mentorū est. Lac & semen, quorum  
 genescim præcipitationi, non solum co-  
 laturæ libens tribuerim, eidem tribui  
 conscribere non auserim. Quis enim me-  
 ritò mihi non succenseret, siquidem  
 eum à recremento dicerem oriundum,  
 non secus ac vermem. Lac, ex quibus-  
 dam physiologis, nihil aliud est nisi  
 lymp̃ha sanguinis magisterio turbida,  
 vel dealbata, ne cruor, propriâ spe-  
 cie, fugentibus horrorem incuteret,  
 neve mansuetudini natum animal san-  
 guine vescens ab eo fundendo minùs  
 abhorreret, ejus aspectui, teneris ab  
 unguiculis, assuescens. Eodem consi-  
 lio Moses & Pythagoras sanguinis esu  
 discipulis suis interdixerunt. Horum  
 opinioni favent argumenta sequentia.  
 I. Lac virgineum, ex chymistarum,  
 aut chirurgorum stylo, nihil est præ-  
 ter undam styracis & bonzonii sulphure  
 præcipiti dealbatam. Acidum enim  
 nitri sal, quod ab aere lymp̃ha mutua-  
 tur, sulphureas particulas deturbans,  
 undam, cui innatant, præcipites tur-  
 bant atque dealbant. II. In fæminâ la-  
 ctante quidpiam simile reperiās. Cruor  
 est quasi lymp̃ha, quâ ciborum pin-  
 guum sulphur dissolutum est. Latex  
 è

è mammarum glandibus scatens acidulus sanguineæ tincturæ colorem mutat ejus sulphur præcipitando. Verùm illa veri species fallit. Lactis enim albedo, quæ præcipitationis sulphuræ suspitioni suffragabatur, ad chylum, proximam ejus materiem, accepta referenda venit. Chymi quippe partem è thoracico suo ductu, per venam lacteam, ad mammas divertere jam pridem perspectum est. Lactis tamen quàm chyli candor major est, à novo sulphuris magisterio, quod mammariæ glandes, lymphâ suâ, præcipitant.

Semen etiam album esse sanguinis magisterium, quod testiculorum, parastatarum, aut uretræ glandes lymphatico suo latice deturbant, verisimilitudine non vacat. Arteriæ sanè rubram materiem, quæ postmodum albescit, cum in testes, tum in prostates, parastatas, & in cavernosum mutonis corpus affundunt. Ibi verò ruber humor albescit, partim filtratione, sicut vinum per arenam transcolatum suam rubedinem exuit, partim præcipitatione, quam acidula locorum illorum lymphâ promovet. Neutrius ergò sexûs lac virginicum est, cum amissam virginitatem,

ginitatem, aut certè Veneris ei nocentis libidinem prodat, quicquid ii deblaterent, qui lactantes virgines nobis obtrudunt. Virilis spermatis virus totam humorum massam, ipsasque puel-  
larum viro utentium mammas infecit, ceu validum fermentum, quod fegnis cruoris fermentationem restaurat, aut velut præcipitationis principium, quo cruentus rubor in albedinem mutatur. Sic omnes præcipitationes in naturalis facultatis districtu contingentes per-  
strinximus. In aliarum facultatum di-  
tione, nimirum in thorace capiteque, nullas præcipitationes, saltem ex Na-  
turæ lege, fieri subolemus. Sicubi certè celebrarentur, maximè in corde, vel in pulmone, ubi nitrosus aeris spi-  
ritus sanguinem subit. Tantum autem abest ut ullum sulphuris magisterium præceps dejectum humorem illum deal-  
bet, ut ejus rubor magis ac magis in-  
tendatur, postquam cruor aere fuit auctus. At in cerebro nulla sangui-  
nis præcipitatio contingit. Ibi sanè nidulatur sal ammoniacus, id est, al-  
kalinus eoque nomine aptus ad id præ-  
cipitandum quod acido dissolutum est,  
ut cibarium in stomacho, vel in in-  
testinis,

testinis, & lactibus. Nihilofecus nulum ibi præcipitationis vestigium occurrit, quanquam animalis spiritus destillatio per descensum ibidem fiat. At illa sanguinis essentia præcipitationis materies non est, crassa quippe non tenuissima pars præceps ruit.

Hæ sunt præcipitationes, quæ, secundum naturam, in animalis corpore peraguntur, at contra naturam, in morbis, plurimæ contingunt, ab acido fontico, quod sanguinis crassamentum ingrumos præceps dat, unde febres syncopales, à coagulis in cardiacâ scrobe subsistentibus, cordis polypi, lividæ, rubræ, nigræ, flavæque cutis maculæ sobolescent; nec non obstructions sexcentæ, quæ tumoribus anasam suppeditant atque materiem aggerunt. In diabete, quartanâ febre, vel hydrope totus cruor, in serum tantum non colliquescit, præcipitatione.

Internis præcipitationibus externas subjungemus. Ubi cruor missus est, aerique aliquamdiu obversatus, serum supernatat, ac sedimentum subtus fidit, nunc nigrum, nunc album, modò flavum, modò rubrum, aut aliis coloris. Nimirum acidus aeris sal aut spiritus  
 sic

sic cruorem afficit, ut quælibet acidâ  
 vis lac, quod statim coagulat, aut gru-  
 mis turbat, deinde caseum præcipitem  
 dejicit, & serum supernataturum se-  
 parat. Adhæc, vitalis spiritus, quo  
 intestinus sanguinearum particularum  
 motus cietur & servatur, ad idoneam  
 & vitalem earum mixturam, simul ex-  
 halavit, ac in auras avolavit, simul  
 humoris crassamentum proprio ponde-  
 re subsidit, leviusque serum superna-  
 tat. Ovidius parùm dissimili ratione  
 chaos explicat. In urinâ præcipitatio-  
 nes quoque conspicias. Statim egressâ  
 tamdiu pellucet, quamdiu calet. Nam  
 aereo frigore, vel acido postmodum tur-  
 batur, sulphuris, quod inest, magi-  
 sterio subtus fidente, cum mortuo ca-  
 pite, vel terrenâ salinâque fæce, quam  
 gravitas deorsum rapit. Sive spiritum  
 acidum, qualis est vitrioli, vel sul-  
 phuris, sive spiritum aut sal acre, pu-  
 ta, tartari lotiis affundas, illicò tur-  
 bantur, crassieribus particulis, quæ  
 sulphureæ, vel terreno salinæ sunt,  
 in præceps extemplò ruentibus. Cla-  
 vus nempe clavum trudit, nova mate-  
 ries undæ poros subiens eas, quâ priùs  
 erant saturi, pellit, sive contrarietate,



naturæ, quæ dissolventis & suspendentis vim frangit, sive ponderis augmento, per quod suspensis fœcibus innatare diutiùs non licet.

Catharrus, id est, humorum è superioribus membris in inferiora defluxus præcipitatio quidem est, verùm extra rhombum nostrum excurrens. Hic enim circà præcipitem excrementorum decubitus aut laudabilibus ab humoribus secessum oratio nostra versatur, nec de humorum transitu ab altera parte in alteram agitur. Alioquin sanguinis aut alius humoris descensus è capite per circulationis vasa præcipitatio meritò diceretur, cum per præceps clivum ocyùs delabatur, injecto licet sufflamine multiplici.

## S U B L I M A T I O.

**P**Ræcipitationi sublimatio contraria est, si locum, quò præcipites, aut sublimes materiæ tendunt, spectes. Aliæ quippe fursum, aliæ deorsum vadunt. Omnium animalium, ac præsertim hominis corpus vas est sublimationi comparatum, idemque tristegum. Hypogastrium est focus, epigastrium

strium est olla sublimandam materiem continens, pectus & collum sublimationis via caput terminus, novum alimentum sublimationis materies, innatus ignis instrumentum. Animalis substantia tam solida quàm liquida volatilibus elementis scatet, quippe cujus salia, vel maxime fixa, volatilia fiant, cum sulphure, quo sanguis abundat, coalescentia, sulphureis enim alis elatus sal, ut alter Icarus, sursum volat. Ubi sanguis è sinistro cordis ventriculo præpetim erumpit, tum crassior, eoque gravior pars deorsum per descendentem aortæ truncum detruditur, dum tenuior leviorque spiritu volatilique sale constans, per ascendentem aortæ stipitem, ad caput evehitur. Cæca quippe sublimationis via, quam in animati corporis epitheto, quod Hippocrates πάνπον, *καὶ πάνπνεον* dicit, tenebriones quærunt, nunquam mihi placuit. Illac tamen bullientis stomachi, vel totius abdominis vapores aut halitus ad cerebrum ducunt, cum ascendentis arteriæ via regia latissimè pateat. Abdomen, pectus & caput sunt equidem tria sublimationis vasa, vel olla, quas Aludels Arabes Chymistæ dictitant, verùm in

naturali, quemadmodum in artificiali chymiâ, per vacuum spatium sublimatio non fit, sed per ductus sanguine plenos, quos arterias vocitant.

An per alios tubos, puta, per nervos sublime quidpiam caput adeat controvertitur. Negantes observant animalem spiritum illac jugiter descendere, nec adeo pati quicquam aliud, pereundem canalem, ascendere, præsertim cum spirituum vis rapida sit, ne contranitentia cedat. Aientes animadvertunt spasmificam auram, è pede secundùm nervos, ad cerebrum sæpiùs grassatam esse. Galenus cujusdam epileptici meminit, qui paroxysmi causam, ex hal- lue, per nervos, caput impetere sentiebat, ideoque mali progressum aut ascensum, injectâ ligaturâ, sufflamina- vit: verùm an aliquid è pede, tunc temporis, ad caput transferretur, adhuc tubi iudice lis est. Spasmi causa cere- brum impedire poterat, etsi primus ejus insultus in pede sentiretur, ut chor- da, cujus alterum extremum pulsatur, in altero simul extremo trepidat. Ac quamvis infima nervi summitas prima concuteretur, non continuò conficè- retur aliquam materiam illac ad cere-  
brum

brum translatum esse, sed motum nervo pedis incussum istac cerebro tenus progressum esse. Nihilominus spiritus animalis motus per nervos ad commune sensorium retrogradus, quem Willisius excogitavit, ut sensibilibus species ei deferret, à verisimili non abhorret. Ergo reciproca materiae translatio per nervos neganda non est. Sed ea solita sublimationis via non est, ejus saltem materiae, quæ nondum ad caput sublimata fuit, namque spiritus animalis, qui fontem ita revisit, jam in capite fuit, velut in scaturigine suâ. Tritum verò sublimationis iter est ascendens aortæ truncus. Illac sanguinis spiritus, sal volatilis & sulphur, quæ volatilia sunt elementa, sublimes ad caput abeunt. Authore Plinio, \* Natura sublimitatis avida est, quæ sententia longè latiùs patet, quàm ut volatiliùm elementorum, quorum sublimationem hic consideramus, propria fingatur. Tam enim de germano, quàm de notho spiritu, vel de volatilibus elementis intelligenda venit. Alta sapit Deus, angelus, humana mens, nec humile quicquam antè sentiebat, quàm ex in-

Q

tegritate

\* Lib. 19. cap. 5.

tegritate laberetur. Imò postquam angelicus & humanus animus à Deo defecit, sublimitatem vel humi jacens ambit. Hic verò Plinii placitum secùs exponendum est, ut volatilium elementorum natura sublimitatis avida sit. Spiritus, sal volatilis & sulphur sublimem corporis regionem usque petunt, non secùs ac flamma, cujus materies sunt, ubi satìs expedita fuerunt, ut in auras aufugere possint. De trium illorum elementorum primo præsertim intellectam velim Ciceronis \* sententiam, ubi dixit, *Perspicuum esse debet, animos, quum è corpore excesserint, sive illi sint animales, id est, spirabiles, sive ignei, sublimè ferri.* Quàm obscuram naturæ spiritualis, vel humanæ mentis ideam Romanus Orator conceperit vel hinc patet, quippe quam, ceu ventum aut igniculum, perperam imaginatus sit. Quòd autem de mente dicit ut cælestem ejus naturam atque patriam innuat, id de volatilibus iisque sublimibus aut sublimandis elementis dictum putamus, nimirum ea sublime ferri, sive caput impetere, seu spirabilia sint, ut spiritus naturalis, vitalis & animalis, sive  
sint

\* I. Tuscul.

sint ignea, velut sulphura, volatiliaque folia. Tullius vitalis & animalis spiritus discrimen designare videtur, ubi distinguit animos, id est spiritus in igneos & spirabiles. Quum enim in sanguine versatur, aut ei mixtus manet, tum eum calefacit, ignis vim ac quasi formam obtinens, ut in calore vita sit, ubi verò per cerebri cribrum è cruore secretus est, tunc sanè per nervos, velut per pneumaticos organumusici tubos, in totum corpus actu spirat, aut certè spirabilis est, ut Ciceronis verbis utar. Hæc autem levissima sanguinis elementa sublimationem nunquam non moliuntur, tam propriâ vi, quæ tantum non est ignea, quàm alienâ, quippe circulationis elateribus, diaphragmate, pulmone, corde nec non ascendentibus arteriis sursum pelluntur. Sed enim hæc propulsio non est genuina sublimatio, de quâ sermonem hîc habemus, quandoquidem, aliâ causâ, quàm calore sursum urgente fit. Ascensus igitur causas distinguere oportet, ut accuratam sublimationis ideam concipiamus. Ad eam enim non pertinet anthliarum, quibus humor ad caput exanthliatur, opera,

sed ignis vitalis sanguinem accendentis, attenuantis ac sursum pellentis effectus. Omnis enim sublimatio chymica vel igne, vel saltem calore, fit. Ad eam promovendam lampadis igne, ferè utuntur quàm materies ad sublimationem aptissimæ sunt, præ summâ volatilitate, vel levitate. Quem sublimationis modum animalis in corpore tantùm agnoscunt, qui lucernæ cor assimilantes aliam sublimationis causam non admittunt quàm cordis ardorem, quo sanguinem rarefcere, nec non volatilesccere volunt. At quamvis summa cruoris volatilitas validiorem sublimationis causam poscere non videatur, præcordiorum tamen nec non viscerum naturalium calor, quem fimosus crassiorum intestinorum ignis, nec non sanguineum Mariæ Balneum, quod passim occurrit, refovent, temnendus non est, nec fraudandus symbolâ, quam huic operationi confert. E naturalibus porrò membris hepar in hoc officio facilè primas obtinet. Nam præter communem caloris symbolam, quam confert, aliud sublimationi calcar adhibet, nempe bilis suæ, quæ liquidum sulphur, aut oleum est, volatilitatem

litatem. Næ, jecur microcosmica sulphuris est minera, Sulphureis autem alis subvecta falia volatilescent. Lien quidem cruoris sublimationi calore suo conducit, eandem verò falis fixi, cujus gazophylacium est, remorâ sufflammat, ut illa viscera non minùs usu, quàm fitu, sint opposita, ceu duo libræ disci, quorum alter deprimi nequit, quin alter extollatur. Quemadmodum totius alembici, non solùm foci, calor sublimandam materiem sursum pellit, sic universi corporis, non modò viscerum fervor sanguinem ad caput sublimat. Sublimes materiæ partes flores nuncupantur. Sanguinis flos appellatur ea pars, quam levitas aut volatilitas ad cerebrum evehit, ac ex quâ spiritus animalis confit, à vegetali genere, ubi floridus fætus plantæ summitatem tenet, ductâ similitudine vel metaphorâ. Sic in naturali factitiâque chymiâ flores sublimatorii vasis fastigium invadunt, animalis nempe spiritus caput, chymici flores summam ollam, aut altissimum sublimatoriæ turris aludel attingunt.

Inter eas porrò sublimationes hoc discriminis intercedit, quòd alia ficca



fit & alia humida , five sublimationis materiem , five productum spectes. Sulphur, sal ammoniacum, hydrargyrum , stibium , quæ species aridæ sunt , factitiæ sublimationis ferè subiectum existunt ; naturalis verò sublimationis materia sanguis est , qui spiritu, sale volatili, sulphureque plenus facilè sublimis evadit. Imò fixum ejus sal cum sulphure, quod alas ei commodat, diu circulans tandem aliquando volatilesceat : volatilitas, meâ quidem sententiâ, salibus accidit, sulphuribus innata. Si quando sanguis, præ nimiam copiâ, justò volatilior sit, tunc ad caput totus ferè rapitur, cerebro phlogosim illaturus. Galli dicunt, un transport au cerveau. Reverà nimis multus humor ad cerebrum tunc transfertur, unde vasa justò pleniora distiliunt, ruptaque materiem inflammationis effundunt. De metastasis illius causâ physiologi disputant, alii nimium sanguinis calorem, alii nimiam ejus volatilitatem, quam ab ardore distinguunt, accusantes. Cum tamen cruoris volatilitas ad bilem, quæ merum sulphur est, princepsque ne dicam unica flammæ causâ, de lanâ caprinâ, quod

aiunt,

aiunt, disceptare mihi quidem videntur. Oleum illud animale, quod choleram dicunt, vitalis ignis fomes est atque adeo caloris parens. Idem volatilitatis est author, quo deficiente, cruor subfrigidus & gravis, nec satis accenditur nec satis multus in caput sublimatur, sed propriâ gravitate deorsum detrusus inferiora petit & superiora membra fraudatur. Unde pallor, tarditas & debilitas sobolescunt. Econtrâ justò calidior sanguis infernas partes ferè totus fugit, & supernas impetit, ac tantum non opprimit. Hinc intensior febrilem paroxysmum patientium rubor, cujus ardor & irrequies individui comites esse solent. Tunc sublimatio, quæ mediocris, vitalis & salubris est, modum excedit, eoque nomine sæpius lethalis est, aut certè morbi causa. Salus enim in mediocritate versatur. Celmus Willisius, imagine chymicâ, nimiam humorum ad caput anadromem appositè depinxit. Ægrorum eâ laborantium cruorem terebintinæ, quam exstillant, ac quam vehementior ignis urget, eleganter assimilavit. Tunc enim pinguis terebinti succus ignescens ad alembici fastigium

totus ascendit. Haud aliter universus phreneticorum sanguis tantum non flammescens ad cerebrum volat, inferiori regione relictâ Quibus hydrargyro largus ptyalismus movetur, iis quoque nimia humorum anathymiasis ad caput accidit, præ summâ mineralis illius volatilitate, quam accensibilis auget. Mercurius enim cum illo cruoris sulphure coalescens, ceu cinnabaris, ad superiora sublimatur. Quid enim cinnabaris est præter hydrargyri sulphurisque mixturam, aut coalitum sublimem, cui si sal nimis acidus, qualis est luis veneræ causa, fortè accedat, fit sublimatum corrodens, quo gingivæ faucesque roduntur, salivæque vasa dilatantur. Totum caput simul intumescit, adinstar monstri, quoniam ascendentibus humoribus, quos hydrargyri volatilitas sursum rapit, repletur atque distenditur. Eandem autem esse volatilitatis & caloris causam vel hoc exemplo conficias. Dum enim ægri cunctos humores ad caput hydrargyro sublimari sentiunt, de decumano corporis æstu miserrimè conqueruntur. Quippe jam memorata cinnabaris fieri nequit, quin mercurius

cum

cum bilis sulphure coalescat, ac ut ita dicam, amalgametur. Quæ conjunctio vel utriusque sublimatio, fieri nequit sine sulphuris incendio, quod ejus anathymiasim ad caput excitat, justôque vehementiorem calorem atque febrim accendit. Tum ægri corpus Ætnæ, cujus jugum, in prm̃is, ardet, dissimile non est. Ut enim in illa Vulcani, juxta poetas, officinâ sulphur accensum ad montis culmen sublime vadit, secumque gravia corpora fursum rapit, sic animalis ægroti sulphur tantum non flammatum, aut bilis accensa cerebrum conscendens vel fixa sanguinis elementa, non obstante gravitate, quâ deorsum naturâ feruntur, secum ducit. De sublimatione jam satis multa verba fecimus, de distillatione, quæ sublimationis effectus est, jam facturi.

## D I S T I L L A T I O.

**H**UMIDUM, aut liquidum, quod distillatis materiebus inest, aut ignis vehementiâ solidum colliquante fit, vaporescens ad stillatitiæ metæ fastigium ascendit, ibique ambientis aeris,

au

aut incumbentis aquæ frigore, vel vaporum accumulatione paulatim in guttas condensatur & in stillas paulatim depluit. In animalis, ac præsertim hominis corpore, simile quid contingit, ut stillatitiæ metæ jam pridem assimilatæ fuerit, in libro nostro Gallico, qui spiritûs animalis formationem exponit. Abdomen focus est, ubi sulphureum stercoris fomitem, ignemque fimi, nec non sanguineum Mariæ Balneum, ignemque rotæ, quo circumstantia viscera, ceu totidem vivæ torres, stomachum, quo destillanda materies continetur, refovent, annotatum volumus. Cibus, cujus spiritus aut utilis essentia destillatione promenda venit, in ore, velut in mortario, conteritur, ut illius elementi carceres perumpantur. Hæc deposititia massa, postquam salivâ maduit, nam humor, non solum ignis, est ferè clavis, quâ mixti gremium referatur, per gulam in stomachum, velut in digestionis vas, conjicitur aut deglutitur, ut ibi cibarium, in faucibus crassâ minervâ divisum, accuratiùs novo fermento dissolvatur, ejusque spiritus, hac operâ, liberetur, ac expediatur, in pectore magis

gis ac magis extricandus, ac demum in capite, sicut in alembici culmine, distillandus. Idcirco jam in ventriculo colliquatus cibus, cui nomen est chylus, novis fermentis, quæ comperit in gracilibus intestinis, in lactibus, & in sanguiferis vasis cum tandem exipientibus, afflatur & ulterius dissolvitur, ut ejus elementa volatilia jam satis expedita caput per aortam ascendentem conscendere possint, ibi distillanda, quæ spiritus animalis genesis est. Antequam uvæ succus distillationi subjiciatur, oportet uvas calcari, prælo multum exprimi, recentem succum in cupâ fermentari. Secus incassum id distillatione subjiceres. Spiritus intricatus ex eo non emergeret, licet igne vehementissimo diutius urgeretur, nisi fermentatione, quam in dolio passum est, prius extricatus esset. Haud aliter cibus spiritum non daret, ad corporis nutritionem vitamque, nisi prius in ore, velut in cupâ, calcatus esset, in stomacho, sicut in dolio, cui totum abdomen, imò totum corpus assimilens, ritè dissolutus ac fermentatus fuerit. Pectus verò stillatitiæ metæ ollam propiori similitudine refert. Hinc enim di-

distillandus liquor ad alembici capitellum, id est, ad caput attollitur, cordis, pulmonis & arteriarum antliâ, cui vitalis ignis, qui thoracis, imò totius corporis hypocaustum & fornacem calefacit, opem fert. Hoc enim alembicum naturale præ factitio habet, ut distillandam materiem, jam memoratis elateribus, non modò calore, sursum pellat. Esca colliquata varias formas subit, antequam distilletur, ut uvæ succus, qui primò mustum, ubi recentissimus est, deinde vinum appellatur. Sic alimentorum colliquamen primò chylus, deinde sanguis dicitur, primum in abdomine, dehinc in pectore, demum in toto corpore fermentatus, ac muscutorum torculari tortus priusquam ad caput ascendat, distillationis ergo. Hic autem præparatur infusione, maceratione, circulatione, non solum fermentatione, quibus operationibus cruoris spiritum chymia naturalis expedit, cum in capite tandem aliquando distillatura. Cranium osseum duritiæ suâ metallico vel vitreo stillatitiæ metæ culmini parum est absimile. Caput ambiens aer refrigeoratorii vicem præstat. Capilli quandoque madidi lintum

teum madens, quod interdum capitulo distillarius imponit, mentiuntur. Nec huic alembico naturali, sicut artificiali, rostrum unicum est, quâ stacma destilet, sed totidem ei sunt canales emissarii quot nervi suppetunt. Hoc habet prætereà præ factitio, ut aliud stillicidium pro spiritu, aliud pro phlegmate habeat, namque mucus per nares stillat, spiritus animalis per nervos, imò per aures cerumen quoddam defluit, ne duplex illud recrementum spiritûs integritatem violaret, nisi suum cuique stillicidium esset. Ut à spiritu phlegma secedere posset, nerveæ fibræ, quæ singulis cerebri glandulis, quarum cortex acervus est, subjacent, ita constructæ sunt, ut ad solum merumque spiritum excipiendum aptæ natæ sint, cum interfibrium, id est, fibrarum instertitium derivando phlegmati sit idoneum. Illæ in cerebri ventriculos delabitur, unde per infundibulum in glandulam pituitariam infunditur, aut ad nasum derivatur, solemni Naturæ ritu, non accidente raro, ut Celsus innuit hisce vocibus, *Destilat autem humor è capite interaum in nares.* Lib. 4. cap. 2. Denique cerebrum pingui



gui spongiæ, quâ defæcandi spiritus transeolantur, absimile non est. In stillatitiâ metâ, quam ars excogitavit, nihil simile conspicias, quia nullus spiritus, quem ars eliciat, animali spiritui, qui vel acutissimam oculorum aciem fugit, tenuitate non cedit, ut hæc animalis essentia filtratione, non destillatione tantum elaboretur, quod tantam ad vim & dignitatem extollatur.

*Tanta molis erat animale condere vitam,*  
ubi divinam sapientiam cernuus mire-  
ris velim. Naturam quippe, quicquid  
atheï stulti crepant, omniscii Numinis  
artem esse nunquam satis admirandam  
vel lippis & tonforibus ipsis notum est.

Sanguinis in urinam colliquium distillationis equidem species est, at ea per descensum, cum nuper descripta per ascensum fiat, quæ germana destillatio est. Quæ verò per renes, ureteres, vesicam, & uretram foras tandem aliquando manat, aut mingitur; ea potius filtratio vel colatura quàm distillatio est. Verùm ex infernis destillationibus nulla stillicidii nomen potiori jure meruit quàm stranguria, qua lotium guttatim jugiter stillat. Styria quippe manans gutta, manans verò vel

cadens stilla nuncupatur. Gonorrhæam ipsam destillationibus vates accensuit, ubi dixit, \* *Lentum distillat ab inguine virus.* Ad inferiorem corporis regionem hæc stillicidia pertinent, ad superiorem verò coryza, quæ per nares, lachryma, quæ per oculos, catharrus, qui per asperam arteriam destillare creditur. Coryza lymphidæ fluxionis destillatio per nares, lachryma salsæ lymphæ per oculos, ac præsertim per majoris canthi glandulam, stillicidium, catharrus est feri diluvies in pectus iruens. Verùm hæ sunt omnes spurixæ distillationes, hic verò degenuinâ distillatione quæstio mota est. Hæc calore, illa frigore fit. Coryzam enim & catharrum cerebri perfrigerium propignit, tortâ glandularum spongiâ, quæ stillantem lympham eructat. Frigus sane constat acido quodam sale, vel spiritu, quo vitalis humor primò coagulatur, postmodum in serum colliquescit, adinstar lactis, cujus coagulum acido concretum intenuem undam abit. Accedit quod acida frigidaque vis madidas glandularum spongiolas stringit, hincque madorem exprimit. Sic oculi per-

\* Virgil. Georg. lib. 3.

perfrigerati lachrymas fundunt, dolor & tristitia, quibus, ex Cartesio, cunctæ corporis partes, non tantum præcordia constringuntur, lachrymas quoque movent, oculorum poros, quæ vaporibus exitus patebat, coarctando, nec non camarinam commovendo melancholicam, cujus spiritus acidus sanguineam massam inficiens eam tantum non coagulat, ac interum præcipitat. Unde lachrymarum rivus manat. Lachrymæ verò, quæ gaudium sequuntur, calore potius quam frigore cientur. Pectus enim lætitiâ calefcit, sanguis rarefcit, & accenditur, ut ejus phlegma per oculos largiùs tunc stillet, sicut aucto metæ stillatiuæ foco stacmatis stillicidium augefcit, uberiorque stilla per rostrum depluit.

## DE RECTIFICATIONE.

**R**ectificatio destillationem, ut effectus causam, sequitur. Id processus est nova materiæ, quam chymista crassioribus ab elementis separat, defæcatio. Sic chylum, sanguinem, lympham, nervum succum, spiritum  
ani.

animalem, spermaque Naturalis Chymia rectificat. Postquam enim chymum è colliquatis escis in stomacho formavit, cum in intestinis novâ fermentatione, præcipitatione, nec non filtratione, seu per intestinorum glandes, aut tunicas colaturâ defæcat. Pancreatis latex & bilis in tenuibus intestinis chylum, cui junguntur, denudò fermentant, dividunt, & crassioribus à fæculis, quæ præcipites in crassiora ruunt, exonerant. Hanc præcipitationem acidulus callicreatis succus in primis promovet, ex Sylvio Deleboe, cui, fateor, experientia suffragari videtur. Acidulum enim stacma stibii sulphur, quod aureum à flavedine dicunt, in magisterium præceps dejicit. Alii considerantes cibarium acido stomachi fermento solutum fuisse statuunt ejus fæces, quæ ferè sulphureæ sunt, alkalino sale, qualis inest bili, commodiùs deturbari, juxta chymicum axioma, quo quicquid acido dissolutum est, acri vel alkalino sale præcipitatur. Ut ut sit, chylus rectificatur, cum ab inutilibus excrementis purgetur. Huic accedit venarum lactearum, quæ lymphaticorum vasorum ad tri-

R

bum

bum pertinent, lymphâ, quâ candidus ille cremor rursus fermentescit, in sanguinem facessiturus, postquam glandium intestinalium & mesentericarum filtratione defæcatus aut. ut Chymici loquuntur, rectificatus fuit. Denique lac in mammis chylus est ulterius defæcatus, colaturâ per glandes, quarum acervo muliebri præsertim pectus tumet, quæque lymphâ suâ chylum augent, ut lactescat. Cum verò rectificatio sit nobilissimæ vel exquisitissimæ mixti partis extricatio, dicam ne an exaltatio, quæ barbaries Chymistis condonatur, & alia ratione chylus in ventriculo, intestinis & lactibus rectificatur, quando naturalis ejus spiritus & actiuosa elementa ibidem exaltantur, id est, extricantur, infusione, maceratione, fermentatione, quæ diuturnarum operationum, quas chymia suscipit, instrumentum est.

Simili ratione sanguis rectificatur, iisdem scilicet operationibus, puta, maceratione, circulatione, fermentatione, colaturâ. In omnibus enim corporis regionibus, quas pelluit, infunditur, nativo calore maceratur, atque decoquitur, per universas & singulas

gulas corporis partes circulando , multis fermentis , quæ , dum iter facit , apiscitur , fermentescendo , donec ejus excerementa , sive superfluæ partes , satis expedita sint , ut per proprium emunctorium singula colari possint , puta , bilis , per hepar , melancholia per lienem , serum per renes , crassissimaque cruoris fæx per intestinorum glandulas . Hæc est prior sanguineæ dedolationis aut rectificationis pars , sic enim rectam cruoris formam nanciscitur . Posterior est penès vitalis spiritûs extricationem , quam omnes ad unam operationes illæ promovent . Ac postquam satis extricatus est , vitam suam vim exerit , ac per totum corpus diffundit , leni calore singulas partes refovens , ac eadem operâ vitam donans , donec summum vigoris & libertatis apicem consecutus in cerebro cernitur , unde per nervos in sensûs & motûs organa dilabitur , postquam per pinguem cerebri spongiam colatus , ad ultimum defæcationis gradum evehitur , ab omni ferè phlegmate , vel fero liberatus , quæ varia spiritûs rectificatio est . Hoc enim operationis ad spiritum præcipuè pertinet , ac potissimum ad

cum, quem Alkool Chymistæ vocitant, is enim merus spiritus cluit, ab aquâ, cui chymicum nomen est phlegma, penitus secretus, si modò possibilis sit ultimus ille defæcationis gradus, quem oppidò dubium reor. Verùm animalis spiritus, nerveusve succus, iteratâ distillatione defæcatur, aut rectificatur, non modò per cerebrum filtratione. Nam qui cum sanguine miscetur, is ad suum fontem, id est, ad cerebrum circulando redit, ubi rursus distillatur, colatur, novâque viditur, dum volatili sale, quem ammoniacum esse putant, ac quo cerebrum refertum est, afflatur. Porrò bifariam animalis spiritus in sanguinem refunditur, aut cohobatur, ut in argumento chymico chymicum stylum adhibeam. I. Ac primò quidem nervi sæpiùs in venosum arteriosumque genus inferuntur, quâ spiritum animale in sanguinem, unde depromptus fuerat, relabitur, indidemque rursus secedit in cerebro rectificandus, quotiès ad caput circumeundo revertitur. II. Præterea, secundùm Willisium, arterialis succus in muscoli gremio cum animali spiritu vel nerveo succo miscetur, ad

cien.

ciendam explosionem, quâ musculo-  
rum elater actuatur. Totus autem spi-  
ritus, qui cum cruore tunc confluit,  
in auras non dissipatur, nec aliàs ab-  
sumitur, ergo proprios revolutus in or-  
tus cum sanguine mixtus ad caput ite-  
rum sublimatur, rursùm rectificandus,  
aut novam vim recepturus. Qui spi-  
ritum animale in liene cohobant, ut  
fixum illius visceris sal eterogeneam  
omnem ejus copulam retineat, atque  
spiritûs vigorem augeat, ii novam spi-  
ritûs animalis rectificationem, jam me-  
moratis addunt.

Lympham esse spiritum animale  
habitûs frigore condensatum alibi con-  
jecimus, aut suboluimus, ex eo quod  
foris intrò feratur. Quæ conjectura si  
vero consentanea foret, dum lymphidus  
ille latex in sanguinem per lactes, aut per  
aliam viam refluit, tum spiritus animalis  
ad novam rectificationem sese accinge-  
ret, cum ad caput redeuntem sangui-  
nem sequatur. Verùm à nerveo suc-  
co, nec non ab animali spiritu diversa  
lymphæ sit per me licet, non continuò  
defæcationis, aut rectificationis expers  
erit. Colaturâ quippe per glandes de-  
fæcabitur, aut rectificabitur, nec non



jugi, per lymphatica vasa, circuitu, crebroque suos ad fontes, id est, ad glandes, ubi rursus cernitur, reditu, circa quem præcipuus rectificationis cardo versatur. Totus sanè lymphæ pontus vel in chylum per venas lacteas, vel in sanguinem confluit, per alia vasa lymphatica, præsertim per ea quæ jecoris cavum subeuntia lympham suam crasso tardoque sanguini per venam cavam ad cor ascensuro tradunt; ac cum utroque fontes, sive glandes, unde scatet, revisit rectificandus aut ulterius defæcandus latex, dum per glandes, ceu per totidem spongiolas, iterum atque iterum cernitur.

Cum iterata succi colatura rectificatio sit, huic operationi semen etiam obnoxium est. Nam in testiculorum, parastratarum, & prostatarum glande dicamne an spongiâ cribratum, si diutius in fonte restagnetur, in massam sanguineam, cui vegetioris fermenti vicem præstat, resoibetur, indeque jam memoratos spermatis qualos repetit denuò colandum & rectificandum atque magis ac magis maturandum, quò fecundius evadat. Unde fit ut rarius coeuntes ad prolem procreandam

dam magis apti sint, quàm qui Veneri  
sæpiùs litant.

*Extractio, evaporatio,  
exhalatio.*

**E**Xtractio rectificationi, de qua nu-  
per, ministrat, quamobrem huic  
illam subjungimus. Extractio igitur  
aliud chymistis, & aliud aliis naturæ  
mystis grammaticisve sonat, cantu fer-  
pentes extrahere, vel corpori venena  
extrahere, quæ Plinii phrâses sunt, à  
chymico sensu longissimè distant, se-  
cundùm quem extractio liquidorum  
inspissationem, non solùm defæcatio-  
nem, significat. Extractio quippe pu-  
rissimarum mixti partium ab impuris  
aut à crassioribus & inutilibus separa-  
tio est. At enim in animalis corpore  
purum ab impuro Natura segregat, ut  
hoc rejecto, ceu superfluo, sapienter  
illud retineat, & in usum adhibeat.  
Postquàm enim cibus in stomacho col-  
liquatus est, ac in intestinum tenue de-  
lapsus, ibi fermentum offendit, cujus  
ope sæculæ præcipites in intestina crassæ  
ruunt, purioremque partem, per inte-

stinalium tunicarum poros, aut glandes colandam relinquunt. Ubi verò liquidus alimentorum cremor lactes superavit, ac ejus amnis sanguineum flumen subiit, in bilis, melancholiæ, ferique, crassiorisve fæcis qualis illacrementa deponit, puriorque præterit. Verùm quamvis jam præmissa extractionis descriptio satis in hanc defæcationem quadret, cum tamen solidæ magis quàm liquidæ formæ conveniat, aliam operationem, quæ propiùs ad extractionem accedat, in animalis corpore reperiemus, nempe nutritii laticis metamorphosim in propriam animalis substantiam; siquidem, antequam ultimum illum assimilationis gradum attingat, alibilis succus, qui primùm ex arteriis depluens ros dicitur, in gluten ante condensatur, & in cambium priùs abit, quàm viventis corporis formam induat. Id autem extracti nomen meretur, quatenùs ex alimentorum aut nutritiorum succorum massâ, ceu purissimum & optimum elicatum, aut extractum est, ac quoniam consistentiæ modum extracto convenientem inspissatione consecutum est.

Huic condensationi tum evaporatio,  
quæ

quæ phlegma , cum exhalatio , quæ sulphur inutile dissipat , conducunt. Fufum fanè cibarium igne nativo diu decoqui nequit, quin phlegma superfluum in auras avolet, minusque tenuem massam linquat. Sic evaporatione syrupi condensantur. Haud aliter adestus melancholicorum sanguis, densa velut amurca, vix ac ne vix quidem circumfluit. At vel laudabilis cruor chylo minùs tenuis est , maturiorque chymus acerbo vel crudo densior , utpotè magis coctus. Ulterior coctionis gradus gluten inspissat, ultimus cambium facit, aut nutritium succum alendo corpori prorsùs assimilat. Diversi porrò consistentiæ gradus à variis coctionis gradibus sobolescunt. Evaporationis causa materialis est aquea sanguinis pars , efficiens innatus ignis, forma particularum aquearum anadrome , finis nutritii humoris inspissatio, quæ via sternitur ad capeflendam viventis corporis formam. Exhalatio quoque, non tantùm evaporation , seu supervacanei sulphuris , non modò phlegmatis, dissipatio nutrientis humoris præparationi suam symbolam confert ; Quamquam enim tantò difficilior est

est quanto magis intricatæ vel ramosæ sunt sulphuris partes, sudoris tamen odore, qui sulphuris effectus est, sulphureus halitus sentitur.

Cæterùm exhalatio nec non evaporatio, tincturis, essentiis & balsamis præparandis inserviunt, in animalis corpore, non solum chymicis in officinis, quas ars struit. Sanguis enim cujus præparationi ancillantur, tincturæ balsamique nomenclaturam meretur. Quid, quæso, tinctura est præter liquidum alieno colore tinctum? Sanguis autem est lympa, quam alimenti sulphur infecit. Est igitur sulphurea tinctura. Quid, cedo, sulphuris balsamum existit, nisi liquidum sulphur consolidandis vulneribus idoneum? Cruor verò tantum non merum sulphur, idemque fluidum balsamum est, consolidandis vulneribus aptissimum, si modo sit integer. Hinc essentia præstantissima, quam vitalem, aut animale spiritum dictitant, depromitur. Ejus igitur, exhalatio, vel evaporatio, naturalis licet, similibus usibus, ac artificialis, ancillatur. Sed tinctura, balsamum, aut essentia vitalis, quam cruorem vocitant, in extractum tandem aliquando

do mutatur, antequam animalis formam induat. Nobis autem propositum erat in animali extractionis, evaporationis, & exhalationis exempla quærere, quæ pateret naturalis & artificialis chymiaë processus parùm dissimiles esse.

Sudor & diaphoresis aliæ sunt evaporationis & exhalationis species, quarum hæc tamdiu, quamdiu vita durat, illa verò rarior est, laborisque vel intemperiei calidæ signum. Quatenus cruoris serum foras pellit, evaporatio, quatenus sulphur, exhalatio vocatur. Evaporatione condensatur humor, ut syrupus; exhalatione phlogosis materies exit. Utrâque liquidum inspissatur, solidum exsiccatur. Insolatione lutum indurefcit, aqua vapore minuitur, solum arefcit, amissis aquæ particulis, quibus terra madebat & mollis erat. Nativus calor in animalis corpore similes effectus edit. Solidæ corporis partes, quæ solo similitudine respondent, insito igne sensim exsiccantur, & indurantur; liquidæ densantur, falsescunt aut acefcunt, vel acrescunt, absumtis undæ partibus, aut spiritu faleque volatili, quibus salia  
fixa

fixa diluebantur, aut eorum vis, aut acies retundebatur. Hinc est quòd intemperie calidâ cruor tandem aliquando spifcescat, acescat, aut acrescat. Indidem obstructions atque cachexis sobolescent, sufflaminatâ circulatione, quâ cessante humores restagnantur, putrescunt aut aliàs vitiantur. Verùm hi sunt effectus qui, præter Naturam, accidunt. Secundùm Naturam, verò gluten, & cambium, evaporatione nec non exhalatione, contingunt, aut fiunt ex nutritio succo, quem arteria, vas lymphaticum, aut nervus alienis partibus affundunt.

Quemadmodum gluten, sic & semen, tum evaporatione, cum exhalatione, non solum infusione, circulationeque spifcescit. Ejus quippe materies, qualiscumque sit, sive sanguis, sive lymp̃ha, sive nervus succus, adhuc enim sub judicē lis est, postquam in testiculum, velut in digestionis vasculum, infusa fuit, ibi diu maceratur, infunditur, insito calore decoquitur, per intortos testis ductus circulatur, donec naturæ suæ convenientem consistentiæ gradum nanciscatur, ac in genitale clyst̃um abeat, ejusque vis, aut spi-

spiritus, illis operationibus, augeſcat ;  
 & magis ac magis vigefcat. Ubi vi-  
 venti ſolo, nimirum utero, ſemen il-  
 lud creditum eſt, ibi rursùs inſpiſſa-  
 tur, donec in embryonem, factumque  
 ſolideſcat, ſi priſtinis medicis fides ſit,  
 primùm enim, ex eorum ſententiâ,  
 coagulatur in matrice, cui coagulo  
 videtur alludere Propheta, Deum  
 compellans, *Manus tuæ corpusculum  
 meum, in utero, ceu caſeum, in fiſcellâ,  
 formarunt.* Sed enim ex Herveo, Graef,  
 & Kerkerin, qui generationis myſte-  
 rium altiùs ſcrutati ſunt, maſculei ſper-  
 matis craſſamentum in fœminæ vagi-  
 nâ ſubſiſtens, genitalem ſpiritum, qui  
 penitiſſimos uteri teſtiumque recessus  
 pervadit, non ſequitur, ſed per vul-  
 vam, poſt congreſſum, relabitur. Er-  
 gò diuturnâ morâ, quam in uteri fur-  
 no trahit, non condenſatur aut ſolida-  
 tur, ſed emiſſo ſpiritu, generationis  
 principium, id eſt, ovum fœcundat,  
 animalculi compendium ibi latens, at-  
 que collapsas ejus partes explicando,  
 velut ventus, qui ſubiens complicatam  
 chartam eolveret, aut ſicut hypogæus  
 terræ ſpiritus, qui plantæ ſynopſim in  
 ſemine latitantem extendit, inſpirando,  
 vel



vel infusando. Quæ quidem hypothesis à ratione minùs abhorret, quàm quæ sperma liquidum, evaporatione, vel exhalatione, solidando, rem acutetigisse pristinis physiologis videbatur. Quid enim liquidi seminis coagulationi cum elegantissimâ sexcentarum partium, ex quibus animal constat, delineatione, quæ specificam formam cuique suam fœtui confert? Ubi fictile propriam formam à figuli manu nactum est, tunc evaporatio, vel exhalatio, quam in figulinâ fornace patitur, solidandæ vel indurandæ materiei quidem idonea videtur, at exarandæ formæ nihil opitulatur. Calens autem furnus utero, semen fictili massæ, nativus animalis calor igni similitudine accedit.

Hactenùs extracta, quæ, secundum naturam, fiunt, præter naturam, verò justo crassior humor in extractum faceffit, five vasis insit, seu fusus sit extra vasa. Hæcticorum sanguis adeo densus est, ut extractum, non modò syrupum, mentiatur, absumentâ tenuiori nec non humidiori parte. Pituita nunquam evaporatione, non solùm coagulatione sic crassescit, ut vitrea dici  
me.

meruerit. Serum aut urina vapores-  
 cens sedimentum gelatinæ simillimum,  
 imò quandoque gypsum, aut quasi  
 calcem linquit, præsertim in articulis.  
 Ateromatis, steotomatis melicerisque  
 materies in pulvem, sebum & mel, eva-  
 poratione, tantùm non mutantur. Me-  
 lancholia, præsertim atrabilis, adustio-  
 ne sic inspissatur, ut torridum flavæ  
 bilis extractum dici possit, unde can-  
 cer omnium morborum sævissimus ori-  
 tur. Evaporatio, vel exhalatio, Na-  
 turæ modum ex cedentes hisce con-  
 densationibus conducunt. Sudor aut  
 diaphoresis justo copiosior ab intempe-  
 rie calidâ sobolescens vires sternit, cor-  
 pus exsiccat, & maciat, humores ab-  
 sumit, & spiritus dissipat, præsertim  
 in Angliâ, cui periodicus quidam su-  
 dor & idem uberrimus ac pertinacissi-  
 mus est, endemicus habetur, ideoque  
 cognominatur Anglicus. In eo, statis  
 temporibus, humorum massa decuma-  
 nam ebullitionem, ut pontus æstum,  
 concipit. Tunc humida pars, sive  
 phlegma vaporescit, sicca, sive sulphur,  
 exhalat, Utraque spiritum, salemque  
 volatilem secum foràs rapit, virium-  
 que fontem exhaurit. Quamobrem ma-  
 ligno

ligno sudore laborantes non macrescere, non languescere nequeunt, nutritionis enim atque vigoris causa perit & in auras abit. Hinc est Hippocratis sententia\* ἰδρωῖτες γινόμενοι σφοδρῶς καὶ ταχέως επικίνδυνοι, id est, sudores vehementes & veloces periculosi sunt. Mediocris verò sudor saluberrimus est, ubi necessitudinis causam tollit.

### *Liquefactio, coagulatio.*

**E**Adem est colliquescentiæ, nec non evaporationis, & exhalationis causa. Sic hoc capitulum cum proximè prægresso jungimus. Ut enim cera, sebum butyrum, & adeps, sic & pinguis animalium humor calore liquefit, vaporescit & exhalat. Calori fermentum accedit, nova colliquamenti causa. Cibi quippe non tam igne quàm stomachi vel intestinorum menstruo liquantur. Imò posterior vis priorem longè vincit. Os enim, quod ignis vehementissimi vi, vel intrâ 24. horas, non mollesceret, in undâ bulliens canini ventriculi fermento liquefit,  
intra

\* Sect. 8. aph. 4.

intra paucas horas. Causas igitur; quas Natura junxit, separare noli. Nunc microcosmicæ liquefactionis officinas & causas investigemus. Primum vas, in quo cibus liquefcit, est stomachus, unde scatet chylus, qui fusionem nomine suo prodit, ἀπὸ τῆς χύειν, id est, fundere, nomen ducens. Cibarium autem ibi colliquatur, tam calore, quàm fermento. Mediocri sanè calore, qualis inest stomacho, congelata, vel adeps, liquefcere possent. Reliqua verò vesca diversam colliquationis causam, nempe fermentum poscunt. Ignis, fateor, vehemens, vel durissimis corporibus, lapidibus & metallis colliquandis par est, & natus animalis calor, aut vitalis ignis, multò minùs acris est, quàm ut dapibus solidis liquandis sit. Superest igitur ut aliud agnoscamus colliquationis principium, nempe spirituosum salinumque fermentum, quod mixti finum, ceu clavis, referat, ac, eadem operâ, dividit, atque fundit, adjuvante calore, qui clavem illam, aut cuneum movet, ac adigit, donec dividendum corpus diffusum atque fustum sit.

Secundum fusionis vas est gracilius

intestinum. Namque chymus è ventriculo delapsus ibi novam liquiditatis causam, eamque non unicam offendit, nempe bilem, quam porus choledochus illuc derivat, quæque sulphurea, vel oleosa cum sit, maximum liquiditatis auxilium est. Ac quamvis pancreatis latex acidus habeatur, eoque nomine coagulationi magis quàm fusioni sit idoneus, attamen fermentationi, quæ chylum ulteriùs dividit, fenestram aperiens, quod alkalino cholerae sali contrarius sit, augendæ chymi liquiditati, per accidens, conducit. Adhæc, crassiores ejus partes, quæ liquiditatem sufflaminant, præcipientes deturbans, chylum tenuiorem, eodemque nomine liquidiores efficit.

Tertium liquefaciendi chyli vas est totus lactium tractus, qui, cum lacteis mesenterii venis, Pequeti receptaculum, chyli ferumque thoracis ductum complectitur. Ibi quippe lympham, tenuem undam, quâ, mirum in modum, diluitur, offendit. Namque venæ, quas lactes dicunt, lymphatica vasa sunt, Pequeti receptaculum lymphæ lacus, thoracicusque chyli ductus lymphæ alveus, aut insignis aquæ ductus.

Quar-

Quartum fusionis locum mammæ chylo commodant. Nam ex thoracico ductu totus chymi amnis in subclaviarum venas non intrat, sed pars per proprium canalem ab alveo deviat ac ad mammas deducitur, ubi novum laticem, novamque liquiditatis causam reperit. Lac enim crudo chymo liquidius est. Næ, mammæ mirus glandularum accervus, adeoque multiplex lymphæ scaturigo sunt. Ergo lymphâ partim nutritur lactens pufio, non tantum embryo, qui, tanquam planta, rigatur, in utero, Naturæ arvo, quæ nominis causa fuit, siquidem βρῖω Græcis idem sonat atque Latinis, scatco.

Chylo quintus liquiditatis gradus accedit à sanguine, cujus flumen chymi rivus subit, in subclaviis venis. Ut enim vinum jam maturum immaturi succi, sive musti, fermentationem promovendo, liquiditatem intendit; sic & sanguis, novum chyli fermentum, ejus fermentationem, attenuationem, atque fusionem auget. Ea chyli sanguinisque mixtura subigitur in pulmone, corde, nec non in arterioso genere, velut in cerevisiariis officinis, vel in totidem molendinis, ulterioris

divisionis, aut liquiditatis ergo. Nervus succus in cerebro, lymphaticus in glandulis, serosus in renibus, biliosus in hepate liquidior evadit, relicto cruoris crassamento. Quidquid, in sanguineâ massâ, bilis aut feri copiam, aut calorem auget, id cruorem liquidiores facit. Spiritus sanè, qui similitudine refert ignem, sulphur & phlegma trinum fluiditatis principium est. Quantum his igitur incrementum accedit, tantum & liquiditati. Potu cibibus diluitur, & sanguis sero, clyster oleo, cruor bile liquidus fit, oleum frigidum calido minùs fluidum est, prout intestinus particularum motus minor, aut major est. Ergo vitalis ignis, quo vivens hypocaustum calet, humorum liquiditatem fovet. In animato corpore celebratur pyrotechnia, cujus tres officinæ vel foci sunt totidem ventres. In majori mundo triplex occurrit ignis, terrenus, aereus, cælestis, quo corporum liquiditas servatur; totuplex & in minori, ne pereat humorum fluiditas. Abdominis focus terrenum, ac præsertim hypogæum, quo vulcani ardent, pectoris focus aereus, quo fulgura micant, postremo

capitis focus cælestem ignem mentitur. Quantum tenuitatis & crassitie discrimen inter macrocosmicos ignes, tantum inter microcosmicos interest. Hinc & illinc, quantus est caloris, tantus & liquiditatis gradus. Hyberno frigore consistunt aquæ, regelascentes aut liquefcentes, æstivo calore, prout sol accedit, aut recedit. Animalis humores, pro diverso gradu juventæ, vel senectæ, quæ tempestates illas referunt, magis aut minùs liquidi fiunt. Næ, vivens corpus ardens fornax non est, nedum candens crucibulum, quo durissima quæque corpora liquefiant, sed hypocæustum, aut stillatitia meta, quæ Mariæ Balneo tantum calefit, cujus calor humidus mitissimus & clementissimus fit oportet. Siccus enim acrior esset, quàm ut almæ Naturæ, quæ mediocritate gaudet, operationibus conveniret. Imò, tantum abest ut justo vehementior ignis humorum liquiditatem fervaret, ut eam citò destrueret, absumptis ejus principiis, videlicet spiritu, sulphure, vel oleo, phlegmateque. Hyeme quidem congelantur aquæ, sed ardente syrio vaporescentes durum modò lutum relinquunt.



At medioximo veris calore glacies regelatur. Quum senectutis bruma sævit, tum animalis humor tantum non congelatus vix ac ne vix quidem fluit; ubi juventutis procyon furit, ibi cruor nimium æstuat procellosus, nedum consistit, aut restagnatur. En microcosmicæ liquefactionis causæ loci temporaque. Sanguinis in serum colliquescentiam, etsi naturalem, explicabimus in capite, quod præternaturalem exponet.

Præter naturalem illam colliquationem, aliam, quæ præter naturam accidit, nunc considerare animus est. Duplex autem occurrit, altera quidem ab acri, altera verò ab acido sale. Acris enim est dissolvere, quod acido coagulatum fuit. Unde fit ut ammoniaci salis spiritu sanguis post venæsectionem coagulatus dissolvatur. Indidem est quòd in febribus malignis ab acri sale sanguis, post phlebotomiam, in excipientibus vasculis non coaguletur, sed fluidus maneat, ruptâ scilicet fibrarum texturâ, quâ consistit, quodque vix ac ne vix quidem cohiberi possit, proficiens sanguis, quamvis ligatura valida, vel arctissima fuerit in.

injecta. Tum malignitas est ab acrisale, qui cruorem nimium dissolvit. Acidum equidem primo coagulat, at dehinc in serum colliquat, quas mutationes, in lacte, quod à sanguine parum discrepat, conspicias velim. Nam primus acidis salis, aut spiritus effectus est coagulare, secundus est dissolvere. Si forte lacti coagulato novum acidum demensum addas, id denuò dissolutum colliquescit, nedum coalescit, disrupto scilicet fibrarum invicem confertarum, aliasque cruoris partes quadamtenus colligantium, aut potius convolventium contextu, quæ salinarum acierum vis est, ubi præsertim præter modum acutæ sunt. Hinc autem est acidorum corrosio, cujus exempla multa passim obvia sunt, tam in naturalis quam artificialis chymiae ditione. Aqua stygia, sive genuinus nitri spiritus, qui vel durissima metalla dissolvit, acidorum in familiâ versatur. Eodem concedit & luna corrodens, id est, argentum acidis salibus, quæ dissolvitur, armatum, quo fonticuli sæpius inuruntur. Hydrargyrum ipsum, quod propriâ naturâ prorsus innocuum est, quippe cujus libram unam aut alteram impu-

nes ægri vorent, in convolvulo, seu miserere mei, dummodò magnam acidorum vim in eorum corpore non offendat, accedentibus acidis præsentissimum toxicum fit. Tunc enim assumtis illis salibus, queis velut immanis hystrix horret, fonticum, imò sæpe letiferum evadit, cujus stragis exempla cernas in eis, qui sumpto pharmaco stygio, quod causticum sublimatum vocitant, vitam finierunt, quando nihil aliud est quàm Mercurius acido nitri spiritu gravidus & auctus. Simile quidpiam accidit pueris, qui vorato contra lumbricos hydrargyro, horrendum in modum intumuerunt & obierunt, quòd eorum viscera salibus acidis referta mercurium in toxicum converterint, ut chymicis in officinis contingit, consimilium salium cum hydrargyro combinatione, cujus alterum exemplum obvium est in ægrotis venereâ lue laborantibus, ubi ptyalismum hydrargyrosis movet. Tunc enim fauces quasi stygiis ulceribus infestantur, quoniam hydrargyrum cum acido luis viru congregiendi vim adipiscitur ac eam in tenellas oris partes exerit, miserum in modum. Verùm & alia mem-

bra

bra salibus acidis dissolvuntur, aut corroduntur, arte nihil symbolæ conferenti, quum scilicet acidum fixum malignam vim à diuturnis iisque decumanis fermentationibus, quæ ejus acies exacuta fuit, consecutum est. Mifferrimum hujusce sententiæ monumentum præbent scorbutici, quorum totum corpus, non modò gingivæ, salibus acidis arroditur ac exulceratur, quanquam ab acri sale oriundum scorbutum non nego, sed species illæ macularum colore distinguuntur, nec non ægrorum temperamento, namque melancholici scorbutum acidum ferè patiuntur, lividis aut nigris nævis aut fuggillationibus deformes; biliosi verò præsertim acri sale vexantur, flavis, aut viridibus maculis distincti. Utriusque luis causa sal est fixum, idemque corrodens aut dissolvens. In alterâ lien, in alterâ jecur primitus & gravissimè laborat. Jam meminimus splenis ab acido sale corrosi, nec non jecoris ab acri sale diruti, vel sic arentis ut friabile prorsus evasisset. Quum enim Domini Hervart Parisini cadaver refferatum fuisset, ac exenteratum, ejus lien, qui prætermodum livebat, imò

ni.

nigrebat, à Domino Monginot constantissimâ reformatæ religionis confessione, non solùm medicinæ praxi celeberrimo simul contrectatus, vel leviter, simul in atrum tabum diffluxit, adeo particularum contextus acido fale fibras dissecanti dissutus erat. Biliosi cujusdam hepar contrectari vel levi manu nequit quin friabile prorsus in pulverem abiret, non sine maximâ spectantium omnium admiratione. Quibus instantiis palam est tam acre quàm acidum sal, ubi prætermodum acutum est, dissolvendis partibus tam solidis quàm liquidis par esse, ne duplex ulceris causa philiatros lateat. Et ultima corporis dissolutio, quâ cadaveris partes ab invicem ultrò discedunt, ac in tabum, aut pus totum colliquatur, fermentantium, dissecantium, aut colliquantium salium effectus est, ut tumulus crucibulo, ubi materies funduntur, aut mortario ubi contunduntur, parùm dissimilis sit.

Liquefactioni coagulatio, de qua nunc sermonem habituri sumus, opponitur. Eo quippe consilio materies ferè colliquatur, ut coagulatione solidum consistentiæ modum recipiat.

Duo,

Duobus porrò modis tam in naturali quàm in artificiali chymia species coagulantur, vel calore, puta, vel frigore. Prior enim causa utrique communis est effectui, cum colliquationi, tum coagulationi, vel condensationi. Cum enim calidorum vis in intestino, eoque ocyori particularum motu sita sit, ad eas dimovendas, eoque nomine dissolvendas, & colliquandas apta nata quidem est; at eadem operâ cum liquidiores, tenuiores, easque mobiliiores abigat evaporatione, superest ut crassiores, eoque nomine tardiores resideant, conquiescant, totumque solidum constituent. Solidos cibos eo consilio Natura colliquat, oris, stomachi, vel intestinorum, vasorumque sanguiferorum calore, vel fermentis, ut per angustos calles in universum corpus diffluere possint, in alendarum partium formam & modum tandem aliquando solidandi. Si Jobum audias, embryonis corpusculum, ceu lac, in matris utero, velut caseus, coagulatum est. Crystallinus & vitreus humor humoris primigenii coagulum esse videntur, ut oculus crystalli minera, simul & vitri naturalis officina dici mereatur, five mi-  
rum

rum illud opus ad evaporationem, sive ad fucci lymphidi coagulationem videlicet ad acidi falis aut spiritûs vim acceptum referendum sit. Næ rarum est res evaporatione solidescentes tralucere, vitrei vel crySTALLINI humoris instar. Reliquum est igitur ut coagulatione solidati fuerint, gemmarum adinstar, non frigoris quidem ope, cui Plinius crySTALLI soliditatem tribuit, cum à proplasmate, quod animal fingit, usque frigus absit, sed acidi cujusdam falis aut spiritûs vi diaphanas illas oculi partes firmanti vel consolidanti. Sic universa viventis corporis membra, non solum ossa, vel cartilagines soliditatem primitus nanciscuntur. Unde conjicias genitalem spiritum acidum esse, vel acido saltem analogum. Albumen certè prius lymphidum simul ac eo fuit afflatum, vel infectum obscurefcit, opacescit, aut certè concrefcit in grandinam, quæ primulum formationis rudimentum habetur. Hinc reliquæ pulli, vel aliis embryonis partes coagulationis, aut soliditatis, quam sortiuntur, principium mutuuntur. Namque zephyriis ab ovis id grandinis exulat, ideoque cassâ, vel infæcunda sunt. Ubi

verò spiritus ibi nidulans incubantis  
gallinæ calore refovetur ac excita-  
tur, in reliquas partes adhuc liquidas  
quaquaverfum diffunditur ad eas fir-  
mandas, solidandas, atque paulatim in-  
durandas, donec tota membrulorum  
compages consistat, ac in conspectum  
veniat. Electrum quidem atque coral-  
lium aeris acido durescunt, quidni li-  
quida fætûs aut embryonis materies ana-  
logo principio solidesceret? Quid si  
vegetationis species sit animalculi ge-  
nesis, numquid acido terræ nitro, non  
solum evaporatione vegetalis succus  
concrefcit & induratur? Huc chymix  
miraculum, arbor Dianæ pertinet, ceu  
stupendum in liquido vegetationis ac  
solidationis exemplum. Huc quoque  
faciunt aquæ quibus innatantia dures-  
cunt ac lapidescunt. Vel liquida, quæ,  
paulò post mutuam mixturam, in  
solida facefcunt, ut commixta sexûs  
utriusque semina. Idem de mulie-  
ribus ac de gallinaceis ovis dictum  
puta. Sed altissimum Naturæ myste-  
rium perscrutari cum homini negatum  
sit, id conjecturis dubiis indagare sal-  
tem eidem cernuo liceat. Siquidem in  
facerrimo generationis conclavi spurias  
tan-



tantùm coagulationes fortassè compe-  
riamus, quæramus alibi germanæ coa-  
gulationis exemplum, quod in Natu-  
ralis chymix pomæriis occurrat.

Medulla quidem coagulati succi,  
quem Natura primitùs in ossis cavitatem  
instillat, speciem præ se fert. Cui  
quidem opinioni suffragari videtur,  
quisquis ossium duritiem osseæ mate-  
riæ coagulationi tribuit. Quo quippe  
spiritu, nimirum acido, solidatum fuit  
ossis crassamentum, eodem & medulla,  
quam ossa capiunt, spisceffere posset,  
ex his in illam spirando. Quamvis  
enim ossibus immixtus sit, velut ele-  
mentum, suam tamen vim acidam &  
coagulantem in succum eorum cavit-  
ate contentum exerere quiret. Adhæc,  
ossibus exempta medulla, si diu fer-  
vetur, acefcit, unde liquet eidem aci-  
dum coagulationis principium inesse,  
quod in causâ forsitan est, cur vene-  
reum virus, cujus acor coagulationibus,  
quas parit, innotescit, ossibus potissi-  
mùm adhærescat, simile quippe simili  
gaudet, unde sunt exostoses, atque  
dolores, quos ἰσχυρόπυος Græci dicunt.  
Demum, arthritidis ossium articulos  
obsidentis causam acidam esse vel ex  
ejus

ejus coagulatione, quæ quasi gypsum creat, satis superque patet. Ut hoc opinionis verisimilitudine quadam non careat, attamen demonstrationis vim non obtinet. Quod enim ad duas causas acceptum referri potest, id effectum unius proprium dici nequit, nisi gravibus argumentis alteri sua symbola negetur. Atqui medius ossium succus decoctione, vel evaporatione, pultis instar, condensari potest.

Lævis glandium superficies & candor coagulatum lac mentiri quoque videntur. Quam veri speciem acidi laticis inde scatentis consideratione confirmant. Reapsè, pancreas acidum stacma fundere Sylvianis à discipulis creditur. Quid tum, num continuò reliquarum glandium latex acidus erit? Imò, multùm amarus est qui jecoris è glandibus scaturit, nempe bilis. Lympham tamen, prout lymphidum instar aquæ succum id nominis sonat, acido spiritui vel sale factam esse conficere fatagunt ex eo quòd in lactibus à Naturâ cum chylo miscetur, quippe quibus verisimile sit chymi divisionem eodem principio lacteis in venis ac in ventriculo fieri. Stomachicum verò fermentum,

tum, quod cibos solvit, acidum esse tam autoritate quàm ratione palam est. Porro si lymphæ sit acida, glandibus inest acidum principium, quo materies earum initio coagulari potuit. Nihil verò propiùs ad lac coagulatum accedit, quàm cerebrum, aut ejus apophysis, medulla scilicet spinalis, ac præfertim albissima, lævissimæque cerebri pars, videlicet callus. Unde conjicere licet sperma lacti simile spiritu vel sale quodam acido coagulatum fuisse, quum in supremum illud viscus facefcivit.

Cerebrum mediantibus opticis nervis connectitur cum oculis, ubi duplex primigeniæ coagulationis monumentum monstratur, nempe crystallinus & vitreus humor, quorum hic albumini dissimilis non est, ille verò crystalli splendorem ac tantum non duritiem nanciscitur, unde nomen habet. Uterque coagulatione densatus putatur, ineunte vitâ. Lymphatica certè vasa partium illarum propria coagulum affundunt, si modò lympham acidam ducant, secundum conjecturam jam præmissam. Quæ sententia si vera foret, in oculo crystallæscens unda  
fimi.

similis esset liquidæ materiei, quæ vel in styriam, vel in crySTALLUM durefcit, aut Phaetontis fororum lachrymis, quas in electrum solidescere vates fingunt. Sed, missis fabulis, non desunt fontes, quorum aqua facilè lapidescit, innatantibus lignis præsertim adhærescens. Ut autem frigida congelascit, acido brumæ spiritu vel sale, sic microcosmicus uxor simili causa coagulari vel solidescere censetur. A primigeniis coagulationibus ad eas, quæ deinde fiunt, aut fieri creduntur, progrediamur.

Nutritius, c. c., succus, ubi singulas partes, roris instar, asperfit, in gluten & cambium coalescere fertur, acido sale vel spiritu, quem ab aere mutuatitium habet, seu per bronchiorum seu per pororum cutaneorum inspirationem subeat. Secùs solidas in partes firmari potis non esset. Aer corporis habitum ambiens frigore suo succum altilem in gluten & cambium condensare recepta jamdudum opinio est, siue nutritius latex ambientis aeris acido coaguletur, siue spiritus acidus, quem jugiter inspiramus, hoc officio fungatur, seu sal acidus singulis partibus alendis insitus à Naturâ sit, ut

T

qui-

quidam opinantur. Verum enim verò succum illum evaporatione, quam innatus calor excitat, glutinescere, nec non in carnem exsiccatione solidescere posse nemine clam est. Sanguis enim vel quivis alius animalis humor, si decoquatur, primò spifcescit, deinde glutinescit, ac demum, in calcem solidescit, ut acidi salis operâ, seu coagulatione non sit opus, ad nutritionem, id est, ad nutritii laticis in alendam partem metamorphosim. Duas verò causas, quas forsan Natura junxit, separare nolim, nimirum evaporationem & coagulationem. Nutritius succus, ut lac, à coagulatione ducto solidationis initio, dein evaporatione vel exsiccatione durefcit, in carnem, & caseum. Ambientis tamen aeris frigus coagulans principem indurationis causam non esse vel hinc conficias quòd os partium omnium simularium durissima ferè sita sit in altissimo corporis recessu, sive procul à corporis habitu, quem aer ambit. Hactenus de coagulatione quæ secundum Naturæ legem accidere creditur, proximum est ut eam confideremus, quæ contra Naturam contingit.

Si quando stomachi fermentum julto  
aci-

acidius fit, chylum coagulat, nedum cibum dissolvit. Ut enim mediocris acor divisionis & fermentationis causa fit, nihilosecùs modum excedens coagulum efficit. Ubi pancreatis lymphæ justo acidior est, ibi chylus, quem in intestino jeuno jubit, grumescit, aut coalescit. Quum verò bilis prædominium obtinet, acris ejus sal chymum nimis dissolvit ut in sanguinem tenuiorem atque biliosum abeat. Porro chyli, bilis & pancreatici succi gracilibus in intestinis confluvium à Sylvio triumviratum dictum esse miratur qui nescit tragædias M. Antonii, Lepidi, Augustique triumviratu motas, quibus similes præposterus trium illorum humorum concursus miseras ciet. Vitiosa quippe chyli, bilis & succi pancreatici iŷzygia malorum iliadem inferre solet, ac præsertim quum acidus pancreatis latex alkalinum jecoris salem longè vincit, ut chylum liquiditas deficiat. Hinc cæliaca passio colicus dolor, alvus nunc pigrior nunc justo laxior. sexcentæ vasorum obstructions, cæque per-  
 tinacissimæ, modò diarrhææ, modò  
 lienteria, quandoque dysenteria, fe-  
 bres, hydropes oboriuntur. Imò tan-  
 ta nonnunquam acidi vis intestinis in-

est, ut humores in tophos, quos per multos Bernensis puella cecavit, commutarit. Hoc acido prægnans chylus in lactibus coagulatur atque subsistit, unde mezentarii tubercula strumosaque glandulae, quibus medium illud intestinum interdum onustum est. Indidem abdominis tensio, fonticulusque tumor, in tympanitem aut ascitem definens, prout flatus aut aqua prædominatur in tumoris materiâ. Qui chylum infecit sal acidus, idem & sanguinem vitiat, coagulat, eorumque circuitum sexcentis aggeribus compescit. Chylus enim & sanguis lacti similes acido sale vel spiritu coagulati circumfluere nequeunt. Utrunque feri colliquamentum coagulationem sequitur, tam intercutis aquae quam hydro-  
 pis interni materies. Sed in corde vel in arteriis subsistentia coagula, vel sanguinis grumi cessantes, palpitationes, syncopes, polypus, repentinaeque mortes creant. Acidi salis excessus vel ab aere, vel à victu ferè proficiscitur. Hyperboreus aut Brumalis spiritus nimis acidus esse solet, frigus enim ab acido sobolescit. Cibus aut potus acidior cum sanguine misceri nequeunt quin eum  
 coa-

coagulent ac quasi congelent. Quandoque, citra causam extrinsecam cruor nimium acescit, diuturniori febris fermentatione, quæ spiritum volatilemque saltem dissipans acidi salis fræna tollit. Tum humorum massam effrænam coagulat, in serum deinde colliquat, unde dirus hydrops oboritur.

Humores extra vasa stipans tumores excitat, è sanguine phlegmonem, ex bile erysipelas, è melancholiâ schirrum aut cancerum, ex pituitâ vel sero ædema, melicerim, atheroma steatoma, prout tumoris materies propriam formam retinet, aut mel, pulvem, vel sebum coagulata moritur. Sanguinis enim coagulum, proprium vas obstruens circulationem in affecta parte sistit, venasque distendens, atque dirumpens cruoris effusioni fenestram aperit. Unde tumor, rubor, & dolor. Tum sanguis rubri lactis coagulum oculis exhibet. Ac quanquam bilis omnium humorum tenuissima liquidissimaque sit, acido tamen infecta consistit, imò nonnunquam in lapillos durefcit, quos in jecore sæpius invenias. Postea, quis miretur crassos humores, pituitam & melancholiam, quorum hæc



jam est acida , illa verò , ceu cruda subactæ farinæ massa , facilè acescit , coagulari , duritie tenùs. Si verò bilis ipsa lapidescere possit , quidni crassa pituita , vel terrenosalina fæx , in renibus decocta , ceu lateris lutum in fornace dure scat. Idem humor in articulos depluens nodosam arthritidem infert , acido sale coagulatus , ne dicam , in gypsum , aut in calcem induratus. Quæ lues , si foris intrò convertatur , à nostratibus dicitur , *la goutte rentrée , ou remontée* , morbus , ut plurimùm , lethalis.

### *Defixatione , congelatione , cry- stallisatione.*

**F**ixatio , congelatio , crystallisatio , quæ coagulationi parum dissimiles sunt , ei subjungantur velim. Utinam earum exempla naturali microcosmi chymix deessent , siquidem internecinas tragædias , aut turbas ferè movent. Volatili sanè calido , liquidoque vita constat. Ergo vitalis principii fixatio , congelatio , crystallisatio lethiferæ sunt. Cum verò naturale quod est eo prius sit quod contra naturam accidit , an  
ope-

operationes illæ juxta naturæ institutum in animalis corpore fiant, prius investigandum est, quàm eas, quæ contrà naturam contingunt, delibemus. Cum spiritus & sal volatilis princeps vitæ causa sint, utpote præcipuum motûs aut liquiditatis principium, næ volatilitate quàm fixitate magis opus est. Quando tamen justò volatilius vitæ principium ocyùs avolaret, in animeque cadaver linqueret, nisi Natura sufflamen injecisset, ideo volatile fixumque salia miscuit, & in animali contemperavit, ut alterum alteri remora sit, aut calcar. Sal fixum sine volatili, vitalis humoris circuitum, qui proxima vitæ causa est, aut saltem tardaret, aut omninò supprimeret; volatile sine fixo justò rapidiorem faceret, ut in alendâ vitæque donandâ partè subsistere nequiret, ac relictis inferioribus membris, justo levior sanguis caput totus impeteret, unde delirium, phrenesis, lethargus, apoplexis oborirentur. Idcirco fixum inter & volatile justum proportionis æquilibrium Natura statuit, propositaque mortis pænâ, commendat, atque conservat, in jecore volatilis, in liene fixi salis

mineram constituens, ut illa viscera  
 prorsùs similia sint duabus libræ lanci-  
 bus, quarum altera extolli, vel ascen-  
 dere nequeat, quin altera deprimatur,  
 aut descendat; sic Roma, Carthago-  
 que, tam animo, quàm situ, è regio-  
 ne oppositæ fuerunt. Hepatis igitur  
 & splenis equilibrium sublato vitalis œco-  
 nomia magnoperè turbatur, quatenùs  
 volatilitatis aut fixitatis principium al-  
 terum ab altero longiùs vincitur. A  
 splene salis fixi pleno sanguinis fixitas  
 est, ab hepate volatilitas, quippe quæ  
 sulphuris animalis, sive bilis illinc  
 oriundæ proles sit. Cruor è partibus  
 rediens ad dextrum cordis ventricu-  
 lum, per venam cavam, ascensurus  
 tardior esset, nisi jecur ei bilis calcar  
 adderet; Idem è sinistrâ cordis scrobe,  
 velut è candenti chymix crucibulo,  
 prodiens justo volatilior atque celerior  
 esset, nisi fixum splenis sal ejus cur-  
 sum sufflaminaret, ac volatilitatem mi-  
 nueret. Hinc est quòd exsecto liene,  
 quod ipse expertus sum, animal irre-  
 quietum sit, effræni volatilitatis & mo-  
 bilitatis principio, nempe spiritu sale-  
 que volatili. Quapropter canis, cui sple-  
 nem amputaveram, multò quidem agi-  
 lior

lior evasit à vulnere convalescens. In-  
 somnis verò, nec non appetentiâ de-  
 ctâ laborans, postquàm aliquanto post  
 obiisset, ejus jecur aridum, imò fria-  
 bile comperi, quam vim effræne sul-  
 phur intulerat, utpote siccitatis, &  
 ariditatis principium incendiique fo-  
 mes. Ergo fixo non tantùm volatili  
 sale nobis est opus, ad secundam va-  
 letudinem. Si modò volatilis imme-  
 diata vitæ causâ sit, ejusdem custos est  
 sal fixus, sine quo principium illud nimis  
 irrequietum è vestigio dissiparetur.  
 Quod damnum ne citiùs accidat, ab  
 almâ Naturâ cautum est, quatenùs vo-  
 latili salis fixi compedes injeçit, aut  
 contrariam vim opposuit. Principii  
 sanè volatilis expeditio præcipuus Na-  
 turæ finis est, quippe cujus libertati  
 mediocri salus accepta referenda sit.  
 Ideoque cibum in stomacho, tenuibus  
 intestinis, lactibus, sanguiferisque va-  
 sis dividit, ut ejus spiritus extricari  
 queat, verùm instrumenta, quibus ad  
 hunc usum utitur, ejusdem volatilita-  
 tem ferè moderantur, quippe quæ ple-  
 raque omnia sint acida, puta ventricu-  
 li fermentum, pancreatis succus, at-  
 que lactium fortassè lymphæ. Tantæ  
 mo-

molis erat moderamen ponere justum inter fixum & volatile sal, quod partim ab aere, partim ab alimentis petitur. Universalis enim ille spiritus, quem aera vocitant, fixis salibus, non modò volatilibus, est onustus, utpote cunctorum corporum, tam cælestium quàm sublunarium effluvia jugiter excipiens. Arroasio sanè, quam pulmoni nonnunquam inurit, volatilis salis, cuius natura mitis est, effectus esse nequit. At quum Lutetiæ versarer viscus illud sæpiùs in cadaveribus arrosum vidi, postquam epidemica mali moris tussis, quam Parisini vocabant coqueluche, mortem intulisset, ab aere, qui nitri sale vel spiritu scatebat, nam humor ex linteo, quod nebulæ maderecerant, extortus metallum ardebat. Immersus herclè denarius omninò dissolutus fuit. Hinc fixus aeris sal innotescit. Idem in animalis pastu latet, imò plus fixi quàm volatilis salis inest, præsertim acidis, acerbis, vel austeris cibariis, quales sunt fructus aut herbæ, solitum brutorum pabulum. Fixum igitur sal, non volatile tantùm, animalis viscera subit, ut vitalis æconomia sit æqua elementorum

il-

illorum proportio. Volatilis verò fixationem in omnibus & singulis ejus provinciis, quæ tres omnino sunt, demonstremus, postquam Naturæ volatilem extricantis curam alibi monstravimus.

In abdomine, quod præcipua naturalis facultatis sedes habetur, jam salis fixi mineram, scilicet in splene, reteximus. Quocirca quæstio movetur ei similis, quâ quæri solet, an aqua in mari, vel in terrâ falsescat. Ambigitur enim an prima salis fixi fodina sit sanguis aut lien. Nam ex aliis, cruor è splene suum sal fixum haurit, ut unda per terram colata salinis in mineris, quas illic offendit, falsescere creditur. Ex aliis, sanguis prima salis fodina est in liene salinum fermentum, per transennam, deponens. At utraque sententia veri particeps videtur. Fixus quippe sal, quem ab alimentis animalis natura promit, prius in sanguine, quàm in liene, prius in liquido, quàm in solido fuit. Vice versâ, sal fixus quem splen tranfluenti sanguini commodat, ante fuit in solido, quàm in liquido, mutuas ut vices sibi præstent atque retalient, το ὄργανον καὶ τὸ ξηρὸν, liquidum & so.

solidum , in utroque mundo , quorum alter alterius antitypus est. At fixi salis operam in singulis naturalis æconomix munus penitare nobis nunc animus est.

Quoad chylosim salis fixi, qui cibum in stomacho dissolvit, vis naturalem spiritum in chylo nidulantem parumper obtundit, ac quasi ligat, ne liberior in auras avolet. Acidulus pancreatici latex stomachico succenturiatur, a tali qualem ejusdem spiritûs fixationem. Qualis porrò chylus, talis est sanguis simili sale prægnans, nec adeo fixitatis principio vacat. Eadem quippe sunt chymi atque cruoris elementa. Vitalis igitur spiritus, qui sanguinis hospes est, acido chyli sale non fixus quidem evadit, at ejus dissipatio, quadam fixitate tardatur, ne quodvis animal ephemerum sit. Fixum enim melancholiæ sal, quod in cruentâ massâ primitus, dehinc in liene, velut in minerâ stabulatur, tenuissimum atque volatilissimum elementum à dissipatione prohibet. Fixitas igitur à vitali ditione non abest, secùs sanguineus amnis justo rapidior esset, nec in alendis, aut vitâ donandis partibus cessaret, ut expedit,  
nec

nec fatis diu vitalis spiritus in animamando corpore remaneret. Nequidem animalis spiritus, omnium volatilissimus fixitatis compedibus carere potuit, alioquin summam tenuitatem adeptus statim in auras avolaret. Ideoque nerveo succo fuit irretitus, imò propria cerebri substantia viscosa videtur, ut animale spiritum suum incolam removeretur. Hæc ad spirituum custodiam cautela pertinet, ad nutritionem quod attinet, nutritius quidem succus acido spiritu vel sale coagulatur in gluten & cambium, at naturalis vitalisque spiritus, ibidem, eadem operâ, fixatur. Alioquin è solidis animalis partibus nec spiritum nec sale volatilem elicere liceret, ut reapse licet. Genitalis quoque spiritus spermatis crassamento, velut albumine, quod pulli germen continet, retinetur. Istud autem gluten acido fixoque sale crassescere fertur. Idem elementum liquidum sperma solidas in partes, quales sunt cartilagines, ossa, tendines, fibræ, ligamenta, membranæ, vel glandes indurare creditur, ibique volatilem spiritum, quem istinc chymia depromit, fixare. Porro salis acidi vim fixitatisque



que principium inesse spermati vel ex acido luis veneræ viru , quod ejus vitium est, satis superque patet. Nam alkali potentissimo, nimirum hydrargyro, quod acerrimus acidi salis hostis est, dumtaxat debellatur. Ejusdem rei testes sunt locupletissimi humorum coagulationes, sive tumores tam in ossibus quàm mollibus in partibus excitati, lue veneræa grassanti.

Jam de naturali fixatione satis fusè locuti sumus, nunc de præternaturali nonnulla verba faciamus. Ubi salis fixi vis volatili prædominatur, tum omnes operationes, quarum volatilis spiritus author est, fatiscunt, ac tantum non feriantur. Tunc æger esurit quidem, at cibos non decoquit, ut in hypochondriacâ melancholiâ boulimiaque quæ salis fixi prolapia sunt. Tunc temporis ventriculus aceti stillatitii quasi lecythus est. At mediocris quidem acoris gradus dividit, modum excedens coagulat, ac spiritum fermentationis authorem extinguit. Nimis acidus pancreatis latex chylum, in intestino jejuno, coagulat, ejusque spiritum saleque volatilem fixat; ne posthac facili negotio expediatur, sublimisque  
ce-

cerebrum petat, vitalis & animalis spiritus materies. Id verò fixitatis principium in pectore capiteque cruorem sequens, non modò vitalis & animalis spiritus volatilitatem comprimit, verum & dyspnæas, aut lipothymias & palpitationes in thorace, lethargos, apoplexes, & paralyfes in capite parit, in illis tractibus languente spiritu, humorumque circuitu cessanti. Variolæ, morbilli, nec non malignarum febrium papulæ causæ similis effectus esse solent; hæc enim symptomata subcutaneum cruoris coagulum produnt; à volatilis spiritus & salis fixatione calculi, pertinaces vasorum obstructions, hydropes, tumores, ac præsertim schirri, cancrique salis fixi tyrannidem sequi solent, ut & lepra, lichen, impetigo, scabies à salis fixitate, quam carnis & cutis arrosio fati & super indigat, progerminant. Cauteria quippe, quorum eschara cutaneis istis affectibus parum dissimilis est, è sale fixo constant. Tandem sphacelus & mors ultimus fixi salis effectus est, ubi spiritus & sal volatilis, princeps vitæ causa, fixo prorsus extincti vel perempti sunt.

Fixa-

Fixatio, de qua nuper, spiritum & salem spectat, ad humorem pertinet coagulatio, cujus species est congelatio, de quâ nunc verba facturi sumus. Ut enim vita calore constet, liquidaque frigore ferè congelentur, aliquam tamen congelationis similitudinem, aut speciem, in viventi corpore reperiatis. Pituita vitrea, quæ nonnunquam post gravissimum tormen, dejicitur, glaciei jam pridem assimilata fuit. Galenus actu frigidam & quasi congelatam semetipsum excrevisse scriptum reliquit. Si quando sal acidus accedat crassæ pituitæ, ceu crudæ chyli parti, tum aliquatenus congelascit, ut gelatina, cui nonnihil acidi miscuerunt, quò liquida consistat. Lentum illum humorem per sedes aut vomitum è stomacho vel ex intestinis excretum nemo non vidit. Væ materiem illam viscidam ac obstruendis vasis idoneam in corpore retinentibus, utpote quibus dira malorum hydra nesciis immineat, aut inopinos opprimat. Hæc saburra lenta calculi materiem ferè præbet, quum justo calidiores in renes incidit, decoquenda, vel induranda. Si tamen antequam in lapidem concreascit & dure-  
rescat,

rescat, per renes, ureteres, vesicam & uretram excernatur, tum velut albumen, aut liquefcentem caseum, in matulâ conspicias. Quocumque materies illa decumbat, eò gelatinam deponit. Hinc articulorum tumores humore lento pleni priusquam eorum materies glaream aut gypsum mentiatur. Indidem atheroma, meliceris, steatoma tumores quasi pulte, melle, seboque referti, quippe quorum materies acido sale, vel spiritu concreseat, ac quasi congelascant. Nam & ipsa glacies est ab acido principio, quod in undam ab aere brumali proficiscitur. At naturalem ordinem invertisse videmur, dum accidentalem humorum congelationem ei, quam Naturæ tribuunt, præmissimus. Initium enumerationis à primigeniâ ducamus. Primam liquidi seminis solidationem ad congelationem referunt, ac præsertim cartilaginum, & ossium formationem, quâ sperma, velut in lapidem, congelascit. Reliquæ partes equidem solidescunt, at molliores remanent. In humoribus oculi primigeniis vitreus & cristallinus è liquido semine, veluti gelu, concreescere videntur. Imò, si quando cataractâ

V

spis.

ipiffefcat aqueus, in fenibus, tunc hyeme fenili congelafcere putatur, vitali calore fatifcente, acidoque fale prædominium obtinenti, quòd fpiritus & fal volatilis jam abfumtus fit. Sed congelationis idea parùm in animalis formationem quadrat, quippe quæ fiat in loco calido, nimirum in utero, quem fornaci jamdudum affimilavimus. Abfit à noftris chymix naturalis officinis frigus afperum, quod gelu creando par fit. Ejus imitatrix artificialis chymia pyrotecnia vocatur, quoniam ignis longè præftantiffimum ejus instrumentum eft. Humorù igitur congelatio cum vitâ compoffibilis non eft, etfi folito minor calor frigoris rationem habens, humores quadantenùs congelare poffit. Sic colliquata metalla foliditatem recipere videmus, etiam in loco calido, cujus tamen calor intefino metallicarum partium motui confervando non eft. Huic enim affectui quivis caloris gradus par non eft. Ergo fpermatix materiei, quæ folidas in partes concrefcit, indoles, vel in tepido matricis finu, folidefcere poteft, ubi partium ejus motus minor fit quàm ut earum liquiditati fervandæ par fit.

Post,

Postquam aliquali congelatione formatus est embryo vel fœtus, ejus corpusculum simili ratione nutriri videtur. Etenim Hervei colliquamentum, quo potissimum fœtus vesci creditur, gelatinæ dissimilis non est. Ex animalis certè succo gelatinas conficere familiaribus experimentis liquet. Carneum jusculum frigescens, imò tepescens spissescit & quasi congelascit. Quidni potius Natura, quàm ars, ex matris humoribus in placenta decoctis & colatis gelatinam fingeret ad fœtus nutritionem? Semen ipsum utriusque sexûs similem consistentiæ modum atque gelatina nanciscitur. Tandem adeps & sebum ex pinguiori sulphureaque sanguinis parte concreescere vel quasi congelascere fertur, ab acido potius quàm à frigore, quod cum vitâ compossibile non est, nedum cum secundâ valetudine, cujus signum pinguis habitus habetur. Hoc igitur consilio sanguinem aliolve succos acido sale Natura condiit, partim ab aere, partim à pastu principium illud depromens. Ut enim acidis sæpius vescimur, sic & acidum spiritum respirando ducimus. Acor autem ille coagulationi quidem,

dem, non congelationi nedum cry-  
stallificationi par est.

CrySTALLUS quippe dicitur, ὅτι κρύει  
σπλίνεται quia frigore contrahitur aut con-  
crescit. At quamvis animalis corpus ex-  
terno frigori sit obnoxium, id tamen, ut  
ut penetrabile sit, vitalem humorem sic  
non afficit, ut eum omninò congelet,  
nedum in crystallum mutet. Aliqua  
tamen crystallizationis species ei pror-  
sus non deest. Oculorum saltem hu-  
morum alter crystallinus vocatur, ut  
animalis propria natura crystallum effi-  
cere dici possit, at minùs accurate lo-  
quendo, siquidem oculi crystallus ge-  
nuina non est, etsi diaphaneitatem  
& consistentiam crystallinæ similem  
nactus sit: Ossium formatio propiùs ad  
crystallificationem accederet, nisi par-  
tium nostrarum durissimas pelluciditas  
deficeret. Ossèa certè crystallinaque du-  
rities & fragilitas parùm abfimiles sunt.  
At liquidam ossis materiem potiùs cry-  
stallificatione, velut salia, quàm coctio-  
ne, sicut lutum in laterem, duresce-  
re caloris uterini mediocritas suadet.  
Ossium crates in liquido semine, ve-  
lut corallium, in undâ, soliditatem  
apiscitur. In falsâ, non in dulci lym-  
phâ,

phâ , corallus germinat, unde conjecta-  
re licet salinam naturam germinis il-  
lius causam esse, crystallefcendo, quam-  
vis ei diaphaneitas defit, ad formalem  
crystalli rationem, quæ si pelluciditate  
carere queat, calculi genefim, ubicum-  
que fiat, ad crystallizationem eò com-  
modiùs, quàm ad indurationem, quam  
later in fornace, vel lutum ab insola-  
tione fervidiori confequitur, referri po-  
teft, quòd mediocris membri coquen-  
tis calor tantæ deficcationi vel indura-  
tioni par non fit, præsertim cum hu-  
miditati conjunctus fit. Cum verò cry-  
stalli forma diaphaneitatem, non mo-  
dò duritiem, complectatur, germana  
crystallifatio, potiùs extra corpus,  
quàm in animalis corpore conspicitur,  
ubi falina lotii pars in crystallos matu-  
læ adhærentes concrefcit. Tum utra-  
que crystallinæ formæ pars abest. Un-  
de falina concreta crystalli dici folent,  
eorumque concretio crystallifatio; bar-  
bara vox ufui, qui jam invaluit, con-  
donetur velim. Gemmæ draconis in  
cerebro formatæ fabula jamdudum ob-  
foleta est, nequis hoc genuinæ crystal-  
lizationis exemplum in animalis corpo-  
re tandem obtrudat mira dicendi cacoe-



te pruriens. Ad batrachiten quod at-  
 tinet, si forsan extet in rerum natu-  
 râ, namque dubitandi locus non deest  
 in bufonis capite lapidem usque repe-  
 riri, nullum enim in eo sæpius à me  
 disseccto vidi, saltem is ad crysalli ge-  
 nus non pertineret, cum is opacus sit,  
 quem pro bufonio venditant. Aetites  
 in aquilæ nido, non in corpore, for-  
 matur, nec pellucidus est, ut ad cry-  
 stallorum familiam accedat. Bezoardi-  
 cus, fateor, lapis in hirci cujusdam  
 ventre fingi perhibetur, at præter-  
 quam quod sincerum Bezoar, quod  
 Orientale cognominant, tam ferè ra-  
 rum est, quàm phænix, adhæc non  
 pellucet, ut crysalli sibi nomen arro-  
 get, nec ejus in animali concretio ve-  
 ræ crysallificationis exemplum, in eo  
 genere præberet, vel in ordine natura-  
 li, vel in præternaturali, cui lithiasis  
 accedit. Armenta gregesque spiritu,  
 quem telluris hiatus emisit, in lapi-  
 dem obriguissè, velut Medusini capitis  
 obtutu, narrantur, sed crysallifor-  
 mis nitoris mentio nulla fit, ne qui-  
 dem in uxoris Loti salinam in statuam  
 metamorphosi, quæ tamen diaphanci-  
 tatem polliceri videbatur, salinæ quip-  
 pe

pe cryſtalli diaphanæ ſunt. Verùm hæc formæ mutatio in ordine naturali minimè verſatur, nec adeo germanam cryſtallificationem in animalis corpore factam oftenderet. Huic ſpiritûs formationem, ſpiritualiſationem barbari dicunt, opponas velim.

### *Spiritualiſatio, corporificatio.*

**H**Omini geminus ſpiritus ineſt, alter nempe germanus & immaterialis, quem Mentem dictitant, alter ſpurius, nempe tenuiſſima materies, quam vel ab alimentis, vel ab aere, mutatur. *Tribus quippe rebus animantium vita tenetur*, inquit Cicero, 2. de Nat. Deor. *ſcilicet cibo, potione, ſpiritu*, quo ſanguis reſpiratione ditatur, ac ſpirituaſcit, ut ita dicam, adeo ut ſpirare, reſpirare, ſpiritum ducere, vel animam attrahere verba ſint ſynonyma, unde ſpirituales, id eſt, vitales auras dicimus, & ſpiritualẽ fiſtulam pro alpe-râ arteriâ; *Spirabilem animam* Cicero dixit de Nat. Deor. Maroque *ſpirabile lumen*, pro vitali lucidoque aere, quem inſpiramus. Cum autem ſpiritus, qui

ducitur, microcosmum, ad instar venti, perfleret, ab illa similitudine, spiritum pro vento Virgilius usurpavit, sequenti carmine,

*Ac velut Edoni Boreæ, cum spiritus alto  
Insonat Ægeo.*

Igitur ubi chymia corpus in spiritum aut, vice versâ, spiritum in corpus convertere profitetur, voces illæ tropicè sumuntur, si tamen opus sit hac admonitione, quæ prorsus inutilis eis videtur, qui vel prima physicæ rudimenta vel primoribus labris, degustarunt. Ut enim germanus spiritus in corpus, sic genuinum corpus in verum spiritum mutari nequit, tantum est discrimen, quod summa substantiarum genera determinat. Quoties crassum idemque solidum corpus, puta sal, qualecumque sit, in subtile stacma distillatur, toties spiritualisatio celebrari fertur, & vicissim corporificatio fieri dicitur, quum spiritus stillatitius corpori, unde fuit elicitus, aut certè congeneri, restituitur. Similem reciprocationem in animalis corpore nunc contempleris

velim. Animalis spiritus, cui perficiendo Natura sedulam operam navat, in corpore, velut in chymiae Naturalis officinâ, tres potissimum vices subit, aut totidem extricationis gradus antè perlustrat, quàm summam vim, aut perfectionem assequatur. Spiritus est tenuissima simul & actuosissima mixti pars. Hæc verò crassioribus eoque nomine segnibus elementis intricata primitùs jacet, nec vim suam explicat, donec ab illis tricus expediatur. Tunc res, quibus inest, spiritualefcere dicuntur. Princeps animalis spiritûs materies aer est, fateor, at præter illud subtile corpus, suus cuique speciei spiritus proprius inest, adeoque singulis alimenti generibus, speciebus & individuâ non deest. Penès tenuissimum illud elementum est præcipua pabuli vis & efficacia. Quamobrem eidem extricando Natura jugiter incumbit, in abdomine, pectore capiteque, spiritumque naturalem, vitalem & animale eadem operâ perficit. Idem elementum tam subtile, quàm efficax, postquam à compedibus, quibus impediabatur, expeditum est, spiritus naturalis in chylo, vitalis in sanguine, demum ab hoc secretus animalis

lis in cerebro nervosoque genere nuncupatur, ut varia spiritus ejusdem nomina non tam Naturæ quàm expeditionis diversitatem sonent. Animalis, puta, spiritus vitalem atque naturalem tenuitate libertateque longè vincit. Trium illorum spirituum imago cuius est obvia, mustum, vinum hujusque spiritum attentè consideranti. Stillatitium quippe meri stacma naturâ diversum non est à spiritu, qui temeto, vel musto priùs inerat, sed libertatis gradu, nam qui destillatione jam à vino separatus est, is prorsùs à tricis expeditus est, idem etiamnum impeditus in vino mustoque, quemadmodum animalis spiritus in cruore chyloque priùs latebat, quàm in capite, mediante cerebri qualo secerneretur. Is verò fermentatione, quam chylus in stomacho, intestinis & lactibus, sanguis in propriis vasis & visceribus, quæ pelluit, passus est, priùs extricatur, quàm in capite, velut in metæ stillatitiæ culmine distillatur. Humor ex quo venit eliciendus, in pectore, nec non in abdomine, velut in alembici cucurbitâ focoque calefit, rarescit leviorque caput sublimis petit, per ascendentem  
aortæ

aortæ truncum, illicque spiritum fermentationibus, infusionibus, macerationibus, circulationibusque sexcentis extricatum linquit. Sic habes microcosmi spiritualisationem, ad quam animalis humor valdè proclivis est. Totus enim ferè sanguis spiritualescit, aut ejus certè sal volatilefcit, ut sublimis cerebrum conscendat, sulphureis alis subvectus, ut alter Icarus; nunc eam spiritûs reductionem, quam corporificationem chymica barbaries vocitat, speculari libet.

Ea verò multifariàm in animalis corpore fit. Ac primo quidem spiritus naturalis cum chylo, vitalis cum sanguine, tandem animalis cum nerveo succo, genitalis cum spermatis crassamento conjunctus est, ac quasi incorporatus, ut illis compedibus retineretur, alioquin, præ summâ tenuitate, mox in aures profecturus. Sic aer, quem universalem spiritum meritò dicunt, sublunaria corpora penetrat, & iisdem, quasi captivus, inhæret, juxtà sequentem Maronis sententiam,

*Spiritus intus alit totosque infusa per  
artus*

*Aura agitat molem magno se corpore  
miscens.* Quæ

Quæ descriptio cunctis animalis spiritibus ac præsertim animali competit. Hic autem postquam è sanguine, mediante cerebri cribro, secretus est, eodem rursùs, multis modis, incorporatur. Ac primo quatenus in stomacho, cum chymo, cruoris materie, miscetur. Nam insignis nervus, octavi paris ramus, in illam ventris ollam, animale spiritum, ceu generosum fermentum, affundit. Secundò spiritus idem in intestinis, mezenterio, lactibus, cum eodem chymo miscetur, cum in illa vasa lymphatica densa nervorum caterva, juxtà solemnem Naturæ ritum, inseratur. Unde nervosus plexus in stomacho, intestinis & mezenterio multiplex occurrit, ceu totidem animalis spiritûs gazophylacia. Quid si lympa, quæ lactes replet, nihil sit nisi condensatus spiritus, ut quidam autumant? Is primò cum lymphatico latice concorporatur, caloris imminutione concrefcens, in corporis habitu. At animalis spiritus cum sanguine, non solùm cum chylo confluit & incorporatur. Plurimæ quippe nervorum propagines in vasa sanguifera passim inseruntur, ut humorem, quem

ea

ea ducunt, spiritu ditent. Sic spiritus & humor in idem corpus iterum coeunt, ut ita conjuncti circulationis stadium minùs ægrè decurrant. Quod calcar venoso sanguini præsertim admovendum erat, utpote tardiori, quàm arteriali. Quare Natura venis potiùs quàm arteriis nervos plurimos inplantavit, ac velut clavulos, inoculavit. Prætereà spiritus sanguini, unde profectus erat, restituitur, ut in sanguinem chyli metamorphosis promoveretur, quippe fermentatione, quam spiritus juvat, perficitur. Adhæc, animalis spiritus in sanguinem cohobatio recrementorum secretioni nec non ejus defæcationi favet. Haud aliter turbidum merum affuso vini spiritu clarescit & defæcatur, sive fæces, affuso spiritu, ceu protrudente clavo, præcipites ruant, sive spiritu, ceu flamine, liquidæ massæ poros perflante, foràs pellantur. Postremò, si clarissimum Wilisium audias, animalis spiritus, in musculi sinu, cum arteriali succo miscetur, ut utriusque vehemens explosio vim musculorum elasticam cieat, aut elaterem agat. Nitrum enim & sulphur, quibus sanguis onustus est, ani-

mali



mali spiritu, velut igniculo, vehementer subitoque rarefcunt, ac, ut ita cum chymistis loquar, exploduntur, ad muscularum fibrarum distensionem, musculique tumorem, qui motûs actum antecedit, in torosis athletis præcipuè conspicuum. His potissimùm modis animalis spiritûs corporificatio fit, humor enim densus tenuissimo spiritui comparatus corporis rationem habet, animæ verò vicem subtilitate mobilitateque spiritus ille gerit. Hujus certè vocis radix, *ἀνεμος*, ventum Græcis sonat. Verùm spiritus solidis, non modò liquidis partibus inhærescit, & incorporatur. Næ, multus spiritus ex illis elicitur, analysi chymicâ, quæ jam formatum eum elicit, non format, ut quidam hario-  
 lantur. Nihil sanè dat quod non habet. Animalis igitur membra quem distillatione spiritum emittunt, eum priùs obtinebant. Huc alludebat prisca schola spiritum dividens in influum, qui singulis horæ momentis, in singulas partes jugiter influit, & insitum, quem eis Natura primitùs insevit, ceu primigenium vitæ germen. Porro quanto crassior substantiæ modus solidis quàm liquidis partibus inest, eo  
 po:

potiori jure spiritus incorporari dicitur qui prioribus, quàm qui posterioribus immiscetur. In majori, non solum in minori mundo spiritus corporificationem suspicias velim, quum aer, quem quidam definiunt tenuissimum univerforum corporum effluvium, eadem rursus penetrat. Qui verò liquida subit, is minùs corporefcere videtur, quàm qui solida pervadit, aut penitissimis eorum recessibus, ceu captivus, inhæret. Universalis ille spiritus ex omnibus & singulis corporum speciebus elicitus, tam igne cælesti quàm hypogæo, primùm cum imbre incorporatur, dein cum omnibus terrenis corporibus, quæ pluviâ madent, ac in primis cum plantis, unde paulò post in genus animale, quod eis vescitur, demigrat, metempsychosi verâ, cum fabulosa sit ea, quam Pythagoræi tantoperè decantant. Sedenim ad rhombum redux orationis vela contraho, de spiritus animalis tantùm corporificatione verba fecisse contentus. Hic porrò spiritum animale voco, non eum tantùm qui per nervos in singula membra spirat, sed eum qui non fossilibus, aut plantis, sed animalibus

libus inest, five chylo, five sanguini; seu nerveo succo, seu liquidis, seu solidis partibus inhæreat. Ne durissima quidem ossa spiritus deficit, cum ex illis arte chymicâ depromatur. Ossium verò spiritus eò magis corporificatus dicatur, quò durioribus corporibus inest. Durities enim & crassities corporeæ naturæ characteres sunt, incorporeæ verò tenuitas. Hinc est quòd à denso Philosophorum vulgo mens ipsa tenuissima materies perperam haberetur.

### *Reductio, extinctio.*

**S**piritualisationem & corporificationem, in chymicarum operationum catalogo, vivificatio, mortificatio, reductio & extinctio alii dicunt, sequuntur. Reductio mixtorum, aut elementorum in pristinum statum restitutio est, postquam, e. c., spiritus quibusdam materiis conjuncti, vel concorporati fuerunt, indidem destillatione rursus deducuntur, priscoque statui redduntur. In metallico genere reductioni maximè locus est. Quippe quâ metalla, quæ

variis corrosionibus, calcinationibus, sublimationibus, & dissolutionibus destructa fuerant, pristinum in statum revertuntur, priscamque naturam recipere videntur, quamvis ea potius larvata, quam amissa fuerit. Sic hydrargyrum in cinnabari latens, reductione, fit redivivum. Nam reviviscere dicitur, ubi remotâ larvâ, prisca forma, quam abdebat, patefcit, aut in conspectum redit.

Simile quidpiam animalis in corpore contingit. Animalis spiritus cum chylo, sanguine, cæterisque humoribus miscetur, ac velut extinguitur; idem verò reducitur, ac restituitur, quoties humores, quibus inest, cerebrum destillandi repetunt. Chylus equidem non est immediata cephalicæ distillationis materies, sed cruor: postquam verò fermentatione sanguineam formam induit, tum ejus spiritus satis extricatus distillatur. Non secùs vinum, quod sanguini respondet, destillationi subjicitur, non mustum, quod chylum similitudine refert, ac cujus spiritus etiamnum intricatior est quam ut emergere, vel expediri distillatione queat. Non is modò spiritus,

qui cibis primitus inerat, aut ab aere respirando ductus erat, in cerebro cernitur, verum & is, quem nervi cum humoribus cohobaverant. Ac, in primis, circa cardinem istum praesens reductio versatur, quanquam & spiritus ab alimentis oriundus etiam, eadem operâ, reviviscit, id est, à crassioribus elementis, quibus impeditus est, expeditur, prioremque vim & naturam recuperat. Si lympa sit animalis spiritus, aut nerveus succus, at idem habitus frigore condensatus, tunc sententia nostra rectius procedit. Densatus enim ille spiritus ad caput redux facilius rarefcit, ac attenuatur, expediturque, qui sunt omnes spiritus effingendi modi. Præterea, cæterorum elementorum, non solum spiritus reductio fit in animalis corpore. Puta, sulphur, quod mixtis, ex quibus animal nutritur, & ejus humoribus inerat, in jejunio, sal in liene, phlegma in renibus, terra, sive caput mortuum in intestinis, ut spiritus in cerebro reviviscit. Alvina faex, fateor, terra mera non est, mortui tamen capitis rationem habet, quod quum excernitur, animalis naturæ tam inutilis sit, quam mortuum

tuum caput chymiae cassum est. Ad hæc, sal purus putus in splene non reponitur, sed idem cum capite mortuo phlegmateque mixtus ac temperatus, nec meracum sulphur in hepate, nec phlegma sincerum in renibus, sed aliis elementis conjuncta, verumtamen ea reviviscere dici possunt, quatenus ibi locorum sub propriâ forma spectabilia occurrunt, saltem sulphur in bile, phlegma in lotio, vel in sudore. Terra quidem in oleo sicco conspicua satis est, at sal in splene sapore magis quam colore, vel propriâ figurâ deprehenditur. Fixi quippe salis in splene prædominium ex melancholicæ fæcis acore satis intelligas. Salinæ verò reductiones aut concretiones potius in renibus aut vesicâ spectari possunt, ubi calculi, vel arenæ formantur, ac præsertim in matulâ, quum urinæ salia concreverint in crystallos, tum enim vera salis reductio fit. Tandem elementorum, ex quibus animal conflatum est, reductio fit, ubi chymica eorum analysis instituitur, tunc enim spiritus, sal, sulphur, caputque mortuum eatenus reviviscunt, quatenus ab invicem secedunt, ut propriâ sub formâ conspici

queant viventis corporis destructio; quam mortem dicunt, elementorum, ex quibus confit, ultima dissolutio est. Cadaver enim in tumulo, velut in mortuario, teritur, donec in pulverem revertatur. Cum autem mixta præsertim elementorum mixtione constent, hinc conficias eorum reductionem animali ferè minùs salubrem esse, sincera siquidem elementa turbas agunt, excepto spiritu, cujus regnum clemens, & salutiferum est, cum aliorum principiorum prædominium sæva tyrannis sit, quam malorum ilias ferè sequitur. Ideoque Natura sedulò cavet ne prædominentur, sulphur per hepar, sal fixum per lienem, phlegma per renes, caput mortuum per intestina supervacaneum excernens. Eandem ob causam, ne iusta crasis, qua sese mutuò contemperant, violetur, jugem operam navat, probè gnara malorum, quæ dyscrasiam eorum stipare solet.

Si quod igitur elementum, præter spiritum, tyrannidem ambiat, id, propositâ mortis pænâ, deprimendum venit, operatione, quam Chymistæ mortificationem satis barbarè vocitant. Sal fixum in impetigine, lichene, scabie,  
nec

nec non in herpete prædominans sale volatili, vel spiritu retundendum, aut phlegmate diluendum, quo per sedes, aut urinas deturbetur, aut ejus acies sulphuris tomento, ceu stupis obducenda. Sulphur in febribus, ictero, vel inflammationibus, ac præsertim in erysipelate, cholerâque morbo nimis accensum, aut acidis salibus præceptis deijciendum est, aut refrigerantium & diluentium flumine restinguendum. Phlegma, cujus luxuries hydropem, aut ædema creat, diaphoreticis, sudorificis, ac hydragogis absumendum est, ut microcosmi palus, aut stagnum exsiccetur. Denique caput mortuum in hæcticâ febre, constipatione, vel cacochymiâ nimum abundans purgationibus minuendum, aperientibus incidendum, volatilibus aut spirituosius pharmacis actuandum, aut humidis diluendum incumbit, ut excerni queat, neve spiritum opprimat, & humorum circuitum supprimat. Verum arte nihil opis conferente, spiritus & sal volatilis sale fixo, capiteque mortuo sæpius obruuntur, aut phlegmatis luxurie restinguuntur. Salis fixi mitigatio, mediante volatili, mortificationis quo-



que species est. Cujus genus, si ritè definiatur, exterioris figuræ mutatio, vel occultatio, juxtà chymiatrorum placitum, plures alias ejus species in microcosmo suspicias. Dum enim alimentum in chylum, hic in sanguinem, cruor in lympham, aut succum nerveum facescit, prioris forma sic deletur, ut posterioris sola supersit, atque adeo nutrimentum perit, ubi chylescit, ut chylus, quum in sanguinem vertitur, cruor simul ac in lympham aut in nerveum succum abit, nutritiusque succus, qualiscumque sit, ubi solidas in partes facescit.

Verùm ad animatum genus præsertim nex & vita, de quibus nunc, pertinent. In fossili quidem genere, metallum mori videtur, ubi sic dissolvitur, ut ejus forma perire videatur, aut certè deleatur. In vitam verò reduci dicas, quum pristinam formam recipit. Plumbum, e. c., corrosus aceto stillatio, propriam formam exuit, cerusaque fit & vocatur, eandem verò reductione recuperat, ubi plumbum, acidis salibus remotis, reviviscit. In vegetali tribu, planta velut mortua, jacet, in semine, quod germen recon-

dit,

dit, germinatione verò reviviscit. In animali familiâ, sphacelus, gangræna, mors ipsa præsentis argumenti exempla, quæ utinam deessent, ministrant, hominis resurrectio reductionis species erit. Ad elementa quod attinet, Saturni sal in plumbum reviviscit, quum aceti sal & spiritus exempti sunt, ipsi reviviscentes. Ardens Saturni spiritus diversus non est à vini spiritu, quem fixum aceti sal, quasi captivum detinebat. Quæ consideratio primum ad genus pertinet. In secundo, vegetalis spiritus fixo brumæ sale peremptus videtur, unde vegetalis naturæ deliquium, at idem redeunte vere, redivivus micat, plantæque mortuæ, velut è tumulo, revocantur. Fixus earum sal, quem earumdem cinis abdit, hujus lixivio fusus crySTALLIFICATIONE reviviscit. Tandem in animali genere, spiritus sale fixo domitus, quasi sepultus jacet, in hydrope, melancholiâ, cachexi, scorbuto, sed volatili sale spirituque restituto, redivivus expurgiscitur. In gangrænâ, morteque, totius corporis sphacelo, spiritus & sal volatilis prorsus extincti sunt, nec resurgent, nisi novissimo die, quum homo, relicto cœ-

meterio, pristinæ vitæ usuram recipiet. Sed durante vitâ, reductionis & mortificationis chymicæ vices elementa subeunt. Lien, puta, spiritûs & salis volatilis tumultus est, quippe qui sale fixo scateat. Hepar sulphuris, ren phlegmatis, cerebrum spiritûs, crassum intestinum terræ microcosmicæ centrum, ac quasi regna sunt. Ibi quippe principium prædominans alia sic subigit, ut efficaciam eis demat. Quod autem elementum hic deprimatur ac quasi interimitur, idem illic velut è mortuis suscitatur. Spiritus & sal volatilis in splene salis fixi tyrannide velut interfecti, jecoris, cordis & cerebri suppetiis resurgunt. Hepar quidem sali fixo sulphuris alas commodat, ut volatilesceat. Omnem enim salis volatilitatem à sulphure præsertim oriundam esse quorundam chymistarum placitum est, idque verisimilitudine non vacans. Cor spiritûs & salis volatilis resurrectioni suam symbolam confert, quatenus igne, cujus maximus focus est, sulphur accendit, cujus accensione conducit aer, quem pulmo cordi supeditat. Postremò, cerebrum spiritum jam laudatorum viscerum ope suscitatum

rum omnimodam in libertatem, ac quasi perfectam in resurrectionem vendicat. Hujus elementi suscitatio præcipuum Naturæ consilium atque propositum est, utpote cujus vis princeps vitæ radix sit. Vita porro dicitur, quasi vis in viventibus sita. Quam ob rem de reliquorum elementorum, utpote minùs vitalium reductione, vel restitutione parùm solliciti potiùs eorum tyrannidem ambientium depressionem meditamur, augendo spiritûs & salis volatilis vigori potissimam operam dantes. Si quando tamen arido corpori phlegma desit, id largo potu, cæterisque remediis humectantibus & refrigerantibus restituendum incumbit. Ubi sulphur sale fixo capiteque mortuo velut oppressum & interfectum jacet, ab inferis revocandum est, pinguibus aut sulphureis alimentis. Imò terra caputque mortuum nonnunquam desideratur, in subtiliori sanguine, cujus circulationi, vel sublimationi rapidiori sufflamen injicendum est, terrenarum sive crassiorum escarum remorâ, quam legumina, furfuraceus panis, & caro bubula præbebunt. Cavendum tamen est, ne ciborum illorum abusu  
ni.

nimia tarditas inferatur. Sic enim *Incidis in Scyllam cupiens vitare Charybdim*. Crassioris humoris excessum meruebat Hippocrates prohibens ne quis nimia panis copiâ sese repleret. *Omnis, inquit, repletio mala, panis autem pessima*. Cujus aphorismi ratio duplex adducitur, altera, quod panis abusus vitalem humorem sic increasset, ut circulationi par non sit, altera quoniam miser & macer ille victus paupertatis indicium & effectus est. *Magnum porro paupertas opprobrium jubet. Quidvis & facere & pati*. Quibus vocibus Horatius egestatem gravissimum esse malum innuit. Quam sententiam, proh dolor! maxima gentis humanæ pars verissimam experitur.

## M I X T I O.

**M**Ixtione sæpiùs iteratâ fiunt elementorum occultatio, vel depressio, manifestatio, vel exaltatio, quæ vox chymistarum barbariem redolet. Idcirco de mixtione, prout ad animal pertinet, hic verba faciemus, ea tamen omisâ, quæ mixtum ex elementis componit,

ponit, utpote longiùs à confilio vel argumento nostro diffitâ. Porrò miſturarum alia extra corpus, alia in corpore fit, in priori genere pincerna portionis materies miſcet, juſto calidiorem frigidâ temperaturus, quo ſenſu Plinius dixit lib. 7. cap. 56. *Vinum aquâ miſcere Staphylus docuit.* Coquus dapes conſciens alteram miſturam adhibet, cujus Columella meminit, lib. 6. cap. 4. ſequentibus verbis, *Multi largo ſale miſcent pabula.* Haſtenùs de miſturis externis ad nutritionem pertinentibus, queis internas ſubjungemus, fuſiusque perfequemur, ceu præcipuum hujusce capitis argumentum. Alimenta primùm in ore cum ſalivâ miſcentur, ut ejus liquiditate molleſcant, ſaleque vel ſpiritu fermentefcant, ut à naturali regno, quod primum eſt, initium ducamus, vitale demum & animale perluftraturi, donec omnes aut certè pleraſque cunctas mixtiones animalis in corpore contingentes emenſi fuerimus. Secundus mixtionis locus eſt ſtomachus, ubi potus cum cibo miſcetur, ut hic illo diluatur, faciliùs diſſolvatur, colliquatusque per totum corpus alendum diſtribuat. Diverſa veſcorum genera ſæpiùs aſſumuntur,

muntur, quò salium, aut aliorum elementorum diversitas fermentationis, quâ potissimùm dissolvuntur, occasio fit. Ergo cæna, quam Horatius dubiam vocat, salubris esset, nisi dapum varietas intemperantiæ causa foret. Præter diversam alimentorum naturam, tria fermenta confluunt in stomachum, ad faciliorem eorum dissolutionem, nimirum animalis spiritus, quem insignis octavi paris nervus in ventriculum infundit, acidula lympa stomachicis è glandibus scaturiens, nec non ibidem superstites chyli reliquiæ. Trinum illud fermentum cum cibariis dividendis commiscetur, stomachicusque triumviratus dici mereretur, ut Sylvius id nominis indidit trium humorum in jejunum intestinum confluentium mixturæ, quod hujus errores animali magis calamitosi sint, quàm trium virorum regnum Romæ noxium fuit. Chylus autem, bilis & succus pancreaticus in intestino secundo miscentur, ut illorum humorum primus aliorum contrarietate dividatur, & ulterius fermentescens attenuetur, ejus fæculis acidocallicreatis latice præcipitatis. Cum hoc autem alkalinus bilis sal colluctari

ne.

nequit, quin chymus, illius pugnae palæstra, magis ac magis dissolvatur. Eodem consilio cum lactium lymphâ paulò post miscetur. Lacteæ quippe venæ non chylum modò ducunt, sed etiam lymphidam undam, quæ quartum chyli fermentum est. Denique chymus in subclaviis venis cum cruore confunditur, in eum commutandus, vel proprio, vel alieno marte. Quamvis enim innatâ vi fermentescens sanguinescere possit, attamen hæc metamorphosis faciliior fit cruoris auxilio, quemadmodum mustum ultrò, seu propriâ fermentatione, vinefcere potest, etsi faciliùs in vinum commutetur, si generosum merum eidem admisceas, ceu calcar, quod mutationem illam deproperat.

In cruentâ massa, præter elementorum diversitatem, quæ vitalis fermentationis ansam præbet, ac præter chyli sanguinisque mixtionem, cujus proximo paragrafo meminimus, quatuor humores, nempe merus sanguis, bilis, melancholia, pituita, priscis à physiologis, alii que multi, tam nutritii, quàm excrementitii à Neotericis commiscen-  
tur; nam præter bilem, quam in hepate,



te, melancholiam, quam in liene, fœrum, quod in renibus & vesica mingendum, aut in corporis habitu sudandum deponit, lympham in glandibus, animale spiritum nerveumque succum in cerebro linquit, adeo multæ succorum species confluunt in illum acervum, quem sanguineam massam dicunt. Diversis sanè materierum generibus opus erat, ad extruendam aut reparandam animæ domum, aliarum quippe partium alia natura est, diversum adeo nutrimentum exposcens. Animalis spiritûs, nervei succi, lymphæque cum sanguine cohobatio, vel ad eum recursus, iteratæ mixturæ spectaculum offert, eaque restitutione liquiditatis, fermentationis & circulationis causæ cruori redduntur. Aer in pulmone cum humoribus mixtus illis operationibus admodum opitulatur, utpote tenuissimus, mobilissimus & idem mirum in modum elasticus. An in capite, nova sanguinis cum aere per nares & os æthmoides mixtura fiat, ad novam animalis spiritûs materiem ministrandam, adhuc sub judice lis est. Offici sanè cribri foramina tam os succingente tunicâ, pericranio, quàm vasis, quæ trans-

transmittunt, occlusa sunt, ne patentem aditum aeri præbeant. Corpus quidem perspirabile, *πάνπνεον*, ab Hippocrate cluit, attamen ea senis mens non est, ut singulas ejus partes hac sententiâ complectatur, ut per arterias, venas, lymphatica vasa, sexcentosque ductus alios, *πύρρον*, id est, perfluum, est, ita per bronchia, pororum spiracula, nervosque, *πάνπνεον*, id est, perspirabile. Sed enim per solidum penetratio non datur, secùs duo corpora locum unum & eundem obtinerent. Ergò verisimilius est aerem, qui spiritûs animalis materiem partim suppeditat, in pulmone cum sanguine mixtum ad caput, per carotides & vertebrales arterias, ascendere, non per cribriformis ossis foramina cerebrum subire. Sed in hoc supremo viscere sanguis cum ammoniaco sale, qui spiritum acido ligatum aut captivum manumittit, misceri creditur. Putrescens certè cerebrum acris salis ammoniaci odore nasum percellere videtur. Similis est saltem renum illo sale scaquentium odor, ibique sanguinem cum eo misceri dubium non est, cujus mixturæ commodum dissolutio est, quâ

quâ ferum facilius, per Bilfii canales, fluit, ab acido, quem alkalinus ammoniaci sal vincit, quasi manumissum. Sed hoc exemplum cum ad naturalem provinciam pertineat, per transfennam delibatum velim, quandoquidem in animali diæcesi nunc versamur, in quâ præclarus Willisius alteram mixturam aut exploravit, aut finxit. Arterialem enim succum in musculi gremio cum animali spiritu, nerveoque succo miscet, ad elasticam explosionem, quæ validus motionis elater sit. Idcirco nitrosulphuream cruoris mixturam animalis spiritûs igniculo succendi retur, qui trium materierum concursus Willisianus triumviratus dici posset. Cæterum, hic ad animale ditionem accedit, cum Sylvianus naturalis regionis sit; ad vitalem acceptus referendus est liquidorum concursus, quem pectus celebrat, quum aer, sanguis & lympa, cum in pulmone, tum in corde miscentur, ad vitale mysterium. Nec eam hic memoro lympham, quâ pericardium madet, sed eam quæ cordis in ventriculis cum cruore confluit.

Sic solemniissimas liquorum mixtiones in tribus animalis æconomiae provinciis,

vinciis, tanquam canis Nilum, delibavi, minùs notas, minùsve certas consultò prætermittens. Prisci physiologi, puta, virile muliebreque semen in utero miscent, ad embryonis fætûsque formationem; at Herveus opinionem illam haud palearibus argumentis confutavit. Dum in hepate, splene, reneque bilem, melancholiam serumque Natura separat, quidam acidum lienis & pancreatis succum cum venæ portæ cruore jam mixtum venæ cavæ sanguini remiscunt in jecore, sulphurææ fæcis præcipitandæ causâ. Unum certè humorem, nempe bilem in hepate, Natura separat, at multos commiscet, nempe diversos cavæ, portæque sanguines, unâ cum arteriali, qui justo tardiores venosum acceleret, lympham, quam lymphaticorum vasorum truncus eodè affundit, ac animale spiritum, nerveumque succum, ad juvandam in miro vasorum labyrintho circulationem. In liene majorem animalis spiritûs nerveique laticis vim cum crasso sanguine Natura miscet, quàm in hepate, quod multò pauciores nervos obtinet, ad circuitûs facilitatem & salis fixi mitigationem, ne

petuis obstructionibus, aut ulceribus viscus illud laboraret. In renibus, præter ammoniacum sale, cujus jam meminimus, nigrum glandularum atrabiliarium succum nephriticarum articularum sanguini quidam admiscunt, ad promovendum feri à sanguine secessum. Sed mixturas illas, consultò miscas fecimus, utpote valde dubias, aut manifestè falsas. Materni sanguinis cum infantili, per venam hepaticam, mixtionem, non ut incertam quidem, sed ut obsoletam in animali nato, pariter omisimus. Vitalem aut animale æconomiam sexcentis liquorum mixturis constare jam ex præmissò sermone constat; Tot & tanti humorum confluxus, ne dicam confusiones, vel coluvies, eatenus miscellanea dici possunt, quatenus id nominis sonat quæcunque ex variis dissimilibusque rebus commista sunt, ut sanguinea massa, quam admodum eterogeneam esse palam est, siue varias alimentorum species, ex quibus confit, siue diversos succos, ex quibus constat, siue varia elementa spectes. In eam verò miscellaneorum nomenclatura non quadrat, quatenus id significat quod ex variis rebus nullo ser-

servato ordine commistis conflatum est. Deus enim, ejus author, ordinis amantissimus, idemque gnarissimus cum sit, ejus opera nec confusa nec inordinata sunt, ut quædam hominis opellæ, quas miscellanea dixerunt; Quo sensu Romanis miscellanea spectacula cluebant, ubi nullus sessionum ordo servabatur. Ubi verò diversi humores in unam massam confluunt, arcanus quidam ordo, qui vel perspicacissimos latet, invictus observatur, etsi, velut confusum in acervum, coeant. Hactenus microcosmus macrocosmo dissimilis non est, nam utrinque liquores innumeri permiscentur, ad exequenda sapientissimæ Naturæ consilia. Qui colorum, aut aliarum affectionum mutationes ab illis confluviis obortas cerneret, is amænissimum menti spectaculum offerret, cujus specimen satis mirabile chymia suis in officinis præbet, dum varios liquores miscet, quas physicæ amænitates in Boilianis experimentis, potissimum in tractatu de coloribus, suspicias velim.

Plures alios chymix processus persequi liceret, ut easdem, aut certè similes operationes in animalis corpore,

ac chymicis in officinis, fieri liqueret  
verùm hujusce theorematís, quod pro-  
bandum suscepéramus, veritas, ex  
præmissâ diatribe, chymiaëque natura-  
lis & artificialis parallelo, fatís & su-  
per innotescit.

Utriusque chymiaë præcipuum in-  
strumentum est ignis, cui consideran-  
do sequens caput ideo destinamus.

### *De igne hujusque gradibus.*

**A**ῥιστον μὲν ὕδωρ, αἰθόμενον πῦρ, inquit Pin-  
darus, id est, optima res est aqua,  
ignis verò ardens & urens, Ἀῤῥιστον μὲν πῦρ,  
inquit chymicus artifex, cujus ars ignis  
ope semper opus habet, utpote quo,  
ceu præcipuo instrumento, utatur,  
unde pyrotecniâ dicitur, quasi dicas,  
ars ignea. Quocircâ Naturam Ars imi-  
tatur, ut enim in artificiali, sic & in  
naturali chymia, citra caloris auxilium,  
operatio nulla fieri potest. Cælestis &  
terrestri ignis vi plantarum germina-  
tio, progressus, & sæcunditas fiunt.  
Argente quippe Naturâ, nullum ve-  
getale nascitur, aut certè nec frondem,  
nec florem, nec fructum edit, intesti-  
no

no quippe fucci vegetalis motu, vel sublimatione, quam calor ciet, illi Naturæ processus celebrantur. Quapropter bruma pleraſque omnes plantas aut interimit, aut foliorum, non ſolùm fructuum & florum honore ſpoliat, atque bonam animalium partem interficit, vitalem eorum ſpiritum extinguendo, vel humorem coagulando, ne partibus indigis distribuatur. *Æſtuat ut clauſis rapidus fornacibus ignis*, ex Virg. 4. Geog. Sic & in animalis furnis, vitalis ignis ardet, unde fumus, qui per os & nares exhalat, proficiſcitur. Hinc exardeſcit amoris & iræ flamma. Hinc miſella Dido

*Vulnus alit venis & ceco carpitur igne,*

quippe quem diſſimulatione tegeret. Huc pertinet Columellæ carmen, quod l. 10. legitur,

*Ante amor igneſcit menti ſavitque medullis.*

Amoris objectum, quod amantis peſtus accendat, ignis vocatur à Marone, Terentioque; Prior quidem ita cecinit, 3. Eclog.



*At mihi sese offert ultrò meus ignis  
Amyntas;*

posterior verò, in Andr.

*Accede ad hunc ignem & incalesces  
plus satis.*

Iram, non tantum amorem, viscerum  
& sanguinis incendium esse, familiari  
loquelâ perspectum est. Irascentis Ho-  
rati bilis urit jecur. Iracundos Ætæ  
tauros Ovidius sic describit, in epist.  
ad Medeam,

*Quorum terribilis spiritus ignis erat.*

Eadem mente Virgilius 9. Æneïd se-  
quens carmen insequitur

*Haud aliter Rutulo muros & castra tuenti  
Ignescunt ira.*

*Me miserum! vix sum compos animi,  
itâ ardeo iracundiâ,*

inquit Terentius in Adelphis. Mor-  
bus, qui sacer ignis vocatur naturam  
igneam animalibus inesse testis est.  
Hujus Virgilius meminit, in Georgicis,  
hisce vocibus.

*Contractos artus sacer ignis edebat.*

Postremo febris est sanguinis incandes-  
centia,

centia, quare pro febricitanti Apuleius dixit, *arore febrili æstuans*. Tum hercle vivens fornax vehementiùs æstuat. His ignea vis animalis satis superque patescit. Ignis porrò naturam & artem juvat, mediocri gradu, qui singulis operationibus convenit, cum modum excedens gravissimè noceat, ut *Ἀιθόμενον*, à Pindaro, non insulsè, dicatur & *Ἀπόλλων*, aut *Ἀπολλύων*, id est, destructor, à Poetis, catenùs cluat. Graduum ergo diversitate conciliari possunt contrariæ sententiæ, quarum altera laudat, altera vituperat ignem.

Id nominis, apud nos, quemcumque calorem sonat, sive naturalis sive artificialis sit, quæ tamen genera coincidunt; artificialis enim ignis à naturali, tantùm accensionis modò, discrepat. Huic igitur divisioni diutiùs non inhærentibus extrinsecos ignis modos, quibus artificialis chymia utitur, persequi satis erit, ut naturalem Chymiam in animalis corpore celebratam similibus uti pateat. Plures autem calefaciendi rationes à Chymistis vulgò recensentur, nimirum ignis mediatus aut immediatus, hic verò vehementior aut acrior est quàm ut animalis naturæ

conveniat. Mediatuſ verò multiplex eſt , nimirum inſolatio, ignis fimi, aeris, lampadis, vaporis, balnei Mariæ, cinerum, arenæ, ferri. Nudus ignis, quod alterum diviſionis membrum eſt, rotæ, ſuppreſſionis, reverberii, flammæ, vel fuſionis, tandemque vitrariarum fornacum ignes complectitur. Horum modorum rationes & exempla nunc in animali quæramus.

Nudus ignis acrior eſt quàm ut animal ejus acrimoniæ ferendæ par ſit, citrà miram quandam prophylaxim, quam in agyrtâ quodam Anglo torres aliasque materies ardentes voranti Luſeticiæ mirati fumus. Attamen mera flamma cucurbitulas, aut moxam patientibus admovetur, vel quum ulcus, caries, aut vas apertum uritur actuali cauterio, quò ſequens Hippocratis ſententia pertinet, *Quæ pharmacum non sanat, ea ferrum sanat, quæ ferrum non averruncat, eadem igne curantur*, ſubaudiuntur ulcera vel caries. At enim hic ignis uſus extrinſecus tantum eſt, intrinſecus verò licitus non eſt, niſi medio mitigetur. Viſcera quippe teneriora ſunt quàm ut igni nudo tolerando ſint.

Sed

Sed mediatorum ignium species, aut modos, quibus eorum acrimonia mitescit, jam enumeravimus, at eosdem singulatim, in animalis officinâ nunc investigare nobis animus est. Insolatio mitissimus est calefaciendi modus, quo cunctæ animantes gaudent teste Diogene Cynico, qui nil aliud Alexandrum Magnum rogavit, Regis umbrâ tectus, nisi ut solis radios, quos ei corporis opacitate demebat, sibi restitueret. Solari nimirum igne, quem aer moderatur, externum frigus arceatur, aut lenitur, corporis habitus fovetur, humor calefit atque fermentescit, frigore torpens spiritus excitatur atque vigescit. Haud aliter succorum vegetaliû extortorum fermentatio promovetur insolatione, cui vitrea vasa succos capientia objiciuntur, non secûs ac animalis corpus, quod in aere, quem sol calefacit, versatur, ut ejus latices cælesti radiorum igne calescantes, leni fermentatione, vigeant atque defæcentur. Hinc est quòd, sæviente brumâ, vivens Natura langueat, negato solaris ignis auxilio, quo cunctæ Chymix Naturalis operationes adjuvantur, ac redditâ solis ope, cæteris

tem.

tempestatibus, quasi revivifcat. Huc aeris ignis pertinet siquidem insolatio nihil aliud est quàm calefaciendi corporis expositio aeris partibus igneis onusto, vel calenti. Bisariam autem arte fit, vel ignem vasi aera continenti subdendo, vel vas ipsum in calidâ fornace reponendo. Priorem rationem Batavæ mulieres imitantur, quum hypocaustula pedibus subjiciunt, ut asperum frigus arceant. Tunc enim tam internus quàm externus earum aer cum sanguine calefcit. Posterior calefaciendi modus in visceribus conspicitur. Hæc enim in capite, thorace vel abdomine, velut in calidis fornacibus reposita sunt, ut eorum calori consulatur.

Post istum aeris calorem, aut insolationem, mitior calefaciendi coquendive ratio non suppetit, quàm ignis fimi, cujus clementiam chymistæ tantoperè decantant, cuique similem in abdomine comperias, ad alimentorum coctionem, chyli distributionem, & aliorum humorum in illa viventis corporis sentinâ circuitum. nec non ad alias operationes. quas Naturales Medicus dictitare solet. In primis ventriculus

trculus intestinis oleo plenis incum-  
bit, ut hac ollâ naturali contentum  
jus bulliat & decoquatur. Eandem ob  
causam, intestina tenuia crassioribus  
insident, quo situ de stomacho delapsi  
chymi coctio promovetur. Crassiorum  
humorum circulatio calentis stercoris  
fotu celeratur. Si fimus extûs residens  
ultra sic incalescat ut immerfa manus  
ejus fervori ferendo non sit, aut ferrea  
virga, quam aliquantisper ibidem in-  
fixam detinueris tangentem urat, quan-  
tò magis atque faciliùs effervescent fimus  
in animalis fornace, quæ multò magis  
calet, ac quam intemperantia ignivo-  
mæ Chimæræ similis calefacit? Quo-  
tiès extrinsecum fimum exardescere,  
imò flammescere video, ne nostris in  
intestinis latens ignescat summopere  
vereor. Nec vanus esset metus, nisi  
cæco fomiti aeris auxilium negatum  
fuisset. Fimetum à Gallis dicitur, un  
fumier, quòd densam fumorum nubem  
incalescens emittat. Fumus autem la-  
tentis ignis index est. Hoc foco, quem  
ignis fimi calefacit, naturales operatio-  
nes, chylosis, æmatosis, sanguinis de-  
fæcatio, nutritio, nec non accretio,  
generatioque perficiuntur. Hoc instru-  
mentò

mento potissimum ad digestionem, cuius nomen nutritii succi præparationi fuit inditum, chymicus artifex utitur.

Haftenùs ignis fimi, cui lampadis ignis, utpote lenissimus, substituitur, ab iis præsertim, qui universalis medicinae disquisitioni student, in operationibus diuturnis, quibus æquali calore semper opus est, putà, digestionibus aut fixationibus. Lampadi cor sæpiùs assimilatum fuit, oleo sanguis, quo vitalis ignis pascitur & ardet, præsertim in pectore, principe vitæ foco, quem Vestæ facellum Ethnici dicerent. Ad accendendum nitro sulphureum cruoris fomitem Natura, per pulmonis folles, aerem in sinistrum cordis ventriculum insufflat. Sic mira cordis lucerna jugiter ardet, quamdiu vita durat. Sic universas operationes, quas vitales dicunt, adjuvat, igne mediocri, ferè æquali, quamvis augeri, vel minui queat, pro vasis, ellychnii, vel olei quantitate. Cordis cavitas vasi similis est, ellychnio cruoris exeuntis projectus, sanguis oleo, cuius instar sulphureus aut pinguis est. Universalem medicinam quærentes in diuturnis digestionibus lampadis ignem aliis antepo-

nunt.

nunt. Optimus cruor, quem in corde Natura coquit, maturat, atque perficit, panaceæ nomen eatenus meretur, quatenus omnium morborum curationi prodest. Diuturna verò digestionem, quam vitalis ignis promovet, summum perfectionis apicem assequitur.

Lampadis calori vaporis ignis à Chymistis subrogatur, utpote mitissimus, licet minus æqualis sit. Hoc autem ignis genus animalis officinæ non deest, quippe cujus corpus haud ab simile fit lebeti, succis bullientibus pleno, densamque vaporum nubem emittenti. Sanguis ipse cordis in ventriculis calefcens effervescens ac summè rarefcens tantum non vaporescit, non secus ac humor, quem in candens crucibulum infundas. Porro vitalis ignis sic accenditur, & in universum corpus diffunditur. Cum tamen aere, quem pulmonis follis in cor jugiter insufflat, foveatur, aeris ignis hætenus appellari potest. Utroque vivens hypocaustum, ceu stufa, calefit Princeps ejus focus cor est, in quo Regius & Hogelandius, post Cartesium, insitum ignem ardere sentiunt. Pectus equidem præcipua chymicæ Naturalis fornax est,  
cum



cum tamen sanguis, qui nulli corporis regioni deest, potissimus vitalis ignis fomes sit, tres chymiae Naturalis officinae, vel fornaces, recenferi possunt, nimirum abdomen, pectus & caput, quorum thorax princeps habetur. Hinc potissimum vaporis ignis in reliquos microcosmi tractus proficiscitur, velut in tritægum vaporarium.

Ignis modus, quem balneum Mariae Chymiatri vocant, vaporis igni proximus est, cum vapor nihil aliud sit quam rarefscens unda, quae praelaudati balnei materiem ferè præbet. Calens animalis humor hic aquae locum obtinet. Sanguis spontaneâ fermentatione calefscens totum corpus, ac præsertim viscera, quasi Mariae balneo, calefacit. Hoc autem caloris regimen, utpote clementissimum, almae Naturæ, quæ mediocritati summoperè fludet, aprimè conveniebat. Idcirco nullo membrum reperiatur, quod suo Mariae balneo non gaudeat, ferventi sanguine delibutum, quod de visceribus, seu cruoris fontibus, aut lacubus, in primis dictum velim. Ad parandas tincturas, circulationes, digestiones,  
&

& distillationes, hic ignis modus aptissimus habetur. Similes autem operationes in animalis corpore celebrari jam ex prægressâ diatribê constat. Cæterum, Mariæ balneum vaporis igne tanto validius est, quanto densiorem materiem obtinet. Ignis vaporis in arteriis, Mariæ balneum in venis versatur, juxtâ pristinæ Icholæ mentem, ex quâ nil præter vaporem, aerem, aut spiritum arteriæ capiunt, cujus erroris monumentum est vasorum illorum nomen.

Et aliis caloris moderaminibus chymicus artifex utitur; hinc ignis cinerum, arenæ, chalybeæque limaturæ, quibus similes materies, aut ignes, in animali non offendas, quamvis hypogastrium cinerarius animalis focus tropicè dicatur, quòd, velut ima pars mæta stillatitiæ, cui vivens corpus assimulant, adustissimam humorum sæccem, velut cinerem, excipiat. Arena quidem in renibus & vesicâ fingitur sæpiusque residet. Sed ejus formatio Naturæ potius error, quàm consilium est, nec ad vitalis caloris moderamen quicquam conducit, nec adeo præsens ad argumentum pertinet, quanquam ignis arenæ

hæ dici possit calida renum intempéries arenæ genefi fenestram aperiens. Semper enim in justo calidioribus renibus arena formatur. Acriores sunt hi calefactionis modi, quàm ut animalis Nauræ, quæ nil violentum patitur, congruant, nedum ignes rotæ, suppressionis, reverberii flammæ, vel vitrariarum fornacum eidem utiles essent. Attamen ignis rotæ similitudo conspicitur in visceribus, circà quæ, ceu torres, alia sita sunt, ut circumdatum membrum calefaciant. Hepar, splen, addextram & ad sinistram, diaphragma sursum & intestina deorsum stomachum, e. c., ceu prunæ, circumcingunt, quò ciborum coctio, vel dissolutio promoveatur. Ventriculus enim, ceu vas digestionis, sic inter illa membra positus est, ut eorum calorem excipiat. Ejusdem ignis fusionis cognomen sibi vindicare posset, cum ejus ope cibaria fundantur, aut dissolvantur, catachresis tamen esset, cum usus, *quem penes arbitrium est & jus & norma loquendi*, sic invaluerit, ut ignis fusionis vehementissimum ignitionis gradum, quo metalla funduntur, sonet. Ignis quoque reverberii vehementior est;

est, quàm ut animalis corpus ei tolerando par sit, ubi tamen ignea vis ab infernis visceribus ad caput, per ascendentes arterias, grassatur, ibi meningum & cranii durioris obicem offendens in cerebrum reflectitur, ac quasi reverberatur. Spiritus & sanguis, quos inferiores anthliæ sursum pellunt, adjuvante viscerum igne, simul ac ad stillatitiæ metæ fastigium ventum est, deorsum circulando resiliunt, igne reverberii, vitalis enim aut animalis ignis humores circumducit. Porro duplex ignis reverberii recensetur, nempe clausus & patens. Animalis autem ignis ad priorem tribum pertinet, nam intrâ corporis claustra latet. Unde cæcus, id est arcanus, à poetâ dicitur, carmine sequenti, *Vulnus alit venis & caco carpitur igne*, quo quidem amatorius designatur, at amoris & vitæ flammæ gradu tantùm diversæ sunt. Nec vitæ principium à flammâ tantoperè discrepat. Unde scintillæ, quæ felis in dorso micant, quum adversis pilis fricatur. Indidem & flammæ, quæ virorum è corporibus prodierunt. Nihilossecùs animalis ignis longè dissimilis est ei, quem Chymistæ dictitant ignem flam-

mæ , cum hic ab eo diversus non sit ,  
 quem & fusionis ignem cognominant.  
 Vehementior enim est quàm ut Natu-  
 ræ mediocritatem ambienti conveniat ;  
 aut ab instituto naturali certè desciscit ,  
 quum cruoris oleum , aut liquidum  
 sulphur , non secùs ac terebintinæ spi-  
 ritus reverà flammescit , in phrenesi ,  
 si Willisio fides adhibeatur. Pingues  
 sanè materias inter destillandum , ignes-  
 cere videas , quotiescumque justo ve-  
 hementior ignis eas urget. Quominùs  
 sanguis plurimo sulphure scatens , in-  
 causo , flammescat quid , quæso , veta-  
 ret ? Verumenimverò nunc ignes , qui-  
 bus animalis natura uti solet , non eos ;  
 qui præter naturam accenduntur , in-  
 vestigamus. Willisianus de sanguinis  
 accensione tractatus innuit in cruore  
 germanum ignem accendi , quo chy-  
 mia naturalis neutiquam carere potest.  
 Flammeus verò non est , utpote mix-  
 tus cum humoribus , per quos flammæ  
 micare non licet. Sic ignis cum aquâ ,  
 quæ calefit , miscetur , & in ejus gre-  
 mio latitat. Sanguis ipse vitalis ignis  
 fomes est , utpote sulphure nitroque  
 refertus , prius à pinguibus cibis , po-  
 sterior ab aere , quem intùs pulmo du-  
 cit ,

cit, mutuans. Nitrosulphureæ copulæ, si scintillam subdas, mixtura flammescit. Animalis verò spiritus flammæ vice fungitur, ad cruoris accensionem, pulmones, ceu folles, aereum pabulum insuflant, præcordia foci rationem habent. Hi sunt microcosmicæ Vestæ lares, hæc chymicæ naturalis officina, sic vitalis ignis, princeps ejus instrumentum, accenditur. Ergo vitæ principium ignis est. qui præsertim in pectore suscitatur, ubi sanguis accenditur, potissimum in corde, pulmonis follibus aerem insuflantibus, ut in fabrilibus officinis, domesticisque focis excitatur. Hinc mors extinctio dicitur à Cicerone 1. Tuscul., ubi sic locutus est; *Nam si supremus ille dies non extinctionem, sed commutationem affert loci, quid optabilius?* Indidem est quod extinguere sit occidere. *Cælestes animas unà cum corporibus extinguunt*, inquit Lactantius, lib. 3. Terentius, in Adelphis, hæc habet; *Seni animam primum extinguerem ipsi*. Virg. 4. Æneid. eâdem usus est metaphorâ, sic effatus,

*Implestemque foros flammis natumque  
patremque*

*Cum genere extinxem.*

Secundùm Ciceronem , de Senect.  
*Extingui, hoc est, mori homini, suo tem-  
 pore, optabile est. Ex eodem de Nat.  
 Deor. refrigerato & extincto calore occidi-  
 mus ipsi & extinguimur. Refocillandus  
 est igitur fomentis vitalis fornacis ignis.*

### *Chymia Naturalis furni vel fornaces.*

**F**URNUS differt à clibano, quòd cli-  
 banus mobilis sit & quasi parvus  
 furnus, qui duo characteres in anima-  
 lis corpus aptissimè quadrant, est enim  
 gradivus exiguusque clibanus, vel, sis,  
 torum animalis corpus velut hypocau-  
 stum est, hujus triplex occurrit for-  
 nax, scilicet, abdomen, pectus & ca-  
 put. Hinc enim calor, quaquaver-  
 sum dimanat. Abdomen fimo, quem  
 recondit, præsertim calefit pectus san-  
 guinis accensione, quam aereus fomes  
 excitat, nec non fermentatione, quam  
 pulmonis, cordis, & arteriarum systole  
 diastoleque, quibus humor ille subigi-  
 tur attenuatur, calefcitque, spiritibus  
 salibusque volatilibus excitatis. Supre-  
 mus viventis hypocausti furnus caput  
 est,

est, unde spiritus animalis, præcipua  
caloris causa, labitur. Thorax & ca-  
put furni sunt, quos Anemios Chy-  
mistæ vocitant, quippe qui vel aere,  
vel spiritu, ceu vento, pleni sint, au-  
strum, sive calidum flamen undiqua-  
que spirantes. Nihiloscùs, calefacien-  
di ratio mediæ fornacis, id est, tho-  
racis propria balneum Mariæ, supre-  
mæ verò insolationem similitudine re-  
fert. Totum quippe corpus sanguine,  
quem pectus quaquaversum diffundit,  
velut undâ calenti, spiritu, quem ce-  
rebrum ministrat, ceu radiis solaribus,  
incalescit. Ut fornaci, sic animalis cor-  
pori spiramenta sunt, quæ nostrates  
ab ignis gradu regendo vocitant *Re-  
gures*. Nares spiramina \* *Lucanus*  
nuncupavit, sequenti versu,

*Hic aures, alius spiramina naris adunca  
Obruncat.*

Lucano § Statius concinit, sic effatus,

*Ignis sic animal reficit spiramina fessi.*

† Plinius consumali nomine poros  
Z 3 deli-

\* Lib. 2. § Thebaid. lib. 12. † Lib. 32. cap.  
6. 1. Georg.



designavit, non secus ac Virgilius sic  
modulatus,

*Seu plures calor ille vias & caca rela-  
xat Spiramenta.*

Hiscæ spiraculis os addere convenit,  
nam per tres illos aditus aereus vitalis  
ignis fomes inducitur. Hoc naturæ  
mysterium celebrasse videntur Roma-  
ni Mystæ fornacem consecrando, re-  
ferente Nasone,

\* *Facta Dea est fornax, lati fornace  
coloni.*

Næ, vitalis ignis θεῖον τι redolet aut  
præ se fert. Hunc Vulcani Vestæque  
nominibus idololatræ coluerunt. A-  
pollo Phæbusque solarem ignem,  
qui vitalem refovet, significabant.

In quavis fornace focum, craticulam  
& cinerarium distinguas. Vivæ fornacis  
focus thorax, septum medium quasi  
craticula, cinerarium alvus est. Stilla-  
titix verò metæ similitudo concinnior  
videtur, in quâ cinerarium est hypo-  
gastrium, focus epigastrium, vas de-  
stillandum

\* Lib. 2. Fast.

stillandam materiem continens pectus  
alembici culmen caput est, quamob-  
rem summa metæ stillatitiæ pars capi-  
tellum à barbaris vocatur. Nunc verò  
circa furnos præcipuus orationis nostræ  
cardo versatur. Totum porrò corpus  
fornaci, quam Arabes Tannaron, aut  
Athamor dicunt, simillimum est. I. Ibi  
quippe fiunt operationes, quibus me-  
diocris caloris gradus sufficit. Anima-  
lis verò machina vehementiori ferendo  
non est, utpote valdè fragilis atque  
flammabilis. II. Adhæc, operationes,  
quibus vita constat, igne violento vi-  
tiarentur, nedum ritè perficerentur.  
Hoc furni genus Græci vocant, *ἀνδρίς*,  
quasi dicas, artificis curæ parcentem,  
quapropter Piger Henricus ab aliis cluit,  
ab authoris nomine, pigritiæque, cui  
favebat, quippe quo mediante multis  
simul operationibus tantum non incu-  
rius fungeretur. Permulti sanè pro-  
cessus chymici, nobis insciis, nedum  
sollicitis, in corpore nostro peragun-  
tur arte divina, non philosophicâ tan-  
tùm industriâ, propterquam furnus  
Philosophicus, ut Attamor, dici me-  
ruit, namque divinam authoris sapien-  
tiam prodit. III. Tandem arcano-

rum furnus à chymistis Athanor audit, quod nomen & in animalis corpus appositè quadrat, utpote cujus in visceribus sexcenta mysteria lateant, adeo sunt occultæ Naturæ viæ, nec non operationes. Plures furnos eodem igne calefacere simul Athanoris authoribus propositum fuit. Hæc etiam hujusce fornacis proprietas animalis corpori competit, quippe cujus tres furni sanguine spiritumque, velut eodem igne, calefant; vel, sîs, ita siti sunt furni tres, ut imus superiores calefaciat, abdominis enim fimus, non ibi tantum inclusa viscera, verum etiam pectus & caput fovet, non solum calefcenti fimeto, verum etiam succorum contentorum fermentationibus, quæ fervorem conciliant. Sic unus & idem ignis tres fornaces calefacit, ut Athanoris ratio postulat.

Etsi reverberii furnus ignem vitali longè vehementiorem flagitet, id tamen nominis animalis fornaci congruit, quatenus in capite, pectore simul & in abdomine reverberatum ignem offendimus. In abdomine quidem medium septum calidos halitus, aut vapores in thoracem ascensuros deorsum reverberat,

rat, ad augendum infernorum viscerum calorem, neve sanctum vitæ sacellum illa mephiti sordesceret. In pectore cruor ad cor delatus deorsum reflectitur, ut vitalem ignem in plagis infernis refoveat. In capite tam animalis spiritus, quàm nerveus succus & sanguis meningibus & cranio quadamtenus reperiuntur, ut in subjectas partes iterum descendant. Hæc porro liquida vel spirituosæ, cum oppidò caleant, reverberii totidem ignes sunt. Furnus igitur in quo reflectuntur, videlicet animalis corpus, reverberii cognomine dignissimus est.

Portatiles quoque furni, quibus animalium corpora persimilia sunt, à Chymistis, commodi causa, struuntur. Ex præmissis furni ratio satis & super innotuit, ibi quippe materies ad nutriendum aptæ, velut in fornace coquuntur. Cur verò portatiles dicantur animati furni non quærent qui gradivas illas machinas vel tantisper consideraverint. Pedibus enim tibiis & cruribus, ceu grallis, innituntur, ut huc & illuc portari queant, calefaciendæ fornacis fomitem, id est, alimentum quæsituræ.

Denique lucernæ furnum chymiae proceres summopere laudant, ob mitissimam caloris mediocritatem, qua gaudet animalis corpus, cujus cor lampadi jam assimilatum est. Imò totum corpus lucernæ dissimile non est; cruor oleo, quo lucet & ardet, persimilis existit. Cum verò de furnis hic habeatur sermo, furni potius, quàm lampadis similitudo hujusce loci est.

In furno sanè nihil occurrit, cui simile quiddam in animalis corpore non obvium sit. Furni notissimus usus est, videlicet ad materierum coctionem, caloris gradum ex artis intento, moderari. Sic animalis corpus exstructum est, ut vitalem ignem, ceu vestæ facellum, fervet, ejusque modum regat, ad ciborum coctionem, aliasque sexcentas humorum aut spirituum præparationes. Idcirco liber aditus in furnum aeri patet, per fenestellas, quas chymica barbaries registra vocitat, quoniam ignis vim pro artificis consilio regunt. Nares, os, sexcentique pori, quibus animalis corpus pervium est, totidem spiracula, ne dicam, regimina sunt, quæ justum aeris demensum ingreditur, ceu vitalis ignis fomes, quo negato, vitæ flamma restingui periclitatur.

riclitatur. Caminorum quoque vicem gerunt, quatenus fumos è bullientibus humoribus surgentes foras emittunt. Bifariam enim aut trifariam ignis extinguitur, vel quia fumis, quæ exitus præclusus est, suffocatur, vel quoniam aer ei subducitur, non solum quod obruatur undâ, vel alio quovis corpore, per quod flammæ surgere non licet. In Athanore turrim, cui simillimum est hominis corpus, suspicias velim. Offica crates, qua ventres præmuniuntur, furni parietes, ventres ipsi triplicem cameram mentiuntur. Ibidem latentia viscera vasa, quibus chymicæ materies præparantur, similitudine referunt. Verum hæc sequentis capitis argumentum erunt.

*Chymicorum vasorum similitudo cum corporis membris.*

**I**N ore, velut in mortario, vel molâ, dentibus, ceu totidem pistillis, aut moleculis conteruntur, aut contunduntur. Stomachus ad lagenam bicollem, quam nostrates dicunt, un matras, à deux bouts, proximè accedit. Vas illud bi-

fore nutritionis materiem macerandam  
 & decoquendam capit, dividit, ac dis-  
 solvit. Intestinum tenue canalis est in-  
 tortus, quem chymico stylo serpenti-  
 num dicas. Hepar, lien, pancreas,  
 renes, thymus, cerebrum, universæ-  
 que glandes totidem quali sunt, quo-  
 rum usus chymistis creberrimus est.  
 Vesica destillatorio vasi, quod Reci-  
 piens nuncupant, haud insulsè compa-  
 ratur, quippe quæ per ureteres stilla-  
 titium renum laticem recipiat. Ute-  
 rus est inversum matrarium ei parum  
 ab simile, in quo Dianæ arbor forma-  
 tur nam embryon zoophyton meritò  
 vocatur. Vas est digestionis, non so-  
 lum vegetationis, fimo partim immer-  
 sum. Masculeus testis, non modò vas  
 hederiforme, intricatissimus serpenti-  
 nus est, ne dicam labyrinthus, quæ de-  
 lineatio cunctis animalis vasis commu-  
 nis est, utpote quæ quaquaversum obli-  
 què serpant, anguium ad instar. Biven-  
 trè cor gemellum est crucibulum, quod  
 pulmonis follis jugiter insufflat, ad vi-  
 talem ignem accendendum in pectoris  
 foco, qui totum corporis hypocæustum  
 calefacit. Thorax ipse, velut olla,  
 vel viventis alembici cucurbita destil-  
 lan-

standam materiem continens. Geminæ  
 cordis cavitates vasis, quæ Chymia Pe-  
 licanos vocat, assimilandæ veniunt,  
 quatenus humor ex alterâ in alteram  
 circumeundo migrat. Arteriarum &  
 venarum anastomosis, sive mediata sive  
 immediata sit, similem speciem in ani-  
 mum injicit, quodd maturandus sanguis  
 ex his in illas circulando meet. In ca-  
 pite non modò metæ stillatitiæ cul-  
 men, & æolipilam, verùm etiam alem-  
 bici refrigeratorium pelvem, nec non  
 sexcentos fibrarum vasorumque sangui-  
 ferorum serpentinos mireris velim. Ce-  
 rebrum, quod pituitæ metropolim pris-  
 ca medicorum schola, sacer author am-  
 phoram dicebat, refrigeratorii vice fun-  
 gi potest. Ad lintea madida, quæ de-  
 stillatores alembico, refrigerii, vel con-  
 densationis ergo, imponunt, similitu-  
 dine meninges accedunt Triventre cor-  
 pus, non modò tristegum alembicum,  
 verùm etiam sublimationis turris est,  
 ei persimilis, quam ex impositis ollis,  
 Aludels Arabicè dictis, chymistæ stru-  
 unt. Venæ quæ spiritum animale in-  
 de destillatum rursus per infitos nervos  
 excipiunt, cohobationis vasa sunt. De-  
 mum matrîs & fætus corpora duo peli-



cani sunt ex quorum altero sanguis in alterum circulando transit. Parallelum istud fusiùs persequi cum non expediat, hoc breve comparationis specimen edidisse sufficiat.

F I N I S.

# E R R A T A.

**P**agina 24. l. 6. lege alienæ, non aliena. p. 28. l.  
 19. lege queis, non quæis. P. 36. l. 14. lege ar-  
 teriarum, non alteriarum. P. 46. l. 20. lege inest,  
 non in est. P. 58. l. 5. lege saliva, non salivâ. P. 76.  
 l. 20. lege coquinarium, non coquinarum. P. 84. l.  
 4. deest accentus acutus, in penultimâ syllaba Ver-  
 bi Βαλῆται, nec non in ante penultimâ vocis, εὔροα,  
 cum spiritu leni, qui quoque desideratur. P. 131. l.  
 23. lege ducentia, non ducensia. P. 129. l. 3. lege in-  
 testinorum, non intestinorum. P. 138. l. 14. lege fa-  
 stidium, non fustidium. P. 140. l. 21. lege hanc, non  
 hunc. P. 141. l. 21. lege pomæria, non pomeria. P.  
 159. l. 6. lege tenuius, non tenuius. P. 166. l. 25. lege  
 lautissimum, non lautissimus. P. 181. l. 15. lege  
 torrefiunt, non torefiunt. P. 185. l. 21. lege unda,  
 non nnda. P. 190. l. 5. lege etenim, non & enim. P.  
 191. l. 20. lege humor, non humori. P. 193. l. 5.  
 lege soli, nan Soli. P. 196. l. 16. lege sulphu-  
 reus, non sulphurens. P. 197. l. 26. lege πᾶνπνεον,  
 non πένπνεον. P. 198. l. penultimâ, lege ᾠγονος,  
 non ἔγονος. P. 202. l. antepenultimâ, lege fudit, non  
 findit. P. 213. l. 22. lege siquidem, non si quidem.  
 P. 215. l. 19. lege flatus, non status. P. eadem l. 21.  
 lege decumanæ, non decumenæ. P. 220. l. 3. lege  
 alluditur, non illuditur. P. 230. l. 8. lege pancreatis,  
 non panecreatis. Ibidem l. 12. lege sulphuris, non ful-  
 furis. P. 231. l. ultimâ, lege glandes, non glaudes.  
 P. 238. l. ultimâ, lege hypogastrium, non hypoga-  
 strum. P. 240. l. 22. lege sub, non cub. P. 253.  
 l. 2. lege salia, non solia. Ibidem l. 7. lege calefacit,  
 non calefacit. P. 254. l. 2. lege transcolantur, non  
 transeclantur. Ibidem l. ultimâ lege manens gutta,  
 non manans. P. 254. l. 14. lege crepent, non crepant.

P.



P. 260. l. 18. lege cohobatur, non cohobatur. P.  
261. l. 23. lege sese, non sese. Ibidem l. antepenul-  
timâ lege rectificationis, non rectificationis. P. 266.  
l. 6. lege essentiis, non essentiis. P. 271. l. 5. lege  
steatomatis. P. 271. l. 13. lege excedentes, non ex-  
cedentes. P. 272. l. 5. lege σφαεραι, non σφαεραι.  
Ibidem l. antepenultimâ, lege vehementissimi, non  
vehementissimi. Ibidem l. penultima lege mollesce-  
ret, non mollesceret. P. 291. l. 7. lege subit, pro  
jubit. P. 292. l. 1. lege per multos, non per multos.  
P. 297. l. 22. lege intestinis pro in strinis. P. 315.  
l. 23. lege auras, non aures. P. 316. l. 17. lege mezen-  
terio, non mozentorio. P. 318. l. 23. pro Spiritum  
lege spiritum.















